





Sample No. 10.







Digitized by the Internet Archive  
in 2011 with funding from  
University of Toronto

# ANALECTA HYMNICA

MEDII AEVI.

Herausgegeben

von

Clemens Blume und Guido M. Dreves.

---

XLVI.

PIA DICTAMINA.


## Reimgebete und Leselieder

des

Mittelalters.

---

Siebente Folge.



Leipzig.

O. R. Re i s l a n d.

1905.

PIA DICTAMINA.

---

# Reimgebete und Leselieder

des

## Mittelalters.

S i e b e n t e F o l g e .

Aus


Handschriften und Wiegendrucken

herausgegeben

von

Guido Maria Dreves

S. J.



Leipzig.

O. R. R e i s l a n d

1905.



JUN - 8 1938

10826

## VORWORT.

---

Der Inhalt dieses Bandes der *Analecta* schließt sich an die sechste Folge mittelalterlicher Reimgebete an, die in Band XXXIII in Druck gelegt wurde. Diese neue Folge bietet, was seit dem März 1899 an Reimgebeten und Leseliedern des weiteren weniger gesammelt als gefunden wurde. Trotz der großen Masse des bereits publizierten Materials wird es keine Gattung religiöser mittelalterlicher Dichtung geben, in der es schwieriger wäre, absoluter Vollständigkeit nahezukommen, als diese. Denn diese Lieder sind nicht wie die liturgische Dichtung im wesentlichen auf gewisse Gattungen von Handschriften beschränkt, sondern finden sich vereinzelt in allen Arten von Codices eingetragen, wo sie, falls nicht sehr detaillierte Handschriftenverzeichnisse zu Hilfe kommen, wohl gefunden, nicht aber gesucht werden können. Es kommt ferner hinzu, daß die Linie, welche diese Dichtungsart von andern Gattungen, z. B. der erzählenden oder didaktischen, trennt, eine so flüssige ist, daß es nicht selten schwer fällt, zu bestimmen, ob ein Stück dieser oder jener zuzuweisen sei.

Im übrigen ist zu dem Inhalte dieser Sammlung nichts weiteres zu bemerken. Nur auf das eine möchte ich aufmerksam machen, daß die sieben Cod. Arundel 201 entnommenen Lieder von einem, allerdings unbekannten englischen Verfasser herrühren. Ich stelle deshalb die Anfänge dieser Lieder hier zusammen:

Florens virgo caeli rore.  
Gloriose rex Oswine.  
Lux illucens illustravit.  
O Maria quae stetisti  
Christi virgo Katharina.  
Mitis Agnes quae nupsisti.  
Virgo prudens Margarita



Ebenso sind von einem Verfasser die drei Cod. Bernen. 414. entnommenen Lieder auf die Heiligen Matthäus, Stephan und Maria Magdalena, die auch durch die gemeinsame Bezeichnung als „Salus de beato Matthaео“ usw. auffallen. Es folgt in der Hs. noch ein weiteres, leider stark beschädigtes Lied weltlichen Inhaltes mit der Aufschrift „Salus de vindemia“. Man vgl. denselben Ausdruck Anal. XLVb, S. 86.

Ich darf dieses Vorwort nicht schliessen ohne ein Wort des wärmsten Dankes für unsern verehrten Freund und Mitarbeiter Rev. H. M. Bannister, dem ich, wie der Leser sehen wird, so viele wertvolle Beiträge auch zu diesem Bande verdanke.

München, den 17. Oktober 1904.

**Guido Maria Dreves.**

# DE DEO.

---

BQ  
5253  
.A5  
v. 46



## Ad Horas Diurnas.

---

### I. Hymnus Vespertinus.

- Cursum mundi sol vergentis pariterque hominis  
Designans et metas orbis ac sphaeras volubilis  
Circumlustrans mutat acta conficit et tempora  
Annorum nec non immensa peragit curricula,  
5. Momenta volvens aeterna per aetatum milia.  
Vectus aureo figmento et curru quadriiugo,  
Lucidus in poli centro corporali radio  
Via regia libratum per menses duodecim  
Horas fingit, dies agit, oritur et occidit  
10. Bisque secat zodiacum, binis aequinoctium  
Tangens punctis quadruplatum reddit hemisphaerium.  
Hominis sunt ista, Deus, ordinata dotibus,  
Qui fungit vita diebus pariter et noctibus,  
Iussus, quattuor ditatus te duce virtutibus,  
15. Bina pulsat caelum luce: intellectu, opere.  
Ergo, creator aeternae, pater potentissime,  
Qui per filium tam magnam construxisti machinam  
Atque hominem qui tuam condis ad imaginem  
Quique nobis pignus sanctum dedisti paraclitum,  
20. Miseris in nostra morte sis volens succurrere,  
Quam occasu solis huius anxie recolimus;  
Sed in solis magui morte plurimum confidit us.  
Da nobis te invenire placatum, piissime,  
Cum tibi reddemus flatum singulari vespere,  
25. Qui tempus ad vespertinum post actum diluvium  
Oleae misisti ramum homini praesagium.  
Nam, quando misisti tuum filium carissimum,  
Tale tunc nobis et tantum contulisti oleum,  
Quod omnes praeoccuparet balsamorum guttulas  
30. Et aromatum fraglaret super omnes virgulas.

- Ad cuius iam pedes iacet devicta mortalitas,  
 Cuiusque dono sanatur nostra nunc infirmitas,  
 Et a quo prostrata morte regnat immortalitas.  
 Gloria sit Deo patri, prolique spiritui,  
 35. Deo trino nec non uni, paci, vitae, lumini,  
 Nomini nimirum dulci divinoque numini.

Collect. ms. incertae orig. saec. 10. Cod. Bernen. 584. — 11 redit emis-  
 terium. — 18 homine. — Dieses und die folgenden, derselben Quelle ent-  
 nommenen Lieder, die selbstredend einen und denselben Verfasser haben,  
 habe ich nicht unter die liturgischen Hymnen, sondern unter die Reimgebete  
 eingereiht, da sie trotz der angehängten Doxologie nicht zu liturgischem Ge-  
 brauche, sondern für die Privatandacht bestimmt scheinen. Diese Vermutung  
 gründet sich vor allem darauf, daß über die Hälfte derselben, auch bei allem  
 Enjambement, sich nicht in Strophen abteilen lassen, während doch die Doxo-  
 logien drei-beziehungsweise sechs-)zeilige Strophen zu fordern scheinen.  
 Die Lieder waren also schwerlich für den Gesang berechnet. Vgl. auch  
 Nr. 7 und Nr. 8 Vers 20. — Die Überschriften sind mit Ausnahme dieses  
 ersten Hymnus, dessen Aufschrift ausradiert ist, der Quelle entlehnt.

## 2. Completorius.

- Fluxit ille labor magnus, quem diurnum dicimus,  
 Et redit quietis tempus, quam nocturnam pangimus,  
 Esto nunc, dies aeternae, custos nobis intimus,  
 Qui nescis oriri certe, nescis et occumbere.  
 5. Tu vita, salus et quies, tu sine labe dies,  
 Tu lux perennis piorum, fons, origo mentium,  
 Qui noctem quietis almam tribuis mortalibus,  
 Noctem, inquam, tenebrarum signatricem providis.  
 Eo ductu monuisti spatiando noviter,  
 10. Illam quod divisionem disceremus graviter,  
 Principalem quam tulisti luce atque tenebris,  
 Lucem probans esse bonam cunctisque perutilem,  
 Providenter tenebrarum dirempta caligine  
 Ubi lancem posuisti geminam iudicii,  
 15. Cum lex coepit exarari Moysi temporibus,  
 Exsistens tuis deductor ad promissam patriam  
 Die nubis sub columna, nocte sub flammivoma.  
 Ergo, Christe, tenebrosa tolle nobis opera  
 Sisque nobis nube mitis, non igne terribilis,  
 20. Ut in te nunc aeternumque possimus quiescere.  
 Gloria, laus, honor patri, proli ac spiritui  
 Ex ambobus procedenti ante orsa saeculi,  
 Trinitati laus perenni, unitati perpeti.

Collect. ms. incertae orig. saec. 10. Cod. Bernen. 584. — 23 lux perenni.



3. Mediae Noctis ad nocturnos videlicet hymnos.

- Galli cantu mediante noctis iam caliginem  
Et profundae noctis atram levante formidinem  
Te, Deus alme, rogamus supplicesque poscimus,  
Ut a nobis tollas pie chaos confusibile
5. Erelique chasma pellas, mortis antra conteras.  
Ad hoc nam venisti clemens a paternis sedibus,  
Vigil, potens, lux perennis atque custos maximus,  
Dum tenerent simul cuncta medium silentium  
Redderent nec non mortalem mortui effigiem,
10. Quo nos excitaes, Christe, de somno malitiae  
Redderesque nobis lucem vitae semper comitem  
Atque gratis liberares nocturno de carcere.  
Namque nox signat adversa mortis et pericula  
Tartarique phlegetonta pingit, antra tristia.
15. Contra quae venisti tandem, qui formasti hominem,  
Lux aeterna, lumen potens, dies indeficiens,  
Debellator atrae noctis, reparator luminis  
Destructorque tenebrarum, illustrator mentium,  
Quo nascente suscitamur, quo vocante surgimus,
20. Quo a morte liberati, quo sumus perlucidi,  
Quo mortis victores facti, noctis atque saeculi,  
Faciente quo beati, quo linquente miseri.  
Ergo nobis, rex aeterne, lucem illam tribue,  
Quae nulla fuscatur nocte, solo gaudens lumine.
25. Gloria sit Deo patri, prolique spiritui,  
Deo trino nec non uni, paci, vitae, lumini,  
Nomini nimirum dulci divinoque numini.

Collect. ms. incertae orig. saec. 10. Cod. Bernen. 584. — Dieser und die beiden folgenden Hymnen sind in der Handschrift entstellt überliefert, indem eine ganze Anzahl Zeilen des ersten und des zweiten in den dritten geraten sind. Ich teile daher statt aller Lesarten unter dem hergestellten Texte mit, wie derselbe in der Quelle vorliegt.

Galli cantu mediante noctis iam caliginem  
Et profundae noctis atram levante formidinem  
Te, Deus alme, rogamus supplicesque poscimus,  
Ut a nobis tollas pie chaos confusibile  
Erelique chasma pellas, mortis antra proconteras.  
Ad hoc nam venisti clemens a paternis sedibus,  
Vigil, potens lux perennis atque custos maximus,  
Dum tenerent simul cuncta medium silentium  
Redderent nec non mortalem meritis effigie,  
Quo nos excitaes, Christe, de somno malitiae  
Atque gratis liberares nocturno de carcere.  
Namque nox signat adversa mortis et pericula,  
Contra quae venisti tandem, qui formasti hominem,  
Debellator atrae noctis, reparator luminis,

Quo nascente suscitamus, quo vocante surgimus,  
Quo a morte liberati, quo sumus perlucidi.  
Ergo nobis, rex aeternae, lucem illam tribue.  
Gloria sit Deo patri, prolique spiritui,  
Deo trino nec non uni, paci, vitae, lumini,  
Nomini nimirum dulci divinoque nomini.

#### 4. Rhythmus Matutinus.

- Adest tempus matutinum, dulce gallinicum,  
Quo morte perempta redit salvator ab inferis,  
Ille blandus et tremendus, mitis et terribilis,  
Qui crucis in ara pie nostrum flevit vespere
5. Et patri conciliavit toto fissus corpore,  
Se pro nobis offerendo hostiam placabilem,  
Holocaustum singulare, victimam mirabilem,  
Mire multum, libra pensum, dulce sacrificium.  
Hinc manarunt sacramenta, quis constat ecclesia,
10. Sanguis, aqua, vita nostra, mystica redemptio,  
Pax enormis et dulcedo, lucida purgatio,  
Quam providit et quadrato protulit senario.  
Hinc ita surrexit Christus, blandus et fulgoreus,  
Qualis est electis Christus, qualis peccatoribus,
15. Sicque restat sepultura, qua quiescunt mortui,  
Lux aeterna, mane nostrum lumenque perpetuum,  
Hoc currens nobis per simplum et proturbans geminum,  
Quod docebat ad sepulcrum iuste sedens angelus.  
Ergo te precamur, Deus fortis et omnipotens,
20. Vota nostra matutina digneris suscipere,  
Nostros dies tua pace placeat disponere,  
Dimittas peccata nostra, parcas facinoribus,  
Salvans nos, vigil aeternus, a mortis operibus,  
Facias nos crucifixos vitiosis actibus
25. Atque tibi consepultos quadratis muneribus.  
Ut cum dies repentina tremendi iudicii  
Coeperit clarere cunctis, specie terribilis,  
Et tubae clangor audiri, qua resurgunt mortui,  
Nos cognoscere digneris tuos esse proprios,
30. Immutatos, incorruptos pariterque lucidos,  
Ac tales digneris parti deputare dexterae.  
Atque ista modo primis ostendens auspiciis  
Hunc diem sine peccato tribuas transigere  
Hisque votis simul iunge, Deus clementissime,
35. Opem miseris instanter, da misericorditer,  
Quo tibi possimus, Deus, adhaerere iugiter  
Et tibi placere semper concede salubriter.  
Gloria sit Deo nostro, patri potentissimo,  
Proli magnae atque sancto flamine paraclito,
40. Quorum est una maiestas per aeterna saecula.

Collect. ms. incertae orig. saec. 10. Cod. Bernen. 584. — In der Hs. lautet dieser Hymnus:

Adest tempus matutinum, dulce gallinicium,  
Ille blandus et tremendus, mitis et terribilis  
Et patri conciliavit, toto fesus corpore,  
Holocaustum singulare, victimam mirabilem.  
Hinc manarunt sacramenta, quis constat ecclesia,  
Pax inormis et dulcedo, lucida purgatio,  
Quam providit et quadrato protulit senario.  
His ita surrexit Christus, blandus et fulgoreus,  
Qualis est electis Christi, qualis peccatoribus,  
Lux aeterna, mane nostrum lumenque perpetuum,  
Nostros dies tua pace placeat disponere,  
Dimittas peccata nostra, parcas facinoribus  
Atque tibi consepultas quadratis muneribus,  
Coeperit clarere cunctis specie terribilis,  
Nos cognoscere digneris tuos esse proprios  
Ac tales digneris parti deputare dexterarum.  
Hunc diem sine peccato tribuas transigere,  
Quo tibi possimus, Deus, adhaerere iugiter.  
Gloria sit Deo nostro, patri potentissimo.

#### 5. Horae Primae.

- Audi laudes horae primae, Deus clementissime,  
Quas tibi fundit devote nec non fidelissime  
Grege pusillus ac misellus, humilis et modicus.  
Namque tu es magnus sator, vitis et agricola,  
5. Non confuse nec divide, tu pater familias,  
Operarios conducens in electam vineam.  
Quo existi primo mane Abel sacrificio,  
Tertia progressus inde Noe arcam velitans,  
Sextae pronotans et nonae Abraham et Moysen.  
10. Hunc primum vivendi modum docens naturaliter,  
Alterum per datam legem statuis legaliter,  
Sicque gradibus ascensis iubet spiritualiter  
Vivere, sic operari mystica in vinea,  
Donec tandem tu venisti consecrans undecimam.  
15. Spiritualis namque vita animalem iudicat  
Et procedens aequa lance iam carnalem reprobant.  
Inde fiunt iure primi, qui erant novissimi.  
Ergo, Deus pie, clemens rexque praestantissime,  
Nostram vineam moralem digneris excolere  
20. Atque vitam puerilem misertus attollere  
Ac primaevae iuventutis flosculos erigere,  
Totum robur iuvenile miseranter regere  
Ac corpus et cor senile pie iam invisere  
Et facta divisione corporis et animae  
25. In tuas sedes beatas dignanter recipere  
Et, donec te videamus, hos dies disponere.

Collect. ms. incertae orig. saec. 10. Cod. Bernen. 584. — Diesem Hymnus fehlt die Doxologie. Der Text lautet in der Quelle:

Audi laudis horae primae. Deus elementissime,  
 Grex pusillus ac misellus, humilis et modicus,  
 Non confuse nec divide tu pater familias.  
 Tertia progressus inde Noe arcam velitans,  
 Donec tandem tu venisti consecrans undecimam.  
 Alterum per datam legem statuis legaliter  
 Vivere sic operari mystica in vinea,  
 Spiritualis namque vita animalem iudicat.  
 Ergo. Deus pie. clemens rexque praestantissime.  
 Redderesque nobis lucem vitae semper comitem.  
 Tartarique phlegetonta pingit contra tristia.  
 Lux aeterna, lumen potens, dies indeficiens  
 Destructorque tenebrarum, inlustrator mentium,  
 Faciente quod beati, quo liquente miseri,  
 Quo mortis victores facti, noctis atque saeculi.  
 Quae nulla fuseatur nocte solo gaudens lumine,  
 Quo morte perempta redit salvator ab inferis.  
 Qui crucis in ara pie nostrum flevit vespere  
 Se pro nobis offerendo hostiam placabilem  
 Mire vel multum, libra pensum, dulce sacrificium,  
 Sanguis, aqua, vitam nostram, mystica redemptio.  
 Sitque restat sepultura, qua quiescunt mortui.  
 Hoc currens nobis per simplum et proturbans geminum,  
 Quod docebat ad sepulcrum iuste sedens angelus.  
 Ergo te precamur, Deus fortis et omnipotens,  
 Vota nostri matutina digneris respicere,  
 Salvens nos, vigil aeternus, a noctis operibus,  
 Facias nos crucifixos vitiosis actibus.  
 Ut cum dies repentina tremendi iudicii,  
 Et tubae clangor audiri, qua resurgunt mortui,  
 Immutatos, incorruptos pariterque lucidos.  
 Hisque votis simul iunge. Deus elementissime,  
 Opem miseris instanter da misericorditer  
 Et tibi placere semper concede salubriter.  
 Proli magnae atque sancto flamini paraclito,  
 Quorum est una maiestas per aeterna saecula.  
 Quas tibi fundit devote nec non fidelissime,  
 Namque tu es magnus sator, vitis et agricola,  
 Operarior conducens electam in vineam,  
 Quo existi primo mane Abel sacrificio,  
 Sexta pronotans et nonae Abraham et Moysen,  
 Hunc primum vivendi modum docens naturaliter,  
 Sicque gradibus ascensis iubes spiritualiter.  
 Inde fiunt iure primi, qui erant novissimi,  
 Et procedens aequa lance iam carnalem reprobat.  
 Nostram vineam moralem digneris excolere  
 Atque vitam puerilem misertus attollere  
 Ac primaevae iuventutis flosculos erigere,  
 Totum robur juvenile miseranter regere  
 Ac corpus et cor senile pie iam invisere,  
 Et facta divisione corporis et animae  
 In tua sedes beatas dignanter recipere  
 Atque ista modo primis austendas aspitiis  
 Hunc dem sine peccato dona nos transigere  
 Et, donec te videamus, hos dies disponere.



### 6. Horae Tertiae.

- Hora tertia qui missus advenisti caelitus,  
Nunc, Deus, ad nos benignus veni, sancte spiritus,  
Qui paraliter es pius ut pater et filius.  
Exue nos universis, precor, a flagitiis
5. Facinoribus et cunctis omnibusque vitiis  
Indueque te nos gratis indignos, ut perspicias.  
Nam fovebas universam mundi novi fabricam  
Animabas atque cunctam creaturae machinam,  
Ostendens multiplicandam septiformem gratiam.
10. Unde te rogamus, alme spiritus paraclite,  
Quatenus digneris ope famulos invisere  
Nosque tuos, benedicte, servulos efficere,  
Ut possimus in aeternum habere propitium  
Te et patrem sempiternum filiumque maximum,
15. Quorum est una potestas et communis caritas,  
Ineffabilis maiestas, infinita bonitas,  
Admirabilis facultas et invicta pietas,  
Inexplebilis voluptas, perpes immortalitas,  
Honor, virtus atque regnum, decus et imperium,
20. Iuge sceptrum et tropaeum simulque tripudium.  
Gloria sit Deo patri prolique spiritui,  
Deo trino nec non uni, paci, vitae, lumini,  
Nomini nimirum dulci divinoque numini.

Collect. ms. incertae orig. saec. 10. Cod. Bernen. 584. — 2 a nos. —  
4 precor adflagitiis. — 9 septiformam. — 21 proli quin.

### 7. Sextae.

- Hora sexta crucifixus, summi patris unicus,  
Qui tuis aeterna salus, perpetim propitius  
Nostros deleas excessus et peccata, quaesumus,  
Et a nobis pelle taetras, lux aeterna, tenebras,
5. Quas Iudaei perpendendas non sensere mysticas  
Neque suas tenebrosas agnoverunt maculas,  
Caecati profunda nocte corde, ore, opere.  
Unde sunt gavisii multum tanto de facinore,  
Accensi nefanda nece facibus invidiae.
10. Sed tu splendor, alme Deus, tuis sis fidelibus,  
Multum clemens et benignus atque praestantissimus.  
Nostra semper dona nobis peccata deplangere  
Maculasque iuventutis lacrimis diluere,  
Bonis iugiter instare, mala vero fugere
15. Gratia semperque tua caelibes exsistere,  
Quo perennes tibi laudes valeamus dicere.  
Ex te, per te, in te quoque hinc possimus vivere



- Teque vitam sempiternam flamine cognoscere  
Nec non ipso debriante te semper diligere.  
20. Hic Amen subdo libenter dulci modulamine.  
Gloria, laus, honor patri, proli ac spiritui  
Ex ambobus procedenti ante orsa saeculi,  
Trinitati laus perenni, unitati perpeti.

Collect. ms. incertae orig. saec. 10. Cod. Bernen. 584. — 4 pecceras. — 15 tuo.

### 8. Nonae.

- Hora nona qui potenter emisisti spiritum  
Et nobis vitae perennis contulisti praemium  
Providaque pensum libra consecrasti pretium,  
Nostrae mortis infernale penetrando barathrum  
5. Lux ad inferos cessisti diem fundens tenebris,  
Ubi tuis assignasti vestimenta nivea,  
Reprobos multasti poena, inclite, fulgorea.  
Hinc timentes et sperantes te precamur plurima,  
A nobis aeternae mortis depellas formidinem  
10. Et tuis profundae noctis auferas caliginem  
Atque eos tuam transfer vitae ad dulcedinem.  
Tu es veste candidatus, aspectu fulmineus,  
Tu es blandus et amandus, mitis et terribilis,  
Tu es pulcher et dilectus ac desiderabilis,  
15. Solus vere immortalis et incommutabilis,  
Tu sanctus et admirandus, idem rex et dominus.  
Purga nos multum squalentes et peccatis sordidos,  
Fac nos mente luminosos, corpore perlucidos,  
Ut tandem corpus exutos recognoscas candidos.  
20. Sic fiat, Amenque subdo votis iungens modulos.  
Gloria sit Deo patri, prolique spiritui,  
Deo trino nec non uni, paci, vitae, lumini,  
Nomini nimirum dulci divinoque numini.

Collect. ms. incertae orig. saec. 10. Cod. Bernen. 584. — 6 tuos. —  
7 Reprobis . . . medito fulgorea. — 8 timente. — 10 adfores caliginem. —  
11 transfert vita. — 20 Hic fiat.

### 9. De Deo.

Incipe, lingua senum, carmen cantare iucundum,  
Cum pueris, iuvenes, laudis depromite voces,  
Ex quibus Alle sonet, confestim luia resultet.  
Conlaudate Deum, populi gentesque, benignum,  
Cuius inundantem miseratio sustinet orbem  
Et faculae validum mensura et pondere mundum

Per diversa movet, cum per se immobilis exstet.  
Tempora cuncta ligat, solus sine tempore regnat,  
Acta regit regum, semper sibi constat idipsum.  
Expedit, ut trinum benedicat machina trina,  
Terra, polus, pelagus nec non, quod constat in illis,  
Credat, adoret, amet, timeat, colat, ornet, honoret.

Collect. ms. Tegurinum saec. 10. Clm. Monacen. 18628.

## 10. Ad Deum et Sanctos Commendatio.

- |  |  |
|--|--|
| 1. Parce, pater piissime,<br>Quidquid peccavi hoc die,<br>Cordeque et corpore mundo,<br>Fac, cras exurgam a lecto. | 3. Adveni, sancte spiritus,<br>Meis illapsus sensibus,<br>Ut, cum corpus obdormiet,<br>Cor in te semper vigilet. |
| 2. O Iesu Christe Domine,<br>Qui me servasti hoc die,<br>In hac nocte me protegas<br>Et a malo custodias.          | 4. Maria, virgo et mater,<br>Tu me custodi iugiter,<br>Ne hostis me deterreat,<br>Aut corpus sorde polluat.      |
| 5. Adeste, cives caelici,<br>Et tu, angele, custos mi,<br>Munite me signo crucis,<br>Ne noceat ullus hostis.       |  |

Devotae Orationes (Fontrebaldenses) imp. Parisiis 1546.

## 11. De sanctissima Trinitate.

### Ad Matutinum.

- |  |  |
|--|--|
| 1. Pater, fili, paraclite,<br>Mala vitae praeteritae<br>Dimitte nobis, quaesumus,<br>Nam sine te nil possumus. | 3. Trinitas ineffabilis<br>Et lux inaccessibilis,<br>Ure per ignem geminum<br>Nostrarum sordes mentium.                |
| 2. Peccando nos polluimus,<br>Ut expies, deposcimus,<br>Ne tuum domicilium<br>Sit unquam cibus ignium.         | 4. Verum lumen ac splendidum,<br>Cor tepens redde fervidum,<br>Caecas mentes illuminans<br>Et mortis umbras terminans. |
| 5. Trinitati sit gloria,<br>Laus, decus et potentia,<br>Qui sua nobis gratia<br>Concedat vitae gaudia.         |  |

Ad Laudes.

- |  |   |
|--|---|
| 1. O sancta Deus trinitas,<br>De qua sanctorum sanctitas,<br>Te laudamus, sanctifica<br>Donando nobis caelica. | 3. Cuius in nobis munera<br>Conservet illa dextera,<br>Quae benedicet credulos,<br>Reprobabit incredulos. |
| 2. Trinitas ineffabilis<br>Unitasque laudabilis,<br>Instantes tuis laudibus<br>Veris dita muneribus.           | 4. Trinitas individua,<br>Nos tua lux perpetua<br>Et a damnatis segreget<br>Et cum beatis adgreget.       |
5. Sit tibi, sancta trinitas,  
Decus, honor, sublimitas,  
Potestas, dominatio,  
Maiestas, collaudatio.

Ad Primam.

- |   |   |
|---|---|
| 1. Pater, creator omnium,<br>Cuncta creans per filium,<br>Accepta nostros gemitus<br>Per donum sancti spiritus. | 3. Nudatos a criminibus<br>Orna virtutum floribus<br>Et in polorum sedibus<br>Fac iungi cum felicibus.      |
| 2. O trinitatis unitas<br>Et unitatis trinitas,<br>Pro tuo sancto nomine<br>Emunda nos a crimine.               | 4. Sit laus patri per saecula<br>Agnoque sine macula,<br>Sit laus sancto spiritui,<br>Quo mereamur perfrui. |

Ad Tertiam.

- |  |  |
|--|--|
| 1. Caelestium rex agminum,<br>Fili redemptor hominum,<br>Consolator maerentium,<br>Fer miseris solacium.   | 3. Caventes a prohibitis<br>Utamur bene licitis,<br>Ut gaudeamus gaudio,<br>Quo caeli gaudet contio. |
| 2. O veneranda trinitas,<br>Tua nobis benignitas<br>Succurrat, ne fragilitas<br>Nos trahat ad res vetitas. | 4. Trinitati, quam credimus,<br>Adoramus et colimus,<br>Sit gratiarum actio,<br>Salus et benedictio. |

Ad Sextam.

- |   |   |
|---|---|
| 1. Genitor ineffabilis,<br>Ipsius proles parilis,<br>Paraclite consimilis.<br>Memento vitae fragilis. | 3. Ex te vitae principium,<br>Per te vitae remedium,<br>In te vitae solacium,<br>Da nobis vitae praemium. |
| 2. Proni sumus et fragiles<br>Ad peccandum et habiles,<br>Tua misericordia<br>Nos levet a miseria.    | 4. Patri cum unigenito<br>Et spiritu paraclito<br>Sit maiestas et gloria,<br>Potestas et victoria.        |

Ad Nonam.

- |  |   |
|--|---|
| 1. A patre prodit genitus,<br>Ab utroque paraclitus,<br>In his est una deitas,<br>Quam laudat universitas.     | 3. Vitam sanctis repositam<br>Ob artam vitae semitam<br>Praestet nobis gratuito,<br>Quam non debet ex merito. |
| 2. Ex quo nostra conditio,<br>Per quem nostra redemptio,<br>In quo nostra remissio,<br>Cum hoc fruamur gaudio. | 4. Genitori sit gloria,<br>Redemptori victoria,<br>Consolatori gratia,<br>Nobisque per hunc venia.            |

Ad Vesperas.

- |  |  |
|--|--|
| 1. Deus de nullo veniens,<br>Deus de Deo prodiens,<br>Deus ab his progrediens,<br>In nos veni subveniens.  | 4. Regendo clemens corrige<br>Et corrigendo dirige,<br>Diligendo nos eligas<br>Et cum electis colligas.        |
| 2. Tu nostrum desiderium,<br>Tu sis amor et gaudium,<br>In te nostra cupiditas<br>Et in te sit iucunditas. | 5. Memento, sancta trinitas,<br>Quod tua fecit bonitas<br>Creando prius hominem,<br>Recreando per sanguinem.   |
| 3. Pater, cunctorum Domine,<br>Cum genito de virgine<br>Intus et in circuitu<br>Nos rege sancto spiritu.   | 6. Nam quos creavit unitas,<br>Redemit Christi caritas,<br>Patiendo tunc diligens<br>Nunc diligat nos eligens. |
7. Trinitati sit gaudium,  
Pax, virtus et imperium,  
Decus, omnipotentia,  
Laus, honor, reverentia.

Ad Completorium.

- |   |   |
|---|---|
| 1. Trinitas, lumen luminum,<br>Illumina cor hominum,<br>Tuam similitudinem<br>Reformans et imaginem.                | 3. Trinitas, salus omnium.<br>Cor sana male saucium,<br>Concedens noxis veniam<br>Per septiformem gratiam.  |
| 2. Ex te mens nostra fulgeat<br>Et in te vota compleat,<br>Ad te per te se dirigat,<br>Credens, sperans te diligat. | 4. Fac nos ex fide vivere<br>Et per spem sursum tendere<br>Et caritatis geminae<br>Fac nos vestiri tegmine. |
5. Patri sit benedictio  
Cum coaeterno filio,  
Benedictus sit spiritus  
Et nos in ipso caelitus.



Collect. ms. S. Trinitatis in Belliloco saec. 10—12. Cod. Vatican. Reg. 243. add. saec. 12. A. — Orat. ms. Franciscan. Germ. saec. 14. in. (Privatbesitz) B.

Ad Matut. fehlt B. — Ad Laudes. 1, 1 trinitas Deus. B. — 2, 1 immutabilis B. — 3, 4 Reprobatis scelestibus B. — 5, 1 sancta fehlt. — Ad Primam. 2, 1 O fehlt B. — 2, 4 nos fehlt A. — 3, 1 Munda nos a B. — 3, 4 cum caelestibus B. — Doxol. in B:

Sit laus patri cum filio,  
Sancto simul paraclito,  
Nobisque mittat filius  
Charisma sancti spiritus.

Ad Tertiam. Str. 1 fehlt B. — 2, 1 O fehlt B. — 2, 4 res miseras B. — 3, 4 gaudet caeli B. — 4, 1 colimus. B. — 4, 2 credimus B. — Ad Nonam. 1, 1 De patre B. — 1, 2 utrisque B. — 2, 2 remissio B. — 2, 3 redemptio B. — Ad Vesperas. 2, 4 Et vitae sit B. — 3, 3 Intus et exterius B. — 3, 4 sancte spiritus B. — 4, 2 dilige B. — 4, 3 elige B. — 4, 4 collige B. — 5, 2 bonitas fecit B. — 5, 3 Ad tuam nos imaginem B. — 6, 1 Nam quod B. — 6, 3 Tunc patienter B. — Ad Completorium. 1, 2 Illuminator hominum. B. — 2, 2 In te vota percompleat B. — 3, 1 salus hominum A. — 3, 2 male sana B. — 3, 3 nobis veniam. B. — 3, 4 septiformis B. —

Dieser Cursus steht aus jüngeren Handschriften in kürzerer Fassung und anderer Anordnung schon Anal. XXX, 11ff. Die Bedeutung der Quelle A liefs eine Wiederholung notwendig erscheinen.

## 12. Cursus de sancta Trinitate.

### Ad Matutinum.

- |  |   |
|--|---|
| 1. In matutinis. Domine,<br>Dum tibi ore canimus,<br>Caelestium pinguedine<br>Mox repleatur animus.  | 2. Ad te de luce vigilet<br>Cor nostrum desideriiis,<br>In te mens nostra iubilet,<br>Dum te laudamus labiis. |
| 3. Uni trinoque Domino<br>Sit sempiterna gloria,<br>Qui vitam sine termino<br>Nobis donet in patria. |   |

### Ad Laudes.

- |   |  |
|---|--|
| 1. Precamur, sancta trinitas,<br>Te elevatis manibus,<br>Veraque simplex deitas,<br>Nostris intende precibus. | 3. Voluntas nostra cupiat,<br>Mens meditetur iugiter,<br>Te summum bonum sapiat<br>Synderesis veraciter. |
| 2. O lux inaccessibleis,<br>Illustra nos perspicue,<br>Solus invariabilis,<br>Conforta nos assidue.           | 4. O Deus, decus gloriae,<br>O Deus exercituum,<br>Nos benedicas hodie,<br>Nos salva in perpetuum.       |

5. Uni trinoque Domino.



Ad Primam.

- |  |  |
|--|--|
| 1. Te vere, summa trinitas,<br>Spes nostra, fides, caritas,<br>Unum fatemur Dominum<br>Personas trium nominum, | 2. Aequalis esse gloriae<br>Eiusdemque substantiae<br>Cum patre unigenitum<br>Ac utriusque spiritum. |
|--|--|

3. Honor patri, laus genito,  
Sit gloria paraclito.  
Qui frui nobis omnibus  
Se donet in caelestibus.

Ad Tertiam.

- |  |  |
|--|--|
| 1. Nunc omnes gentes, populi,<br>Tribus et linguae singuli,<br>Senes cum iunioribus,<br>Pusilli cum maioribus, | 2. Cuncti laudemus inclitum<br>Patrem, natum, paraclitum,<br>Eius misericordia<br>Ut firmet nos in gratia. |
|--|--|

3. Honor patri, laus genito.

Ad Sextam.

- |  |   |
|--|---|
| 1. O Adonai Domine,<br>Regnans in caeli culmine,<br>Per tuum admirabile<br>Nomen et ineffabile | 2. Tuam similitudinem<br>In nobis et imaginem.<br>Infectam culpa, repara,<br>Ad te fruendum praepara. |
|--|---|

3. Honor patri, laus genito.

Ad Nonam.

- |  |   |
|--|---|
| 1. In psalmis, hymnis, canticis<br>Te iubilantes melicis<br>Deum laudamus pariter,<br>Unum trinum alacriter. | 2. Conserva nos in gratia<br>Et semper cum laetitia<br>Tibi servire tribue<br>Cunctamque noxam dilue. |
|--|---|

3. Honor patri, laus genito.

Ad Vesperas.

- |   |  |
|---|--|
| 1. O filii ecclesiae,<br>Deum laudemus iugiter,<br>Ut verae pacis requie<br>Fruamur aeternaliter.     | 3. O summa vere trinitas,<br>Verbum, pater, paraclite,<br>O vere summa bonitas,<br>Remunerator inclite,        |
| 2. Emitte verbum, Domine,<br>Ut corda liquefaciat<br>Et flante sacro flamine<br>Fletum amoris pariat. | 4. Post spem da rem percipere,<br>Post fidem frui specie,<br>Perfecteque diligere<br>Fac nos te regem gloriae. |

5. Uni trinoque Domino.

Ad Completorium.

- |   |   |
|---|---|
| 1. O pater, nate, spiritus,<br>Nostros exaudi gemitus,<br>Propitius accelera<br>Et nos ab hoste libera. | 2. A peccatorum foveis,<br>Ab inimici laqueis<br>Educ nos, une Domine,<br>In trinitatis nomine. |
|---|---|

3. Honor patri, laus genito.

Orat. ms. saec. 15. Cod. Labacen. 45. — Ad Tertiam. 1, 2 singulae. —  
Ad Sextam. 1, 1 O fehlt.

13. De sanctissima Trinitate.

- O qualem, quantum, quam magnum, quam venerandum,  
O quam formosum, quam pulchrum, quam decorosum,  
Regem regnantem, media de sede tonantem,  
Altithronum Dominum, sub personis tribus unum,
5. Omnia complentem, caelos terrasque tenentem!  
Ex, per et in quo sunt, vivunt simul omnia, quae sunt,  
Cui sedes caelum, cui terra profunda scabellum,  
Cui nemo mundus, non iustificabitur ullus,  
Quem grex sanctorum, virtus praecelsa polorum,
10. Quem vicenorum plebs quattuor et seniorum  
Semper glorificat, semper collaudat, honorat,  
Semper adorando, venerando, colendo, tremendo,  
Semper cernentes, quod semper erant cupientes,  
Semper captantes, quod semper erant adamantes,
15. Saepius optatam vitam sine fine beatam.

Collect. ms. Carth. Montis S. Beati saec. 13. [14. 15.] Cod. Vindobonen. 898.

14. De sanctissima Trinitate.

Ad Patrem.

- |  |   |
|--|---|
| Fons, Deus pater, omnium,<br>Tam finis quam principium,<br>Cuius omnipotentia<br>Cuncta creavit entia,                                   | Omniumque vero Deo.   |
| 5. Istud scio verum esse<br>Dei non habens necesse<br>Nec ullius creaturae,<br>Cuiuscumque sit figurae,<br>Sed, quod omnes sunt creatae, | 15. Ut me dignatus plasmare,<br>Voluisti mihi dare<br>Animam et intellectum,<br>Sana membra, corpus rectum,<br>Incorruptos sensus quinos, |
| 10. Est a tua bonitate.<br>Grates ergo nunc devotas<br>Ago per mis vires totas<br>Tibi creatori meo                                      | 20. Victum et vestitum binos;<br>Bona iarsum infinita<br>Mihi sunt a te largita,<br>Quarumcunque tu es dator<br>Pius sis et gubernator    |
|  | 25. Dans, pater, hic deservire<br>Et abhinc ad te redire.   |

Ad Filium.

- |  |   |
|--|---|
| Fili Dei et Mariae,<br>Purae virginis et piaae,<br>Tibi grates, Iesu bone,<br>Reddo cum devotione,   | 10. Grave tuae crucis onus,<br>In qua tractus et extensus,<br>Cum latronibus suspensus<br>Manus, pedes laceraris,<br>Cor et latus perforaris, |
| 5. Quod tu pro me sponte laesus,<br>Virgis et flagellis caesus,<br>Caput spinis coronatus,<br>Palmis, pugnīs verberatus,<br>Fers, ad mortem lassus, pronus | 15. Quo sic aquae fontes vivi<br>Effluunt, cruoris rivi,<br>Qui nos lavent a peccatis<br>Cunctis, precor, perpetratis.                        |

Ad Spiritum Sanctum.

- |   |  |
|---|--|
| Spiritus sancte te laudo,<br>Benedicens tibi plaudo,<br>Infudisti mihi planam<br>Veram fidem Christianam, | In medelam condidisti,<br>Quae quod sumam, dato, digne,  |
| 5. Non gentilem indirectam<br>Nec Iudaeam imperfectam;<br>Sacramenta quoque Christi                       | 10. Ut sim malo liber igne<br>Et intrare queam thronum,<br>Ubi regnat summum bonum,<br>Pater, natus, sacrum flamen,<br>Unus semper Deus. Amen. |

Orat. ms. Pollingense saec. 15. Clm. Monacen. 11917. — Ad Patrem, 9 omnes fehlt. — 12 meas vires. — 25 Dans me paterhoc. — Ad Filium, 13 Manus et pedes. — 15 aqua fontis. — Ad Spiritum, 1 te collaudo. — 13 nate.

15. „Oratio de sanctissima Trinitate et omnibus sanctis.“

a. De sanctissima Trinitate.

- |   |  |
|---|--|
| 1. O trinitas sempiterna<br>Unitasque sanctissima,<br>Deus omnium creator,<br>Rector atque conservator. | 3. Laudibus tuis mancipa<br>Nos totaliter et nostra<br>Caritateque fecunda,<br>Mentes nostras in te firma. |
| 2. Visita et illumina<br>Ab omnique labe munda<br>Horrenda et tenebrosa<br>Cordis nostri latibula.      | 4. Ut tibi soli, Domine,<br>Timeamus displicere<br>Et studeamus placere<br>Corde, ore et opere.            |
| 5. Quare nos tua opera,<br>In te solum sperantia,<br>Ab omni malo libera<br>Bonisque omnibus dita.      |  |

b. Oratio de beata Virgine.

- |   |   |
|---|---|
| 1. O triclinium nobile<br>Trinitatis sanctissimae,<br>Hera caelestis patriae,<br>Nos exsules consolare. | 2. Maria, mater gratiae,<br>Mater misericordiae,<br>Semper ab hoste protege<br>Et in morte nos suscipe. |
|---|---|

- |   |   |
|---|---|
| 3. Et sic nos tui servuli,<br>Quamvis simus multum rei,<br>Propter te fiamus salvi,<br>Propter quos es mater Dei, | 4. Quia Deus omnipotens<br>Factus homo oboediens,<br>Pro nobis fuso sanguine<br>Plexus est crudeli morte. |
|---|---|

5. Quare in omnibus suum  
Agamus beneplacitum,  
Ne frustretur eius mortis  
Efficacia in nobis.

c. De sancto Benedicto.

- |  |   |
|--|---|
| 1. O gloriose domine,<br>Sanctissime Benedicte,<br>Cor, verba et opus nostrum<br>Fac Deo beneplacitum.           | 3. Sint omnes rectores nostri<br>Sancti, gnari, pii, iusti,<br>Nos humiles et-subiecti<br>Omnesque Deo dilecti. |
| 2. Ipse te intercedente,<br>Qui vult omnes salvos esse,<br>Firmet iustos, sanet reos,<br>Ad se trahat extraneos. | 4. Et nunc taliter vivamus,<br>Cum vitam hanc exeamus,<br>Sua misericordia<br>Nos in caeli ducat regna.         |

5. Quare nunc clamemus ad te,  
Noli nos tunc relinquere,  
Festina, ne tardaveris,  
Succurre nobis miseris.

d. De Angelis.

- |   |   |
|---|---|
| 1. O milites angelici,<br>Robusti custodes nostri,<br>A ruina praeservati<br>Et in dono confirmati,   | 3. Hostesque nostros crudeles,<br>Carnem, mundum et daemones<br>Vincamus semper fortiter,<br>Ne ruamus letaliter. |
| 2. Nobis semper assistite<br>Nunc in vita et in morte,<br>Ut abiciamus malum<br>Et perficiamus bonum. | 4. Corda nostra et corpora<br>Vestra servate tutela<br>In Deo semper tranquilla<br>Et proximis utilia.            |

5. Quare nulla nos prospera  
Inflent nec frangant adversa,  
Sed ad Deum et homines  
Sancte simus conversantes.

e. De Omnibus Sanctis.

- |   |  |
|---|--|
| 1. Omnes sancti, dirigite<br>Nunc cursum[hunc]vitaenostrae,<br>Sicut nostis velle Deum,<br>Ad salutem animarum. | 2. Omnia interiora<br>Nostra et exteriora<br>Deum collaudent de cunctis,<br>Tam prosperis quam adversis. |
|---|--|



- |  |  |
|--|--|
| 3. Ut nunc omnibus mundanis<br>Nobisque ipsis relictis<br>Miti corde et humili<br>Sectemur filium Dei.       | 4. Observemusque mandata<br>Sua perfecta opera<br>Usque in finem non fecte<br>Fide, spe et caritate. |
| 5. Quare nunc luantur culpae<br>Digna sanctificatione,<br>Ut contriti et confessi<br>Semper apti simus mori. |  |

f. De sancta Trinitate.

- |   |   |
|---|---|
| 1. O regum rex altissime,<br>Pacifica orbem terrae,<br>Ecclesiam coaduna,<br>Corda nostra inhabita.           | 3. Te unum desideremus,<br>In quo solum gaudeamus<br>De nulloque doleamus<br>Nisi, quia peccavimus.   |
| 2. Unum pater, flamen, nate,<br>In nobis sis et nos in te,<br>Ut tibi laudes debite<br>Reddamus omni tempore. | 4. Nostrasque fac voluntates<br>Tuae omnino conformes,<br>Ut simus, quia vocati,<br>Etiam tui electi. |
| 5. Quare exstirpa vitia,<br>Virtutibus nos adorna,<br>In hora mortis ultima<br>Miserrimos nos adiuva.         |   |

g. De Deo et Omnibus Sanctis eius.

- |   |  |
|---|--|
| 1. Omnipotens, miserere,<br>Maria, semper assiste,<br>Ne deseras, Benedicte,<br>Angeli, nos custodite.              | 3. Sed in caritate sancta<br>Nunc nostra fiant omnia,<br>Ut victis culpa et hoste<br>Hanc vitam claudamus pie. |
| 2. Omnes sancti, succurrite<br>Nunc semper atque ubique,<br>Ut nos crimen non inquinet,<br>Ne Deus aeternae damnet. | 4. Quare tunc nobis dicere<br>Audiamus Christi voce:<br>Venite vos, benedicti,<br>Possidete regnum caeli.      |
| 5. Gloria aeterno Deo,<br>Mariae et Benedicto,<br>Angelis et sanctis cunctis,<br>Quies sit aeva defunctis.          |  |

Orat. ms. S. Petri Salisburgen. saec. 15. Cod. Petrin. a IV, 39. — Nr. 15b. 4, 1 O via Deus. — 4, 4 Plexus es. — Nr. 15e. 4, 4 In fide, spe. — Nr. 15g. 2, 2 et ubique. — Nr. 15a bis 15g sind natürlich von ein und demselben Verfasser und, da sie in der Quelle mit einer gemeinsamen Aufschrift als ein Ganzes auftreten, hier als solches belassen.



- |   |   |
|---|---|
| 3. Et sic nos tui servuli,<br>Quamvis simus multum rei,<br>Propter te fiamus salvi,<br>Propter quos es mater Dei, | 4. Quia Deus omnipotens<br>Factus homo oboediens,<br>Pro nobis fuso sanguine<br>Plexus est crudeli morte. |
|---|---|

5. Quare in omnibus suum  
Agamus beneplacitum,  
Ne frustretur eius mortis  
Efficacia in nobis.

c. De sancto Benedicto.

- |  |   |
|--|---|
| 1. O gloriose domine,<br>Sanctissime Benedicte,<br>Cor, verba et opus nostrum<br>Fac Deo beneplacitum.           | 3. Sint omnes rectores nostri<br>Sancti, gnari, pii, iusti,<br>Nos humiles et-subiecti<br>Omnesque Deo dilecti. |
| 2. Ipse te intercedente,<br>Qui vult omnes salvos esse,<br>Firmet iustos, sanet reos,<br>Ad se trahat extraneos. | 4. Et nunc taliter vivamus,<br>Cum vitam hanc exeamus,<br>Sua misericordia<br>Nos in caeli ducat regna.         |

5. Quare nunc clamemus ad te,  
Noli nos tunc relinquere,  
Festina, ne tardaveris,  
Succurre nobis miseris.

d. De Angelis.

- |   |   |
|---|---|
| 1. O milites angelici,<br>Robusti custodes nostri,<br>A ruina praeservati<br>Et in dono confirmati,   | 3. Hostesque nostros crudeles,<br>Carnem, mundum et daemones<br>Vincamus semper fortiter,<br>Ne ruamus letaliter. |
| 2. Nobis semper assistite<br>Nunc in vita et in morte,<br>Ut abiciamus malum<br>Et perficiamus bonum. | 4. Corda nostra et corpora<br>Vestra servate tutela<br>In Deo semper tranquilla<br>Et proximis utilia.            |

5. Quare nulla nos prospera  
Inflent nec frangant adversa,  
Sed ad Deum et homines  
Sancte simus conversantes.

e. De Omnibus Sanctis.

- |   |  |
|---|--|
| 1. Omnes sancti, dirigite<br>Nunc cursum[hunc] vitae nostrae,<br>Sicut nostis velle Deum,<br>Ad salutem animarum. | 2. Omnia interiora<br>Nostra et exteriora<br>Deum collaudent de cunctis,<br>Tam prosperis quam adversis. |
|---|--|

- |  |  |
|--|--|
| 3. Ut nunc omnibus mundanis<br>Nobisque ipsis relictis<br>Miti corde et humili<br>Sectemur filium Dei. | 4. Observemusque mandata<br>Sua perfecta opera<br>Usque in finem non fecte<br>Fide, spe et caritate. |
|--|--|

5. Quare nunc luantur culpae  
Digna sanctificatione,  
Ut contriti et confessi  
Semper apti simus mori.

f. De sancta Trinitate.

- |   |   |
|---|---|
| 1. O regum rex altissime,<br>Pacifica orbem terrae,<br>Ecclesiam coaduna,<br>Corda nostra inhabita.           | 3. Te unum desideremus,<br>In quo solum gaudeamus<br>De nulloque doleamus<br>Nisi, quia peccavimus.   |
| 2. Unum pater, flamen, nate,<br>In nobis sis et nos in te,<br>Ut tibi laudes debite<br>Reddamus omni tempore. | 4. Nostrasque fac voluntates<br>Tuae omnino conformes,<br>Ut simus, quia vocati,<br>Etiam tui electi. |

5. Quare exstirpa vitia,  
Virtutibus nos adorna,  
In hora mortis ultima  
Miserrimos nos adiuva.

g. De Deo et Omnibus Sanctis eius.

- |   |  |
|---|--|
| 1. Omnipotens, miserere,<br>Maria, semper assiste,<br>Ne deseras, Benedicte,<br>Angeli, nos custodite.              | 3. Sed in caritate sancta<br>Nunc nostra fiant omnia,<br>Ut victis culpa et hoste<br>Hanc vitam claudamus pie. |
| 2. Omnes sancti, succurrite<br>Nunc semper atque ubique,<br>Ut nos crimen non inquinet,<br>Ne Deus aeternae damnet. | 4. Quare tunc nobis dicere<br>Audiamus Christi voce:<br>Venite vos, benedicti,<br>Possidete regnum caeli.      |

5. Gloria aeterno Deo,  
Mariae et Benedicto,  
Angelis et sanctis cunctis,  
Quies sit aeva defunctis.

Orat. ms. S. Petri Salisburgen. saec. 15. Cod. Petrin. a IV, 39. — Nr. 15b. 4, 1 O via Deus. — 4, 4 Plexus es. — Nr. 15e. 4, 4 In fide, spe. — Nr. 15g. 2, 2 et ubique. — Nr. 15a bis 15g sind natürlich von ein und demselben Verfasser und, da sie in der Quelle mit einer gemeinsamen Aufschrift als ein Ganzes auftreten, hier als solches belassen.

16. Oratio ad sanctum Spiritum Paraclitum.

- |   |   |
|---|---|
| <p>1. Consolator miserorum,<br/>solamen maerentium,<br/>Lux piorum, spes reorum<br/>unctioque mentium,<br/>Creatoris hominumque<br/>amor atque vinculum,</p>        | <p>4. Quamvis subditum peccatis<br/>corpus suetus fugere,<br/>Veni tamen et obscoena<br/>peccatorum decoque;<br/>Veni. bone, veni. pie,<br/>veni, potentissime.</p> |
| <p>2. Boni fons, doctrinae fomes,<br/>veritatis spiritus,<br/>Hostiles frangens conatus,<br/>dextrae Dei digitus<br/>Et dolore desperati<br/>animi paraclitus,</p>  | <p>5. Tu purgare, quaeque voles.<br/>aspirando praevalet,<br/>Tu bruta stultaque corda<br/>sic mutare assoles<br/>Ut indoctos erudit<br/>protinus aequipares.</p>   |
| <p>3. Tu patris promissum atque<br/>septiformis gratia,<br/>Verbo, linguis et sermone<br/>puro ditans guttura<br/>Et divino urens igne<br/>paenitentum crimina,</p> | <p>6. Ergo meam caecam mentem.<br/>doctor alme, visita<br/>Putridumque in peccati<br/>luto corpus suscita<br/>Et utrumque ad amorem<br/>Christi tui subleva.</p>    |

Collectan. ms. S. Sergii Andegaven. saec. 10<sup>o</sup> 11. Cod. Andegaven. 283 (274).

17. Ad Deum Oratio.

- O princeps pacis ac principium pietatis,  
O verum lumen, retinens par cum patre numen,  
Spiritus o sancte, quo constant cuncta volente,  
His quoque personis unus semper specularis,
5. Ordine qui miro finis constas et origo  
Leges aeternas ac solus iure gubernas,  
Qui genus humanum miseratus mortificatum  
Vivere fecisti pretioso sanguine Christi,  
Cuius iudicio statuentur cuncta sub aequo,
10. Da sentire fidem, qua felix fert sibi finem,  
Ut credam recte, nec sint aliae mihi sectae,  
Atque sciam plane, quod iustum sit vel inane.  
Spem concede mihi, qua possit vita videri;  
Virtus in his prima restat dilectio bina,
15. Quam, Deus, infunde sub viscera cordis abunde.  
Aures adverte, rogo, sint mihi semper apertae,  
Ne reminiscaris delicta mei puerilis,  
Sed pius ignosce factis veniamque repende.  
Non mea mens, quaeso, laedatur more superbo,
20. Adveniat rite custos patientia vitae,

- Mors et perditio discedat, caeca libido,  
Nunquam deliciis confundar crimine ventris,  
Ne polluta caro somno turbetur amaro.  
Obsecro, me frenas, cum videro res alienas,  
25. Sint procul invidia, iactantia. lis, sed et ira,  
Nec rebus vanis me laus seducat inanis.  
Fructificaque, mihi quaecunque talenta dedisti,  
Sicque meos mores, Deus, immutato decores,  
Ut mea sit cura, quod gestat vita futura,  
30. Ac regis veri merear sodalis haberi,  
Qui sancto tecum cum flamine regnat in aevum.

Collat ms. Cassiani saec. 8/9. Clm. Monacen. 4549. add. saec. 11. —  
24 frenas (st. frenes) schützt der Reim. — 33 sono turbetur. — 28 Deus fehlt;  
inmetate. — 30 merear sic tales.

### 18. De Spiritu Sancto.

- |   |  |
|---|--|
| 1. Veni, persona tertia,<br>De sede trinitatis,<br>Gratifica nos gratia,<br>Largire dona gratis;<br>Nostra mala submoveas,<br>Nostrae defectum suppleas<br>Internae paupertatis.    | 5. Per te prophetae praesciunt<br>Et nuntiant ventura,<br>Apostoli subiciunt<br>Orbem et orbis iura;<br>Tu virgines sanctificas,<br>Tu martyres fortificas<br>In corporum pressura.  |
| 2. Patris, nati concordia,<br>Fac nos tibi concordēs<br>Et Deo reconcilia<br>Per peccata discordes;<br>Dator verae munditiae,<br>Manu misericordiae<br>Nostras emunda sordes.       | 6. Tu pascis in pastoribus<br>Greges fideli cura<br>Et doces in doctoribus,<br>Quaecunque sunt obscura,<br>Tu solis te consocias,<br>Desertum in delicias<br>Vertis et mollis dura.  |
| 3. Tu spiritus paraclitus,<br>Tu verus consolator,<br>Mentis lustrator subitus<br>Et dulcis inflammator;<br>Tu increata caritas,<br>Tu dapsilis benignitas,<br>Mundi sanctificator. | 7. Per te nati renascimur,<br>Renati consummamur,<br>Perenni cibo pascimur,<br>Characterē signamur,<br>A vinculis absolvimur,<br>Aeterno sponso iungimur,<br>Verissime sanamur.      |
| 4. Tu donum donans omnia,<br>Tu amor, fons amorum,<br>Tu celebris laetitia,<br>Thesaurus gaudiorum,<br>Audacia, facundia,<br>Virtus et eloquentia,<br>Magister saeculorum.          | 8. Tu das gustum dulcedinis,<br>Intellectum, splendorem,<br>Consultae fortitudinis<br>Tu tribuis vigorem,<br>Tu clausum librum aperis<br>Et pietatem suggeris<br>Et ingeris timorem. |



9. Ergo, caelestis unctio,  
 Nos ungere dignare,  
 Da sacro septenario  
 Devotos abundare,  
 Jacentes in exsilio  
 Frequenti beneficio  
 Sis memor visitare.

10. O benigne paraclite  
 Lugentes consolare,  
 Te mereamur hospite  
 Post fletum exsultare,  
 Per te de carne, saeculo  
 Atque salutis aemulo  
 Possimus triumphare.

Collect. ms. Italicum saec. 14. Cod. Rossian. IX, 43. — 5,3 tibi fehlt. —  
 3. 3 illustrator. — 9. 2 Nos unge dignare, — 10. 6 Absque salutis.

### 19. De Spiritu Sancto.

1. Alme Dei digite,  
 Spiritus amoris,  
 Dulcis o paraclite,  
 Vera spes maeroris,  
 Consolator optime.  
 Imbrem tui roris  
 Funde, dans laudare te  
 Omnibus in horis.

5. Estat is temperies,  
 Flatus aurae lenis,  
 Virtutum congeries,  
 Sis in *horis senis*  
 Dono fortitudinis  
 Roborans in poenis,  
 Tuae ros dulcedinis  
 Nostris natet venis.

2. Pax insuperabilis,  
 Caritas divina,  
 Mens invariabilis,  
*Hora matutina*  
 Donum sapientiae  
 Miseris propina  
 Et aures clementiae  
 Super nos inclina.

6. Rivus omnis gratiae,  
 Nobis *hora nona*  
 Xenium scientiae  
 Dulciter condona,  
 Christi mens et passio  
 Sit in mente prona,  
 Ut fruamur inclita  
 Regnantis corona.

3. Tu clemens illabere  
 Nobis *hora prima*  
 Ut possimus capere  
 Intellectus ima,  
 Recta doce sapere,  
 Vetus purga zima  
 Et peccati scoriā  
 Dulciter elima.

7. Tuis caris ingiter  
*Hora vesperorum*  
 Subveni celeriter,  
 Pater orphanorum,  
 Pietatem colere  
 Da, merces laborum,  
 Ut ad alta scandere  
 Possimus caelorum.

4. *Hora* quondam *tertia*  
 Qui discipulorum  
 Inflammasti pectora,  
 Doce vias morum,  
 Recta da consilia,  
 Opera iustorum,  
 Sancta desideria  
 Dona, lux polorum.

8. Noctis in crepusculo  
*Hora iam completa,*  
 Sacrum neuma, tempora  
 Per te sint quieta,  
 Fac nos ita petere  
 Lectuli secreta,  
 Timor tuus super nos  
 Sit ut sine meta.



9. Eia, sancte spiritus,  
Qui Sebastianum  
Inflammasti penitus  
Nec non Fabianum,  
Superaddens tertium  
Sanctum Adrianum,  
Quos fecisti spernere  
Spiritus profanum.

10. Illos, inquam, spernere  
Vana docuisti,  
Quibus et Achatium  
Iungi voluisti,  
Dorotheam nobilem  
Illis addidisti,  
Quos tuis igniculis  
Ad mortem ignisti.

11. Dignis horum precibus,  
Sacrum o spiramen,  
Nos a mortis faecibus  
Munda dans solamen,  
Ut, cum apparuerit  
Ultimum examen,  
Venite praedulciter  
Audiamus. Amen.

Offic. ms. S. Petri Salisburgen. saec. 15. Cod. Petrin. a VI, 52. A. —  
Orat. ms. S. Petri Salisburgen. saec. 15. ex. Cod. Petrin. a V, 50. B. —  
1, 6 Imbre. — 8, 3 pneuma B. — 8, 3 sq. per te sint tempora B. — 9, 6  
Inclitum Albanum B. — Akrostichon: Apt Hertneid. Welcher Hertnidus  
gemeint ist, vermag ich nicht zu sagen.

## 20. Paraphrasis Orationis Dominicae.

- Sancte pater, summa caeli qui sedes in aula,  
Sanctificetur honore tuum venerabile nomen,  
Nobis adveniat regnum, tua magna potestas,  
Quondam qui tenuit regnum, nunc hoste depulso
5. Filius ut regnet semper per tempora pacis.  
In caelis velut colitur tua cara voluntas,  
Sic dignos faciant fructus tibi corpora nostra,  
Impleat et sanctus nostri praecordia flatus.  
Pauperibus potum nobis panemque ministra,
10. Semper ut esuriem superes aestusque laborem  
Atque tuos pascat panis victoribus aptus.  
Te, genitor, petimus, dimittas crimina nostra,  
Fratribus ut culpa veniam poscentibus ante  
Viscere perfecto pacis indulsimus almae,
15. Nonque sinas servos vinci, pater, hoste maligno,  
Olim qui primoplaustum detrusit ab Eden.  
Eripe sed, genitor, agnos de faucibus hostis,  
Ut possint Domino semper servire superno.  
Quod petimus, fiat Christo fiatque volente.

Collect. ms. Cantuariense (?) saec. 11. Cod. Cantabrigien. Gg V, 35. —  
Abschrift von Rev. H. M. Bannister.

21. Versus de Dominica Oratione.

- Sancte, tuum nomen, pater, in me sanctificetur,  
Filius ut tibi sim, sapientia pace iuветur,  
Regnum da clemens intellectumque profundum,  
Quo mediante Deum cor possit cernere mundum.
5. Fiat velle tuum, sic consule, consiliator,  
Ut mihi mercedem miseranti des, miserator.  
Caelesti me pane ciba fragilem solidando,  
Ut sit esuries mihi iustitiae salutando,  
Ut mihi dimittas, dimitto; scientia luctum
10. Augeat, in lacrimis det consolatio fructum.  
Ne tempter, rogo te pietatis opem mihi ferre,  
Ut mihi mansueto detur possessio terrae.  
Liber ut esse queam, qui liberet, adde timorem,  
Quo mihi mens humilis regni mereatur honorem.

Collectan. ms. incert. origin. saec. 13. Cod. Mazarin. 742 (1115). — Nach 14 folgen noch zwei Hexameter, die nicht zu dem Gedichte zu gehören scheinen:

Ordine retrogrado fieri progressio debet.  
Quam naturalis nobis inspectio praebet.

22. Paraphrasis Orationis Dominicae.

- |   |  |
|---|--|
| 1. Pater rerum omnium<br>pius et fidelis,<br>Iustus et misericors,<br>habitans in caelis,<br>Serva nos a laqueis<br>hostium et telis<br>Caelestium spiritum<br>commendans tutelis.      | Sacrum nomen, super nos<br>virgo invocetur,<br>Sola sine macula<br>quae semper habetur.  |
| 2. Regnum tuum veniat.<br>Christus, tuus natus.<br>Qui ineffabiliter<br>est pro nobis natus.<br>Ipse nostra scelera<br>purget et reatus,<br>Hoc pro nobis postulet<br>caelicus conatus. | 4. Tuum velle vigeat<br>in altis et imis,<br>Hoc, concede, facere<br>semper ut possimus,<br>Nostram impotentiam,<br>pater, bene scimus,<br>Quia tibi sine te<br>placere nequimus.        |
| 3. In nos tua gratia<br>semper innovetur,<br>Tuum, ut in caelis est,<br>sic sanctificetur   | 5. Panem nostrum hodie<br>da cotidianum,<br>Panem hunc, qui saucium<br>totum fecit sanum,<br>Panem hunc, qui frivolum<br>respuit et vanum,<br>Panem, qui salvificat<br>genus et humanum. |

6. Dimitte nobis debita  
nostra, supplicamus,  
Sicut debitoribus  
nostris condonamus.  
Exsules et flebiles  
te, pater, oramus,  
Dimitte, quod peccavimus,  
et dona, quod rogamus.

8. Circueuntem propter nos  
reprime leonem,  
Qui nos temptat ducere  
in perditionem,  
Paternam deposcimus  
hanc tuitionem,  
Ne nos circumveniat  
per temptationem.

7. Tu, qui mundi veneras  
solvere peccata  
Atque legis veteris  
implere mandata,  
Nostra nobis hodie  
dimitte peccata,  
Ut in nos peccantibus  
dimittimus errata.

9. Qui in caelis solus es,  
terris et in salo,  
Plebi Israeliticae  
positus in palo,  
Ad te fundo gemitus  
meos et propalo,  
Ut nos in perpetuum  
conserve a malo.

10. Nunc patris et filii  
deprecor spiramen,  
Mei caeci pectoris  
depellat velamen,  
Perpes in perpetuum  
meum sit solamen;  
Oret mecum hodie  
totus mundus. Amen.

Collect. ms. Lantoniense (?) saec. 13. Cod. Coll. Corp. Christi Oxonien.  
59. — 2, 2 invocetur. — 3, 5 Opem nostram. — 4, 2 et in imis. — 7, 7 ut  
in nobis. — Von Str. 6 eine zweite Redaction von anderer Hand:

Sicut nos dimittimus omni delinquenti,  
Tibi preces supplices pectoreque flenti  
Facimus, et scelera nobis inferenti,  
In nos ut respicias oculo clementi.

Abschrift von Rev. H. M. Bannister.

### 23. Super Pater Noster.

1. *Pater*, qui es ingenitus,  
Iesu, fili beate,  
*Noster* director, spiritus,  
Tu nos exaudi grate,  
*Qui* Deus exstas praeditus,  
Unus in trinitate.

2. *Es* vita et veritas  
Et esse aeternale,  
*In* te manet immensitas,  
Principium causale,  
*Caelis*, in quibus habitas,  
Das lumen radiale.

3. *Sanctificetur* nobile,  
Salubre, gratiosum,  
*Nomen*, quam admirabile,  
Quam summe gloriosum,  
*Tuum*, quod est laudabile,  
Prae cunctis virtuosum.
4. *Adveniat* perpetuum  
In nos possessione  
*Regnum* caeli praecipuum  
Cum tui visione  
*Tuum*, quod est mellifluum  
Manans fruitione.
5. *Fiat* mente gratuita  
Et diligenti cura  
*Voluntas*, per quam condita  
Est omnis creatura,  
*Tua* decens et licita,  
Quae legum est mensura.
6. *Sicut* es per essentiam  
Omnis fons bonitatis,  
*In caelo* sanctis gloriam  
Praebes felicitatis,  
*Et in terra* da gratiam  
Firmae stabilitatis.
7. *Panem* caelestem influe  
Nobis sacramentalem  
*Nostrum*, dona largiflue  
Panem verbi mentalem,  
*Cotidianum* tribue  
Panem materiale.
8. *Da*, Deus, efficaciter,  
Da carnis sanitatem,  
*Nobis* praebe benigniter  
Mentis tranquillitatem,  
*Hodie* et perenniter  
Da vitae sanctitatem.

9. *Et dimitte* fidelibus  
Reatus et peccata,  
*Nobis* transgressoribus  
Dominica mandata  
*Debita* paenitentibus  
Remitte perpetrata.
10. *Nostra* dissolve scelera,  
Morbos cunctos averte,  
*Sicut* das cuncta munera,  
Sic nos ad te converte  
*Et nos* transfer ad sidera  
Te visuros aperte.
11. *Dimittimus* errantibus  
Offensam et gravamen  
*Debitoribus* omnibus  
Praestante te iuvamen,  
*Nostris* ut dones mentibus  
Salutis medicamen.
12. *Et ne nos* per contagium  
Quodcumque vitiorum  
*Inducas in* excidium,  
Fer opem, rex caelorum,  
*Temptationem* hostium  
Repelle malignorum.
13. *Sed* tu, pater, per filium  
Iesum tam benedictum  
*Libera* dans auxilium  
Et mitiga conflictum,  
*Nos* salva premens noxium  
Serpentem maledictum.
14. *A* poenis, Deus, penitus  
Nos stude liberare,  
*Maio* propulso funditus  
Nos, Christe, consolare,  
*Amen* ut semper caelitus  
Possimus te laudare.

Collect. ms. Benedictoburanum saec. 15. ex. Clm. Monacen. 5005. — 1, 5 praedictus. — 5, 3 per quem enim condita. — 7, 2 Nobilem sacramentalem. — 12, 5 In temptationem. — Auf dies Lied folgen unmittelbar die beiden Glossenlieder Ave nostra domina de humilitate Anal. XXX, 222 sq. und Salve splendor praecipue ibid. 292 sq. Dies legt die Vermutung nahe, daß dieselben nicht nur aus einer Quelle, sondern auch aus einer Feder stammen, um so mehr, als sie gleichen Bau und gleiche Behandlung aufweisen. Doch ist die Verbreitung des zweiten Liedes eine weitere als die des ersten und dritten.



24. Super Pater Noster.

1. *Pater*, qui de nihilo  
saecula creasti,  
Mittens mundo filium  
nos recuperasti,  
Mortuis ex crimine  
vitam praeparasti,  
Parce nobis miseris,  
quos gratis salvasti.
2. *Noster* in adversis [sis]  
mane defensator,  
Rerum benigne conditor,  
dulcis gubernator,  
Vero certe nomine  
diceris salvator,  
Fundens cruce sanguinem  
factus triumphator.
3. *Qui* concludis semitas  
cuncta gubernando,  
In te confidentibus  
veniam donando,  
Flecte corda supplicum,  
ut in te sperando  
Laudibus et meritis  
gaudeant amando.
4. *Es* in caelis conditus  
sine fine manens,  
Nostram carnem sumere,  
Deus alme, parens  
Dignatus ex virgine,  
qui livore carens  
Subisti patibulum  
ara crucis arens.
5. *Sanctificetur* uterus,  
qui te generavit,  
Venter sacratissimus  
matris, quae lactavit,  
Gloriosae virginis,  
quae te et portavit  
Deque mortis laqueo  
vitam reparavit.
6. *Nomen* Christi credimus  
atque confitemur,  
Id cum reverentia  
semper veneremur  
Et in tuis laudibus  
prompte delectemur,  
Ut a sorde criminis  
et morte liberemur.
7. *Tuum* da praesidium  
nobis, alme pater,  
Illud nobis impetret  
sanctissima mater,  
A nostris cesset mentibus  
inimicus ater,  
Qui nos vexat stimulis  
uno puncto quater.
8. *Adveniat* cordibus  
candor lucis inclitus,  
Mentes nostras impleat  
paraclitus spiritus,  
Eius ad obsequium  
nos conformet penitus,  
Qui gratiarum omnium  
est largitor optimus.
9. *Regnum* caeli, Domine,  
mentibus infunde,  
Paenitendi gratiam  
conferas abunde,  
A te solo provenit  
et non aliunde,  
Sed in gratitudine  
non sentimus unde.
10. *Tuum* beneficium  
semper est paratum,  
Redde cor fidelium  
tibi praeparatum,  
Da nobis per gratiam  
iter demonstratum,  
Nostrum sacrificium  
tibi fiat gratum.



11. *Fiat* nobis, Domine,  
sicut tu dixisti,  
Ut ambulemus tramite  
recto, quem duxisti,  
Et tui regni gloriam,  
sicut promisisti,  
Da tuis fidelibus,  
quos tu redemisti.
12. *Voluntas* nostra maneat  
tecum radicata,  
Angelorum laudibus  
semper sit parata,  
Porta caeli, quaesumus,  
nobis reserata  
Maneat, in gloria  
virtus comprobata.
13. *Tua* dulci gratia  
defende peccatores  
Et adflictos subleva,  
mitiga dolores,  
Ut te cognoscant Dominum,  
vitia, labores  
Vitent et virtutibus  
fiant amatores.
14. *Sicut* tu vis, Domine,  
nos indifferenter  
Guberna, rege, protege  
dando nobis semper  
Muneris auxilium,  
ut tibi reverenter  
Serviamus, turpia  
vitando potenter.
15. *In caelo* cuncta gaudia  
nobis sunt parata,  
Ubi delectatio  
est adcumulata,  
Angelorum deitas  
manet informata  
Et iustorum gloria  
semper augmentata.
16. *Et in terra* prospera  
nulla, sed adversa  
Inveniuntur, miseris  
omnia transversa,  
Afflictionum plurium  
copia diversa,  
Vitemus ergo saeculum,  
ut poena sit dispersa.
17. *Panem* tuum angelicum  
praebe nobis, Domine,  
Ut tui consortii  
coniungamur agmine  
Et cum tuo filio  
et cum sancto flamine  
Iungamur in gloria  
canendo dulci carmine.
18. *Nostrum* cor, altissime,  
flecte tolerando,  
Ut vivamus sobrie  
vitia vitando,  
Te cum diligentia  
semper imitando  
Videamus facie,  
quando erit quando.
19. *Cotidianum* gaudium  
tecum invenitur,  
Per fidem spes altissimi  
cordibus unitur,  
Qui relinquit vitia,  
virtute redemitur,  
Caelesti mensa, gaudii  
poculo potitur.
20. *Da nobis*, Domine, ut  
semper tecum vivamus,  
Tua beneficia  
saepe cogitemus,  
Concede nobis gratiam,  
ut te collaudemus  
Et ad superna gaudia  
viam dirigemus.

21. *Hodie*, savator,  
conserva nos et semper,  
Concede tuis famulis,  
ut te reverenter  
Cognoscant verum Dominum,  
qui cuncta potenter  
Disponis, et veniam  
nobis da clementer.

22. *Et dimitte* criminum  
noxium ligamen,  
Qui certasti fortiter  
nobile certamen,  
Crucis in patibulo  
solvisti ligamen,  
Te esurientibus  
vere das libamen.

23. *Nobis* dux et semita,  
bone Iesu Christe,  
Sis et peccatoribus,  
petimus, assiste,  
Ut a peccatis omnibus  
caveant, resiste  
Et semper nostris mentibus  
dulciter insiste.

24. *Debita* remitte,  
quibus obligati  
Tibi sumus fortiter,  
paterna peccati,  
Quibus si fuerimus  
a te liberati,  
Erimus ad gratiam  
cito praeparati.

25. *Nostra* sunt peccamina  
tot et tam diversa,  
Ex misericordia  
nisi sint aspersa,  
Nobis procul dubio  
parata sunt adversa;  
Succurre nobis, Domine,  
peccata sint abtersa.

26. *Sicut* vis et expedit  
et sicut tibi placet,  
Fiat de nobis, Domine,  
et, si lingua tacet,  
Cor meum semper vigilet  
operibusque vacet,  
Surgat, qui criminibus  
involutus iacet.

27. *Et nos*, qui sumus fragiles,  
pravis declinantes,  
Fac in tuis laudibus  
fortes et constantes,  
In bonis operibus  
esse declinantes,  
Relinquendo vitia  
virtutes operantes.

28. *Dimittimus*, quo iugiter  
debemus operari,  
Studemus assidue  
bruta imitari,  
Semper cum miseria  
nimisque avari,  
Concede nobis, Domine,  
tecum delectari.

29. *Debitoribus* debita  
nunquam relaxamus,  
Immo nostra credita  
semper postulamus  
Et non persolventibus  
poenas praeparamus,  
Signum est, quod proximos  
certo non amamus.

30. *Nostris* adversariis  
parcere debemus,  
Mala inferentibus  
dona redonemus,  
Qui nos habent odio,  
dulciter amemus  
Et pro eis Dominum  
iugiter oremus.

31. *Et ne nos despicias,*  
*pater, te precemur,*  
*Impetremus veniam,*  
*culpam qui meremur,*  
*Libera nos debito,*  
*pater, quo tenemur,*  
*Ut in tuis laudibus*  
*semper delectemur.*

34. *Sed libera nos, Domine,*  
*libera, clamamus,*  
*Nos a peccatis omnibus,*  
*libera, rogamus,*  
*Libera, qui noxia*  
*mala reportamus,*  
*Libera, qui criminum*  
*iugo semper stamus.*

32. *Inducas nostris oculis*  
*fontem lacrimarum,*  
*Ut plangamus crimina,*  
*dator gratiarum,*  
*Cor contritum praepara,*  
*ut semper sit amarum*  
*Ex delictis pectorum,*  
*dator veniarum.*

35. *A malo mortis turbine,*  
*Christe, nos defende,*  
*Matris tuae meritis*  
*te nobis ostende*  
*Et, si mala gerimus,*  
*veniam impende,*  
*Supplicum defectibus*  
*propitius intende.*

33. *In temptationem duram*  
*currimus frequenter,*  
*Defende nos, benignus*  
*pater, quaesumus, clementer,*  
*Ut possimus temptatori*  
*resistere potenter,*  
*Et nostras infirmitates*  
*cura diligenter.*

36. *Honor, laus et gloria*  
*sit summae maiestati,*  
*Portemus reverentiam*  
*almae trinitati,*  
*Toti caelesti curiae,*  
*ut semper sint parati*  
*Ad impetrandum veniam*  
*de turbine peccati.*

Collect. ms. Fürstenfeldenses saec. 15. Clm. Monacen. 7016. 5, 6 et fehlt. — 5, 7 que fehlt. -- 20, 8 viam nostram. — 25, 4 sit. — 28, 4 brutis. — 28, 6 que fehlt. — 32, 7 peccatorum. — „Praecedens carmen orationis dominicae scripsi Bononiae in oratorio sancti Petronii sub anno Domini millesimo quadringentesimo tricesimo septimo kalendas Iulii, pontificatus Dni Eugenii, papae quarti, anno septimo, quiquidem pro tunc residebat Bononiae.“ Der Schreiber Hainricus Prugger de Holnpach.

## 25. Super Pater Noster.

1. *Pater alme, vere Deus,*  
*Ad te clamo tamquam reus,*  
*Ut tu sis adiutor meus*  
*Cum tuis virtutibus.*  
*Noster optime salvator,*  
*Deus omnium creator,*  
*Tu es gratiarum dator*  
*Hic et in caelestibus.*

2. *Qui es et in infinitum*  
*Deus eris, cor contritum*  
*Praesta, precor, praemunitum*  
*Esse cum humilibus.*  
*In caelis tu nos dignare,*  
*Sancte Deus, collocare,*  
*Ibi fac nos habitare*  
*In supernis aedibus.*

3. *Sanctificetur* in aeternis  
Tua laus et in supernis,  
Custodi nos a sempiternis  
    Poenis infernalibus,  
*Nomen* sanctum est verendum  
Dei, non contradicendum,  
Super omnia colendum  
    Semper ab hominibus.
4. *Tuum* velle, sanctum totum,  
Debet esse cunctis notum,  
A peccatis me remotum  
    Fac cum sacerdotibus,  
*Adveniat* tua virtus,  
Lenitas dictae virtutis,  
Ne cogat sanctus spiritus  
    Te cum habitantibus.
5. *Regnum* tuum est cunctorum,  
Salus nostra redemptorum,  
Praesta, Deus tuum chorum  
    Cum superioribus.  
*Tuum* regnum est beatum,  
Salus bonis deputatum,  
Est et aptum et paratum  
    Tibi servientibus.
6. *Fiat* nobis verum caelum  
Trina spes et totum verum,  
Videamus omnem zelum  
    A proicientibus.  
*Voluntas* vere divina  
Sancta manet in doctrina,  
Ut nos servet a ruina,  
    Ab inferioribus.
7. *Tua* vota sunt aeterna,  
Ut ducamur ad superna,  
Vivamus in sempiterna  
    Cum aeternis fratribus.  
*Sicut* Adam tu plasmasti  
Et post ipsum tu citasti,  
Libertatemque donasti  
    Omnibus mortalibus.
8. *In caelo* tu nos largire  
Summa gaudia sentire,  
Te videre et audire  
    Cum te diligentibus.  
*Et in terra* sic morari  
Et honeste conversari,  
Ut dotemur omnes pari  
    Vita cum viventibus.
9. *Panem* sanctum spiritalem,  
Nostrae vitae specialem,  
Praesta, Deus, vitam talem  
    Digne manducantibus.  
*Nostrum* Deum timeamus,  
Illi pie serviamus,  
Ut ad ipsum fugiamus  
    Relictis criminibus.
10. *Cotidianum* et verum,  
Vitam, carnem atque merum,  
Praesta, Deus, nunquam serum  
    Ipsam manducantibus.  
*Da nobis* et nostrae genti  
Vitam, Deus, in praesenti,  
Vitam vivere viventi  
    Cum dictis hominibus.
11. *Hodie* sit praesens vita  
Virtuosa, redimita,  
Tua gratia munita  
    Tuisque muneribus.  
*Et dimitte* servientes  
Tuos esse paenitentes,  
In futurum sint gaudentes  
    Cum vere gaudentibus.
12. *Nobis* Deus det aeternus,  
Qui nostrorum est supernus,  
Quod a nobis sit infernus  
    Procul cum daemonibus.  
*Debita* tolle culparum,  
Sancta salus animarum,  
Praesta velle non ignarum  
    Te desiderantibus.



Ab utroque spirans flamen,  
Mihi, rogo, sis solamen,  
Dum ad iudicis examen  
Venero, ne damner. Amen.

Collect. ms. Voraviense saec. 14. Cod. Voravien. 374 (306).

27. De Vita Iesu Christi.

- |  |   |
|--|---|
| 1. Iesu Christe, sempiterni<br>patris unigenite,<br>Patri consubstantialis,<br>coaequalis gloriae,<br>Tu de summis ibi manens<br>advenisti sedibus<br>Unam aggregare vagam<br>nonagenis ovibus.            | 5. Qui decorem es indutus<br>et amictus lumine,<br>Involutus iacuisti<br>pannorum sub tegmine,<br>Angelorum excitati<br>pastores praeconio,<br>Transierunt admirati<br>Deum in praesaepio.                  |
| 2. Tu divino sine viro<br>conceptus spiramine,<br>Nuntiante Gabriele<br>natus es de virgine,<br>Ac si cedrus alta vallis<br>conformetur hysopo,<br>Sine quantitate magnus<br>unitus homunculo.             | 6. Sic magi stellam videntes<br>orientis partibus<br>Venerati sunt lactentem<br>mysticis muneribus;<br>Innocens es circumciscus,<br>ut sub lege fieres,<br>Quatenus nos, qui sub lege<br>fuimus, redimeres. |
| 3. Sic procedens quasi gigas<br>geminae substantiae<br>Ad currendam exsultasti<br>viam mundi libere,<br>Universa nutu regens<br>et disponens proprio,<br>Locum non inveniebas<br>natus diversorio.         | 7. Cum duobus columbarum<br>pullis aut turturibus<br>Templo datus es acceptus<br>Simeonis manibus;<br>Puniendus ab Herode<br>petisti suffugium,<br>Ut dilata cummularet<br>mors mundo suffragium.           |
| 4. Vagiebas intra saepta<br>praesaepis absconditus,<br>Cui cives supernorum<br>adplaudabant caelitus;<br>Vita vivens. in te manens,<br>verbo pascens omnia,<br>Lactis opem esuristi<br>suspensus ad ubera. | 8. Generali subrelinquens<br>stragi coetaneos,<br>Innocentes praemisisti<br>cruoris vicarios;<br>Ex Aegypto revocatus<br>post Herodis obitum<br>Nutriendus elegisti<br>Nazareth latibulum.                  |



9. Semper idem ipse, cuius  
anni non deficient,  
Aeviternas admisisti  
vices, quae praetereunt;  
Baptizatus cum fuisses  
in Iordanis flumine,  
Spiritus super te mansit  
in columbae specie.
10. Et elapsa de suspensis  
vox patris intonuit:  
Iste est filius meus,  
in quo mihi complacuit;  
Post dierum quadraginta  
temptatus ieiunium  
Angelorum accepisti  
triumphans obsequium.
11. Iuxta mare Gallilaeae  
bis binos aspiciens  
Piscantes vocasti fratres,  
te sequi praecipiens;  
Virtus patris, quae creasti  
et gubernas omnia,  
Homo factus nova quidem  
fecisti miracula.
12. Signorum architriclino  
tu ditasti nuptias,  
Sex ex aqua vino facto  
plenas reddens hydrias;  
Item quino pane binos,  
pisce quinque milia  
Satiasti in secreta  
reparans impendia.
13. Caecis visum, claudis gressum,  
mutis eloquentiam,  
Auditum dedisti surdis,  
leprosis munditiam;  
Ex obsessis effugasti  
daemones corporibus,  
Paralysi destitutos  
innovasti viribus.
14. Diuturna exstinscisti  
sanguinis profluvia,  
Rediviva contulisti  
defunctis vitalia;  
Quieverunt tempestates  
ad vocis imperium,  
Mare calcabilitatis  
praebuit obsequium.
15. Reparationis nostrae  
futura commercia  
Ostensurus Thabor montis  
adisti fastigia,  
Transfigurans temet ipsum  
habuisti splendidam  
Faciem ad instar solis,  
vestem ut nix candidam.
16. Inque suas prociderunt  
facies apostoli,  
Petrus, Iacobus, Iohannes,  
pavore perterriti;  
At qui verus Deus vera  
fecisti magnalia,  
Caro factus vera carnis  
tulisti dispendia.
17. Panis vivus esuristi,  
vitae fons ad puteum  
Sedens a Samaritana  
poposcisti poculum;  
Qui sedes super Cherubim  
trinam regens machinam,  
Ierosolymam intrasti  
sedens super asinam.
18. Captus a Iudaeis, ut te  
regem constituerent,  
Declinasti, sponte te dans,  
ut te crucifigerent;  
Lacrimantis, extergentis,  
ungentis obsequia  
Peccatricis acceptasti,  
cuncta laxans debita.

19. Corpus tuum in sumendum  
dedisti cum sanguine  
Fratribus in spem salutis  
et ritum memoriae  
Et post cenam caput illud  
tremendum virtutibus  
Lavandis discipulorum  
inclinasti pedibus.

20. Factus erat sudor tuus  
sicut guttae sanguinis,  
Dum transferri postulares  
ad te gustum calicis;  
Sed hoc opus ordo nostrae  
salutis poposcerat,  
Ut inde vita rediret,  
unde mors obvenerat.

21. Cum prolixius orares  
in agone positus,  
Angelus consolabatur  
paventem humanitus;  
Tertio iam ab orandi  
reversus instantia,  
Dormitantes invenisti  
fratres prae tristitia.

22. Te quaerentem non fugisti  
Iudaeorum populum,  
Non negasti proditoris  
Iudae pacis osculum;  
Captus non renitebaris,  
sed ut agnus innocens  
Protrahentes es secutus  
probra multa sustinens.

23. Zelum Petri frangens, Malchi  
contingens auriculam,  
Munerasti pietatis  
medela malitiam;  
Flagellatus et consputus  
a servis pontificum  
Ductus es usque ad summi  
sacerdotis atrium.

24. Circumventus cum fuisses  
a viris mendacibus,  
Innocentem te clamavit  
praeses coram omnibus;  
Inde plebis et cohortis  
arte delusoria  
Spoliatus et nudatus  
chlamyde coccinea

25. Processisti, manu tenens  
virgam arendineam  
Coronamque plexam gerens  
de spinis impositis:  
Morti tandem condemnatus  
ad crucis patibulum  
Accessisti nullum quaerens  
fugae patrocinium.

26. Pro redemptione nostra  
patri voluntariam  
[Ut] pontifex obtulisti  
tuae carnis hostiam.  
Cum iniquis deputatus  
clavis fossis pedibus  
Pependisti perforatis  
per transversum manibus.

27. Ad verum assumptae carnis,  
lamentans indicium  
Exclamasti voce magna  
traditurus spiritum;  
Tua sibi vestimenta  
divisit plebs impia,  
De contexta, cuius foret,  
sortientes tunica.

28. Universa congemiscens  
creatura stupuit,  
Velum templi rumpebatur  
et terra contremuit;  
Obscurato sole mundum  
contexerunt tenebrae,  
Petrae scindi cernebantur,  
mortui resurgere.

29. Lancea demum inflicto  
    lateralis vulnere  
Mox exivit salutaris  
    unda mixta sanguine;  
Ioseph ab Arimathia,  
    nobilis decurio,  
Corpus tuum, sibi datum  
    a Pontio Pilato,
30. Ungens illud et involvens,  
    sicut moris fuerat,  
Posuit in monumento  
    novo, quod exciderat.  
Domum fortis invasisti  
    trudens illum vinculo  
Et direptis vasis eius  
    redisti de barathro,
31. Inventam reportans ovem,  
    pastor bonus, umeris.  
Post diem resurrexisti  
    tertiam a mortuis;  
Apparitionis tuae  
    dedisti primitias  
Mulieri, de qua septem  
    daemones eieceras.
32. Congregatis propter metum  
    in unum discipulis  
Pacis pignus attulisti,  
    clausis intrans ianuis;  
Quibusdam de visione  
    primum dubitantibus,  
Carnem illis obiecisti  
    palpandam cum ossibus.
33. Item Thomae, non credenti  
    discipulis aliis,  
Monstrasti clavorum loca,  
    cicatricem lateris;  
Diebus post passionem  
    quadraginta testibus  
Apparens praeordinatis  
    argumentis pluribus
34. Expectandum imperasti  
    convescens paraclitum,  
Quem promissum per os tuum  
    nosecant sancti spiritum.  
Hinc in caelum elevatis  
    manibus et oculis  
Benedictionem tuam  
    dedisti discipulis,
35. Et ascendens supra caelum  
    illis intuentibus  
Triumphalem praesentasti  
    carnem patris vultibus,  
Rursum venturus cum servis  
    rationem ponere,  
Singulis secundum lucra  
    talentorum reddere.
36. O rex regum, ne sis huius  
    immemor commercii,  
Sed in tanti nos confirma  
    virtute mysterii,  
Da nobis exemplo tui  
    terrena despiciere,  
Blasphemantes non timere  
    nec laudes appetere.
37. Veritate radicati  
    floreamus gratia,  
Corde, verbo, actu tua  
    sequentes vestigia,  
Venundato sub peccatis  
    condolentes saeculo  
Succurramus prece, voto,  
    lacrimis, ieiunio.
38. Carnem nostram tuae crucis  
    confige stigmatibus  
Ad supplendum hic, quae tuis  
    desunt passionibus;  
Talem tecum crucifixis  
    da perseverantiam,  
Ut nos ipsos vespertinam  
    demus tibi victimam.

39. Da nobis pro tua morte  
nostra tibi solvere,  
Ut commorientes simul  
possimus convivere.  
Occurrentes in mensuram  
tuaе plenitudinis,  
Decreti divinitatis  
et beatitudinis.

40. Consortes nos suscitabis  
et in patris dextera  
Iugi tuae nos visionis  
satiabis gloria;  
Tuo semper hic, ubique  
perfungamur exitu,  
Qui cum patre regnas Deus  
et cum sancto spiritu.

Orat. ms. Caelestin. S. Mariae de Parisius saec. 15. Cod. Mazarin.  
3897 (605). — 34, 4 noscent.

28. Sequuntur triginta tres salutationes ad Christum secundum quod  
triginta tribus annis vixit in terra.

1. Ave, Iesu, te colimus,  
Adorantes te petimus,  
Ut, quae de te recolimus,  
Acceptes, rex piissimus.

8. Ave, Iesu, quem viderunt  
Magi et adoraverunt,  
Muneraque obtulerunt  
Et gaudentes redierunt.

2. Ave, Iesu, rex omnium,  
Scrutator alme cordium,  
Infirma tu scis virium,  
Nobis sis in auxilium.

9. Ave, Iesu, quem lactavit  
Virgo mater atque pavit,  
In templo te praesentavit  
Implens, quod lex imperavit.

3. Ave, Iesu piissime,  
Ave, rex clementissime,  
Audi preces miserrimae  
Et peccatricis animae.

10. Ave, Iesu, qui omnibus  
Prope es invocantibus  
Dulcisque te quaerentibus.  
Sed plus invenientibus.

4. Ave, Iesu, fons luminis  
Es et omnis dulcedinis,  
Corpus intrasti virginis  
Naturam sumens hominis.

11. Ave, Iesu, qui doctorum  
In medio doctor horum  
Inventus es, nos tuorum  
Duc per viam mandatorum.

5. Ave, Iesu, cui sidera  
Deserviunt et aethera,  
Te intra sua viscera  
Clausit virgo puerpera.

12. Ave, Iesu, qui temptari  
Sed nequaquam superari  
Voluisti, modo pari  
Da nobis te imitari.

6. Ave, Iesu, de virgine  
Sine virili semine  
Natus fuisti, Domine,  
Sine omni gravamine.

13. Ave, Iesu, quem osculo  
Tradidit Iudas populo,  
Me pietatis oculo  
Cerne parceque sedulo.

7. Ave, Iesu, pastoribus  
Ostensus ex caelestibus  
Fuisti collaudantibus  
Angelicis spiritibus.

14. Ave, Iesu Christe pie,  
Qui alapas in facie  
Sputa, verba blasphemiae  
Passus es, sol iustitiae.



- |   |  |
|---|--|
| 15. Ave, Iesu, pro miseris<br>Tuis portasti umeris<br>Cum tormentis innumeris<br>Crucem, cum non merueris.        | 24. Ave, Iesu, rex gloriae,<br>Ave, Iesu, rex gratiae,<br>Ave, decus ecclesiae<br>Et rex plenus victoriae.       |
| 16. Ave, Iesu, qui gravia<br>Tormenta et supplicia<br>Pro tuorum miseria<br>Mira passus es gratia.                | 25. Ave, Iesu, corpus tuum,<br>Quod pro me fuit mortuum,<br>Sit mihi in perpetuum<br>Cibus et dux affectuum.     |
| 17. Ave, Iesu, qui pendentem<br>Et iuxta te morientem<br>Suscepisti, me praesentem<br>Salva, precor, te petentem. | 26. Ave, Iesu, lux mentium,<br>Ave, dulcedo cordium,<br>Nostrum fer desiderium<br>Ad te, potens rex omnium.      |
| 18. Ave, Iesu, matrem tuam<br>Iohanni dixisti suam<br>Esse, curam praecipuam<br>Donans ei perpetuam.              | 27. Ave, Iesu, tu sanitas<br>Nostra sis atque bonitas,<br>Esuries, satietas<br>Delectansque suavitas.            |
| 19. Ave, Iesu, me commendo<br>His duobus, deprecando,<br>Ut deleas miserando,<br>Quae commisi in precando.        | 28. Ave, Iesu, qui caelorum<br>Ascendisti, rex eorum,<br>Super alta, dux sanctorum,<br>Saeptus choris angelorum. |
| 20. Ave, Iesu, sit passio<br>Tua nobis defensio,<br>Peccatorum remissio,<br>Virtutum exhibitio.                   | 29. Ave, Iesu, da veniam,<br>Ave, Iesu, da gratiam,<br>Tibi digne ut serviam<br>Atque ad te perveniam.           |
| 21. Ave, Iesu, descendisti<br>In infernum et fregisti,<br>Sanctos inde eduxisti,<br>Cum sepultus iacuisti.        | 30. Ave, Iesu, dans spiritum<br>Sanctis tuis paraclitum,<br>Esto precor ad obitum<br>Meumque muni exitum.        |
| 22. Ave, Iesu, agne Dei,<br>Dator verae requiei,<br>Decor omnis speciei,<br>Miserere, precor, mei.                | 31. Ave, Iesu, qui venturus<br>Omnes es iudicaturus,<br>Bonos glorificaturus,<br>Malos iuste damnaturus.         |
| 23. Ave, Iesu, qui dolore<br>Victo mortis et sopore<br>Surrexisti cum decore<br>Gloriaque et honore.              | 32. Ave, sancta humanitas,<br>Ave, beata deitas,<br>Ave, colenda trinitas<br>Et adoranda unitas.                 |



33. Ave, pater ingenite,  
Ave et, unigenite,  
Ave, sacer paraclite.  
Salva, me Deus inclite.

Orat. ms. Caelestin. S. Mariae de Parisius saec. 15. Cod. Mazarin.  
3897(605) zweimal: fol. 15b. A; fol. 57a. B. — 1, 1 Iesu Christe B. —  
1, 4 piissime B. — 2, 3 Qui scis infirma B. — 8, 2 Reges et B. — 9, 4  
lex implevit B. — 13, 3 Pro redimendo saeculo B. — 13, 4 Salva me par-  
cens famulo B. — 24, 1 rex gratiae B. — 24, 2 rex gloriae B. — 25, 3  
Mihi sit B. — 26, 3 Fer nostrum B. — 27, 4 Et delectans B. — 28, 3  
rex sanctorum A. — 28, 4 Et dominus angelorum B. — 29, 4 Et post ad te  
B. — 30, 4 Nostrumque B. — 31, 2 Eratque iudicaturus B. — 33, 4 me  
decor inclite B.

## 29. Ad Christum.

- Cunctipotens Dominus, caeli terraeque creator,  
Me propter sacra virgine natus homo est.  
Flagris dorsa, alapis maxillas, ora salivis  
Praebuit et figi se cruce non renuit.
5. Me gessit moriens, me victa morte resurgens  
Et secum ad patrem me super astra tulit.  
Quid ergo tanta aspera nunc tolerare recusem?  
Aut quid erit, quod me separet a Domino?  
Ignem adhibe, rimare manu mea viscera, tortor,
10. Effugient poenas membra soluta tuas.  
Carcere si clauso claudar nectarque catenis,  
Liber in excelso mentis adibo Deum.  
Non metuo exsilium, mundi domus omnibus una,  
Sperno famen, Domini fit mihi sermo cibus.
15. Si mucrone paret cervicem abscindere lictor,  
Impavidum inveniet; mors cita, vita brevis.  
Nec mirabor opes, nullos sectabor honores,  
Pauperiem Christo divite non timeo.  
Quam stetero adversis, hac utar mente secundus
20. . . . .  
Nec tamen ista mihi de me fiducia surgit;  
Tu das, Christe, loqui, tuque pati tribuas.  
In nobis nihil audemus, sed fidimus in te,  
Quos pugnare iubes, et superare facis.
25. Semper agam grates, Christo dabo semper honorem,  
Laus Domini semper vivat in ore meo.

Orat. ms. Caelestin. S. Mariae de Parisius saec. 15. Cod. Mazarin.  
3897(605). — 7 tanta nunc aspera. — 21 Nec tum mihi.

30. Ad Christum.

- |  |   |
|--|---|
| 1. Ave, lumen angelorum,<br>Vivus oculus caecorum,<br>Insidias provideas,<br>Ne me seducat Satanas.  | 2. Ave, mortis triumphator,<br>Christe, gentium salvator,<br>Da fidem, da rem spei<br>Cum caritate, fili Dei. |
| 3. Ave, vita beatorum,<br>Dulce praemium laborum,<br>Ad gaudia stabilia<br>Duc me post haec exsilia. |   |

Orat. ms. Campense anni 1462. Cod. Darmstadien. 521.

31. Ad Christum.

- |   |   |
|---|---|
| 1. Ave, rex, lumen cordium,<br>Ave, sanctorum gaudium,<br>Ave, dulce solacium<br>Et unicum refugium.      | 4. En, dulciter me visitas,<br>En, fortiter me ebrias,<br>En, vix me ipsum capio,<br>Prorumpit mens in iubilo.  |
| 2. O quam pie cor satias,<br>Me totum tibi vendicas,<br>Amorem ferre nequeo,<br>Cor languet desiderio.    | 5. Caeli cives, succurrite,<br>Pium Iesum vos flectite,<br>Ut mecum semper maneat<br>Et in se sic reficiat.     |
| 3. Quidquid cerno, fastidio,<br>Te fontem vitae sitio,<br>Vere dissolvi cupio,<br>Ut te fruar cum gaudio. | 6. Quam dulcis mihi, Domine,<br>Cor penetras plenissime;<br>O quantus es in gloria,<br>Qui tantus es in gratia! |

Orat. ms. Franciscan. German. saec. 14. in. (Privatbesitz). — 1, 4 unicum solacium. — 3, 4 fruor. — 6, 1 es mihi.

32. Ad Christum.

- |   |   |
|---|---|
| 1. O Iesu, lumen mentium,<br>Tu Deus illustrator,<br>Sponsus te diligentium,<br>Amatus et amator,<br>Ditans mentes viventium,<br>Ad te Deum currentium,<br>Tu mundi gubernator. | 2. Illustra mea intima,<br>Te dona degustari,<br>Iesu, dulcedo maxima,<br>Me cogis delectari,<br>Ut tua suavissima<br>Bona degustem et optima,<br>Quibus me fac ditari. |
|---|---|

3. Hilariter me reficis,  
Vitae cibus aeternae,  
Sponse Iesu, nec deficis,  
Fons patriae supernae,  
Mentemque meam afficis,  
Quam in virtute perficis  
Caritatis internae.
4. Eternum meum gaudium  
Quovis bono suffultum,  
Sponse, Iesu, et praemium  
Magnum nimis et multum,  
Summum meum solacium  
Summumque desiderium,  
Te concupisco multum.
5. Summa mea suavitas,  
Iesu, sponse benigne,  
Tu veritas, tu caritas,  
Mentis decus insigne,  
Vera, cara aeternitas,  
In qua stat omnis bonitas,  
Te cuncta laudent digne.
6. Vere, Iesu, me vulneras  
Cum telo caritatis,  
Te quando mihi reseras  
In verbis inspiratis,  
Tu me saepe docueras,  
Mentem meam refeceras,  
Te nunquam colo gratis.
7. Cum de paterno gremio  
Me, sponse, visitasti,  
Ardenti desiderio  
Me, Iesu, inflammasti;  
Suavi tu eloquio  
De appetendo gaudio  
Pleno me informasti.
8. Rex es et Dei filius,  
Iesu, sponse beate,  
Me urens stringis acrius  
Tua suavitate,  
Mentem meam intimius  
Tu penetras et altius,  
Quae osculatur a te.
9. Iucunde me inebrias  
Divina voluptate,  
Me ipsum tibi socias  
Ferventi caritate,  
Ut sponsam tibi facias,  
Me, Iesu, saepe satias  
Tua divinitate.
10. Sponse Iesu, delicias  
Mihi saepe donasti,  
Ad tuas sacras nuptias  
Ut sponsam me vocasti,  
Attulisti divitias,  
Virtutes et scientias,  
Quibus me subarrhasti.
11. Thesaurus sapientiae  
Ex te, Iesu, refundis  
Ac flumina scientiae  
Das animabus mundis,  
Sinum intellegentiae,  
Voluntatis, memoriae  
Suaviter perfundis.
12. Ex tua influentia  
Mens mea recreatur,  
Dum mea conscientia  
In te, Iesu, laetatur,  
Dulcis experientia  
Fit ex tua praesentia,  
Qua deitas gustatur.
13. Vita in fonte bibitur,  
Dum mens te, Iesu, tangit,  
Iucunditas infunditur,  
Dum tuas laudes pangit,  
In mente lumen oritur,  
In qua lux verbum cernitur,  
Dum tuba verbi clangit.
14. Est verbi vox dulcissima,  
Quam mens audire gliscit,  
Ex hac tuba novissima  
Mens sponsa reviviscit;  
Es, Iesu, res altissima,  
Qua tua secretissima  
Mens sponsa plura discit.

15. Regis magni convivium,  
Iesu mensa paratur,  
Aeternum sponsae praemium  
Per Iesum ministratur;  
Tu ipse verum gaudium,  
Currentium tu bravium,  
Per te mens coronatur.
16. Bonarum, Iesu, mentium  
Dulcis hospes vocaris,  
In te requiescentium,  
Tu quies appellaris,  
Fons vitae sitientium,  
Cibus esurientium  
Tu, Iesu, nominaris.
17. Vultus tuus amabilis  
In intimis videtur,  
Tu sponsus es affabilis,  
Per te sponsa docetur;  
O res multum mirabilis,  
Res multum delectabilis,  
Cum Iesus possidetur.
18. Manna, Iesu, absconditum  
Electis reseraris,  
Amicis Dei creditum,  
Quibus merces donaris,  
Quamvis multis es abditum,  
Multis tamen es cognitum,  
Quia, dum vis, gustaris.
19. Delectas mirabiliter,  
Iesu, manna gustatam,  
Sapisque multipliciter  
Electis propinatum  
Unisque tibi firmiter  
Mentem, quam cibus dulciter,  
Per verbum delicatum.
20. Est nimis fortis copula  
Iesu mentem uniri,  
Nam intima tunc oscula  
Mens valet experiri,  
Aeternae vitae pabula  
Dulcissimaeque pocula  
Solet Iesus largiri.
21. Ingressus mentis intima,  
Iesu, tuo vigore,  
Tu spiritum ab anima  
Divino secas more,  
Ad bona rapis optima,  
Ut bona linquat infima,  
Ut sic stet in honore.
22. Tu, Iesu, fontem gratiae  
De te facis manare,  
Per quem ad flumen gloriae  
Nos facis navigare,  
Ubi castae sunt nuptiae,  
Ubi verae deliciae,  
Quas facis nos amare.
23. Virtute mentem erigis  
Ad intima trahendo,  
In veritate dirigis  
Ipsam plene docendo,  
Tuam sponsam non negligis,  
Te diligentem diligis,  
Iesu, cuncta regendo.
24. Mentem meam ingredi,  
Sponse Iesu praeclare,  
Frequenter hanc alloquere,  
Fac eam te amare,  
Mentem meam amplectere,  
De tuo vivat munere,  
Ut queat te laudare.
25. Es, Iesu, vehementia  
Mentis te diligentis,  
Amoris violentia  
Introrsum te trahentis;  
Ex tua influentia  
Fiunt corda ferventia  
Coetus te sitientis.
26. Meae mentis amictio  
Per te, Iesu, formatur,  
Nam tua benedictio  
Nunc mihi suffragatur,  
Nulla mentem afflictio  
Vincit nec contradictio,  
Si Iesu muniatur.



27. Electa tu aeternitas,  
Electio aeterna,  
Secura tu internitas,  
Securitas interna,  
Iucunda tu tranquillitas  
Tranquillaque iucunditas,  
Iesu, monstrans superna.
28. Nihil ut Iesus intime  
Menti potest inesse,  
Internus sponsus animae  
Dans cunctis rebus esse;  
O Iesu, regens optime,  
Regnum parans aptissime  
Menti a te possessae.
29. Tui Iesu cognitio  
Clara atque serena,  
Nec non tui dilectio  
Totalis atque plena  
Perfectaque fruitio  
Sunt mentis gloriatio  
Caelestis et amoena.
30. O Iesu, fons dulcissime  
Cuiuslibet dulcoris,  
Spes te quaerentis animae,  
Vinum dulcis amoris,  
O amnis amoenissime,  
Reficiens plenissime  
Spiritus amatoris.
31. Multis modis alloqueris  
Tu, Iesu sponse, mentem  
Internos sensus aperis,  
Hos monstras te regentem;  
Quando sponsam ingrederis,  
Tunc verus sponsus crederis,  
Amas te diligentem.
32. Electae desiderium  
Menti, Iesu, infundis  
Dulceque refrigerium  
Das in te laetabundis;  
Mirabile mysterium  
Per Iesu magisterium  
Sponsis monstratur mundis.
33. In Iesu sanctis omnibus  
Verum datur solamen,  
Electorum agminibus  
Dat Iesus recreamen,  
Hinc laudes cum honoribus,  
Maiores cum minoribus.  
Omnes dicamus. Amen.

Collect. ms. S. Albani Treviren. saec. 15. [et 16.]. Cod. Treviren. 228. —  
22, 1 O Iesu fontem. — 32, 1 Caeleste desiderium. — Akrostichon: „O Iesu  
Christe, Verbum Dei, tu memento mei.“

### 33. Ad Christum.

- O lumen verum, genitum de lumine vero,  
Christe, Dei patris verbum, sapientia, virtus,  
Cum genitore tuo non unus es et tamen unum,  
Sicque coaeternus genitori nec minor ipso,
5. Una sub deitate parique vicens dominatu.  
Invariabilis et impalpabilis, immaculatus.  
Omnia complens, omnia condens, cuncta gubernans  
Pneumate cum sancto, tuus est qui nexus amoris  
Et patris, amorem dilectio, compar utrique,
10. Procedens ab utroque simul pariterque benignus,



Cum quibus est unum, non unus, sed Deus unus,  
Cuncta creans, salvans, moderans, complensque tenensque.  
Cum patre cum sancto quoque pneumate sit tibi perpes  
Gloria, virtus, laus et honor, vis atque potestas.

15. Innumeras agimus tibi grates nos redeunti  
De tenebris, de morte, perenni de cruciatiu  
Per carnem veram, de semper virgine sumptam.  
Quae genetrix innupta manens et virgo dicata  
Mater alumna potest tua dici, sponsa beata,
20. Pigmentaria cella, domus, thalamus deitatis.  
O miranda nimis dilectio, fervor amoris!  
Immensus modica nostra, sed laude perenni  
Et celeberrimus et dignissimus, omnia nobis  
Supposuisti, sponte creasti, nos reparasti,
25. Quos rationis luce beasti, condecorasti,  
Fecisti similes tibi, caelis associandos.  
Quos male deceptos et tartareis relegatos  
Nexibus ex merito protoplasti nos generantis  
Ad te traxisti, tibi gratis restituisti
30. Poenis corporeis variis, quas sponte subisti,  
Mortem vicisti, quia vita mori voluisti.  
Post surrexisti, sic caelos victor adisti  
Et potiora patris bona sumpta carne petisti.  
Nec discessisti tamen a patre per deitatem,
35. Quamvis in terris latitans sub carne fuisti.  
Sumpsimus indigni modo te, nos protege, salva,  
Vivifica, benedic, custodi, ne pereamus.  
Non sis iudicium, sed plena remissio nobis,  
Ut te laudantes tibi complaceamus in aevum.
40. Pastor ovem recrea propriis umerisque reporta  
Ad tua tecta, tuis congaudens coetibus almis,  
Amisam quoniam dragmam sapiens reperisti  
Quamque cruore tuo mundans tibi restituisti.

Collect. ms. Ranshoviense saec. 12. Clm. Monacen. 12 667. add. saec.  
13. in.

#### 34. Ad Christum.

- |  |  |
|--|--|
| <ol style="list-style-type: none"> <li>1. O lux sempiterna,</li> <li>O salus aeterna,</li> <li>Christe, rex supernus,</li> <li>Quem timet Avernus,</li> <li>Vocatus Eleison,</li> <li>Rex caelestis Sion,</li> <li>Qui imperas astris</li> <li>In supernis castris,</li> </ol> | <p>Cui est potestas<br/>Sollersque maiestas,<br/>Universa posse,<br/>Sub numero nosse<br/>Stellas nominatim<br/>Imbresque guttatim,<br/>Tu solidas mentes<br/>Te in se habentes.</p> |
|--|--|

Orationale ms. Benedictinum (monialium) saec. 13. Cod. Selestadien. 75)  
(1168).

35. Ad Christum.

Salve, salvator mundi, rex atque creator,  
Qui Deus es et homo, natus de virginis alvo.  
Te, Deus, exoro supplex et pronus adoro,  
Ut mihi condones et caeli gaudia dones,  
Nec non defunctis, vivis fidis [quo]que cunctis.

O sanguis Christi, qui fusus amore fuisti  
Humani generis, nobis, precor, auxiliieris,  
Dele peccata, da nobis regna beata.

Collect. ms. saec. 15. Clm. Monacen. 641.

36. Ad Christum.

- Omnipotens solus, regnas qui trinus et unus,  
Cum patre iam natus, procedens spiritus almus,  
Qui caelos, terras, mare, flumina, sidera, stellas,  
Qui volucres, pecudes, reptantia, nantia, pisces,
5. Angelicas sedes profugas simul atque fideles,  
Qui miseras hominum gentes pariterque potentes  
Atque creaturas proprio sub nomine cunctas  
Disponis, servas, nunc et per saecula gubernas.  
Domne meus, tu Christe Deus, rex maxime salve,
10. Omnis honos, virtus, tibi laus et gloria perpes.  
Qui cum sis magnus Deus atque piissimus agnus,  
Natus absque patre sancta de virgine matre,  
Clausus utro matris, verbum de pectore patris,  
Tempore sic cum matre manens, sine tempore patre
15. Mystério tanto sumpto de flamine sancto,  
Omnipotens, verus, faciens magnalia solus,  
Omnia de nihilo disponens ordine miro,  
Ante manens saeculum, quem constat et esse per aevum,  
Quod fuit, est et erit, quod vivit quodque peribit,
20. Glorificet, laudet, metuatur, veneretur, adoret.  
Rex universorum, qui vivis in arce polorum,  
Regnans ac moderans, accepte cuncta gubernans,  
Nate Dei, miserere mei, rex maxime Christe,  
Cumque salute mea mihi, Christe, benignus adesto
25. Atque tua genetrice interveniente Maria,  
Angelicis turmis, patriarchis cumque prophetis,  
Agmine apostolico pulsando, precando, rogando,  
Martyribus cunctisque tuo pro nomine passis  
Nec non et cunctis cum confessoribus almis
30. Virginibusque tuis cunctisque fidelibus ullis,

- Qui placuere tibi vigiles ab origine mundi.  
Iesu, Dei fili, rogo te, mea crimina dele,  
Crimina dissimulans, miserans peccata remitte.  
Tu minimas culpas universas, Christe, relaxa
35. Sordibus et lotum cunctis virtutibus imple  
Omnimodisque bonis me dignis actibus orna,  
Laetifica, salva, confirma, dirige, serva.  
Sit mihi recta fides et falsis obvia sectis,  
Sit mihi praecipue morum correctio praesens;
40. Sim carus, humilis, verax cum tempore prudens,  
Secreti tacitus et linguae limine cautus.  
Da fidum socium, da fixum semper amicum,  
Da blandum sobriumque, pium castumque ministrum.  
Non me pauperies cruciet nec languor abundet,
45. Sit comes alma salus et sufficientia victus,  
Crimine nec laedam quemquam nec crimine laedar.  
Sic bene velle queam, quo pravum quodque recedat,  
Nil turpe cupiam, faciam vel proloquar unquam.  
Sit mihi post mortem requies et vita perennis
50. Per te, qui solus tu regnas trinus et unus.

Collect. ms. Cantuariense (?) saec. 11. Cod. Cantabrigien. Gg V, 35. —  
Nach 33: Crimina cuncta tegens, etiam peccata remittens. Dies ist offenbar  
nur eine andere Fassung von 33, die durch Irrtum vom Rande in den Text  
gelangte. — Abschrift von Rev. H. M. Bannister.

### 37. Ad Christum et Mariam.

1. Pie Iesu, recordare,  
Quam crudeliter et quam amare  
In signo crucis liberasti,  
Perditum genus protoplasti  
Pretiosissimo sanguine corporis tui,  
Gratia tantum et non merito sui.
2. Et ne in me redemptio pereat talis,  
Per te meis peto [liberari] malis  
Et, ne perdas nunc offensus,  
Pro quo in ligno crucis es suspensus,  
Ne perdas nunc iratus,  
Pro quo tantum es vulneratus.
3. Quid mihi profuit, auctor lucis,  
Quod subisti poenam crucis,  
Si sic maneam in delictis  
Et damnabor cum maledictis?  
Non sic perdas, Iesu bone,  
Tua redemptum passione.

4. Sed moneant te vulnere pedum,  
Lateris, manuum, fel, acetum,  
Sputa, clavi, lancea, arundo,  
Per quem est vita reddita mundo.
5. Te moneat nobile lignum,  
Quod te portare fuit dignum,  
Lignum crucis triumphale,  
Cui nullum est aequale;  
Nunquam [tale] protulit humus,  
Per quod nos salvati sumus.
6. Ut quid miseratus es latronis  
In ipsa hora passionis,  
Ianuam vitae aperiens ei?  
Precor te, miserearis mei,  
Si reatus non impedit meus,  
Ut exaudiar a te, Deus.
7. Quo me vertam infelicem  
Nisi ad tuam genetricem,  
Ad Mariam, stellam maris,  
Quam prae cunctis veneraris,  
Qua orante parcere soles  
His, quos gravat criminum moles?
8. O Maria, mater misericordiae,  
Ora regem, iube nato,  
Ut me mundet a peccato,  
De peccato actuali,  
Quem mundavit ab originali  
Pretiosissimo cruore  
Te astante cum dolore.
9. Recordare, virgo mitis,  
Cur haec ambo passi sitis,  
Hic in carne, tu in mente,  
Cum pateretur te praesente.
10. Causa mei crucem ascendit,  
Ut salvaret, in cruce pependit;  
Causa mei tu doluisti,  
Cum aspiceres mortem Christi.
11. Quod subiit causa mei  
Poenam filius Dei,  
Tunc ego fui causa mortis sui,  
Fui et doloris tui.



12. Noli ergo, mater Dei,  
Oblivisci hodie mei,  
Sed pro me, domina, ora;  
Filius audit te absque mora,  
De cuius utero voluit nasci  
Et a tuis uberibus pasci.
13. Sancta Maria, mater Christi,  
Placa Deum, quem genuisti,  
Placa iram mei iudicis,  
Tu mater eius sancta sufficis.
14. Sic, domina, scio pro vero,  
Si subveneris, salvus ero;  
Succurre ergo, succurre citius,  
Et erit mihi per te propitius.

Orat. ms. Lunaelacense anni 1451. Cod. Vindobonen. 3835. — 3, 3 in deliciis. — 6, 5 perpendit meus. — 12, 6 uberis.

### 38. Laudes Iesu Christi.

- |   |  |
|---|--|
| 1. Te cupio salutare,<br>Sanctum Dei salutare,<br>Salutans te glorifico<br>Et pro posse magnifico.              | 6. Ave, iubilus mentium<br>Te vere sitientium,<br>Non est mirum, si iubilat,<br>In quo tantus sol rutilat.       |
| 2. Te quaeso, ne despicias,<br>Sed clementer suscipias<br>Salutes, quas nunc offero<br>Saluti, quam desidero.   | 7. Ave, melle praedulcior<br>Et satis odoratio<br>Quam quaelibet aromata,<br>In te vera sunt sabbata.            |
| 3. Ave, Iesu, fili Dei,<br>Ave, finis meae spei,<br>Ave, Iesu nomen pium,<br>Ave, vitae principium.             | 8. Ave, Iesu, rex virginum,<br>Quae te Deum et Dominum<br>Sequuntur locis omnibus<br>Claris canentes vocibus.    |
| 4. Ave, Iesu, nomen bonum,<br>Summi patris summum donum,<br>Ave, Iesu, nomen carum,<br>In quo nihil est amarum. | 9. Iesu, tibi sunt proximi,<br>Qui sunt carne mundissimi,<br>Si mens carni respondeat<br>Nec vana laude gaudeat. |
| 5. Ave, Iesu, mel in ore,<br>Semper novus in amore,<br>Ave, Iesu, dulce melos,<br>Quod resonat supra caelos.    | 10. Tibi placet virginitas,<br>Cui non deest humilitas,<br>Sed virgines non humiles<br>Tibi sunt contemptibiles. |



11. Ave, Iesu, fons hortorum,  
Cor humectans aridorum,  
Tu flos campi convallium,  
Confortans visus gentium.
12. Ave, Iesu. nomen dulce,  
Meum triste cor demulce,  
Ave, Iesu, nomen vivum,  
Habens in te vitae rivum.
13. Iesu, nomen amabile,  
Prae cunctis memorabile,  
Nam fidenter memoratur  
Et frequenter invocatur.
14. Iesus extirpat vitia  
Et expellit daemonia,  
Dat, auget, fovet gratiam,  
Confortat conscientiam.
15. Qui Iesum pie nominat,  
Cibum salubrem ruminat;  
Ave, Iesu, vera salus,  
Quem pavescit omnis malus.
16. Ave, fili summi patris,  
Ave, pater tuae matris,  
Ave, quem pater genuit,  
Sed genito non praefuit.
17. Ave, patri coequalis.  
Inter natos nullus talis;  
Ave, patri coaeternus,  
Cum sis ipse sempiternus.
18. Deus pater ingenitus,  
Tu patri unigenitus,  
Ex utroque paraclitus  
Sanctus procedit spiritus.
19. Una tibi substantia,  
Nec est in hac distantia;  
Tres sunt unum, sed non tria,  
Consimiles per omnia.  
Tu solus, Iesu Domine,  
Deus verus cum homine.
20. Ave, caelis excelsior  
Et abyssis profundior,  
Ave, cuius scientia  
Non minor quam potentia.
21. Virtus tua totum posse,  
Sensus tuus totum nosse,  
Nihil est, quod te lateat,  
Nil, quod tibi non pareat.
22. Ave, Iesus, bonus agnus,  
Malis vero leo magnus,  
Ave, Iesu, dux in via,  
Introductor in propria,  
Nam seductor hic seduxit,  
Quem dux iste non conduxit.
23. Ave, sitis bonae dator,  
Sitis malae sis sedator;  
Ave, serpens fixus palo,  
Qui resistis omni malo,  
Sana nos a serpentibus,  
Nos tam saepe mordentibus.
24. Ave, dilectae lectulus,  
Ave, murrae fasciculus,  
Ave, murra mortificans  
Carnem et cor vivificans.
25. Murrae mortificatio  
Est iugis recordatio  
Tuae sanctae passionis,  
Nostrae pravae actionis.
26. Ave, ros mentem temperans,  
Carnis aestum refrigerans,  
Mihi sis refrigeratio  
A pravo desiderio.
27. Ave, Iesu, cui debeo  
Omne bonum, quod habeo,  
Nam nihil sunt mea bona  
Nisi tua pura dona,  
Tu totum mihi tribuis  
Et nihil tibi minuis.

28. Ave, Iesu, rex caelorum,  
Ave, panis angelorum,  
Ave, creator omnium,  
Regni caelestis ostium,  
Ave, mundi gubernator,  
Ave, potens dominator.
29. Ave, quem tremunt angeli,  
Quem adorant archangeli,  
Ave, cui throni serviunt,  
Cui virtutes oboediunt.
30. In te Cherubim hauriunt  
Et Seraphim, quod cupiunt,  
Tu totum illis gaudium,  
Neque parvis fastidium,  
Nam iugis tui copia  
Accendit desideria.
31. Ave, qui cunctis imperas,  
Qui daemones exsuperas,  
Ave, patrem glorificas,  
Ave, matrem sanctificas.
32. Ave, pater gratiarum,  
Ave, custos animarum,  
Ave, pastor pii gregis,  
Ave, lator novae legis.
33. Ave, regnans per saecula,  
Ave, mundus a macula,  
Ave, vera medicina,  
Tu malorum es ruina.
34. Ave, vitae verus liber,  
Per quem mundus factus liber,  
Quisquis in te digne legit,  
Ille sese bene regit.
35. Ave, pius et innocens,  
Ave, viam vitae docens,  
Ave, qui nunquam deficiis,  
Ave, qui mundum reficis.
36. Ave, lassorum requies,  
Ave, decora facies,  
Ave, lapis pretiosus,  
Ave, totus generosus.
37. O praecllens margarita,  
De te solo tu me dita,  
Te quaeram, te reperiam,  
Praeter te nihil cupiam,  
Tu thesaurus esto meus,  
Ne plus quaerens fiam reus.
38. Ave, mitis et suavis,  
Ave, caeli firma clavis,  
Ave, maris huius portus,  
Cuius mirus fuit ortus.
39. Ave, dulcedo cordium,  
Ave, purgator sordium,  
Ave, potens divinitas,  
Ave, clemens humanitas.
40. Ave, mentis societas,  
Ave, felix ebrietas,  
Ave, Christe, vera vitis,  
Qui salutem nostram sitis,  
Fac tibi semper haeream  
Tamquam palmes, ne peream.
41. Ave, vinum laetificans,  
Ave, mundum pacificans,  
Ave, tutum refugium,  
Ave, iuge praesidium.
42. Ave, sanctorum gloria,  
Ave, salutis hostia,  
Ave, qui stellas numeras,  
Ave, qui cuncta ponderas.
43. Ave, dignum vitae lignum,  
Pro te colo crucis signum,  
Ex hoc ligno progreditur  
Omne, quod bonum creditur.
44. Ave, qui bonos dirigit,  
Ave, qui malos corrigis,  
Ave, legis terminator,  
Verbi Dei seminator.
45. Ave, noster advocatus,  
Per quem pater est placatus,  
Ave, fons indeficiens,  
Sitim nostram reficiens.

46. Ave, lapsorum baculus,  
Ave, pigrorum stimulus,  
Ave, sanctorum speculum,  
Ave, qui salvas saeculum.
47. Ave, mundi speculator,  
Periculi nuntiator,  
Ave, pugnatum clipeus,  
Aquaе vivae tu puteus.
48. Ave, sanctum cataplasma,  
Quo sanatur tuum plasma  
A peccati languoribus  
Et inferni doloribus.
49. Ave, dives et nobilis,  
Totus desiderabilis,  
Ave, fons sapientiae  
Et amator munditiae.
50. Ave, vita viventium,  
Ave, spes morientium,  
Ave, virtus debilium,  
Ave, comes humilium,
51. Ave, potens auxilium,  
Ave, sanum consilium,  
Ave, morbi remedium,  
Ave, qui tollis taedium.
52. Ave, dulcis et patiens.  
Ave, prae cunctis sapiens,  
Ave, clemens et benigne,  
Ave, iugi laude digne.
53. Ave, fructus benedictus,  
Ave, pugil nunquam victus,  
Ave, iudex iustissime,  
Ave, testis verissime.
54. Ave, doctor veritatis,  
Ave, radix caritatis,  
Ave, torrens voluptatis,  
Fons totius bonitatis.
55. Ave, norma iustitiae,  
Exemplar patientiae,  
Ave, splendor caelestium,  
Ave, lumen fidelium.
56. Ave, fidelis medice,  
Ave, frater et amice,  
Ave, laboris praemium,  
Redemptionis pretium.
57. O pretium sufficiens,  
Pro nobis satisfaciens,  
Tu ditator egentium,  
Tu solamen languentium.
58. Ave, mundi redemptio,  
Ave, iustorum portio,  
Ave, mortis superator,  
Ave, plebis liberator,  
Ave, prudens mediator,  
Ave, fortis proelior.
59. Ave, sine cuius dono  
Nullus gaudet ullo bono,  
Ave, legis impletio,  
Peccatorum deletio.
60. Ave, lapis angularis  
Et magister singularis,  
Ave, in quo sunt omnia,  
Quae[cum]que sunt utilia.
61. Ave, qui primum hominem  
Ad divinam imaginem  
Creasti mirabiliter,  
Sed is miserabiliter
62. A te factus immortalis  
Morsu pomi noxialis  
In mortem cito cecidit,  
Dum Evae nimis credidit.
63. A te fuit elongatus,  
Iugo carnis subiugatus,  
Paradisum amiserat  
Et infernum meruerat.
64. Eius quoque posteritas  
Sequens parentum semitas,  
Sed tu, Iesu, rex gloriae,  
Huic condolens miseriae,

65. Ut miserum reduceres  
Patrique satisfaceres,  
Non [re]linquens caelestia  
Descendis ad terrestria,  
Virginis intrans uterum,  
Conditor alme siderum.
66. Ave, natus de virgine  
Sine virili semine,  
Ave, verbum incarnatum,  
Ave, numen humanatum.
67. Ave, matrem introiens,  
Ave, de matre prodiens,  
Ave, Deus absconditus  
Forma servilis habitus.
68. Ut Leviathan capias,  
Hamus carne te pallias;  
Hamus latens divinitas,  
Esca patens humanitas.
69. Sic Leviathan decipis,  
Cum carnem nostram suscipis,  
Qui dum carnis adgreditur  
Escam, a hamo capitur.
70. Ave, iacens praesaepio,  
Natus in diversorio,  
Ave, pannis involutus,  
Verbum tacens velut mutus,  
Ave, carne circumcisis,  
† Ave, causa nostri risus.
71. Iesu, mirandum iudico,  
Quod tu more Iudaico  
Circumcidi te pateris,  
Culpam cum non habueris.
72. Baptismatis ablutio  
Carnisque circumcisio  
In te sunt ad mysterium,  
Aliis ad remedium.
73. Ave, quem matris gremio  
Stellae conducti radio  
Tres magi corde simplici  
Honorant dono triplici.
74. Ave, quem laetus tenuit  
Simeon, postquam senuit,  
Fac, ut nos te complectamur  
Et in pace dimittamur.
75. Ave, peccatum destruens,  
Sed baptismum non respuens,  
Ave, super quem caelitus  
Sanctus descendit spiritus.
76. Ave, quem post ieiunium  
Temptavit hostis omnium,  
Sed temptando succubuit,  
Nam in te nihil habuit.
77. Ave, cuius pia vita  
Nostra fuit praemunita,  
Ut mundum semper fugiat  
Caelestiaque cupiat.
78. Ave, fervens praedicator,  
Vitiis resecator,  
Doctrina tua continet,  
Quidquid ad vitam pertinet.
79. Ave, sub panis specie  
Te relinquens ecclesiae;  
Hoc mirandum sacramentum  
Tuum fuit testamentum.
80. Hinc fides et dilectio  
Crescit atque devotio,  
Nam dum de te nos satias,  
Corde tibi nos socias.
81. Panis formam intuemur,  
Sed sub forma confitemur  
Carnem iunctam deitati,  
Deitatem parvitati.
82. Panis transit substantia,  
Sed manent accidentia;  
O miranda potentia!  
Sed non minor est gratia,  
Quod ille, qui sic potuit,  
Ita fieri voluit.



83. O creatoris dignitas!  
Quanta, qualis humilitas!  
Qui tuis sanctis manibus  
Discipulis cernentibus
84. Prostratus pedes abluis,  
Tu qui superbos respuis,  
Formam praetendis humilem  
Ad te placandum utilem.
85. Ave, quem tradit osculo  
Iudas vili munusculo,  
Ave, pro me flagellatus,  
Ave, spinis coronatus.
86. Tu consputus et illusus,  
Tuus sanguis pro me fusus,  
Satiatus doloribus  
Sociaris latronibus.
87. Ori tuo porrigitur  
Acetum, cui fel iungitur,  
Post talem potum traditum  
Sanctum emittis spiritum.
88. Ave, pro nobis moriens,  
Patri semper oboediens,  
Ave, manu sanguinea  
Dira percussus lancea.
89. Transfixa corde saucio  
Tunc Simeonis gladio  
Flens mater corde percipit  
Vulnus, quod latus recipit.
90. Ave, sepulte Domine,  
Descendens in voragine,  
Tartarea qui fregisti,  
Unde tuos eduxisti.
91. Ave, surgens a mortuis  
Et apparens cito tuis,  
Ave, scandens ad aethera,  
Patris sedens in dextera.
92. Ave, qui patris debitum  
Ab aethereis sedibus  
Sanctum transmittis spiritum  
Discipulorum cordibus.
93. Quaerit purgator scelerum  
Hominis mentem hospitem  
Et divinorum operum  
Hominem facit comitem.
94. O quam clemens benignitas,  
O quam suavis caritas,  
Docens quid sit fragilitas,  
Quid sit virtus et veritas!
95. Ave, iudex adventurus  
Et condigne redditurus  
Iustis aeterna gaudia,  
Malis vero supplicia.
96. Ave, Iesu, potens ignis,  
Quod probatur multis signis,  
Tu cor accendis frigidum,  
Nigrum vertis in candidum.
97. Tu superbos incineras,  
Dura mollis, res teneras  
Convertis in duritiem,  
Mentis erigis aciem.
98. Ave, linguis in igneis  
A sedibus aethereis  
Promissum mittens spiritum  
In gregem tibi subditum.
99. Docti fiunt, ut doceant,  
Et fortes, ut sustineant,  
Perpetrantque prodigia,  
Sic fundatur ecclesia.
100. Dies mihi deficeret,  
Et lingua non sufficeret,  
Si discurram per omnia  
De Iesu laudabilia.
101. Te, Domine, salutavi,  
Laudes tuas eructavi,  
Sit tibi laus pro omnibus,  
Quas de te dixi laudibus.
102. Te, mi Iesu, salutabo,  
Nunquam vero refutabo  
Me te satis salutasse,  
Cum te credam me salvasse.



103. Nam salutans te centies  
Provocor ad millesies.  
Salus a me salutata,  
Fac, ut nunquam sit mutata  
Salutantis intentio  
A salutis servitio,

104. Sed saluti sic praevidiam,  
Ut salutem accipiam,  
Et cum salus defuerit  
Carnis et mors adfuerit,  
Tunc peccatorum veniam  
Et salutem inveniam.

Orat. ms. Caelestin. S. Mariae de Parisius saec. 15. Cod. Mazarin.  
3897(605). — An zwei Stellen sind am Rande die Verse nachgetragen:

Ave, Iesu, nomen plenum  
Cunctis bonis et serenum.

Cor meum durum, aridum  
Pietate fac humidum.

Es ist indes nicht ersichtlich, wo dieselben eingeschaltet werden sollen.

### 39. De Nominibus Christi.

- Omnipotens vis trina, Deus, pater optime rerum,  
Quo narrante satus sine tempore, semine, matre,  
Ortu, fine, loco vel membris, post coronatus,  
Permittens cerni, multo quoque nomine dictus
5. Spes, ratio, vita, salus, sapientia, mens, mons,  
Iudex, porta, gigas, rex [regum], gemma, sacerdos,  
Messias, Sabaoth, rabbi, sponsus, mediator,  
Virga, columba, manus, petra, filius, Emanuel, lux,  
Vinea, pastor, ovis, pax, radix, vitis, oliva,
10. Fons, hoedus, panis, agnus, vitulus, leo, Iesus,  
Verbum, homo, rete, lapis, Dominus, Deus, omnia, Christus.

Collect. ms. Tegurinum saec. 10. Clm. Monacen. 18628. — 4 dictum. —  
7 Mesias, Sabaoth, Rabbis.

### 40. De Generatione Christi aeterna et temporali.

1. Nondum rerum serie  
De primae materiae  
Sequestrata gremio,  
Immo prius etiam  
Quam primam materiam  
Sevisset creatio,
2. Fax aeterni luminis,  
Totius originis  
Radix et initium,  
Lex et motus temporis,  
Ex arcano pectoris  
Genuerunt filium.
3. Hic est mens altissimi,  
Cuius nequit exprimi  
Mira generatio;  
Hic est sapientia,  
Qua creavit omnia  
Deus in principio.
4. Hic est verbum patrum,  
Verbum firmatorium  
Caelorum et siderum,  
Verbum, quod caro factum,  
Verbum et quod intactum  
Fecundavit uterum.

5. Salutare Domini,  
Quod viderunt termini,  
Puer natus hodie,  
Cuius matris partui  
Ostetricant strenui  
Caeli cives curiae.

6. Vagit infans inclitus  
In praesaepi positus  
Inter animalia,  
Pax in terris hominum  
Et sanctorum ordinum  
In excelsis gloria.

Caro, verbi socia,  
Iungat nos Alleluia.

Orat. ms. Caelestin. S. Mariae de Parisius saec. 15. Cod. Mazarin. 3897 (605).

#### 41. De Incarnatione Domini.

1. Arce siderea  
Phoebe refulserat  
Et lucis aurea  
globos effuderat,  
Cum nocte media  
temporis aderat  
Iam plenitudo.  
Multis e fratribus  
unus eligitur,  
Tot caeli civibus  
unus dirigitur,  
Regis obtutibus  
praesens, qui quaeritur,  
Stat Fortitudo.

2. Succinctus Gabriel  
oboedientia,  
Summus archangelus  
promptus ad omnia,  
Stat regis nuntius  
regis imperia  
Ferre paratus.  
Angele Gabriel,  
inquit, progredere,  
Fer cito nuntium,  
cito regredere,  
Sed brevi iubeo,  
brevi caractere  
Sis oneratus.

3. Ibis ad virginem  
stirpis Davidicae,  
Vultus siderei,  
mentis angelicae.  
Cum vocis exprimis  
verba prophetiae  
Mystica, cave,  
Virgo ne timeat,  
sed prolis regiae,  
Sed vultus placidi.  
sed pulchra facie,  
Saluta virginem,  
sed tali serie  
Dic prior: *Ave*.

4. Virgo dum trepidat  
et unde veneris,  
Stat, studet, cogitat,  
quis, qualis fueris  
Vel cuius nuntius.  
ne cito dixeris,  
Sed voce pia,  
Stans vultu placido,  
demisso lumine,  
Pudicis oculis  
fixis in virgine,  
Propriam proprio  
designans nomine  
Iunge: *Maria*.

5. Dum timens refugit  
virilem faciem,  
Vultus angelici  
denuda speciem,  
Dum modum discutit  
et rerum seriem  
Virgo serena,  
Sume parabolam  
vocis interea;  
Sed quidquid dixeris  
prius et postea,  
De quibus dixero,  
dic tamen antea:  
*Gratia plena.*

6. Carnis virgineae  
sub domicilio,  
Dic, domum praeparet,  
sed Dei filio;  
Stabit et conferet,  
sed sub silentio  
Singula secum.  
Pudoris titulum  
primo discutiet,  
Da fidem virgini,  
quod virgo pariet,  
Dic, cuius spiritu,  
per quem concipiet,  
*Dominus tecum.*

7. Felicem praedica,  
quae Dei filio  
Mater eligitur  
vernante lilio  
Pudoris integri,  
sed et angelico  
Digna relatu,  
Quae pacis osculo  
terrena superis  
Amoris glutino  
iungis et inseris,  
In mulieribus  
primis et posteris  
*Benedicta tu.*

8. Dulce cum virgine  
misce colloquium;  
Quaeret, quem pariet;  
dic: Dei filium;  
Quaeret et quomodo;  
dic tu: per spiritum;  
Quaerere plura  
Virgo si coeperit,  
libens exsequere,  
Dic, tetragrammaton  
quali caractere  
Possit dissyllaba  
sensu concludere  
Laude futura.

9. Regis imperio  
regalis nuntius  
Secreta virgini  
secreti conscius  
Divina reserat;  
formidat primitus  
Virgo pudica.  
Incipit angelus  
modis disserere,  
Felicem praedicans,  
vota puerperae;  
Iam cupit effici,  
sed tali foedere  
Regis amica.

10. Iam sacri pneumatis  
perfusa lumine  
Credit et concipit;  
divino semine  
Floret et pullulat  
mater in virgine,  
Nosque sollenni  
Laudemus Dominum  
vocis obsequio,  
Cum patre luminum  
matrem cum filio  
Laudet et praedicet  
nostra devotio  
Laude perenni.

42. De Incarnatione Christi secundum alphabetum.

- |   |  |
|---|--|
| 1. Amor verus omnia<br>Potest superare,<br>Bellorum saevitiam<br>Valet refrenare.<br>Corda discordantium<br>Sic coadunare,<br>Duorum mentes hominum<br>simul concordare,<br>Ergo salvare<br>qui se vult, discat amare.              | 3. Lubrica se voluit<br>indui natura,<br>Mundanae qui machinae<br>solus tenet iura,<br>Nec non cuius regitur<br>caelum praelatura,<br>Orbis factor carnea<br>tegitur figura,<br>Patris qui pura<br>tamen ante fuit genitura.               |
| 2. Factorem hic omnium<br>amor inclinavit,<br>Grandem parvum fieri<br>auctor procuravit,<br>Has inter miserias<br>ipsum collocavit,<br>In patris qui dextera<br>cuncta gubernavit,<br>Katholicos lavit<br>a crimine, quos adamavit. | 4. Quem non potest ambitus<br>claudere caelorum.<br>Re miranda gignitur<br>praeter viri thorum,<br>Stricto loco ponitur<br>princeps angelorum,<br>Tamen erit inscia<br>omnium dolorum<br>Virgo, flos florum,<br>pariens dominum dominorum. |
5. Xristus hanc mortalibus  
prae cunctis elegit,  
Ymmo, quos creaverat,  
cunctis praelegit,  
Zyma hostis tollitur,  
quo mundum subegit,  
Et eius potentia,  
per quam nos abegit,  
Commiserans fregit  
Christus nos atque redegit.

Collect. ms. Stiriace saec. 15. Cod. Stiriacen. L. 26 [s. n.] — 2. 1  
sq. omnium amor hic inclinavit. — 2, 9 Catholicas. — 3, 4 tenes.

43. De Incarnatione Domini.

- |   |  |
|---|--|
| 1. Dum sub mundi vespere<br>Dies inclinatus<br>Ad occasum vergere<br>Iam esset paratus,<br>Novae lucis sidere<br>Mundus illustratus<br>Coepit recognoscere<br>Veteres reatus. | 2. Legi dum antiquitas<br>Esset subiugata,<br>Regnabat iniquitas<br>Fide nondum nata,<br>Descendit divinitas<br>Ad nos calceata,<br>Per quam mundi caecitas<br>Est illuminata. |
|---|--|



3. Ut disponat omnia,  
Venit in hunc mundum  
Dei sapientia  
Sanans moribundum,  
Docens nos compendia  
Per quae sit eundum,  
Ne nostra vestigia  
Vergant in profundum.

4. Paranympheus mittitur  
A secretis caeli,  
Sanctum est, quod geritur;  
Ergo Gabrieli  
Mandatum imponitur,  
Nuntio fideli,  
Sed puer, qui nascitur,  
Homo est et Heli.

5. Misso caeli nuntio  
Virgo fecundatur,  
Ista salutatio  
Partum operatur,  
Seminalis ratio  
Procul hinc tollatur,  
Ne viri contagio  
Quidquam ascribatur.

6. Verbum in principio  
Pannis involutum  
Stupet in praesaepio  
Subiugale mutum,  
Caecis datur visio,  
Fit de sputo lutum,  
Tali de collirio  
Lumen fit acutum.

7. Magnus in praesaepio  
Deus hospitatur,  
Per quem caeli regio  
Tota gubernatur,  
Virginis in gremio  
Vagit et laetatur,  
Qui patris consilio  
Cuncta [perscrut]atur.

Dreves, Pia Dictamina. VII.

8. Numinis et hominis  
Unio sacrata  
Est in alvo virginis  
Sic confoederata,  
Ut rex magni nominis  
Specie mutata  
Vim obumbret numinis  
Veste stragulata.

9. Intrat clausa viscera  
Gratia fecunda,  
Sentit ventris pondera  
Mater verecunda,  
Sacra tument ubera  
Sacri lactis unda,  
Fit nova puerpera  
Virgo manens munda.

10. Testam intrat figulus,  
Deus homo factus,  
Fit de magno parvulus  
Deus luens actus,  
Saliit ut hinnulus  
Mundi per anfractus,  
Fit legalis vitulus  
Ad mortem distractus.

11. Non erat simplicitas  
Evae columbina,  
Quam seduxit falsitas  
Et fraus serpentina,  
Sed, ut detur sanitas  
Aegris in piscina,  
Cincta venit deitas  
Carne peregrina.

12. Novum tempus oritur,  
Nova lux aestatis,  
Et in diem vertitur  
Nox antiquitatis,  
Iam error destruitur  
Infidelitatis,  
Et mundus ingreditur  
Viam veritatis.

13. Prodeunt ecclesiae  
Rosea vexilla,  
Cultor idolatriae  
Stupet videns illa,  
Titulum victoriae  
Fides fert pusilla,  
Cui succedunt gratiae  
Tempora tranquilla.

14. Sicca virga viruit  
Novo feta flore,  
Vellus rore maduit  
Tinctum caeli rore,  
Flamma rubum tenuit,  
Sed non in ardore,  
Virgo Deum genuit  
Illeso pudore.

15. Si rubi mysteria  
Cupis indagare,  
Prius te discalcia,  
Quam adpropinquare  
Velis ad incendia,  
Quae vides flagrare  
In ligni materia,  
Sed non aestuare.

16. Sic rubum uredine  
Flamma nihil laedit,  
Sic de sicco germine  
Virga fructum dedit;  
Quid mirum de virgine  
Si partus procedit?  
Stultum est in homine,  
Quod non ista credit.

17. Manifeste legitur  
Hoc in Isaia:  
De virga flos oritur,  
Hoc est de Maria  
Deus-homo nascitur,  
Ex hac prophetia  
Iudaeus arguitur  
Errans in Messia.

18. Sic, Iudaea misera,  
Quid frustra laboras?  
Falleris in litera  
Legis, quam honoras;  
Mundus est in vespera,  
Veni, rumpe moras  
Et ad meam propera  
Fidem, quam ignoras.

19. Gens absque consilio  
Potes appellari,  
Quae patrem cum filio  
Non vis venerari;  
Hos nostra religio  
Cultu colit pari,  
Et tua praesumptio  
Solet detestari.

20. Linque neomenias  
Et legalem cultum,  
Sperne caeremonias,  
Quae non prosunt multum;  
Haec cuncta despicias  
Et averte vultum,  
Mirum est, si nescias  
Moysen sepultum.

21. Legis observantia  
Non reddit perfectum,  
Nec legalis hostia  
Quemquam facit rectum;  
Subintravit gratia,  
Quae dudum abiectum  
Traxit a miseria  
Hominem despectum.

22. Fit creator omnium  
Nova creatura,  
Stupet hoc commercium  
Usus et natura,  
Novum fit imperium,  
Nova dantur iura,  
Fides scandit solium,  
Et lex petit rura.

23. Nam patris consilium  
 Palam est ostensum,  
 Dolens plasma proprium  
 Dolo deprehensum,  
 Dat pro servis filium,  
 Eius per ascensum  
 Crucis per martyrium  
 Corpus est extensum.

24. Solem in praesaepio  
 Nox stupet accensum,  
 Virgo fovet gremio  
 Parvulum immensum;  
 Ille, cuius brachio  
 Caelum est extensum,  
 Subditur imperio,  
 Caesari dat censum.

25. Inter haec crepundia  
 Deo decantatur  
 In excelsis gloria,  
 Pax in terris datur;  
 Currunt evangelia,  
 Fides seminatur,  
 Et ab idolatria  
 Mundus revocatur.

26. Non est opus hominis  
 Nec opus naturae  
 Partus nostrae virginis,  
 Quae de carnis iure  
 Nihil traxit ordinis  
 Nostrae geniturae,  
 Sed est vice seminis  
 Fides pariturae.

27. Felix puerperium  
 Dei genetricis,  
 Nihil habens proprium  
 Carnis peccatricis;  
 Angelus officium  
 Gerit obstetricis  
 Et Ioseph obsequium  
 Baiulae nutricis.

28. Sed dum parit filium  
 Virgo gloriosa,  
 Sentit solis radium  
 Turris nebulosa,  
 Multitudo gentium  
 Credit numerosa,  
 Et Christi mysterium  
 Patet sine glosa.

Collect. ms. Glunicense saec. 13. Cod. Lincen. Cc. II 15. — 10, 4 Noster  
 Deus luens. — 16, 8 Qui non. — 23, 7 sq. von späterer Hand.

#### 44. De Incarnatione Domini.

1. Intacta viscera  
 Pudicae virginis  
 Fuderunt foedera  
 Dei et hominis,  
 Paterna dextera,  
 Virtute numinis  
 Exemit scelera  
 Primaevi criminis.

2. Pudoris lilium  
 Matris intemeratae  
 Tonantis filium  
 Traxit ab aethere,  
 Mirum commercium,  
 Divino munere  
 Init consortium  
 Dives cum paupere.

3. Misericordiae  
 Obvia veritas,  
 Cedit laetitiae  
 Legis asperitas,  
 Stat locus veniae,  
 Cadit impietas,  
 Dum regem gloriae  
 Parit virginitas.

4. Moysi virgula  
 Draconem induit,  
 Mutata formula  
 Virgam abhorruit,  
 Carnis umbracula  
 Verae dum coluit,  
 Mundi piacula  
 Deus absorbuit.

5. Hic serpens dicitur  
Legis abiectio,  
Dum prelo premitur,  
Iam cessat unctio  
Et dux deprimitur,  
Patet consumptio,  
Iudaea feritur,  
Et furit ultio.

6. Hamus subtegitur  
In carnis tegmine,  
Captivans capitur  
Satis certamine,  
Qui morsum tribuit  
Letalem feminae,  
Morte succubuit  
Vincente virgine.

7. In testa lutea  
Lumen absconditur,  
Ablata decima  
Dragma requiritur,  
Iam fraus viperea  
Arte refellitur,  
Imis aetherea  
Pax dia redditur.

8. Cognosce Dominum,  
Iudaea misera,  
Rectorem luminum  
Veste sub altera,  
Legi dat terminum,  
Quem docet litera,  
Ad novum gaudium  
Recedunt vetera

Collect. ms. Llantonien(?) saec. 13. Cod. Collegii Corp. Christi Oxonien.  
59. — 1, 6 oder Vim celans numinis. — Abschrift von Rev. H. M. Bannister.

#### 45. De Incarnatione Domini.

1. Patris unigenitus,  
Ante solem genitus,  
Nutu sancti spiritus  
Alvo matris editus,  
Vagit cunis positus,  
Praesaepi reconditus;  
Sic accepit plebs inanis  
Missum manna caelitus,  
Sic de caelo vivus panis  
Venit mundo deditus.

2 a. Servi formam induit,  
Servi qui nil habuit,  
Sed, quae Deum genuit,  
Virum non sustinuit,  
Nec flos pudoris marcuit,  
Messias quem aperuit;  
Sic in arca testamenti,  
Sicca virga floruit,  
Sic in terra sitiendi  
Vellus rore maduit.

2 b. Obstupescat saeculum  
Tantum hoc miraculum,  
Virgo lactat parvulum,  
Quae non novit masculum;  
Videtur iam ad oculum  
Vetus illud oraculum:  
De radice Iesse natum  
Flos fecundat surculum,  
In quo sanctus habet gratum  
Spiritus cubiculum.



3 a. Sublevator pauperum  
Et creator siderum  
Mundum mole scelerum  
Miseratur miserum,  
Matris subintrat uterum,  
Virgo dat nobis puerum,  
Qui secundum Isaiam  
Iter planat asperum  
Atque mundi monarchiam  
Portat super umerum.

4 a. Ut in praeconium  
Matris et virginis  
Indocti labium  
Solvatur hominis,  
Praestet ingenium,  
Det vim acuminis,  
Qui tenet solium  
Superni culminis.

5 a. Hospita  
Fit ita  
Deo et homini,

6 a. Recens hospitium  
Cubile nobile,  
Vitii nescium,  
Virtuti habile,  
Ipsius ostium  
Fixum, non mobile,  
In hoc nil tristium,  
Totum risibile.

7 a. Quae menses, quae schedula  
Capere valeat,  
Hac de iuvenula  
Quod dici deceat?  
Cuncta si saecula  
Scribere libeat,  
Laus erit parvula  
Nec fine careat.

8 a. Haec candens lilium,  
Haec rosa rubea,  
Haec mannae proprium  
Vas, urna aurea.

3 b. Utitur pro solio  
Rex Mariae gremio,  
Cuius sub imperio  
Vivit omnis natio,  
Iam Danielis visio  
Non vacat a mysterio:  
Lapis enim, qui descendit  
De montis fastigio,  
Crevit ita, quod transcendit  
Terram suo spatio.

4 b. Regii sanguinis  
Germen egregium  
Decus originis,  
Splendor natalium,  
Telis cupidinis  
Cor tulit obvium,  
Ut divi seminis  
Esset hospitium.

5 b. Inclita  
Cognita  
Femina nomini.

6 b. O susceptibile,  
Prorsus mysterium!  
Acceptat fictile  
Vas fictor omnium,  
Inibi stabile  
Regens imperium,  
Nullum difficile  
Ferens negotium.

7 b. Quae semper floreat,  
Haec Iesse virgula,  
Rubus, qui vigeat  
In flamma sedula,  
Quae soli pateat,  
Haec portae clausula,  
Quae lucem praebeat,  
Haec nucis gerula.

8 b. Haec redeuntium  
Ductrix idonea,  
Pervenientium  
Sollennis laurea.

- |   |  |
|---|--|
| <p>9 a. Framea<br/>Flammea<br/>Hac refrigerium<br/>Facit,</p> | <p>9 b. Arida<br/>Area<br/>Hac stillicidium<br/>Capit.</p>     |
| <p>10 a. Ovis erronea<br/>Hac caulas parium<br/>Implet,</p>   | <p>10 b. Dragma argentea<br/>Per hanc marsupium<br/>Habet.</p> |

11. Laus sibi paxque suis.

Cod. Berolinen. Philipp. 1996. add. saec. 12. — 4 a, 1 Et in praeconium. —  
Der Form nach zu schliessen, vielleicht auch Cantio.

46. *Cursus de Nativitate Domini.*

Die Sabbati.

*Ad Matutinum.*

- |   |  |
|---|--|
| <p>1. Tactum pudoris nesciens<br/>Sancto concepit flamine<br/>Maria virgo, pariens<br/>Iesum sine gravamine.</p>  | <p>3. Hinc magnus in consiliis<br/>In caeli sedet solio,<br/>Matre ligatur fasciis<br/>Aselli in praesaepio.</p> |
| <p>2. Attendite miraculum:<br/>Mater more femineo,<br/>Qui cuncta pascit. parvulum<br/>Lacte foveat virgineo.</p> | <p>4. Pro Fescenninis gloria<br/>Ab angelis concinitur<br/>Et pax in terrae curia<br/>Benevolis promittitur.</p> |
5. Iesu, Mariae filio,  
Sit sempiterna gloria,  
Qui dempto hoc exsilio  
Coronet nos in patria.

*Ad Laudes.*

- |  |   |
|--|---|
| <p>1. Splendor paternae gloriae,<br/>Qui clares te videntibus,<br/>Verusque sol iustitiae,<br/>Nostris refulge mentibus.</p> | <p>3. Te Deum, Dei filium,<br/>Ex David factum semine,<br/>Regem regum eximium<br/>Secundum carnem, Domine,</p>       |
| <p>2. Da, carnis ut mysterium,<br/>Quod patuit pastoribus,<br/>Ad verae vitae praemium<br/>Sit profuturum omnibus.</p>       | <p>4. Mortalem et pontificem<br/>Magorum fantur munera;<br/>Caput, per mortis calicem<br/>Membrorum sana vulnera.</p> |

5. Iesu, Mariae filio.

Ad Primam.

- |   |  |
|---|--|
| 1. Iesu, decus angelicum,<br>Dans tuis lumen caelicum,<br>Lux lucis invisibilis,<br>De matre natus humilis, | 2. Virtutes pueritiae<br>Tuae, cuius deliciae<br>Sunt esse cum hominibus,<br>Nos instruant virtutibus. |
| 3. Tibi Mariae genito<br>Cum patre et paraclito<br>Sit honor et victoria<br>In sempiterna gloria.           |  |

Ad Tertiam.

- |  |   |
|--|---|
| 1. Uti sponsus de regio<br>Processit matris gremio<br>Gigas naturae geminae<br>Ex sacra natus virgine, | 2. Exsultans viam currere,<br>Errantem ovem quaerere,<br>Ut bonus pastor umeris<br>Hanc reportaret superis. |
| 3. Tibi Mariae filio.  |   |

Ad Sextam.

- |  |  |
|--|--|
| 1. Nunc Christum olim patribus<br>Promissum Deus gentibus<br>Notum fecit infantulum,<br>Ecce, in cunis parvulum. | 2. Agamus grates iugiter<br>Cum angelis, qui dulciter<br>In summis laudes resonant<br>Nobisque pacem intonant. |
| 3. Tibi Mariae filio.  |  |

Ad Nonam.

- |  |  |
|--|--|
| 1. Qui descendisti, Domine,<br>In alvum sacrae feminae,<br>Ut ros in lanam velleris,<br>Iesu, laus nostri generis, | 2. Emunda nos a sordibus,<br>Da nostris pacem cordibus,<br>Ut collaudantes pariter<br>Te hymnizemus iugiter. |
| 3. Tibi Mariae filio.  |  |

Ad Vesperas.

- |   |  |
|---|--|
| 1. Candor aeterni luminis<br>Et sine labe speculum,<br>Fulgor divini numinis,<br>Iubar illustrans saeculum, | 3. Quae traxit te dilectio,<br>Ut nostram carnem sumeres,<br>Quae vicit te compassio,<br>Ut morte nos redimeres? |
| 2. Ex patre ante saecula<br>Qui genitus es, Domine,<br>Post temporum curricula<br>Ex matre natus virgine,   | 4. Te cogat, ut perenniter,<br>Quem nuntiavit Gabriel,<br>Nos serves, ut nunc iugiter<br>Nobiscum sis, Emanuel.  |
| 5. Iesu Mariae filio.   |  |

Ad Completorium.

- |   |  |
|---|--|
| 1. Christe, nostra redemptio,<br>Amor et expectatio,<br>Deus, salvator populi,<br>Homo in fine saeculi, | 2. Non ex virili semine,<br>Sed mystico spiramine,<br>Ut parvulos nos subleves,<br>Tam grandis parvus factus es. |
|---|--|

3. Tibi Mariae filio.

Orat. ms. saec. 15. Cod. Labacen. 45. — Ad Primam 3, 1 Mariae filio gegen den Reim. — Ad Nonam 2, 4 Te fehlt.

47. Oratio ad parvulum Iesum lactantem.

- Qui gremio matris resides, sapientia patris,  
Uberibus sacris lactate, Iesu pie, matris,  
Hostia vera patris, rex caeli, vas deitatis,  
Dux patriae et pacis, flos, fructus virginitatis,  
5. Munus dulce satis, lux mundi, fons pietatis,  
Me superae gentis, quaeso, coniunge beatis.

Collectan. ms. incert. origin. saec. 15. Cod. Oxonien. Canon. Misc. 523. — 6 superis gentis. — Abschrift von Rev. H. M. Bannister.

48. Ad Iesum Infantem.

- |  |  |
|--|--|
| 1. O praedulcis parvule,<br>puer sine pari,<br>Precor, ut permittas me<br>de te consolari,<br>Pedes tuos lambere,<br>manus osculari<br>Ac hilarato corde<br>tecum iucundari. | 3. Hoc ardoris calculo<br>velis me ignire,<br>Ut amoris stimulo<br>post te possim ire,<br>Ne peccatoris poculo<br>sim filius irae,<br>Sed caelesti ferculo<br>possim me nutrire. |
| 2. O creator omnium<br>fonsque pietatis,<br>Quis tibi consuluit<br>sic te dare gratis<br>Nobis, nisi vehemens<br>ardor caritatis<br>. . . . .<br>. . . . .                   | 4. O Iesu dulcissime,<br>cibus salutaris,<br>Qui sic nobis intime<br>tribui dignaris,<br>Mala nostra deprime<br>fletibus amaris<br>Et affectus imprime,<br>quibus declararis.    |



5. Tantis, pater luminum,  
donis benedictus  
Sis tu et dulcedinum  
tu spiritus dictus,  
Et, o virgo virginum,  
ventris tui fructus,  
Qui mundi voraginum  
dissipavit luctus.

Orat. ms. Campense anni 1462. Cod. Darmstadien. 521. — 1, 3 Precor,  
me permittas. — 1, 7 hylarato. — 5, 5 o fehlt. — Der Reim der ungeraden  
Zeilen fehlt in Str. 2 und ist stumpf in Str. 1.

#### 49. Versus de Epiphania Domini.

- Lux nova sublimis de caelo fulget in imis;  
Luce Dei plena, quae gaudia monstrat amoena,  
Noscitur haec stella Dominum pariente puella,  
Nam nato Christo mundo radiavit in isto.
5. Reges post stellam quaerunt puerumque puellam,  
Gentiles dicti subeunt cunabula Christi.  
Aurum, tus dantes murrarumque, Deum venerantes,  
Perque fidem puram tria signant sacra figuram.  
Hunc Christum puerum studeamus credere verum,
10. Semper viventem, regnantem, sed morientem.  
Est Gabriel dictus tali sermone potitus:  
Pax sit vera bonis virtutum perpete donis,  
Ex caelo natis sit gloria sancta beatis.  
Ergo nitamur, quo vera pace fruamur.
15. Gloria sanctorum sit nobis summa polorum.

Comment. ms. (Beati in Apocal.) S. Severi in Vasconia saec. 11. Cod.  
Paris. 8878. add. saec. 11.

#### 50. Oratio de hoc praedulci nomine Iesu.

- |                       |                     |
|-----------------------|---------------------|
| 1. Ave, Iesu,         | 2. Quem hominem     |
| nomen mirabile,       | tantum dilexisti,   |
| Patris verbum         | Quod protinus       |
| inenarrabile          | sibi subiecisti     |
| Atque sapientia.      | Omnia terrestria.   |
| In omnibus            | Qui vetitum         |
| par es genitori,      | pomum cito edens,   |
| Per te facti          | Se suosque          |
| sunt caelestes chori, | morte fera laedens, |
| Homines et omnia.     | Amisit caelestia.   |

3. Ne perderes  
    hos, quos condidisti,  
Post a patris  
    sinu descendisti  
    In uterum virginis,  
Ubi summis  
    ima coniunxisti,  
Cum benigne  
    tecum univisti  
    Substantiam hominis.

4. Ave, Iesu,  
    Deus incarnatus,  
Deus homo,  
    de virgine natus,  
    Postque octava die  
Pro salute  
    nostra circumcisis,  
Inde captus,  
    derisus, occisus  
    Per plenos invidiae.

5. Per hanc mortem  
    mortem occidisti,  
Quam ardentem  
    nosque dilexisti,  
    Demonstrans, Iesu pie.  
Resurgendo  
    vitam reparasti,  
Ascendendo  
    portam reserasti  
    Caelestisque patriae.

6. Nunc de sede  
    tuae maiestatis  
Ad nos clamas:  
    vos, qui laboratis  
    In peccatis, currite,  
Iugum leve  
    meae caritatis  
Propter tanta  
    dona pietatis  
    In vobis suscipite.

7. Ave, Iesu,  
    auctor clementiae,  
Peccatorum  
    tota spes veniae,  
    Dona mihi veniam;

Mentem meam  
    reple dulcedine  
Caritatis  
    atque munimine,  
    Ut te solum sitiam.

8. Amor tuus  
    lumen est mentium,  
Favus mellis,  
    dulcedo cordium  
    Pigmentumque caelicum;  
Omne prorsus  
    excedit gaudium,  
Omne simul-  
    que desiderium,  
    Vinum est angelicum.

9. Tua luce,  
    Iesu, clarifica  
Meam mentem,  
    vino laetifica  
    Affectum mellificans,  
Ut te solum  
    semper esuriam,  
Te, dulcedo  
    vitaeque, sitiam  
    Laudes tuas replicans.

10. Ave, Iesu,  
    totus amabilis  
Et prae cunctis  
    desiderabilis,  
    Omnem sensum superans,  
Cuius amor  
    cor meum afficit,  
In quem tota  
    mens mea deficit  
    Te solum desiderans.

11. Ex hac carne  
    dissolvi cupio,  
Tecum esse  
    in illo gaudio  
    Angelicae curiae;  
Tu me trahas  
    ex hoc exsilio  
Et reponas  
    in tuo gremio,  
    Rex misericordiae.

12. O quam laetus,  
cum te invenero,  
Et quam felix,  
cum te tenuero  
In caelesti patria;  
Tunc amplexus  
casti, tunc oscula  
Erunt mihi  
de te per saecula  
saeculorum dulcia.

Orat. ms. Campense anni 1462. Cod. Darmstadien. 521. — 1, 2 admirabile. — 3, 2 hos fehlt. — 5, 2 nostram mortem. — 6, 2 tuae fehlt. — 7, 9 atque numine. — 9, 2 Iesu fehlt. — 12, 10 saeculorum fehlt.

### 51. De Nomine Iesu.

#### Introductio.

- |  |  |
|--|--|
| 1. Ut de Iesu nomine<br>digne fari queam,<br>Nomen tetragrammaton<br>linguam limet meam,<br>Seraph arae calculo<br>tangat purgans ream,<br>Ne sic scandam ardua,<br>quod in praeceps eam.              | 4. Dux, lux, rex, lex machinae<br>praeest Iesus trinae,<br>Ab aeterno nascitur,<br>manet sine fine,<br>Cuius dulcis nominis<br>syllabae sunt binae,<br>Sed in binis syllabis<br>literae sunt quinae. |
| 2. Iesus, nomen fulgidum,<br>plus sole clarescit,<br>Iesus omni balsamo<br>plus menti fragrescit,<br>Iesus, dulcor melleus,<br>plus melle dulcescit,<br>Iesus, melos caelicum,<br>plus lira mulcescit. | 5. Nec pentas mysterio<br>vacat, sed nec trias<br>His, qui de mellifluo<br>mentes gerunt pias,<br>Quas ut tangam breviter<br>rectas tenens vias,<br>Cor, linguam et calamum<br>dirigat Messias.      |
| 3. Iesus iucundissimus<br>amplexu mentali,<br>Iesus cor exhilarat<br>iubilo vitali,<br>Iesus dux rectissimus<br>moli corporali,<br>Iesus lux praefulgida<br>menti spiritali.                           | 6. Omne est dissyllabum<br>signans caritatem,<br>Cum signetur caritas<br>per dualitatem,<br>Cuius monas unica<br>stringit deitatem,<br>Altera deflectitur<br>ad humanitatem.                         |

7. Hinc ad patrem caritas  
  fervet infinita,  
  Mens eat ad proximum  
  flagranter ignita,  
  Pro quo morte saucio  
  mori valens vita,  
  Quanti pendat miserum,  
  comprobavit ita.
8. Seminecem saucium  
  hic Samaritanus  
  Morte curat propria,  
  donec fiat sanus;  
  Pastor vita moritur,  
  nec curat germanus,  
  Homo hoc per facinus  
  fit hostis profanus.
9. Amor fertur maximus  
  sic amans amicum,  
  Sed est maior amico,  
  qui sic inimicum  
  Amat, quod amplectitur  
  hostem tam iniquum,  
  Sed amat, ut fertilem  
  reddat capessitum.
10. Caritate maxima  
  ferbuit maiori,  
  Quam curat impendere  
  nequam impostori,  
  Dat cumulatissimo  
  cumulum amoris,  
  Pro periuratissimo  
  dignans hoste mori.
11. Dyade numismatum  
  curat substantivum,  
  Passivum corpusculum,  
  dans cor compassivum;  
  Stabulo, patibulo  
  binum fudit rivum,  
  Dativum remedii,  
  mortis ablativum.
12. Vino, botri sanguine,  
  cruor figuratur  
  Lateris, per oleum  
  latex designatur;  
  Per illud redemptio  
  mundo propinatur,  
  Per istud originis  
  amurca purgatur.
13. Pentade characterum  
  nomen calculatur,  
  Mariae tot litteris  
  nomen consignatur,  
  Per quod circularitas  
  miranda probatur,  
  Qua matris perfectio  
  prolisque dotatur.
14. Circularis numerus  
  pentas perhibetur,  
  In se ducta pentade  
  si multiplicetur,  
  Finis cum principio  
  conformis videtur,  
  Gignentique genita  
  similis censetur.
15. Unde quinque quinquies  
  sunt vigena quina,  
  Numerorum portio  
  dempta par est bina,  
  Quibus istud indidit  
  sophia divina,  
  Sic pro posse similis  
  est regi regina.
16. Hexas sola pentadi  
  sic assimilatur,  
  Quod liquet in eadem,  
  hexas si ducatur  
  In id, ex quo gignitur,  
  summa terminatur,  
  Circularis itaque  
  utraque probatur.



17. Hinc est, quod cum hexade  
pentas proximatur,  
Quibus circularitas  
una propriatur,  
Nam utraque, quotiens  
in sese ducatur,  
A quo duci coeperat,  
in id terminatur.
18. Numerus est apicum  
Iesu circularis,  
In Maria pariter  
est orbicularis,  
Duorum prosperitas  
est haec singularis,  
Cum gignente geniti  
Iesu singularis.
19. Iesus coepit circulum  
a patre progressus,  
Consummans periodum  
ad patrem regressus,  
*Consummatum* stipite  
dum clamat perpessus,  
Orbi figit limitem  
a mundo recessus.
20. Virgo coepit circulum  
a Deo creata,  
Terminavit ambitum  
mundo conversata,  
Peregit circuitum  
cum Deo locata,  
Punctum, a quo fluxerat,  
in hunc regirata.
21. Oritur et occidit  
sol spiritualis  
Lustrans in circuitu,  
quivis est vitalis,  
Ad egressum repedans  
dextrae paternalis,  
Est in suos circulos  
flexus motus talis.
22. Hexas iuncta pentadi,  
mater iuncta proli,  
Sola coniunctissima,  
vicinata soli,  
Eius locans circulis  
rex reginam poli,  
Immediatissime  
post se vult hanc coli.

23. Coepit Iesu circulus  
a corde paterno  
Per canalem transiens  
in alvo materno,  
Ereptis post obitum  
suis ab averno  
Finis est cum capite  
coniunctus aeterno.

I.

1. Primus Iesu nomine  
character est Iota,  
Apex simplicissimus  
minimaque nota;  
Iesu sic humillima  
vita fuit tota,  
Verbis, signis, actibus  
a fastu semota.
2. Adae praecipitium  
fastum esse scivit,  
Reiectus ab edito,  
dum culmen ambivit,  
Hinc Iesus humillimus  
semet inanivit,  
Utque lapsus surgeret,  
vitae fons obivit.

3. Lucifer vult rapere  
Dei paritatem,  
Usurpare satagit  
homo deitatem,  
Iesus talem exhibet  
in se parvitatem,  
Quod sequax non corruat  
ob aequalitatem.
4. Iesus ens celsissimus  
vult humiliari,  
Ut, quisquis de cetero  
gliscat hunc sectari,  
Queat non ad infima  
fastu supinari,  
Sed ab imis erutus  
summis inaltari.
5. Insuper **i** litera  
vocalis probatur,  
Quinarum vocalium  
media locatur,  
Sed haec, ut sit consonans  
simplex, commutatur,  
Interdumque consonans  
iota duplicatur.
6. Verbum patris genitum  
Iesus ab aeterno  
Vocem carnis induit  
in claustro materno,  
Verbum ens mundissimum  
in sinu superno  
Fit tam vox quam consonans  
in ventris interno.
7. Verbum iunctum plasmati  
vox simplificada,  
Verbum iunctum homini  
vox est duplicata,  
Tam carne quam anima  
verbo coniugata  
Vocalis fit consonans  
duplo combinata.
8. Inter duas dyades  
iota situatur,  
Deo sic et homini  
Iesus mediatur,  
Binus sexus numini  
reconciliatur,  
Pater nec non spiritus  
utrique placatur.
9. Consors consonantia  
fit ex hoc vocali  
Pacis foedus imperans  
irae divinali,  
Iudicem cum homine  
placans noxiali,  
Culpaе, poenae diluens  
naevum, dupli mali.
10. Iesus iota medium  
crebro scriptitatur,  
Trinitatis media  
persona probatur,  
Filius altissimi  
prius generatur,  
Ab utroque spiritus  
procedens spiratur.
11. Ambulat in medio  
Iesus angelorum,  
Aureorum medius  
stans candelabrorum,  
Tenet terrae medium  
sudum ventris thorum;  
Hinc salutem operans  
Iesus terrenorum.
12. In praesaepi medius  
iacet iumentorum,  
Duodennis medio  
residet doctorum,  
Pendet cruce medius  
furum damnatorum,  
Crebro Iesus medio  
stat discipulorum.

13. Quid de Iesu medio  
laudes lingua tacet?  
Medius est ambulans  
operans et iacet,  
Pendens, stans et reserans  
mediari placet,  
Reor, quod mysteriis  
nil ex septem vacet.

14. Ens a patre suscipit  
proles entitatem,  
Cum pater inginitus  
det nativitatem,  
Hoc esse per mediam  
Iesu largitatem  
In manantem spiritus  
transit bonitatem.

15. Ambulant ierarchicam  
inter contionem,  
Ierarcha cum angelis  
dat purgationem,  
Dat infulgens medius  
illustrationem  
Consummansque tertio  
dat profectionem.

16. Salutem in medio  
terrae faciebat,  
Terrenos ab invio  
vocans reducebat,  
In limbo tartareo  
clausos eruebat,  
Summa muri caelici  
scandens celsiebat.

17. Iacet inter populum  
Israel bovinum  
Gentilemque medius  
coetum asinum,  
Angulari lapide  
ritum iungens binum,  
His eiusdem fidei  
iubar dat divinum.

18. Duodennis medio  
considet doctorum,  
Hos quaerens et audiens  
de doctrina morum,  
Docens imprudentiam  
caecam terrenorum  
In cunctis consulere  
sensum peritorum.

19. Stat inter discipulos  
pandens cicatrices,  
Confiteri patule  
docens infelices,  
Ut mentes confessio  
purget peccatrices;  
Nec hoc semel facit,  
sed per plures vices.

20. Reddet iudex medius  
discretor reorum,  
Iusta lance ponderans  
causas meritorum,  
Obstinatos fulminans  
poenis tartarorum,  
Paenitentes praemians  
regno beatorum.

21. Ubique conspicitur  
iota medianum,  
Summa placans infimis  
iter fecit planum,  
Per quod mundus graditur  
ad supermundanum,  
Dum verbum vox consonans,  
corpus fit humanum.

II.

1. Apex e subsequitur  
sursum oculatus,  
Parumper in medio  
parens actuatus,  
Finis aliquantulum  
plus est recurvatus,  
Mucronali linea  
fixim transforatus.
2. Iesu sursum oculus  
vigil insopitus,  
Lyncis cuncta permeat  
visus investitus,  
Sic caelo, sic tartaro,  
sic mundo quis situs  
Nudus sub tis oculis  
nude patet scitus.
3. Quidquid abditissimis  
mens volvit latenter,  
Id luce lucidius  
videt lux patenter;  
Hinc peccans resileat  
pavens vehementer,  
Cuius scelus prospicit  
iudex luculenter.
4. Comprehensor pariter  
Iesus et viator,  
Deitatis exstitit  
fruens contemplator,  
Sed mirum, quod limpidus  
Dei speculator  
Ad poenas deflectitur  
mortis tolerator.
5. Inter ortum media  
noctemque totalis  
Vita Iesu lugubris,  
contorta, poenalis,  
Mentem Iesu curvitas  
flexit artualis,  
Sed carnis reflexio  
plus auget letalis.
6. Finis e characteris  
corpus tormentatum,  
Clavis quater, milies  
spinis terebratum,  
Inclinato capite  
clamans „Consummatum“,  
Finem ad principium  
probat recurvatum.
7. Linea per medium  
transit transversalis,  
Latus Iesu perforat  
punctus mucronalis,  
Quo transfosso profluit  
duplex fons vitalis,  
Cruor, mundi pretium,  
aqua baptismalis.
8. Is character cernitur  
aspectu rotundus,  
Apexque vocalium  
est situ secundus;  
Per Iesum tripudiat  
tristis prius mundus,  
Dum post threnos tragicos  
cantat *Laetatundus*.
9. Adam secundo  
reparatur primus,  
Dum Iesus in virgine  
supremus fit imus,  
Primus fit ob facinus  
fumus, pulvis, fimus,  
Quem a tribus liberat  
Deo iunctus limus.
10. Imo primus, numini  
humus si iungatur,  
Sic ab Adam infimo  
fimus eliminatur,  
Ad caput, quo fluxerat,  
terminus curvatur,  
Dum per Adam facinus  
Adae profligatur.



III.

1. Character ꝑ tertio  
loco subrogatur,  
Cuius tractus virgula  
simpla figuratur,  
Recta tamen linea  
ducta prolongatur,  
Vertex aliquantulum  
cuius obuncatur.
2. Iesus, simplicissimus  
fons simplicitatis,  
Qui triplata respuit  
piis duplicatis,  
Fucum fraudis disicit  
lux hic veritatis,  
Nec ullam compatitur  
umbram falsitatis.
3. Simplex quaerit simplices,  
duplices fastidit,  
Si quis duplex venerit,  
Iesus hunc relidit,  
Efficax thyriaca  
toxicum occidit,  
Super vulnus vulnere  
damnando concidit.
4. Iesus cum simplicibus  
stans sermocinatur,  
Corde tamen simplici  
Iesus quaeritur,  
Iob simplex terrigenis  
cunctis plus laudatur,  
Simplicesque parvulos  
Iesus amplexatur.
5. Examen iustitiae  
virgae rectitudo,  
Quam flectit a tramite  
nulla tortitudo,  
Perpes est aeternitas  
virgae longitudo,  
Quam nec mors interpolat,  
sed nec valetudo.
6. Mortis nec ens debitor  
emori volebat,  
Solvit pro terrigenis,  
quod non rapiebat;  
Dum fons vitae moritur,  
mortem occidebat,  
Nec plus mortis stimulus  
Iesum perurgebat.
7. In cruce cum pugile  
mors semel confligit,  
Cum carnem ut cerinum  
Iesu crux confixit,  
Consurgens post paululum  
in aeternum vixit,  
Mortem morti perpeti  
devictam addixit.
8. Obuncatur vertice  
Iesus occumbendo,  
Inclinato capite  
vitam emittendo,  
Terrenorum osculis  
os dulce flectendo,  
Accurrentes brachiis  
tensis amplectendo.
9. Oscula repudiet  
ne quisquam oblata,  
Alta cruce clamitat  
monte situata,  
Sic clamat, quod raucitas  
faucis est curata,  
Suda languent lumina  
fletu madidata.
10. Manus, pes, laterculum  
fixum terebratur,  
Sed corpus ad terrae os  
totum procurvatur,  
Ob cordis dulcedinem  
caput aduncatur,  
Ut Iesus philanthropus  
mirus ostendatur.

IV.

1. Sequitur **u** litera  
    miranda figura,  
Geminis ex virgulis  
    cuius fit scriptura,  
Quas punctalis deorsum  
    compingit clausura,  
Secernit superius  
    patens apertura.
2. In naturis geminis  
    id humanitatis  
Iesu potest conspici  
    luculenter satis,  
In persona simplici  
    licet combinatis,  
Tamen tam compositis  
    quam divaricatis.
3. Quoad Iesus viveret,  
    partes sunt compactae,  
Cum Iesus occumberet,  
    sunt compages fractae,  
Iesu terra humida  
    coniuncturam nactae,  
In diversum pendulo  
    sursum sunt abactae.
4. Rumpitur difficile  
    funus triplicatus,  
Est homo, quem traxerat,  
    sic culpae gravatus,  
Quod Iesum similiter  
    fatiscit ruptatus,  
Cum a carne spiritus  
    fuit separatus.
5. Utrique verumtamen  
    deitas unitur,  
Ac indissolubilis  
    commissura scitur,  
Quae cum semel utero  
    virginis unitur,  
Inseparabiliter  
    manens stabilitur.
6. Baculus crux pugilis,  
    humanitas scutum,  
Quod dira mors diffidit  
    vita destitutum,  
Sed ad tempus modicum  
    erat comminutum,  
Surgendo de perpeti  
    vita fulcit tutum.
7. Quoad Iesus viveret,  
    erat divisura,  
Cum caro resurgeret  
    a mortis punctura,  
Obsecundat numini  
    mentis creatura,  
Gratanter amplectitur  
    tela mortis dura.
8. Mori quaerit spiritus,  
    caro fugit mortem,  
Hoc acre divortium  
    pugnam causat fortem,  
Tandem in compagine  
    coeunt cohortem,  
Tum sibi confoederant  
    Deum in consortem.
9. Voluntas, ut viveret,  
    erat sensualis,  
Quam excusat insitus  
    amor naturalis,  
Tum voluntas cernitur  
    superdivinalis,  
Carnalis propensio  
    mox fit spiritalis.
10. Sed licet in volitis  
    fuisset dissensus,  
Sed in voluntatibus  
    concors est assensus,  
Ut Iesus pro miseris  
    cruce sit appensus  
Ac in nostris usibus  
    totus sit expensus.

11. Caro naturaliter  
mortem perhorrebat,  
Inviteque spiritus  
carnem dimittebat,  
Quos Deus id volitum  
velle cum volebat,  
Voluntas intrinsecus  
conformis manebat.

V.

- |   |  |
|---|--|
| 1. Sequitur & litera,<br>quae bis situatur,<br>Sed figura duplici<br>character formatur,<br>Prima recta linea,<br>sicut praenotatur,<br>Secunda, si placeat,<br>bis in se curvatur. | 5. Non est haec maioritas<br>ex parte divina,<br>Sed est ex spontanea<br>reorum ruina,<br>Quos devictos subigit<br>Satanae rapina,<br>Gregem caulis abigens<br>claudit in sentina.                 |
| 2. Apice qui nominis<br>calce limitatur,<br>Iesus, cum advenerit<br>iudex, designatur;<br>Artualis curvitas<br>reflexa monstratur,<br>Cum Iesus in aere<br>de caelis spectatur.     | 6. In his Iesu pietas<br>mitigat rigorem,<br>Temperat clementia<br>iudicis fervorem,<br>Quibus, quam meruerant,<br>dat se mitiorem,<br>Dum poenam de meritis<br>mensurat minorem.                  |
| 3. Suprema capacitas,<br>qua beat salvatos,<br>Curvitas inferior,<br>qua plectit damnatos;<br>Licet iustus pareat<br>quoad reprobatos,<br>Plaudet se piissimum<br>ad praedestinos.  | 7. Iesus sanctos praemiat,<br>sed super condignum,<br>Plectens citra meritum<br>quemcunque malignum;<br>Omnes Iesum sentient<br>mitem et benignum,<br>Cunctis dat clementiae<br>pius iudex signum. |
| 4. Curvitas superior<br>pietas vocatur,<br>Aequitas inferior<br>arcus nuncupatur;<br>Illa minor cernitur,<br>haec maior videtur,<br>Damnatorum numerus<br>cum maior probetur.       | 8. Licet sit aequalitas<br>in aeternitate,<br>Librata disparitas<br>est in qualitate,<br>Dum minor poenalitas<br>est iniquitate<br>Ex superdulcissimi<br>Iesu pietate.                             |

9. Quos unit aequalitas  
in extensione,  
Secernit disparitas  
in intentione,  
Minus, quam meruerant,  
urentur personae  
Ex benigni iudicis  
mitigatione.
10. Domo patris vacuae  
exstant mansiones  
Propter diversimodas  
praemiationes,  
Qui plures in corpore  
sevit sationes,  
Plurimas in patria  
metet messiones.
11. Isaac qui merita  
carnis agro serit,  
Centuplum inveniet,  
cum messurus erit;  
Si quis ob flagitia  
quantacunque perit,  
Laesum citra merita  
pius iudex ferit.
12. Iesu per Davitici  
vatis cantiones  
Cuncta super opera  
miserationes;  
Id norunt terrigenae,  
caeli contiones,  
Usti purgatorio,  
Stygis legiones.
13. Nullus est absconditus  
a Iesu fervore  
Nec quisquam subterfugit  
a mellis dulcore,  
Quod manat ex scatebra  
vitae redemptore,  
Omnes, sed dispariter,  
rigat fontis rore.
14. Tam summis quam infimis  
quam et medianis  
Flectitur & litera,  
Iesus vitae panis,  
Iustus, pius pariter  
iustis et profanis,  
Caelicis, tartareis,  
purgatis, mundanis.
15. Paradisus denique  
gaudet de Messia,  
Quod satis dilucide  
liquet in Elia,  
In monte cum fruitur  
Iesu theoria,  
Cum Iesu colloquia  
commiscendo pia.

### Conclusio.

1. Arcae Noe fuerant  
quinque mansiones,  
Quae tot mundi praerogant  
habitationes,  
Iesus cunctis influit  
miserationes,  
Eius nomen continet  
tot protractiones.
2. Haec mellici nominis  
est orthographia,  
Christiani pectoris  
haec philosophia,  
Haec ecclesiastica  
sit allegoria,  
Haec in morum dogmate  
sit tropologia.



3. Haec inter caelicolas  
est anagogia,  
Patre cum paraclito  
perfrui Messia,  
Haec est veritas, vita,  
hacc directa via,  
Quam nobis in utero  
constravit Maria.
4. Iesus ad nos venerat  
per alvi canalem,  
Docens hanc rectissimam  
viam et aequalem,  
Transire per mediam  
manum virginalem  
Ab imis ad superum  
coetum triumphalem.
5. Deus per hunc tramitem  
factus terrae limus,  
Per eundem tramitem  
ad Deum redimus,  
Nec per iter aliud  
repedare quimus,  
Quam Iesum, ut pergeret,  
elegisse scimus.
6. Hic est Ioseph providus,  
qui mundi servator  
Dicitur, yconomus,  
fidus dispensator,  
Septennis prudentia  
famis propulsator,  
Suos potans sanguine  
carneque cibator.
7. Hic est Iesus strenuus,  
Bennun vocitatus,  
Moysi legifero  
ductor subrogatus,  
Legi subdens gratiam,  
cruce proeliatus  
Israelis hostium  
confregit conatus.
8. Iesus sapientiam  
Sirach renovavit,  
Dum per sapientiam  
mundum liberavit,  
Quem rex fortis Satanas  
obsessum vallavit,  
Sed obsessos eruens  
Iesus hostes stravit.
9. Iesus veste sordida,  
summus sacerdotum,  
Saccum carnis induit,  
sed est lutum lotum,  
Corpus dat in pabulum,  
cruorem in potum,  
Nobis cruce pendulum  
impendit se totum.
10. Iesus noster liberat  
solus a peccatis,  
Non est Iesus alius  
huius facultatis,  
Id solius deicae  
constat potestatis,  
Cum hoc opus maximae  
sit infinitatis.
11. O Iesu piissime,  
media vocalis,  
Tua meditatio  
mihi sit vitalis,  
Placando saevitiam  
irae divinalis,  
Praeservans ab aestibus  
chaos gehennalis.
12. Iesu, vigil ocule,  
nunquam consopite,  
Vide *Petri* lacrimas  
duc ad viam vitae,  
Tibi licet foetidae  
preces sint auditae,  
Cor tuum mellifluum  
mihi fiat mite.

13. Iesu, pendens stipite  
caput inclinatus,  
Mihi sis remissio  
reconciliatus  
Ac in signum foederis  
statim amplexatus,  
Pedum saltem oscula  
praebere dignatus.

14. Iesu, cum substantiis  
humanatus binis,  
Me misellum respice,  
qui sum vilis cinis,  
Caritatis geminae  
succensus caminis,  
Internis fulgoribus  
illustra divinis.

15. Iesu, verax arbiter,  
iudex aequitatis,  
Vitam meam trutines  
lance pietatis;  
Iesu, nomen exhibe  
salvans a peccatis,  
Salutem impertiens  
salva cum beatis.

16. O Iesu mitissime,  
mitiges examen,  
O Iesu, clementiae  
mihi des solamen,  
O Iesu, quod displicet,  
remitte peccamen,  
O Iesu, ne corruam,  
impende tutamen.

17. Iesu, ne deficiam,  
vigora conamen,  
Iesu, patris dextera,  
tribue levamen,  
Iesu, sancti spiritus  
inspira spiramen,  
Cumque patre tibi sit  
laus et honor. Amen.

Collect. ms. Victorinum saec. 15. Cod. Parisin. 15163. — Introd. 15, 4 dumta per. — 23, 3 carnalem. — I. 2, 2 fastum. — 3, 6 in fehlt. — 3, 7 Quod sequatur non. — 13, 4 operans et latet. — 17, 2 Israel hominum. — II. 2, 3 permea. — 2, 4 invastitus. — III. 2, 3 Sine plata respuit. — 4, 7 que fehlt. — 8, 5 oculis. — 9, 1 Obscula. — 10, 4 procuratur. — IV. 3, 5 Iesum terra humido. — 4, 6 fastiscit. — 6, 2 homo scutum. — 9, 7 propassio. — 11, 7 int'nde. — V. 5, 1 haec fehlt. — Conclus. 4, 2 carnalem. — 5, 2 terrae fehlt. — 6, 7 potens. — 6, 8 cibatur. — 7, 8 cognatus. — 11, 7 Praeservens. — 17, 7 patri. — Ob 12, 3 nur eine Anspielung auf die Tränen des Apostels Petrus nach seiner Verleugnung (Luc. 22, 62) sein wollen, oder ob sie den Namen des Verfassers verraten sollen, dürfte schwer zu entscheiden sein.

## 52. Septem hymni continentes passionem Christi.

### Ad Completorium.

1. Iesu, superni radius candoris,  
Virtus et decor deici splendoris,  
Vita et dulcor ardorque amoris  
Es, Christe summe.

2. Tu visitare virginem venisti,  
Mire fecundans de rore caelesti,  
Iesu, adimplens olim, quae dixisti,  
Desiderate.
3. Factum es caro, verbum summi patris,  
Lacteque pastus, virtus, vitae panis,  
Et reclinatus praesaepio, Iesu,  
Ac crucifixus.
4. Rutilans stella te solem ostendit,  
Iubilat iustus teque lumen dicit,  
Patria tua exsulque fugaris,  
Iesu, nunc natus.
5. Te [lux] lucernae, Iesu, subdidisti  
Antrumque intrans vere ieiunasti,  
Morbidos sanans mundum docuisti  
Sana doctrina.
6. Pauperes, Iesu, o quam dilexisti,  
Corpore tuo de ipsos cibasti,  
Te pane vivo et virginis fructu,  
Hostia sacra.
7. Iesu, tuorum pedibus extersis  
Montem ascendens pie praedicasti,  
Maestus et pavens ter patrem orasti,  
Sanguine mades.
8. Traditum tradis fustibus et armis,  
Te, Iesu, mitem atrociter vallant  
Sanguinum viri, traditoris signo,  
Osculo pares.
9. Dulce distillans, Iesu mansuete,  
Zelum compescens tui defensoris,  
Sanas contactu tuum adversantem,  
Fons pietatis.
10. Manus atroces te Iesum contrectant,  
Funes extendunt teque vincientes  
Dire astringunt reversis post tergum  
Manibus tuis.
11. Iesu percusso disperguntur oves  
Viamque quaerunt devie pergentes  
Ac ingemiscunt, trahere videntes  
Dulcem magistrum.

12. Iesu ligato lictores laetantur,  
Concite currunt Annae deducentes,  
Senesque ruunt sese adgregantes  
Ad exprobrandum.
13. Gloria tibi sputis deturpato,  
Iubilus laudis verbis exprobrato,  
Honor, potestas clavis perforato  
Iesu pro nobis.

Orat. ms. Caelestin. S. Mariae de Parisius saec. 15. Cod. Mazarin.  
3897 (605). — 7, 3 mundans. — 8, 4 parens.

Ad Matutinum.

1. Vox invalescit subsannationum,  
Sonat insultus increpationum,  
Senibus coram, Iesu, collocatus  
Ad inquirendum.
2. Testis inculpat falsa proponendo,  
Pontifex clamat Iesum adiurando.  
Filiam Dei audit se dicendo  
Nube venturum.
3. Tunc rugit princeps rabie ferali,  
Veste conscissa eiulans proclamat  
Voce maligna, Iesum reum mortis  
Contio crepat.
4. Irruit tunc gens impetu crudeli,  
Manu maligna Iesum colaphizat,  
Terrae curvatur pes percutientis,  
Crebro conculcat.
5. Facies livet crebris maxillatis,  
Resonat dorsum ictibus ferinis,  
Crines evellunt tractibus obliquis  
Iesu concusso.
6. Species clara turpius sordescit,  
Sputis oblecta abiectius fluit  
Barba illita maculosae faecis  
Iesu consputo.
7. Claviger caeli a longe secutus  
Ter Iesum negat, ter interrogatus,  
Sed recordatur praeconii Christi  
Gallo canente.



8. Dulci respectu Iesu vulnerasti  
Petrum, collapsum pie sublevasti,  
Cor frigefactum fervere fecisti  
Igne amoris.
9. Ad eum dulce intuitus, Iesu,  
Saucium sanans erigensque casum,  
Aridum vertens in amaro fletu  
Maesti maeroris.
10. Iam taediato ore exprobrantis,  
Iam perlassato pugno quatientis  
Carcere taetro stricte catenaris,  
Iesu afflicte.
11. O flos candoris, sputis maculatus,  
Fervor amoris, frigore constrictus,  
Iubar solaris, tenebrosis trusus,  
Es, Iesu clare.
12. Gloria tibi sputis deturpato,  
Iubilus laudis verbis exprobrato,  
Honor, potestas clavis perforato  
Iesu pro nobis.

Orat. ms. Caelestin. S. Mariae de Parisius saec. 15. Cod. Mazarin.  
3897 (605). — 1, 3 collocatis. — 3, 4 concrepat.

A d P r i m a m.

1. Mane concurrat coetus sacerdotum,  
Senes et scribae concilium ferunt,  
Iesum ut tradant turpissimae morti  
Interimendum.
2. Iesum educunt viles vinclis plexum,  
Statuunt ipsum medio eorum,  
Aggredientes verbis perversutis  
Interrogando.
3. Nequiter quaerunt modo de doctrina:  
Si tu es Christus, nobis palam dicas.  
Dei a dextris te, Iesu, sessurum  
Fore affirmas.
4. Iesu insultans turba proclamosa:  
Ore de huius audivimus, clamant,  
Filium Dei dicens se sermone  
Quali blasphemat.

5. Cito surgentes manibus ligatum  
Iesum praesentant praesidi Pilato,  
Agnum tradentes cani truculento  
Deglutiendum.
6. Senes assistunt voce clamorosa,  
Iesum incusant acuentes linguam,  
Obicientes superstitiosa  
Esse locutum.
7. Praeses ut quaerit denuo de noxa,  
Plebem commovent, clamat gens maligna:  
Docens subvertit prohibetque regi  
Dare tributa.
8. Fore ut audit tunc a Gallilaea  
Iesum, remittit Herodi tetrarchae,  
Currit post ipsum plebs tumultuosa  
Malignatorum.
9. Ferunt profani accusationem,  
Quaerunt constanter interimi morte,  
Crucifigendum regem aequitatis  
Iesum iniuste.
10. Gaudet Herodes viso Iesu valde,  
Ipsum propulsans vario sermone,  
Sed obmutescit agnus vinculatus  
Coram tondente.
11. Spernit tyrannus Iesum quiescentem,  
Ei circumdans illusivam vestem,  
Saevitque coetus dans derisiones  
Regi abiecto.
12. Iesum educunt coetu satiato  
Illusione mitissimi agni,  
Rursum festine derisu vestitur  
Habitū albo.

Orat. ms. Caelestin. S. Mariae de Parisius saec. 15. Cod. Mazarin. 3897 (605). — 7, 1 quaerit de non de noxa. — 12, 3 festino. — Doxologie wie im vorigen Hymnus.

Ad Tertiam.

1. Praecepit praeses Iesum spoliari,  
Veste nudatum columnae astringi,  
Duris flagellis durius mactari  
Manu immanum.
2. Candida caro sanguine rubratur,  
Nitidi artus plagis laniantur,  
Ictus tortoris crebro iterantur,  
Iesu, ingentes.
3. Rude flagellum Iesum circumcingit,  
Funis nodosa livores apponit,  
Manus versata acerbius angit  
Dorsum et latus.
4. Lacera manus lacerando lassa,  
Pallio rubro Iesu tunc amicto  
Coetus accurrit acrius attritum  
Cruciaturus.
5. Spinoso serto, Iesu, coronaris,  
Fluunt, ut figunt, cruoris fluentia,  
Madent capilli, oraque rubescunt  
Sanguine lita.
6. Genua flectunt Iesum illudentes,  
Quatiunt caput arundine sumpta,  
Regem salutant prave conspuentes  
Facie nuda.
7. Iesum illusum foras educentes,  
Diadematum sceptrumque ferentem,  
Turbis ostensum, dupla voce dicunt:  
Crucifigatur.
8. Non reum mortis Iesum iudex fatur,  
Crescit tumultus optioque datur,  
Nequam dimisso iustus crucifigi  
Sententiatur.
9. Suscipientes tunc Iesum ministri  
Crucem imponunt umeris lassatis,  
Foras educunt iniquis duobus  
Associatis.

10. Dorsum oppressum onere curvatur,  
Umeris cassus labore lassatur,  
De verecundis Iesus subiugatur  
Cruciamentis.
11. Anget vox vulgi Iesum protrahentis,  
Alteque clamat os praeconizantis,  
Clangitque tuba turbam convocantis  
Ad intuendum.
12. Vox olim versa Hosanna dicentis,  
Vox amicorum matrisque gementis,  
Vox Iesu pia flere prohibentis  
Maestum dant sonum.

Orat. ms. Caelestin. S. Mariae de Parisius saec. 15. Cod. Mazarin.  
3897 (605). — Doxologie wie oben.

A d S e x t a m.

1. Mortis ad montem te, Iesu, deducto  
Tuo nudaris [dire] vestimento,  
Tibi haerente ac conglutinato  
Plagis cruentis.
2. Quasi leprosus tunc apparuisti  
Oculis coram populi astantis  
Tuis verendis velo matris tuae,  
Iesu, velatis.
3. Atterit casus caterva pellente  
Virginis artus durius caedentes,  
Tenera caro ligno datur duro  
Iesu everso.
4. Pellis in modum Iesum expandentes  
Sauciant manus, pedes perforantes,  
Clavis acutis [hunc] crucifigentes  
Malleo malo.
5. Arida guttis roseis rigatur  
Crux, pretiosis gemmis adornatur,  
Sanguis defluit, Iesus vacuatur  
Largis fluentis.
6. Titulo scripto literis diversis,  
Iesu confixe, sursum elevaris  
Vento expansis visceribus tuis  
Dire distentis.



7. Iesu erecto brachia tenduntur,  
Pondere sacro genua flectuntur,  
Manus pedesque rupturis vexantur  
Ferro confossi.
8. Duo adduntur ad confusionem,  
Crucifiguntur hinc, inde latrones,  
Medium Iesum poenae deputatum  
Cum sceleratis.
9. Dividunt sorte milites et vestes,  
Capita movent Iesum blasphemantes,  
Dicunt, descendat nunc Christus de cruce,  
Praetereuntes.
10. Te suspendentes tunc orans excusas,  
Iesu, latroni paradisum donas,  
Virginem matrem virgini commendans  
Transgladiatam.
11. Anxia voce, Iesu, proclamasti:  
Me, Deus meus, cur dereliquisti?  
Potum consumis, potans acetosum  
In tua siti.
12. Obtenebrescit luctu compassivo  
Iesu suspenso claritas solaris,  
Radios claros claritatis suae  
Cruentis tegens.

Orat. ms. Caelestin. S. Mariae de Parisius saec. 15. Cod. Mazarin.  
3897 (605). — 8, 3 deputantem. — 11, 1 Iesum. — 11, <sup>2</sup>/<sub>3</sub> consumaris. —  
Doxologie wie oben.

#### A d N o n a m.

1. Crucis in ara Iesu cruentato,  
Iam lacerata illibata caro,  
Torrida membra pendent in vexillo,  
Plena pallore.
2. Vespere venis Iesus vacuatis  
Sanguine suo reis sociatus  
Caput inclinat velut donans matri  
Vale doloris.
3. Caro carentis carie pallescit,  
Fervens amoris clibanus frigescit,  
Liberans limbum labore labescit  
Iesu languente.

4. Oculi pii poena deprimuntur,  
Lumina clara morte caligantur,  
Ora marcida Iesu alterantur  
Agonizante.
5. O quo dolore cor tuum liquescit!  
Iesu, degustas motus maestae mortis,  
Flens cum clamore spiritum commendas  
Manibus patris.
6. Iesus despirans, terra contremiscit,  
Petrae quassantur, velumque scindetur,  
Solvitur captus, infernus patescit  
Portis confractis.
7. Funes funesti funere franguntur,  
Fauces fallentis ferculo falluntur,  
Cornua mortis Iesu moriuntur  
Morte crudeli.
8. Turba terretur, miles expavescit,  
Tunditur pectus, clamor invalescit,  
Testificatur: Vere iustus erat,  
Filius Dei.
9. Praesidem rogat coetus Iudaeorum  
Tollere statim corpora reorum,  
Iesu infracto concrucifixorum  
Crura franguntur.
10. Crurifractores cruci propinquant,  
Iesum defunctum iam reperientes,  
Lanceae ictu mox percutientes  
Latus transfigunt.
11. Iesu transfixo poculum dulcoris,  
Sanguinis unda, vinculum amoris,  
Aqua fecunda, lavacrum nitoris  
Manat praedulce.
12. Planctus duplatur, maeror ingravescit,  
Corque torquetur, singultus accrescit,  
Dum lanceatur Iesus in conspectu  
Matris orbatae.

Orat. ms. Caelestin. S. Mariae de Parisius saec. 15. Cod. Mazarin.  
3897 (605). — 2, 1 Vemere venis. — 7, 1 Fune. — 8, 2 Tonditur. — 10, 2  
iam fehlt. — Doxologie wie oben.

Ad Vesperas.

1. Luctu amaro noti lamentantes  
Deficientem matrem comitantur,  
Iesu astare fere non valentes,  
Terrae sternuntur.
2. Iesus defunctus nunc annuntiatur,  
Ioseph Pilatum supplex deprecatur,  
Mortuum saltem cruce deponendum  
Ut concedatur.
3. Praeses miratur Iesum iam obisse,  
Certificatur a centurione,  
Corpusque datur pro sollemnitate  
Sepeliendum.
4. Iesum amici pie ut deponunt,  
Recipit alma virgo inter ulnas,  
Oraque ruunt clavorum fixuris  
Ad osculandum.
5. Ungitur Iesus murratis unguentis,  
Matris lavatur aquis gemebundae,  
Dum reclinatur casibus obliquis  
Super dilectum.
6. O quos singultus, virgo, protulisti  
Vulnera tractans Iesu iugulati  
Atque contemplans tantis aperturis  
Esse confossum!
7. Matris amaris osculis acceptis  
Linteis Iesus colligatur mundis  
In monumento fletibus immensis  
Ac collocatur.
8. Saxo sepulcrum Iesu obseratur,  
Orphana mater o quam anxietur,  
Consono fletu coetu mulierum  
Associata!
9. Finem donante die dolorosa  
Ducitur domum Iesu destituta,  
Gressu nutante umeris notorum  
Superinnixa.

10. O quam amaras, mater sustinebas  
Poenalitates! luctu languefiam  
Iesu promendo caritatem intus,  
Prole privata.
11. Virgo poenarum domum introgressa  
Querule gemit: o Iesu, spes sola,  
Soloque labens ploratu poenali  
Est saturata.
12. Nunc desolatur turba provoluta,  
Nunc anxiatur mater lacrimosa,  
Nunc adgravatur Iesum personando  
Vox gemebunda.

Orat. ms. Caelestin. S. Mariae de Parisius saec. 15. Cod. Mazarin. 3897 (605). — 4, 2 alma vñq in ulnas. — 10, 1 scaturibas. — 10, 3 Iesum. — 11, 4 Est fehlt. — Doxologie wie oben.

### 53. De Christo Patiente.

Quisquis ades, plange, crucis aspera mente revolve,  
Quae tulit a nobis mortem dans dona salutis.  
Dum tulit hinc mortem liberat nos datque salutem.  
Eia, nunc flete, crucifixi morte manete,  
Ne barathri rete rapiat vos vaste, videte.  
Hic tuus est noster sanguis de virgine sumptus,  
Nos igitur rege, nos salva, nostri miserere.

Collect. ms. incert. orig. saec. 15. Cod. Oxonien. Canon. Miscell. 523. — Vorher gehen die folgenden zwei Verse, die ein Ganzes für sich bilden und augenscheinlich die Inschrift auf einem Kruzifix bildeten:

Quisquis ades, plora, Christum quoque sic, precor, ora:  
Qui dedit hunc gratis, salvator, iunge beatis.

### 54. Ad Christum Patientem.

- |   |   |
|---|---|
| 1. Salve, Iesu Nazarene,<br>Caput tuum non serene<br>Demonstratur coronatum,<br>Nam videtur sauciatum.    | 3. Salvete, o foramina,<br>Inflicta spinis et spina,<br>Salve, o magnum pretium<br>Sanguinis spinis obvium.     |
| 2. Salve, caput spinis punctum,<br>Salve, cruore perunctum<br>Ac percussum arundine<br>Saeva amaritudine. | 4. Salvete, carnes purpuratae,<br>Ex flagellis maculatae,<br>Manus et spinæ fecerunt<br>Hirsutas et pupugerunt. |



5. Salve, o frons generosa,  
Spinis ac fletu rugosa,  
Es obscurata nimium  
Propter salutem omnium.
6. Salvete, clari oculi,  
Flevistis more parvuli,  
O Isaac, senuisti,  
Visum morte perdidisti.
7. Salve, decora facies,  
Non erat tibi species,  
Cum terris stetisti maesta,  
Caelo fulgens auge festa.
8. Salvete, nares et genae,  
Multis incommodis plenae,  
Vos, nares, foetor turbavit,  
Vos, genae, dolor vexavit.
9. Salvete, o aures piae,  
Vos pravorum blasphemiae  
Intus et in cute satis  
Nimis pupugerunt gratis.
10. Salve, mentum, salve, barba,  
Te signavit illa barba,  
In quam descendit unguentum  
Ut sanguis in tuum mentum.
11. Salvete, dentes lactei,  
De felle facti fellei,  
Ad uvam acerbam nimis  
Obstupuistis inprimis.
12. Salve, lingua verbi Dei,  
Es punita causa mei  
Per sitim et escam fellis,  
Quae nihil habebat mellis.
13. Salve, guttur ex labore,  
Ex siti ac ex clamore  
Laborasti raucitate  
Simulque ariditate.
14. Salve, collum caesum dure  
Alapis gentis impurae,  
In te apparuit pendens  
Sanguis capite descendens.
15. Salve, dorsum tritum flagris  
Uti frumentum de agris,  
De te grana ceciderunt,  
Quae salubria fuerunt.
16. Salvete, sacri umeri,  
Exstitit vobis oneri  
Contra iuris argumentum  
Portare mortis tormentum.
17. Salvete, tensa brachia,  
Traxistis ad vos omnia,  
Quae erant in caelo sursum  
Et quae in terra deorsum.
18. Salvete, manus tenerae,  
Iunctae fuistis misere,  
Dum libenter exsolvistis  
Ea, quae non rapuistis.
19. Salve, dextra Iesu Christi,  
Grave vulnus habuisti,  
Salve, vulnus, effudisti  
Pretium, quod tenuisti.
20. Salve, o manus sinistra,  
Tu vitae nostrae ministra,  
Tuus est cruor roseus,  
Quem effudit homo Deus.
21. Salve, pectus contristatum  
Propter hominis reatum,  
Tu plorasti cum gemitu,  
Quod peccavit pro libitu.
22. Salve, o venter carnee,  
Caro carnis virgineae,  
Tuam Cham nuditatem  
Derisit ob pravitatem.

- |  |  |
|--|--|
| <p>23. Salvete, femora detecta,<br/>         Ensis et arma sunt abiecta<br/>         In corporis passione<br/>         Pro nostra dilectione.</p> <p>24. Salvete, sancta genua,<br/>         Prodiistis ad ardua<br/>         Et petistis humilia,<br/>         Curvata ad vestigia.</p> <p>25. Salvete, crura Domini,<br/>         Salus ut esset homini,<br/>         Cucurristis in spinosa,<br/>         In aspera et caenosa.</p> <p>26. Salvete, pedes gloriosi,<br/>         In esurie et in siti<br/>         Quaesistis ovem perditam,<br/>         Inter lupos absconditam.</p> <p>27. Salve, vulnus dextri pedis,<br/>         Salve, o spes firmæ aedis,<br/>         Salve, clavis, salve, sanguis,<br/>         Salve, o aeneæ anguis.</p> | <p>28. Salve, sancte pes sinister,<br/>         Salve, o bone magister,<br/>         Salve, foramen vulneris,<br/>         Tu laus humani generis.</p> <p>29. Salve, latus salvatoris,<br/>         Salve, vulnus redemptoris,<br/>         Salve, sanguis veri floris,<br/>         Salve, aqua mundatoris.</p> <p>30. Salve, o cor, aruisti<br/>         Ut foenum. quando subisti<br/>         Mortem volens, quam sitisti,<br/>         Dum in cruce perstitisti.</p> <p>31. Salve, o dulcis anima<br/>         Iesu Christi peroptima,<br/>         Tu sensisti, quod tunica<br/>         Tua tulit Davitica.</p> <p>32. Salvete nunc, o omnia<br/>         Membra Christi felicia;<br/>         Tota nostra familia<br/>         Stat victrix in victoria.</p> |
|--|--|


Orat. ms. Campense anni 1462. Cod. Darmstadien. 521. — 4, 1 purpurati. — 4, 2 Et flagellatione immaculati. — 4, 3 Nos manus et. — 4, 4 Hirsutos non conposuerunt. — 7, 4 Quae caelo fulgens. — 8, 3 o nares. — 8, 4 Et vos. — 9, 4 Nimis fehlt. — 17, 4 quae fehlt. — 20, 3 est fehlt. — 20, 4 effudisti. — 21, 3 cum fehlt. — 22, 3 nuditatem Cham; es fehlt eine Silbe. — 25, 3 Tu cucurristi in. — 29, 2 salvatoris. — 31, 1 dulcis fehlt.

### 55. De Passione Domini meditatio rignica.

- |   |   |
|---|---|
| <p>1. Adam nos per vetiti<br/>         pomi damnat esum,<br/>         Sed humanum sic genus<br/>         dolens pater laesum,<br/>         Misit suum filium<br/>         incarnari Iesum,<br/>         Per quem plagis plurimis,<br/>         tandem morte caesum<br/>         Sunt salvati homines<br/>         a poenis eorum.</p> | <p>2. O si unquam, anima,<br/>         devota fuisti,<br/>         Respice in faciem<br/>         modo tui Christi,<br/>         Contemplare speculo<br/>         in hoc corde tristi,<br/>         Quae et quantae, quot poenae<br/>         illatae sint isti;<br/>         Ventre matris latuit<br/>         more aliorum.</p> |
|---|---|

3. Est in diversorio  
ex domibus natus,  
Vagit in praesaepio  
arto reclinatus,  
Pannis est humilibus  
ut pauper ligatus  
Lacteque virgineo  
matris adlactatus,  
Positus in medio  
duum iumentorum.
4. Primus sanguis funditur  
in circumcisione,  
Offertur Ierusalem  
cum oblatione,  
In Aegyptum ducitur  
cum afflictione,  
Subditur parentibus  
in conversatione,  
Quaesitus in medio  
sedebat doctorum.
5. Ut peccator innocens  
Iesus baptizatur,  
In desertum spiritu  
suo agebatur,  
Ubi post ieiunium  
fame cruciatur,  
Tribus a diabolo  
vicibus temptatur,  
Persequentum lapides  
fugit Iudaeorum.
6. Exercet officium  
praedicationis,  
Lassatur laboribus,  
qui est quies bonis,  
Famem, sitim patitur  
abundans in donis,  
Publicanis veniam  
dat remissionis,  
Tolerat insidias  
hic pharisaeorum.
7. Regnum Dei nuntiat  
per castra pergendo,  
Orando pervigiles  
noctes deducendo,  
Ter nostrae miseriae  
flet compatiendo,  
Cum Iuda et aliis  
cenam comedendo  
Iudae pedes abluit  
et discipulorum.
8. Orat patrem, transeat  
calix hic doloris,  
Guttaeque sanguineae  
decurrunt sudoris,  
Traditur consilio  
Iudae proditoris,  
A Iudaeis capitur  
Christus, rex honoris,  
Vinculis constringitur  
instar nefandorum.
9. Tradunt in consilium  
pontificum Iudaei  
Et condemnant, filium  
cum se dixit Dei,  
Maxima opprobria  
irrogabant ei,  
Turpi sputo maculant  
formam faciei,  
Regem caedunt alapis  
per manus servorum.
10. Ad Pilati faciem  
tandem praesentato  
Barrabas dimittitur  
Iesu condemnato,  
Herodis iudicium  
subit a Pilato,  
Ibique ludibrio  
plurimo illato  
Redit et percutitur  
flagellis eorum.

11. Ut rex cinctus tunica  
chlamydeque bona  
Et pro diademate  
spinea corona,  
Pro sceptro arundine  
data, post haec dona  
Flectit genu ironice  
gens ad malum prona,  
Colaphizat, conspuat  
regem angelorum.
12. Crucem ad Calvariam  
portans oneratur,  
Qua tensus expanditur,  
tractus laniatur,  
Manibus et pedibus  
clavis perforatur,  
Sic adfixus stipiti  
dire sauciatur,  
Factaque divisio  
est vestimentorum.
13. Ad augmentum scandali  
et confusionis  
Christo vilem deputant  
locum passionis,  
Horum in meridie  
crucifixionis,  
Et in festo maximo  
est bonus cum non bonis  
Deputatus in medio  
latronum duorum.
14. Cum sic ad spectaculum  
esset crux evecta,  
Adest lingua hostium,  
insultat infecta,  
Nec damnatus tacuit  
latro causa recta;  
Sitit Iesus omnia  
videns iam perfecta,  
Aceto potatus est  
et felle eorum.
15. Dum horarum spatio  
trium pependisset  
Et exspirans spiritum  
suum commisisset,  
Cumque miles lancea  
latus transfixisset,  
Et sanguis continuus  
et aqua fluxisset,  
Sepelitur a Ioseph  
more Iudaeorum.
16. Hic redempte cogita  
homo, quis et qualis  
Fuit, qui dum moritur,  
terrae motus talis  
Et solis obscuritas  
erat generalis  
Scissuraque lapidum  
velique totalis,  
Multaque surrexerunt  
corpora sanctorum.
17. Compassa sunt omnia  
suo creatori;  
Eris ergo durior  
petra duriori,  
Si non sis compatiens  
eius, qui sic mori  
Pro te sponte voluit,  
iungaris amor  
Expurgatis vitiis  
prius peccatorum.
18. Nam dicit: Vocaveram  
vos, et renuistis,  
Manum meam extendi,  
et non aspexistis,  
Omnia consilia  
mea despexistis,  
Et, dum in cruce paveram,  
vos non curavistis,  
Unde in interitu  
videbo vestrorum.





19. Nunc vide propheticum  
in me adimpletum,  
A iuventute pauperem  
labore consuetum,  
A planta ad verticem  
plagis me repletum,  
Felle mixtum in cruce  
potasse acetum,  
Damnatum turpissima  
morte pessimorum.

20. Non mea, sed tua sum  
culpa passus, homo,  
Quia tu de vetito  
comedisti pomo;  
Si mihi respondeas  
compassionis dono,  
Dabo tibi vivere  
patris mei domo,  
Ut mecum in saecula  
regnes saeculorum.

Orat. ms. Campense anni 1462. Cod. Darmstadien. 521. — 2, 7 et  
quot. — 6, 6 in domo. — 8, 3 Guttique sanguinei. — 8, 10 efandorum. —  
11, 2 clademque. — 11, 7 Flecti. — 17, 8 iungeris. — 18, 9 interitum.

#### 56. De Passione Domini.

1. Expurgator scelerum  
Aeterni patris dextera  
Descendit ad saucium  
Ad sananda vulnera,  
Adduxit in stabulum  
Pietatis opera,  
Vinum dans et oleum  
Caritate supera.

4. Pauper rex efficitur,  
Ut pauper dives fieret,  
Potens prelo premitur,  
Ut impotens resurgeret,  
Christus crucifigitur,  
Ut homo caelum scanderet,  
Sol eclipsim patitur,  
Ut sidus lumen sumeret.

2. Hic est noster proximus,  
Genitus de virgine,  
Pro nobis novissimus,  
Rex in caeli culmine  
Factus est humillimus,  
Frixus in sartagine,  
Nos raperet potentius  
Hostium voragine.

5. Sic sorti nostrae miserae  
Contulit subsidia,  
Duxit lapsos scelere  
Ad caeli fastigia,  
Mortis vivus asperae  
Passus est fastidia,  
Ut sanaret, viperae  
Quos laeserat invidia.

3. Poenis se innexuit,  
Ut nos a poenis solveret,  
Saccum nostrum texuit,  
Ut fallentem falleret,  
Funera sustinuit,  
Ut funus nostrum vinceret,  
Carni se immiscuit,  
Ut carne nos redimeret.

6. O quam mira circa nos  
Dei patris dilectio!  
Ut salvaret servulos,  
Non pepercit filio.  
O summae potentiae  
Quam miranda passio,  
Conditionis miserae  
Quam magna redemptio!

Collect. ms. Llantonienae (?) saec. 13. Cod. Coll. Corp. Christi Oxonien.  
59. — 1, 4 Et duxerat in. — Abschrift von Rev. H. M. Bannister.

57. De Passione Domini.

Virtus angelorum deluditur,  
Caput honoris pungitur,  
Vultus decoris spernitur,  
Dextra vigoris foditur,  
Laeva rigoris tunditur,  
Gressus ductoris figitur,  
Gustus saporis laeditur,  
Latus pastoris scinditur,  
Sponsus amoris moritur,  
Fructus cruoris perditur.

Collect. ms. S. Iacobi in Insula Leodii saec. 13/14. Cod. Darmstadien. 2777. add. saec. 14. — Zwischen v. 5 und 6: Speculum sine macula deturpatur. Das Einschiesel stört den Vers und den Gedanken.

58. Verba Crucifixi.

Dulcis amice, vides, pro te quos porto dolores,  
Nil pro me patior, immerito crucior.  
Hic pro te fixus, toto sum corpore tensus,  
Crimina quippe tua sunt mea supplicia.  
Quantumcunque potes, non cesses reddere grates,  
Nam meus iste dolor est tuus altus honor.

Collect. ms. Gemmeticense saec. 10. in. Cod. Rotomagen. 26 (A 292.) add. saec. 12. — 2 und 3 umgestellt; nach 4 folgt noch ein überzähliger Pentameter:

Amodo non moreris, vivere si mihi vis.

59. Planetus Christi patientis.

Respice, peccator, an non sim verus amator.  
En, pro te morior, non est dilectio maior.  
Respice, qui transis, cum sis mihi causa doloris,  
Vulnere sto plenus, pro te nimis undique laesus.  
Sic, homo, sto pro te; cum peccas, desine pro me.  
Spinae, crux, clavi, mors, poena, quam toleravi,  
Ostendunt, qua vi miserorum crimina lavi.

Collect. ms. Monasterii B. M. Vallis Pisii (Ord. Carth.) saec. 15. Cod. Vatican. Reg. 349.

60. Laus crucis.

1. *Salve*, Christi crux praeclara,  
Arbor astris pulchrior.  
Facta reis ex amara  
Mellis stilla dulcior,  
Vitae nobis viam para,  
Dux effecta gratior.
2. In te nobis summi ducis  
Dulcescit memoria,  
Qui conformans se caducis  
Inter haec mortalia  
Mediante scala crucis  
Ad se traxit omnia.
3. *Salve*, scala, quam erexit  
Inclinata deitas,  
Cuius et nos non despexit  
Despecta sublimitas,  
Sed ad summa iam provexit  
Caelum tangens summitas.
4. Qui per crucem triumphasti,  
Crucis opem porrige,  
Quos per carnem liberasti,  
Carne pressos erige.  
Et in viam, quam parasti,  
Vitae cursum dirige.
5. *Salve*, signum et insignis  
Vexillum victoriae,  
Quod erectum a malignis  
Pro voto malitiae  
Pis praestat et benignis  
Verae fructum veniae.
6. Corda potens expiare,  
Purga cordis oculum  
Cor invitans ad praecarum  
Virtutis spectaculum,  
Ut et nobis salutare  
Sanctum sis signaculum.
7. *Salve*, cuius ad insigne  
Columnae miraculum  
Nunc in nube, nunc in igne  
Praecedebat populum,  
Sanctae crucis non indigne  
Praesignans patibulum.
8. Ne nos fallant blanda viae  
Neve frangant aspera,  
Ut in nocte sic in die  
Dirigens itinera,  
Nos utrique, Iesu pie,  
Tempori contempera.
9. *Salve*, vitae ferens fructum,  
Vitis salutifera,  
Cuius fructus non ad lu[c]tum,  
Sed per lucis opera  
Lapsum levat et seductum  
Reducit ad supera.
10. Prosint nobis data gratis  
Tua, Iesu, munera,  
Prosit opus pietatis,  
Prosit victrix dextera.  
Summae regna claritatis  
Dans post levae munera.
11. *Salve*, lignum, cuius Eva  
Non seduci specie,  
Sed laetatur a primaeva  
Salvari mollitie  
Temperata lege saeva  
Letalis sententiae.
12. *Salve*, signum singulare  
Salutis et gaudii,  
Lignum, inquam, salutare  
Singularis pretii,  
*Thronus, sceptrum et altare*  
Dei factum filii.
13. *Salve, thronus*, quem ascendit  
Rex passurus gloriae,  
Quibus pie condescendit,  
Suae servos gratiae  
Sub servili, quam praetendit,  
Redempturus specie.
14. *Salve, sceptrum*, immortale  
Disponens imperium,  
Per quod Christus, dum mortale  
Solvit domicilium,  
Suis dedit aeternale  
Regni participium.

15. Salve, clara crucis *ara*,  
 Rubens agni sanguine,  
 Quam sacravit, qui nos lavit  
 Ab antiquo crimine.  
 Qui per crucem nos ad lucem  
 Traxit a caligine.

16. Salve, crux, quam insignivit  
 Sui vultus lumine.  
 In qua semel obdormivit.  
 Qui natus de virgine  
 Semper regnat, semper vivit  
 Deus ens in homine.

17. Mons sublimis, mons provisus  
 A rerum primordio,  
 In quo nobis causa risus  
 Christi fuit passio.  
 Pro quo vervex est occisus,  
 Ut parcatur filio.

18. Salve, verae spes salutis,  
 Per quam fit redemptio,  
 Dum longaevae servitutis  
 Abiecto dominio  
 Suo servum rex virtutis  
 Sublimat imperio.

19. Per te nostra sint accepta  
 Christo sacrificia.  
 Morte cuius intercepta  
 Mortis sunt imperia.  
 Prosit, precor, et accepta  
 Salutaris hostia.

20. Cor expurgans a peccatis  
 Omnique spurcitia  
 Post eructae vanitatis  
 Lapsus et ludibria  
 Nos ad regnum claritatis  
 Crux reducat praevia.

Collectan. ms. Cirencestre saec. 13. Cod. Parisin. 11867.

#### 61. De Sancta Cruce.

Forma crucis sanctae tibi retro semper et ante;  
 Sit crux in corde, crux corpore, crux sit in ore;  
 Crux tibi sit redolens et dulci plena sapore;  
 Crux lumen vultus, tibi sit crux gloria virtus;  
 5. Crux oculis coram tibi sit nec desit ad horam;  
 Crux manibus detur, crux auribus associetur;  
 Intus et exterius tibi semper et undique sit crux;  
 Crux tibi sit saltem vicibus meditatio septem;  
 Sit tibi sermo crucis quasi fons et copia lucis;  
 10. In cruce sacrata tibi sit data vita beata.

Orat. ms. Caelestin. S. Mariae de Parisius saec. 15. Cod. Mazarin.  
 3897 (605).

#### 62. De Passione et Cruce Domini.

Talis es et tanta, crucifixi passio sancta,  
 Quod de te fari, nunc scribere, nunc meditari,  
 Qui tibi sunt cari, nunquam debent satiari.  
 Tu vitam donas cunctis, quos ipsa coronas,  
 5. Et regis et munis, pascis, quos dulciter unis.



- Vulnera nos satiant, quibus et charismata manant,  
Nos Christi sanguis mundat, quo vincitur anguis.  
Morte datur vita super omnia dona cupita,  
Crux vitae clavis et odoris plena suavis,
10. Passio divina mortalibus est medicina.  
Haec sunt vera bona, nimium dulcissima dona.  
Vos precor, o fratres, in cordibus hoc teneatis,  
Hoc pensate diu, vigilantes hoc studeatis;  
Istud dulce nimis studium cor tollit ab imis.
15. Fratrum nostrorum studium decet esse Minorum  
In cruce praecipue, crucifixi sanguine, morte,  
In quibus est animae iucunda refectio sanctae  
Et via virtutis, spes nostra certa salutis.  
Crux salvatoris est Fratris vita Minoris,
20. Intus plena, foris nimium caelestis amoris  
Ista suis loris hominis dux interioris,  
Regula fit moris, operis, sermonis et oris.  
Hic est ordo crucis, qui ducit ad atria lucis,  
Qui regit et servat, Domino sine fine gubernat.
25. In cruce fundatus noster fuit ordo beatus,  
In cruce fulgebit, perfecte dum remanebit.  
Noster Franciscus, crucifixi dulcis amicus,  
In cruce se fixit, studuit, dum corpore vixit;  
In cruce pugnavit, inimicos dum superavit,
30. Corpus prostravit, cruce mundum suppeditavit,  
Rite laboravit, quoniam super hoc vigilavit.  
Frater, dum vivis, crucifixum semper honora,  
In cruce vulneribus studeas, meditando labora,  
Qualia sit passus, memor esto qualibet hora.
35. Qui mala sustinuit pro te nimium graviora,  
Quam sint, quae pateris, et longe deteriora.  
Tunc patienter agis, si Christi sanguine, plagis  
Cor tibi munire studeas, accendere mire.  
Sit tibi plagarum studium super omnia carum,
40. Et crucis et mortis tibi sit meditatio fortis.  
Passio cor pungat, aspersio sanguinis ungat,  
His delecteris et gaudens haec mediteris.  
Nitere tu de morte Iesu portare dolorem,  
In cruce gaude, fortiter aude ferre laborem,
45. Tu crucifixi sanguine Christi mundificatus  
Ista sequaris, ne verearis flere reatus.  
Eximium crucis hoc studium flos est studiorum,  
Quod valide, sapide, cupide cor pascit eorum,  
Qui cupiunt, sitiunt, veniunt ad regna polorum.
50. O mi, Francisce, pater inclite, dux crucifixe,  
Te precor obnixi, mihi cordi stigmata misce,  
In cruce fervere, fac me cor semper habere.

- In cruce me stare facias, ardentem amare,  
Me cruce laetari facias et te comitari,  
55. Ut valeam vere Domino sine fine placere.  
O mi Christe Iesu, mea spes et lux oculorum,  
O mi dulcis amor, requies et vita bonorum,  
O dulcedo mea, cunctorum plena saporum,  
O, qui pro nobis amor es crucifixus amorum,  
60. Tu me sanctorum numero coniunge tuorum,  
In medio quorum resplendet vita Minorum.

Orat. ms. Caelestin. S. Mariae de Parisius saec. 15. Cod. Mazarin. 3897 (605).

### 63. De Cruce Domini.

- |   |   |
|---|---|
| 1. Triumphale lignum crucis,<br>Tu nos seductos reducis<br>Ad superna gaudia,<br>Portas pandis verae lucis,<br>Claudis fauces hostis trucidis<br>Divina potentia. | 2. Te adoro propter illum,<br>Qui per te gregem pusillum<br>Reduxit ad patriam,<br>Confringens per hoc vexillum<br>Mortis vectes et sigillum.<br>Signans infernaliam. |
|---|---|

Orat. ms. Pragense saec. 15. Cod. Pragen. XIII H 3a.

### 64. De Sancta Cruce.

- |  |   |
|--|---|
| 1. O crux, ave, spes unica,<br>Arbor salve suavissima,<br>Quam Christus sua gratia<br>Morte dicavit propria. | 5. A maligno me protege,<br>Crux alma, omni tempore,<br>Cum insurgit temptatio,<br>Sis mea liberatio.     |
| 2. Te sacra Christi passio<br>Et sanguinis effusio<br>Colendam omni populo<br>Consecravit in saeculo.        | 6. In adversis refugium,<br>Contra hostes subsidium,<br>Contra Satanae iaculum<br>Tu mihi sis obstaculum. |
| 3. Ad cuius nunc memoriam<br>Et passionis gloriam<br>Te adoro, te veneror.<br>Per te salvari deprecor.       | 7. Tua potens tuitio<br>Me purget omni vitio<br>.<br>.<br>.<br>.<br>.<br>.<br>.<br>.                      |
| 4. Sis mea tu protectio<br>Et in cunctis defensio,<br>Me intus et exterius<br>Conserves horis omnibus.       | 8. O crux, tuum signaculum<br>Sit mihi propugnaculum<br>Et motibus illicitis<br>Et actu turpitudinis.     |

9. Contra omne periculum  
Crux mihi sit umbraculum,  
Ab aestu libitudinis  
Conservet arcem pectoris.

10. Ne turpis cogitatio  
Aut carnis delectatio  
Ad consensum me pertrahat,  
Crux semper me custodiat.

Miss. et Brev. ms. Coronense saec. 14. Cod. Vatican. 4757. — 4, 2 Et fehlt. — Abschrift von Rev. H. M. Bannister.

### 65. De Sancta Cruce.

1. O crux, ave, sanctissima,  
Spes nostra nobilissima,  
Salus mundi verissima,  
Omni laude dignissima.

9. Sub hoc vexillo maneant  
Fideles, ut non pereant,  
Crucis amici gaudeant,  
Vitam aeternam habeant.

2. In te Iesus dulcissimus  
Pependit suavissimus,  
Rex noster invictissimus,  
Per quem salvari credimus.

10. In umbra huius arboris  
Salus mentis et corporis  
Paxque donatur pectoris,  
Fluctus pacantur aequoris.

3. Qui te portare voluit  
Et pendens in te doluit,  
Cuius amor apparuit,  
Pro nobis dum occubuit.

11. In te latent deliciae  
Et speculum munditiae,  
Per te donantur gratiae  
Cunctis, qui sunt in acie.

4. O crux plena dulcedinis  
Et summae pulchritudinis,  
Aspersione sanguinis  
Inebria cor hominis.

12. In te decor et gaudium,  
Sapor et odor cordium.  
Piae mentis solacium  
Et dulce refrigerium.

5. Qui te laudare nititur  
Et dulciter amplectitur,  
Beatus, qui te sequitur,  
Donec vivit et moritur.

13. Tuus amor eximius  
Nos satiet interius,  
Nihil sit nobis dulcius  
Quam crucifixus filius.

6. O crux sole splendidior,  
Omni melle suavior,  
Tu es auro praeclarior  
Et balsamo fragrantior.

14. Amor tuus nos capiat,  
Introrsum qui nos rapiat  
Et exsultare faciat,  
Donec Iesus adveniat.

7. O bona crux, amabilis,  
In cunctis venerabilis,  
Tu es thesaurus nobilis  
Et portus delectabilis.

15. O crux, nostra salvatio,  
Iustorum consolatio,  
Esto nobis protectio,  
Lux cordis et refectio.

8. Tu es vexillum gloriae,  
Per quam fiunt victoriae,  
Tu clavus domus regiae,  
Porta caelestis curiae.

16. O crux, vera laetitia,  
Plena caelesti gratia,  
Per te simus in patria,  
Qui stamus in miseria.

17. In hora nostri obitus,  
In qua exhibit spiritus,  
Adversus hostis impetus  
Tuere nos divinitus.

18. Sit crucifixo gloria,  
Quem benedicant omnia,  
Sibi virtus. imperia,  
Clara laudum praeconia.

Orat. ms. Caelestin. S. Mariae de Parisius saec. 15. Cod. Mazarin.  
3897(605). — Eine kürzere Form des Liedes XXIII, 29.

#### 66. De Sancta Cruce.

1. Maximum solacium  
animi languentis,  
Suspirantis, avidi,  
Christum sitientis  
Sitis in gemitibus  
multis et lamentis.  
Est in cruce Domini  
mundum redimentis.

5. Est in cruce Domini  
gloria decoris,  
Copia dulcedinis,  
initium saporis,  
Poculum inebrians,  
stimulus amoris  
Et evacuatio  
planctus et maeroris.

2. Crux est, in qua pascua  
sunt deliciarum,  
Virtus et amoenitas,  
cibus animarum,  
Innumerabilium  
dona gratiarum,  
Quae per cuncta redolent  
climata terrarum.

6. Mentium iucunditas,  
requies segura.  
Pax interminabilis,  
pulchritudo pura,  
Per crucem acquiritur  
gloria segura.  
Crucis amatoribus  
nunquam peritura.

3. Splendor indeficiens,  
claritas divina,  
Regula iustitiae,  
vitae disciplina  
Et nostrorum vulnerum  
dulcis medicina,  
Per quam omnes liberi  
simus a ruina.

7. In cruce cibaria  
sunt mansuetorum,  
Tota spes fidelium,  
clara lux caecorum  
Et claudorum baculus,  
census egenorum,  
Firmitas debilium,  
salus infirmorum.

4. Crux est odorifera,  
plena gaudiorum,  
Scala perfectissima,  
portus electorum,  
Hic fons est caelestium  
desideriorum,  
Fervor et incendium  
cordium iustorum.

8. Crux est pavor daemonum  
et morsus inferni,  
Per quam fluxit radius  
luminis aeterni,  
Regis invictissimi  
gratia superni,  
Utinam hoc videant  
homines moderni.



9. Crucis beneficium  
debet plus amari,  
Recoli frequentius  
et desiderari,  
Nec deberent homines  
unquam satiari  
Crucifixo Domino  
recte famulari.
10. Crucis beneficio  
sumus liberati,  
Qui eramus perdit  
atque maculati,  
Modo sumus roseo  
sanguine mundati,  
Patri clementissimo  
reconciliati.
11. Doleo, quod homines  
plures hoc ignorant,  
Qui nec crucem diligunt  
nec crucem honorant  
Nec in cruce Domini  
student nec laborant,  
Ideo post obitum  
in inferno plorant.
12. Crucis desiderio  
corda sint ignita,  
In qua nostra iacuit  
et pendit vita,  
Iesus, amor omnium,  
salus infinita,  
Per quem sunt et saecula  
cuncta stabilita.
13. Christianus quilibet  
sit in cruce totus,  
Cum sit ibi sanguine  
pretioso lotus,  
Cruci semper cupiat  
vivere devotus,  
In caelesti curia  
si vult esse notus.
14. Omnis homo studeat  
crucem revereri  
Crucifixi nobilis;  
amatoris veri,  
Si vult in caelestibus  
maximus haberi  
Et beatam faciem  
eius intueri.
15. Vulnere remedium  
sunt nostri languoris,  
Haec pretiosissimi  
vasa sunt liquoris,  
Terminus exsilii,  
requies laboris,  
Ibi sapor hominis  
est interioris.
16. Felix, qui vulneribus  
istis vulneratur,  
Pretioso sanguine  
Domini potatur,  
Pascitur, afficitur  
et inebriatur,  
Gaudet mirabiliter  
atque iucundatur.
17. O suave vasculum,  
redolens unguentum,  
Sanguis, qui languentium  
es medicamentum,  
Da virtutum omnium  
nobis incrementum,  
Cordium solacium  
et delectamentum.
18. O pretiosissime  
sanguis salutaris,  
Sanguis, qui virtutibus  
cunctis dominaris,  
Nos a cunctis hostibus  
semper tuearis,  
Angelorum coetibus  
iunge nos praeclaris.

19. O crux admirabilis,  
dulcis et amoena,  
Celebris hominibus,  
caritate plena,  
Per te nostri criminis  
fracta est catena,  
Ut salvemur penitus  
ab aeterna poena.

Orat. ms. Caelestin. S. Mariae de Parisius saec. 15. Cod. Mazarin.  
3897(605). — 9, 5 Nec debent. — 14, 4 amatores. — 16, 5 efficitur. —  
19, 6 fracta sunt.

#### 67. In Resurrectione Domini.

- |   |  |
|---|--|
| 1. Pascha novum celebrate<br>Novo genere carminum,<br>Zima vetus expurgate,<br>Rex, mediator hominum,<br>Homo regnare fatetur<br><i>Te lucis ante terminum.</i>                   | 3. Fulget novum testamentum,<br>Ioseph exit de carcere,<br>Implet Christus sacramentum,<br>Quem mulieres ungere<br>Veniunt ad monumentum<br><i>Iam lucis orto sidere.</i>  |
| 2. Agnum Iudaea seducit,<br>Cum Ioseph vendunt invidi,<br>Suos Ioseph introducit,<br>Quo nunquam intrant perfidi,<br>Nam stricta via, quae ducit<br><i>Ad cenam agni providi.</i> | 4. Florem meriti deflorant<br>Iniquitatis scelera,<br>Iustum prodere laborant,<br>Et tu, Iudaea misera,<br>Illum cur tradis, adorant<br><i>Quem terra, pontus, sidera?</i> |

Collect. ms. Veronense saec. 14. Cod. Oxonien. Bodl. Can. Miscell. 95. —  
Abschrift von Rev. H. M. Bannister. Vielleicht auch Cantio.

#### 68. Salutatio Corporis Christi.

- |  |  |
|--|--|
| 1. Ave. sub panis specie<br>Te relinquens ecclesiae.<br>Hoc mirandum sacramentum<br>Tuum fuit testamentum. | 4. Quod ille, qui sic potuit,<br>Ita fieri voluit,<br>Hinc fides et dilectio<br>Crescit atque devotio.     |
| 2. Panis formam intuemur,<br>Sed sub formis confitemur<br>Carnem iunctam deitati,<br>Deitatem parvitati.   | 5. Nam dum de te nos satias,<br>Corde tibi nos socias.<br>Sanguis tuus vere potus,<br>Caro tua vere cibus. |
| 3. Panis transit substantia,<br>Sed manent accidentia;<br>O miranda potentia!<br>Sed non minor est gratia. | 6. Hoc fidelis ac devotus<br>Percipit, infidelibus<br>Calicis huius potio<br>Non salus, sed damnatio,      |

- |   |  |
|---|--|
| <p>7. Bonis culpaē purgatio,<br/>Animarum refectio.<br/>O creatoris dignitas!<br/>Quanta, qualis humilitas!</p> | <p>8. Qui tuis sanctis manibus<br/>Discipulis cenantibus<br/>Prostratus pedes abluis,<br/>Tu qui superbos respuis,</p> |
|---|--|

9. Formam praetendens humilem,  
Ad te placandum utilem,  
Te tradit Iudas osculo  
Et pro vili munusculo.

Collect. ms. S. Mariae Vallis Pisii saec. 15. Cod. Vatican. Reg. 349.

### 69. Salutatio Corporis Christi.

- |  |  |
|--|--|
| <p>1. Ave verbum incarnatum,<br/>De supernis nobis datum.<br/>In altari consecratum,<br/>Pro salute mundi natum.</p> | <p>3. Tu de caelis descendisti,<br/>Salus mundi advenisti<br/>Et latroni pepercisti,<br/>Parce mihi, corpus Christi.</p> |
| <p>2. Incarnatum verbum Dei,<br/>Miserere, precor, mei,<br/>Tu me iunge semper ei,<br/>Ne insurgant in me rei.</p>   | <p>4. Novi calix testamenti,<br/>Magni factor elementi,<br/>Cum virtute vescimenti<br/>Esto fixus meae menti.</p>        |

Collect. ms. Veronense saec. 14. Cod. Capit. Veronen. 823 (819). — 4, 3  
vestimenti? — Nach 4, 4 Per tuam misericordiam. —

### 70. De Corpore Christi.

- |  |  |
|--|--|
| <p>1. O quantaē perfectionis<br/>Est vis huius actionis,<br/>Cum sub manibus humanis<br/>Fit divina caro panis,<br/>Et dignatur attrectari<br/>Ipse Christus in altari<br/>Factus eucharistia!</p>                 | <p>3. Audi formam novitatis,<br/>Plenam tamen bonitatis,<br/>Panis fit id, quod non erat,<br/>Et non fit nisi, quod erat;<br/>Hic conversio formalis<br/>Non est, sed substantialis,<br/>Nec crevit substantia.</p>                              |
| <p>2. O mirandam novitatem,<br/>Cum per verbi potestatem<br/>Formae manent et figurae,<br/>Sed vertuntur creaturae!<br/>Nam nec panis neque vinum<br/>Est hic post verbum divinum,<br/>Sed Christi praesentia.</p> | <p>4. [Non est hic] sensus sed fides,<br/>Est, quod credis, non, quod vides,<br/>Etsi corpus est, quod tangis,<br/>Non est tamen hoc, quod<br/>frangis;<br/>Nam si perfert tuum tactum,<br/>Nequit tamen esse fractum<br/>Nec pati mortalia.</p> |

- |   |  |
|---|--|
| <p>5. Quis ergo digne miretur,<br/>Cum hoc sacrum celebretur.<br/>    Posse quemquam operari.<br/>    Quod nec valet cogitari;<br/>Vincit enim omnem sensum<br/>Per mysterium immensum<br/>    Illa pacis hostia.</p> | <p>6. Res plena summae virtutis<br/>Est mysterium salutis.<br/>    Ibi nuntius caelestis<br/>    Est adiutor atque testis<br/>Et sacerdos ipse Deus,<br/>Licet sit minister reus<br/>    Implens ministeria.</p> |
|---|--|

Orat. ms. Iohannis de Loprzticz saec. 15. Cod. Altovaden. 90.

## 71. De Corpore Christi.

- |   |   |
|---|---|
| <p>1. Tu sacerdos altissime,<br/>Pontifex quoque maxime,<br/>Homo Deus verissimus.<br/>Terraе caelique Dominus.</p> <p>2. In caeli regnans culmine<br/>Caput et princeps maxime,<br/>Pater et frater generis<br/>Nostri, dans vitam mortuis.</p> <p>3. Tu viva placens hostia,<br/>Immaculata, placita,<br/>Perfecta sine macula,<br/>Verissima, vivifica.</p> <p>4. Pro vita nostri generis<br/>Oblatus crucis brachiis<br/>Aeterno patri luminum<br/>Nos pascas in perpetuum.</p> <p>5. Ad crucis tu patibulum<br/>Patri fecisti debitum,<br/>Et ideo cum gloria<br/>Es exaltatus maxima.</p> | <p>6. Caritatis indicium<br/>Ante crucis supplicium<br/>Monstrabas, Iesu, miseris<br/>Te dando cibum mortuis.</p> <p>7. Dono carnis et sanguinis<br/>Salus es factus miseris,<br/>Conclusis benedictio,<br/>Exsilibus reductio.</p> <p>8. Hoc me cibo custodias<br/>Et benedicas, protegas<br/>Ab omnibus periculis<br/>Et animae et corporis.</p> <p>9. Per hunc, Iesu dulcissime,<br/>Me fac consortem gratiae,<br/>Per hunc in tuo lumine<br/>Me fac consortem gloriae.</p> <p>10. Tibi pro dono maximo<br/>Sit gratiarum actio,<br/>Laus, virtus, iubilatio,<br/>Aeterna gloriatio.</p> |
|---|---|

Orat. ms. Pollingense anni 1505. Clm. Monacen. 11922. — 2, 2 et fehlt.  
— 3, 2 placida. — 4, 3 luminis. — 4, 4 pascas. — 7. 1 Dono corporis et.

## 72. De Corpore Christi.

- |   |  |
|---|--|
| <p>1. Nunc amoris indicia<br/>Christi pangamus inclita,<br/>Quo sic se ipsum tradidit<br/>In cibum pro famelicis.</p> | <p>2. Tua, Iesu, praeconia<br/>Et inaudita munera<br/>Affectu semper debito<br/>Da promere cum iubilo.</p> |
|---|--|



- |   |  |
|---|--|
| 3. Quae te vicit tunc caritas,<br>Te ipsum cum tradideras<br>In mortem et in pascua,<br>Quibus nulla sunt merita? | 7. Te per' cruorem roseum,<br>Nostrae salutis pretium,<br>Precor, ut mente debita<br>Tua tractem mysteria. |
| 4. Tu patri sacrificium<br>Amoris per incendium<br>Oblatus saluberrime<br>Ara crucis acerrimae.                   | 8. Per tuam, Iesu, gratiam<br>Fac me per fidem debitam<br>Affectu ardentissimo<br>Huic me dare mysterio.   |
| 5. Hac hostia mundissima<br>Mundi cuncta peccamina<br>Tulisti per opprobria,<br>Per mortem, per supplicia.        | 9. Da cogitare placita<br>Et facere gratissima,<br>Ut mundus corde, corpore<br>Te sumam, o dulcissime.     |
| 6. Caritatis dulcedine<br>Tuo nos lavas sanguine,<br>Patri nos pacas dulciter,<br>Prorsus ineffabiliter.          | 10. Tanti fructu mysterii<br>Virtuteque paracliti<br>Custodis et angelici<br>Dona munimen animae.          |

Orat. ms. Pollingense anni 1501. Clm. Monacen. 11922. — 4, 4 Et ara crucis. — 9, 3 corde et corpore.



# DE BEATA MARIA V.

---





### 73. De Nomine BMV.

1. Ave, gemma pudicitiae,  
Maria conregnatrix gloriae,  
Hoc nomen praestat ceteris  
Quinque formatum literis.
2. Te magnam prima litera,  
Almam praesignat altera,  
Tertiaque te regnantem,  
Quarta vero imperantem,  
Quinta te agnam nuntiat,  
Agnam, quae labem nesciat.
3. O virgo, mater Domini,  
Tuo beato nomini  
Nostra subscribe nomina  
In libri vitae pagina.

Orat. ms. Campense anni 1462. Cod. Darmstadien. 521. — 2, 3 que fehlt.

### 74. Ad singula membra B. Mariae V.

- |   |  |
|---|--|
| 1. Benedicta, omnibus<br>Per quam mulieribus<br>Datur benedictio,<br>Laudent te per omnia<br>Omnium praeconia<br>Laudum privilegio. | 3. Benedicta castitas<br>Carnis, ex qua deitas<br>Nascitur in homine,<br>Quem tu, virgo, generas<br>Et, quod primo noveras,<br>Non perit in virgine. |
| 2. Benedicta maxime<br>Virginalis animae<br>Singularis puritas,<br>Cuius in palatio<br>Parat Dei filio<br>Mansionem trinitas.       | 4. Benedicta, gaudium<br>Comprehendens omnium,<br>Fidelis auricula,<br>Quod credendo concipis,<br>Dum caelestis suscipis<br>Nuntii oraculum.         |

5. Benedicta viscera,  
Contra iuris foedera  
Sancto feta spiritu,  
Dei patris filium  
Quae per trium mensium  
Baiulant circuitu.
6. Benedicta pariens  
Ventris nec aperiens  
Virginale ostium,  
Sicut sol non aperit  
Vitrum, quando exserit  
Ab introrsum radium.
7. Benedicta genua.  
Quibus vitae ianua  
Vagiens excipitur.  
Et quae pondus sustinent,  
Quod caeli non continent.  
Quod mundo non capitur.
8. Benedicti oculi,  
Quibus regem saeculi,  
Mater pura, respicis.  
Eius contemplatio  
Omni plena gaudio  
Vultibus angelicis.
9. Benedictae genulae,  
Quae ad illam sedule  
Se astringunt faciem,  
Cuius visu omnium  
Obtus caelestium  
Nullam capit satiem.
10. Benedicta labia  
Super favum dulcia  
Dei sapientiae,  
Quorum gaudet osculis  
Promissus a saeculis  
Dilectus ecclesiae.
11. Benedictum caelitus  
Collum, quod humanitus  
Amplexantur brachia  
Partes mundi superas  
Pariter et inferas  
In se continentia.
12. Benedicta ubera,  
Lacte quorum tenera  
Eius aetas alitur,  
Qui digne sumentibus  
Cibus est credentibus  
Nec sumptus consumitur.
13. Benedictus gremii  
Locus Dei filii  
Digna facta sessio,  
Qui simul caelestibus  
Praesidet spiritibus  
Et fovetur gremio.
14. Benedictum lectuli  
Vice caput parvuli  
Refovens pectusculum,  
Cum vel somnus capitur,  
Vel dum mamma sumitur  
Sacri lactis poculum.
15. Benedicta brachia,  
Quibus portans omnia  
Portitari voluit;  
Simeon hoc gaudio  
Semel fretus taedio  
Usus vitae habuit.
16. Benedicta manuum  
Dignitas, qui actuum  
Diversorum baiula  
Coaptant panniculos.  
Qui credentes populos  
Purgant culpae macula.
17. Benedicta capitis  
Species, in abditis  
Semper gaudens oculi,  
Non videri gestiens.  
Sed videre fugiens  
Omnem pompam saeculi.
18. Benedictus gressuum  
Motus, se ad arduum  
Semper iter dirigens  
Atque in custodia  
Lapsus omnis nescia  
Viam suam corrigens.

19. Benedictus vestium  
Decor virginalium  
Minime superfluus  
Atque alimoniae  
Tenor, sanctimoniae  
Virginali congruus.

20. Benedicta omnibus  
Benedictionibus,  
Virgo plena gratia,  
Tua benedictio  
Nostra sit protectio  
Virtus et victoria.

Orat. ms. Campense anni 1462. Cod. Darmstadien. 521.

75. Ad Dominam nostram sanctam Mariam sedentem in throno.

1. Gaude, regina nobilis,  
Virgo incomparabilis,  
Quae in vestitu candido,  
Omniformi et fulgido,  
Sola fulges in solio  
Sedens imperatorio.

Qui lassī ad te veniunt,  
Qui te amare cupiunt;  
Qui ave per articulos  
Depromunt tibi singulos,  
Adponunt gemmas annulis,  
Dum mulcent manum osculis.

Ad pedes.

Item.

2. Gaude, cuius pedibus  
Affectuosis cordibus  
Devoti prosternuntur,  
Quos piis lustrant oculis  
Et caris premunt osculis  
Et corde complectuntur.

6. Manus haec in manu mea,  
Tota mea spes in ea,  
O amplectenda dextera,  
Defende me et libera.  
Ave dicam hic frequenter,  
Tu ausculta diligenter,  
Attende, audi auribus,  
Quod tuis addo laudibus;  
Ut te salutem dulcius,  
Morabor hic diutius.

Ad calciamenta.

3. Quam pulchra es in calciis,  
O nata summi principis,  
Superbiae calcatrix;  
Hic nostris desideriis  
Tu faves nosque recipis,  
Humilium amatrix.

Ad digitos.

4. Gaude, gaude, plusquam sancta,  
Quae sub tua tenes planta  
Draconis caput horridum,  
Non permittas, ut respiret  
Nec se quidem ut regiret,  
Sed hostem preme rabidum.

7. Gaude, cuius digitos  
Auro, gemmis inclitos,  
Dinumero cum osculis,  
Aponens ave singulis.

Ad brachium.

Ad dexteram.

5. Gaude, ad cuius dexteram  
Recurrunt salutiferam,

8. Gaude, cuius sub brachio  
Reversis de naufragio  
Iucundum est pausare,  
Sub tam pio regimine  
Pro tuo dulci nomine  
Da nobis accubare.

Ad ornamenta.

9. Gaude, quam Deus annulis  
Ornavit et muraenulis,  
Armilla, dextro chirio,  
Torque, monili regio.

Ad genua.

10. Gaude, in cuius genibus  
In membris infantilibus  
Deus homo sedit,  
Huc ardentem properat,  
Quisquis te desiderat,  
Cito non recedit;  
Devotos hic ad famulos  
Maternos flectis oculos.  
Dexteram praetendis,  
Ut te totam habeant,  
De cetero ne pereant.  
Te totam impendis.

Ad sinum.

11. Gaude, mater orphanorum,  
Vera nutrix parvulorum,  
Quos lacte nutris gratiae,  
Sinu foves clementiae.

Ad ventrem.

12. Gaude, quae Dei filium  
Tuam per carnem proprium  
Ventris portasti thalamo,  
Lactis potasti balsamo.

Item.

13. Fac ad nostri solacium  
Dilectum tui uteri  
Nostrorum semper cordium  
Totis medullis inseri.

Ad gremium.

14. Gaude, quae pio filio  
In virginali gremio  
Dulcem infigens oculum  
Suave dedisti osculum.

15. Gaude, quae verum amicum,  
Fontem amoris unicum,  
Frequentasti amplexibus.  
Amorem redolentibus.

16. Ergo gaude plus quam multum,  
Et dilecti vide vultum  
Singulari gratia,  
Amplexantem amplexare.  
Osculantem osculare  
Perenni concordia.

Ad pectus.

17. Gaude, in cuius pectore  
Quiescit omni tempore  
Pax, pietas et bonitas,  
Iucunditas, tranquillitas  
Et suavitas et sanitas  
Et caritas, sinceritas  
Et veritas, securitas  
Et puritas et bonitas;  
Dum repausat in tam pio  
Lassus reclinatorio,  
Haurit gustum dulcedinis,  
Levamen lassitudinis.

Item.

18. Gaude, cuius supra pectus  
Tuus pausat praedilectus,  
Quo nihil unquam suavius,  
Nil dulcius, nil carius.

Ad ubera.

19. Gaude, cuius uberibus  
Super vinum fragrantibus  
Melliti manant rivuli,  
Quibus potantur parvuli.

Ad Cor.

20. Gaude, clara et insignis,  
Cuius flagrat cor ut ignis,  
Quod coaptat se indignis  
Nec recedit a benignis,  
Docens amare fortiter.



Virgo lenis atque laeta,  
Noster amor, spes et meta,  
Nostra corda locupleta,  
Ut amore tuo freta  
Cor tuum tangant dulciter.

Item.

21. Gaude, lucis filia,  
De tui cordis phiala  
Propina nobis hodie  
Saporem dulcis gratiae,  
Qui nostra tangat intima,  
Quo nostra fraglat anima.

22. Pincerna sancti spiritus,  
Nos irriga medullitus,  
Ut corde plus quam ebrio  
Flagrantes desiderio  
Clamemus: Modo sufficit,  
Cor enim nostrum deficit.

23. Gaude, mater vere bona,  
Parvulorum tu patrona,  
Quos amoris dulci nexu  
Cordis tui sub complexu  
Tenes nimis tenere.  
Vivas, vivas semper clamant  
Ad cor tuum, qui te amant;  
Ave, ave non quiescit,  
Gaude, gaude modum nescit,  
Te totam da pro munere.

24. Rosa cordis, aperire,  
Cuius odor fraglat mire.  
Te dignare dilatare,  
Fac cor meum anhelare,  
Infer tuum infra sinum,  
Ubi tibi sit vicinum,  
Ut vix se ipsum capiat.  
Hic repauset, hic moretur,  
Ecce, iam post te movetur,  
Te ardenter vult sitire,  
Vult patenter introire;  
Noli, noli contraire,  
Debes ei consentire,  
Ut bene de te sentiat.

Ad collum.

25. Collum tuum nobile,  
Nobis tam flexibile,  
Candens innocentia  
Lac superat et lilia.

Ad mentum.

26. Gaude, gaude, cuius mentum  
Est amoris blandimentum,  
In quo floret bonitas,  
Cuius os est verecundum  
Et ut rosa rubicundum,  
In quo ridet caritas.

Ad labia.

27. Gaude, cuius sunt labia  
Plus favo mellis suavia,  
Cuius lingua est eucharis,  
Vincens dulcorem nectaris.

Ad nares.

28. Gaude, gaude, cuius nares  
Suavitates singulares  
Spirant cum fragrantia,  
Odor tuus odor suavis,  
Nulli gravis nisi pravis,  
Quo pia mens fit ebria.

Ad genas.

29. Gaude, cuius Christus genas,  
Venustatis flore plenas,  
Amoris pressit osculo;  
Bene menti te quaerenti,  
Quae te sentit in praesenti  
In pectoris cubiculo.

Ad supercilia.

30. Gaude, quae supercilia  
Semper habes stellantia.  
Cuius resplendent palpebrae,  
Quas nullae claudunt tenebrae.



Ad oculos.

31. Gaude, cuius sunt oculi  
Lucentes ut carbunculi.  
Pleni misericordia.  
Quibus nos, o mater pia,  
Affectuose respicis,  
Saluti nostrae prospicis.

Ad faciem.

32. Fons et genae verecundae,  
Instar rosae rubicundae,  
Luce tuae faciei  
Cedit lux meridiei.

Ad aures.

33. Gaude, in cuius auribus  
Organicis carminibus  
Vox concrepat angelica  
Et omnis caeli musica,  
Ad laudem et ad omnia  
Tu dulcis es materia.
34. Gaude, suavis harmonia,  
Nova caeli melodia  
Organizans in camenis,  
Praeis omnes cantilenis.
35. O sanctorum philomena,  
Gaude, plaude, laude plena,  
Quae tanto canis clarius,  
Quanto laetaris amplius.

Ad caput.

36. Gaude, cuius caput cingit,  
Et decoras comas stringit

Ornamentum virginale,  
Quod est tuum speciale.

Ad coronam.

37. Gaude, in cuius capite  
Distincta miro lapide  
Corona lucet aurea,  
Quam vestit lux aetherea;  
Quam vere hi perficiunt,  
Qui te ex corde sitiunt,  
Qui te amantes sentiunt  
Et curam carnis nesciunt.

Ad corpus et animam.

38. Gaude, virgo dulcissima,  
Cuius corpus et anima  
Singulare miraculum,  
Miraculorum speculum.
39. O speculum munditiae,  
Mundis infulgens cordibus.  
Vas summae excellentiae,  
Gemmis ornatum omnibus.
40. O angelorum gloria,  
Laus, honor et laetitia,  
O inclite flos virginum,  
O mediatrix hominum.  
Gaude, quae plenitudine  
Decoris stolae geminae,  
Tam corporis quam animae,  
Ornata es pulcherrime.

Orat. ms. Franciscan. saec. 14. in. (Privatbesitz). — 3, 4 sq. Hic nostris faves desideriis nosque. Tu fehlt. — 4, 1 Gaude, plus quam sancta, gaude. — 17, 9 puritas, bonitas. — 3, 1 cuius oculi sunt. — 35, 2 laude fehlt. — Das Lied enthält eine ganze Reihe von Entlehnungen. So ist 1, 1—2 entlehnt aus Anal. XXX, S. 129, Str. 8; Str. 11 = XXX, 150, Str. 26; Str. 12 = XXX, 136, Str. 2; Str. 13 = XXIII, Nr. 54, 1. Vesp. R. 7—10; Str. 14 = XXX, 136 Str. 4; Str. 15 = XXX, 136, Str. 3; Str. 16 = XXX, 131, Str. 9; Str. 24 aus einem Liede, das zu Mone Nr. 126 gehört; Str. 38 = XXX, 129, Str. 9. Dies legt den Gedanken nahe, daß das Ganze lediglich ein Cento sei.

76. De Annuntiatione B.M.V.

1. Fortis ut mors dilectio.  
Qua durum fit suave;  
Ut sancta refert lectio,  
Nil est amanti grave.  
Amor nos traxit a vae,  
Dum de caelesti solio  
Fit Gabrielis missio  
In virgnis conclave.  
O felix, inquit, ave,  
In te fiet conceptio,  
Sed non pudoris laesio,  
Tu tantum Deo fave.
2. Auditis his obstupuit  
Puella Deo grata  
Et, ut pudicam decuit,  
Silebat salutata;  
Ne fieret turbata,  
Mox angelus retexit.  
Modum partus exposuit,  
Quod foret illibata.  
Qua serie prolata  
Ara caelestis claruit,  
Dum virgo verbo paruit  
Et mansit impraegnata.
3. Archangelus regreditur,  
Qui venit haec narrare,  
Et gravida relinquitur  
Puella sine pare.  
O decus singulare!  
Virgo mater efficitur,  
Creator est, qui gignitur  
Et Dei salutare.  
O pectus puellare,  
Thesaurus in te tegitur,  
Virtute cuius regitur  
Caelum, tellus et mare.
4. Magna sunt haec miracula,  
Quae manant ex amore;  
Amoris ardet facula  
Nec uritur ardore.  
De Gabrielis ore  
Dum virgo sumit verbula,  
Frondescit Aaron virgula  
Omni carens humore,  
Et vellus madet rore,  
Nec terram tangit stillula,  
Cum virgo sine macula  
Meretur mater fore.
5. Mira matris integritas  
In ventre Deum vexit,  
Ut solio divinitas  
Portantem se protegit,  
Pro nobis se despexit  
Vera Dei sublimitas,  
Dum infirmatur sanitas,  
Quae mori non neglexit;  
Sed, quando resurrexit,  
Vera patebat deitas,  
Et sic probatur caritas,  
Qua Deus nos dilexit.
6. O domina dulcissima,  
Vultu nitens decoro,  
O mater clementissima,  
Virili carens thoro,  
Te postulans exoro,  
Ut, quae feci, nequissima  
Pellantur et turpissima,  
Ne daemon trahat loro;  
Condonans, quod ignoro,  
Ad gaudia clarissima  
Nos transfer, beatissima,  
Ducensque caeli choro.
7. O mater humilitatis,  
In qua Deus incarnatur,  
Pulchra et admirabilis,  
Cui nulla comparatur,  
Gaude, nam tuis brachiis  
Divina virtus portatur

Foveturque obsequiis  
 Atque mamilla lactatur,  
 Tuis favet imperiis  
 Nec non precibus placatur;  
 Impetra nobis miseris,  
 Ut mox ad te dirigatur  
 Spiritus et his gaudiis  
 In sempiternum fruatur,  
 Et populus incredulus  
 Ad Iesum per te convertatur.

Collect. ms. Carmeli Treviren. saec. 15. Cod. Treviren. 306. — 2, 8 Quo floret. — 5, 3 Ut solis. — 5, 4 te. — 6, 6 Ne quae. — Str. 7 scheint — Inhalt und Form legen dies gleichmäfsig nahe — kaum zu vorstehendem Liede zu gehören.

### 77. Salutatio Angeli ad Mariam.

1. Ave, plena gratia,  
 Virgo, vas honoris,  
 Audi verba nuntia  
 Lucundi rumoris,  
 Pro tua munditia  
 Me venisse noris  
 In mundum superis  
 assumptus missus ab oris;  
 Qui caelum terramque simul  
 formavit et aequor,  
 Ad te me misit;  
 iussa paterna sequor.

3. O speciosissima,  
 Depone timorem  
 Vanaque non aestima,  
 Quam denuntio, rem.  
 Tu es coniunctissima  
 Deo per amorem,  
 Te Deus elegit,  
 vas nobile, vas in honorem;  
 Convenit, ut terris  
 caelestia numina places,  
 Cunctis praeferris  
 sola Deoque places.

2. Ista salutatio,  
 Novo facta more,  
 Quae, unde sit nescio,  
 Me replet stupore,  
 Pectus meum sentio  
 Moveri timore,  
 Non ego sperabam  
 sic adeunda fore.  
 Ista salubria tu  
 quo defers verba paratu,  
 Obstupeo mentis  
 deficiente statu.

4. Miror totis sensibus  
 Te tanta virtute  
 Loqui de caelestibus  
 Mihi constitutae  
 In mundi laboribus  
 Atque servitute;  
 Non ego digna fui  
 tali tantaque salute,  
 Unam de minimis  
 me video, vertor in imis;  
 Vox tua sublimis  
 facta iocosa nimis.

5. Maria, sis istius  
promissi secura,  
Erit tibi filius  
stupente natura,  
Prius et posterius  
virgo permansura,  
Concipies puerum  
miro partu paritura;  
Naturae tu ius  
violans gravis efficeris,  
Illius, es cuius  
filia, mater eris.

7. O Maria, dubium  
Cor habere desine,  
Concipies filium  
Sine viri semine,  
Tale puerperium  
Dabit suo numine,  
Cui tres personae,  
tria nomina sunt sine fine;  
Qui, quia te reperit  
fragrantem plus cinnamomo,  
In tua se clausit  
viscera factus homo.

6. Quali modo, nescio,  
Venter prolem fundat,  
Quem carnalis actio  
Viri non fecundat,  
Sine exercitio  
Terra non fructum dat,  
Semen ubi non est,  
fructus non inde redundat,  
Deficit effectus  
sibi causa deficiente,  
Illeque defectus  
fit rerum lege manente.

8. In his, quae tu asseris,  
Toto corde gaudeo,  
Venisse a superis  
Nunc te vere video,  
Scio, quidquid dixeris  
De partu virgineo,  
Credo nam facile  
omnia posse Deo.  
Si dubitasse vides  
me, veniam mihi des;  
Tarda solet magnis  
rebus inesse fides.

9. Olim qui aridulam  
Virgam fecundavit,  
Elisabeth vetulam  
Qui nunc impraegnavit,  
Te pudoris cellulam  
Sibi praeparavit,  
Virgo decora nimis, David de semine regis.  
Vas, virgo, veniae, missum tibi suscipe Deum,  
Solem iustitiae, regem paritura supremum.

Collectan. ms. Incert. Originis saec. 15. Cod. Parisin. Nouv. acq. 1544. —  
7, 3 puerum gegen den Reim.

#### 78. De Partu Virginis.

1. De crystallo scintillula,  
De rubo micat flammula  
Et clausa botri clausula  
Flos florum immarcescens,  
Plus flore flos flagrescens,  
De Iesse prodit virgula.

2. Cum sine paris copula  
Patrem parit puellula,  
Nec frangitur ampullula  
Virginei pudoris,  
Naturam nati floris  
Admirantur miracula.



- |  |   |
|--|---|
| 3. De sigillo puerperae<br>Mirantur matres ceterae;<br>Patet, cur sicco vellere<br>Sit area rorata.<br>Cum virgo fecundata<br>Sit sine carnis opere.       | 5. Mater, virgo sunt paria,<br>Quae fuerant contraria,<br>Nec iam hac consequentia<br>Potest argumentari,<br>Nam in hoc singulari<br>Naturam vincit gratia. |
| 4. Virginitatis speculum<br>Spe penetrat ad oculum<br>Et salvum manet vasculum.<br>Quid, zabule, miraris?<br>Secreti puellaris<br>Signatum est signaculum. | 6. Remoto velo literae<br>Moysi lac ab ubere<br>Sponsa suxit in vespere,<br>Dum virgo salutatur,<br>Et nobis distillatur<br>Ros caelestis ab aethere.       |

Collect. ms. Veronense saec. 14. Cod. Oxonien. Canon. Miscell. 95. —  
5, 1 Pater, virgo. — Abschrift von Rev. H. M. Bannister.

#### 79. De Compassione BMV.

- |   |   |
|---|---|
| 1. O Maria, recordare,<br>Dum in sinu collocare<br>Sumptum de cruce filium<br>Prae amore voluisti,<br>Quo dolore hunc planxisti,<br>Dic, castitatis lilium.                     | 5. Cernis, inquam, pretiatum<br>Male, peius osculatum,<br>Nam ore traditorio,<br>Ab amicis derelictum,<br>Captivatum, dure strictum<br>Cum fune ligatario,                    |
| 2. Quam ardentem amplexaris,<br>Amplexando oscularis,<br>Deosculando flumine<br>Lacrimarum hunc perfundis,<br>Quas gemendo tu effundis<br>Pro extincto lumine.                  | 6. Punctum pugnīs atque trusum,<br>Proh, velatum et illusum<br>Cum sputis blasphemantium,<br>Flagellatum, virgis caesum<br>Atque spinis dire laesum<br>Per manus coronantium. |
| 3. O aurora veri solis,<br>Patris parens, nata prolis,<br>Aeternae lucis oriens,<br>Vultus tui virginalis<br>Rubens decor lilialis<br>Pallescit velut moriens.                  | 7. Hinc sub mole crucis fessum<br>Nudum crucique impressum<br>Per clavos poenalisissime,<br>Sitientem felle potum,<br>Doluisse latus lotum<br>Perfossus crudelissime,         |
| 4. Cum prae cunctis tibi gratum<br>Patrem, sponsum ex te natum,<br>Dilectum quoque Dominum,<br>Totum cernas vulnerosum,<br>Quem tu forma speciosum<br>Pasti prae natis hominum. | 8. Exprobratum et derisum,<br>Blasphematum et occisum,<br>Heu, populis a talibus,<br>Quos in nullo molestavit,<br>Sed ad vitam informavit<br>Doctrinis paternalibus.          |



9. Sic contemptum et deletum,  
Sic abiectum velut spretum,  
Leprosam abhorribilem,  
Nunc in sinu tuo cernis  
Et nequaquam talem spernis,  
Sed foves diligibilem.
10. Quem tu, virgo maternalis  
Atque mater virginalis,  
Cum gratiae divitiis  
Paris, pulchra speciosum  
Et suavis dulciosum  
Prae omnibus deliciis.
11. Sed est dirus, qui dulcebat,  
Et deformis, qui splendebat  
Decoris privilegio,  
Tuque tui nescis florem,  
Nullum prorsus cum decorem  
In vultu cernas regio.
12. Quis non tibi condoleret,  
Cum tam maestam te videret  
Tis unicum inspicere  
Et amore liquefactum  
Cor maternum et distractum  
Gemitibus deficere?
13. Cum res quoque insensatae  
Sicut sol obscuritate  
Et terra cum tremoribus,  
Durae petrae disruptura,  
Velum templi cum scissura  
Compassae sint maeroribus,
14. Dum in cruce tenebrosum  
Mundi iubar luminosum  
Vitalem perdit radium,  
Et cor tuum maternale  
Ob tormentum filiale  
Doloris sentit gladium.
15. Si haec pavent vitam mori  
Conformantes se dolori,  
Quo nullus dolorosior,  
Quis lugendo cor non tundat  
Ac gemiscens fletus fundat,  
Quin petris sit petrosior?
16. O dolorem amorosum  
Et amorem dolorosum  
De unico fortissimum,  
Tibi dantem, florens rosa,  
Rubicunda, speciosa,  
Colorem tam maestissimum.
17. Quae ut sol in caeli stellis  
Cunctis erat prae puellis  
Decore venustissimo,  
Iam nunc pallens tenebrescis  
Tenebrescensque madescis,  
Heu, fletu amarissimo.
18. Consolare, benedicta,  
Nati morte sic afflicta,  
Mors namque dans mae-  
stitiam  
In honorem resurgentis  
Et salutem mundi flentis  
Vertetur et laetitiam.
19. Ut quid ergo sic exarsit  
Dolor, quod in nullo parcit  
Virgineis visceribus?  
Curque plangis hunc tam dire,  
Quem surgentem mox redire  
His speras cum muneribus?
20. Pia, dulcis et benigna,  
Nullo prorsus luctu digna,  
Si fletum hinc eligeres,  
Ut compassa redemptori  
Captivato transgressori  
Tu corredemptrix fieres.
21. Tunc non tantum condolere  
Maestae matri sed debere  
Me cerno grates solvere,  
Tibi meae redemptrici,  
Quae de manu inimici  
Dignatur me evolvere.
22. Sed per vitam, heu, mis totam  
Quis vel unam laudis notam,  
Dic, tibi acceptabilem  
Mihi dabit personare,  
Nisi velis me formare  
Ad te laudandum habilem?

23. Si dictaret meditando,  
Si cantaret iubilando  
Tis laudes, o piissima,  
Simul omnis creatura.  
Adhuc restant tibi plura,  
Nam cunctis es dignissima.
24. Non me tamen spernas reum,  
Nam te talem fecit meum  
Peccatum, neque fieret  
Tibi nomen miseratrix,  
Nisi culpa mis damnatrix  
Veniam exigeret.
25. Atque regem angelorum,  
Salvatorem saeculorum  
Tis ventris domicilium  
Nunquam digne hospitasset,  
Ni mis scelus invitasset  
Hunc Deum in exilium.
26. Sic ditata, nam egebam,  
Sic plantata, nam marcebam,  
Es paradisus gratiae;  
Cur diescat gratiose  
Favor favens favorose  
De tua mihi facie.
27. Larga donis et abunda,  
Da, quod fletu gemebunda  
Mis anxia petitio  
Per te fiat exaudita.  
Si hoc potes? immo ita,  
Ut munder omni vitio.
28. Ob amorem tui nati  
Fac me gratum caritati,  
Qua idem amantissime  
Me indignum sic dilexit,  
Quod ad mortem se despexit  
Tamsomme contemptissime.
29. O pudoris, heu, gravedo!  
Cum sim vermis et putredo,  
Condignus nulli homini,  
Unde miser superbivi,  
Quod mandatis contraivi  
Tam gratiosi Domini?
30. Sequar ergo paenitendo,  
Suam crucem deferendo  
In umeris memoriae,  
Spinis, clavis stimulatus  
Et flagellis agitatus,  
Da, properem cursorie.
31. Nec me sinas retardari,  
Immo hasta militari  
Per ictus affectabiles  
Induratum cor peccatis  
Tu transfigas, caritatis  
Dans plagas insanabiles.
32. Ob quas mundo moriturus  
Vivam grate fruiturus  
Tis benedicto filio  
Atque tibi, florum flori,  
Quae es sola mihi favori  
Tutamen in exilio.
33. Cum citatus comparebo  
Tremebundusque videbo.  
Heu, iudicem iustissimum,  
Tam districte iudicantem,  
Ut nec sinat vel quadrantem,  
Quin ponderet, novissimum,
34. Ubi non est appellare,  
Sed oportet adprobare  
Sententiam finaliter,  
Virgo mater, o Maria,  
Tunc adiutrix assis pia,  
Ne damner aeternaliter,
35. Sed me vocet laetabundum  
Verbum bonum et iucundum.  
Repletum omni gratia,  
Verbum dulce verbum mite,  
Praeoptatum *Huc venite*  
Ad gloriae palatia.

Orat. ms. S. Petri Salisburgen. saec. 15. Cod. Petrin. a III 20. A. — Orat. ms. S. Petri saec. 14. [et 15.]. Cod. Petrin. a I 20 B. — 2, 4 profundis AB. — 5, 1 Certis A. — 13, 6 Compassae sicut A. — 18, 6 Vertetur secundus et A. — 24, 5 Nec culpa A. — 32, 2 suiturus A. — 33, 1 Tum A. — „Planctus oratorius cuiusdam pauperis ad beatam virginem, filium de cruce depositum quasi sinu tenentem.“ AB.

#### 80. De V Doloribus BMV.

- |  |  |
|--|--|
| <p>1. Maria christifera,<br/> Clara stella maris,<br/> Salutis puerpera,<br/> Mente vulneraris,<br/> Simeon dum gladio<br/> Mitem te et blandam<br/> Christi de supplicio<br/> Prodit perforandam.</p>     | <p>4. Illustrata iubare<br/> Sacro, o serena,<br/> Passa sine compare,<br/> Doles Deo plena,<br/> Quem portabant viscera<br/> Tua, videns tensum,<br/> Nostra propter scelera<br/> In ligno suspensum.</p> |
| <p>2. Alma mater, pectore<br/> Maerore confecto<br/> Tu amisso pignore<br/> Doles de dilecto,<br/> Qui laborem abstulit<br/> Mundi et reatus<br/> Nec dolorem intulit<br/> Tibi de te natus.</p>           | <p>5. Eia, de patibulo<br/> Dominum virtutum<br/> Quam maerenti oculo<br/> Aspicias solutum,<br/> Factum ut vas perditum<br/> Forma speciosum,<br/> Darique depositum<br/> Terrae pretiosum!</p>           |
| <p>3. Rosa spinae nescia,<br/> Spinis puncta doles,<br/> Dum, qui tenet omnia,<br/> Cara tua proles<br/> A captivis criminum<br/> Nuntiatur tenta,<br/> Lux secreta hominum<br/> Lustrans circumventa.</p> | <p>6. Acerbis doloribus<br/> His compatientem<br/> Divinis dulcoribus<br/> Pota sitientem,<br/> Salvum fac ab inferis<br/> Tecum congaudere,<br/> Regna parem superis<br/> Poli possidere.</p>             |

Orat. ms. S. Petri Salisburgen. saec. 15. Cod. Petrin. a III 20. — Nach Ausweis des Akrostichons Maria müfste Str. 5 spätere Zutat sein.

#### 81. De V Doloribus BMV.

- |  |  |
|--|--|
| <p>1. En, ego, heu, vilissimus,<br/> Prae cunctis despectissimus,<br/> Virgo, mater Dei pia,<br/> Ob quintuplicem doloris<br/> Poenam gravis et maeroris<br/> Deprecor, te, Maria,</p> | <p>2. Et collaudo veneranter<br/> Teque moneo instanter,<br/> Ut mihi sis adiutrix<br/> In necessitatibus<br/> Et anxietatibus<br/> Sis firma mihi tutrix.</p> |
|--|--|

- |  |   |
|--|---|
| <p>3. Ob primam poenam, quam infixit<br/>Simeonis, quae praedixit,<br/>Tibi prophetia,<br/>Quod esset tuam transitorius<br/>Doloris gladius praedurus<br/>Animam, Maria.</p> <p>4. Ob secundam, quod amiseras<br/>Natum, quem quaesieras<br/>Cum gladio timoris<br/>Per tres dies, cum dolore,<br/>Gravi corde et maerore,<br/>Coacta vi amoris.</p> <p>5. Ob tertiam, cum caritatis<br/>Spiritus et veritatis<br/>Tibi revelavit<br/>Tuum filium detentum<br/>Passionis et eventum,<br/>Qui te solamine privavit.</p> | <p>6. Ob quartam poenam, cum<br/>videres,<br/>Pro quo nimium doleres,<br/>Ipsam stipiti affligi,<br/>Per manus atque pedis duras<br/>Clavorum, heu, impressuras<br/>Sic animam affici.</p> <p>7. Ob quintam, cum expirare<br/>Vidisti filium amare,<br/>Quid tu pertulisti!<br/>Et in ulnas tremorosa<br/>Tuque maerens, virgo rosa.<br/>Gemens assumpsisti.</p> <p>8. Ob has poenas, mater Dei,<br/>Semper tu sis memor mei,<br/>Memento, quod vocaris<br/>Mater tu clementiae,<br/>Locum da paenitentiae,<br/>A quibus invocaris.</p> |
|--|---|

Orat. ms. Campense anni 1462. Cod. Darmstadien. 521. — 1, 3 Te virgo mater. — 1, 6 te fehlt. — 3, 5 Animam gladius. — 6, 2 nimis. — 6, 4 durus. — 6, 5 impressurus. — 6, 6 Sic animam Maria. — 7, 1 Ob quintam poenam, cum. — 7, 2 Vidisti nimium amare. — 7, 4 Et in animam tremorosa. — 8, 5 Et locum da. — 8, 6 Mihi et a quibus.

## 82. Planetus Virginis.

- |  |   |
|--|---|
| <p>1. Heu, heu, Christe Deus,<br/>Heu, heu, amor meus,<br/>Te damnavit pharisaeus<br/>Viventem sine crimine.<br/>Iam pendens in patibulo,<br/>Iuvare te non valeo,<br/>Mori tecum desidero,<br/>Iesu, Iesu dulcissime.</p> | <p>2. Orbata mater filio,<br/>Apostolos non video,<br/>Sola quo vadam, nescio,<br/>Non possum ultra vivere.<br/>O Iudaei, per errorem<br/>Occidistis redemptorem,<br/>Mundum salvabit per amorem<br/>Sua sancta passione.</p> |
|--|---|
3. Dixit Christus matri: [Mea],  
Non vos turbet poena mea,  
Praecedam vos in Galilea,  
Resurgam die tertia.  
Iohannes tibi filius,  
Custos tibi et famulus  
Eritque tibi baculus  
In hac mundi miseria.

Collect. ms. Veronense saec. 14. Cod. Capit. Veronen. 823(819) A. — Collect. ms. Veronense saec. 14. Cod. Capit. Veronen. 825(821) B. — 2, 1 Deorbata A, Deorbatata B. — 2, 7 Lies salvat? — 3, 3 Galilaeam AB. — 3, 6 et fehlt AB. — 3, 7 Eque tibi B.



83. Planetas B. Mariae V.

1. Contemplemur crucifixum,  
Cruentatum et derisum  
Cum Maria virgine.

2. Plorat virgo suum natum  
Denudatum, flagellatum,  
Cruci dirae condemnatum  
In sui praesentia.

5. Gens ingrata Iudaeorum  
Perfidorum et malorum,  
Compassione vacuorum,  
Sic te morti tradidit.

3. Heu, fili, quid fecisti,  
Heu, dolens me vidisti,  
Heu, mortem sustulisti  
Cum maximo supplicio.

6. Plangat mecum plebs fidelis,  
Astra plangent et in caelis,  
Me privavit mors crudelis  
Dulci meo filio.

4. Heu, vidi te dolentem,  
Heu, vidi lacrimantem  
Et maerore deficientem  
Pro Maria virgine.

7. Vos, christiani, quos creavit,  
Quos redemit, exaltavit  
Filius meus et salvavit,  
Deo dicatis gratias.

De Levis, *Anecdota sacra*, p. 115 u. f. mit der Notiz „ex nostro codice.“

84. De Beata Maria V.

Tempore Paschali.

1. Mater Christi, noli flere,  
Cessit dolor, quia vere  
Iam surrexit, hoc dixere  
Angeli, qui adfuere.

2. Gaude, plane cesset fletus,  
Redit victor leti laetus  
Et sanctorum secum coetus  
Immortali dote fretus.

3. Fac ergo nos resurgere  
Cum electis et sapere,  
Deum frui et cernere,  
Quod erit vere vivere.

Orat. ms. Campense anni 1462. Cod. Darmstadien. 521.

85. Ad Beatam Mariam V.

Tempore Paschali.

1. Ave, virgo verecunda,  
Rubicunda, laetabunda,  
Cuius vultum quisquis videt,  
De te gaudet, ad te ridet.

2. Gaude, quae tripudio  
Laetabaris nimio  
Resurgente filio  
Mortis ab imperio.



3. Fac a nostro scelere,  
Pia, nos resurgere,  
Sursum tolle variis  
Cor oppressum vitiis.

Orat. ms. Campense anni 1462. Cod. Darmstadien. 521. — 1, 3 quisque. — 3, 3 Et sursum.

86. De V Gaudiis BMV.

Gaude, virgo, concipiens,  
Gaude, clausa parturiens,  
Gaude nato resurgente,  
Gaude illo ascendente.  
Gaude, caelo collocata,  
Pacem nobis da, beata,  
Et sis nobis advocata  
Apud Deum, virgo grata.

Collect. ms. Parisiense[?] saec. 15/16. Cod. Parisin. 3639. — 8 virgo pia.

87. De V Gaudiis BMV.

Ave, virgo concipiens,  
Ave, virgo parturiens,  
Ave nato resurgente,  
Ave ipso ascendente,  
Ave, caelo collocata,  
Pacem nobis da, beata  
Virgo Maria.

Collect. ms. S. Iacobi in Insula Leodii saec. 12/14. Cod. Darmstadien. 2777. add. saec. 14. — Wahrscheinlich ist überall statt Ave Gaude zu lesen; vgl. Nr. 86.

88. De V Gaudiis BMV.

1. O Maria, mater Christi,  
Quae de sancto concepisti  
Spiritu mirifice,  
Gabrieli credidisti,  
Praemunita quo fuisti  
Veritatis indice,

2. Verbo sacro mox repleta  
Spe conceptus eras laeta;  
Propter hanc laetitiam,  
Cum qua salus est concreta,  
Fac, Maria, mortis meta  
Ut salutem sentiam.

3. Naturalem contra morem  
Peperisti genitorem,  
Virgo, mater, filia;  
Tuae laudis ad honorem  
Me praesenta debitorem  
Patri cum familia.
4. Tu de partu laeta tali  
Mihi luce sis finali  
Salus et solacium,  
Ne sim igne gehennali  
Pro reatu criminali  
Datus ad supplicium.
5. Mentem tuam conturbavit  
Et dolorem provocavit  
Sequens nati passio,  
Te post mortem confortavit  
Et post laetam restauravit  
Eius resurrectio.
6. Virgo plena pietate,  
Resurgente novitate  
Laeta me laetifica,  
Me oppressum gravitate  
Ne repelli sinas a te,  
Sed tu me salvifica.
7. Elevatus ascendebat,  
Ascendentem subvehebat  
Nubes supra sidera;  
Astra tenens eligebat  
Sedem dignam, qua sedebat  
Patris Dei dextera.
8. Propter eius elevamen  
Tibi erat consolamen  
Tua post gravamina;  
In extremis adiuvamen  
Et ruinae relevamen  
Esto mihi, domina.
9. Quinta vice laetabaris,  
Dum in caelum levabaris,  
Spes salutis hominum,  
Quorum noxam recordaris,  
Sed pro quibus deprecaris  
Incessanter Dominum.
10. O medela noxae dirae,  
Mihi velis subvenire  
Mortis in itinere,  
Et cum dies erit irae,  
Quam quis nequit praeterire,  
Noli me relinquere.

Collect. ms. S. Iacobi in Insula Leodisen. aec. <sup>13</sup>/<sub>14</sub>. Cod. Darmstadien.  
2777. add. saec. <sup>13</sup>/<sub>14</sub>. — 10, 4 Ut cum dies.

### 89. De IX Gaudiis BMV.

1. Gaude, cuius uterum  
decenter ornavit  
Et ad opus proprium  
sibi coaptavit  
Caeli rex et dominus  
et, qui te creavit,  
Totus novem mensibus  
in te repausavit.
2. Stella sole clarior,  
gaude, stella maris,  
Ex te clarus exiit  
radius solaris;  
Singularis gloriae  
dono gloriaris,  
Dum solem iustitiae,  
virgo mater, paris.
3. Pastores accelerant  
Bethlehem tendentes,  
Verbum, quod audierant,  
factum requirentes;  
Quaerunt et inveniunt  
et invenientes  
Te gaudere faciunt,  
tibi congaudentes.
4. Sic et magi de longe  
veniunt dicentes:  
Ubi est, qui natus est?  
ad quem venientes  
Adorant et offerunt  
dona procidentes;  
Laeta magos aspicias  
ista facientes.

- |  |  |
|--|--|
| <p>5. Gaude, cuius brachiis<br/>           puer deportatur<br/>           Ad templum, cum hostiis<br/>           patri praesentatur.<br/>           Offeritur pro perditis,<br/>           sic pater placatur,<br/>           Et pax tuis meritis<br/>           reis redonatur.</p> | <p>8. Partus tui munere<br/>           perit mors consumpta,<br/>           Porta patet gloriae<br/>           spe vitae resumpta.<br/>           Cum de morte rediens<br/>           ex morte caro sumpta<br/>           Ad paternae dexteræ<br/>           sedem est assumpta.</p> |
| <p>6. Cum Christus ad nuptias<br/>           in vinum mutavit<br/>           Aquam, quibus hydrias<br/>           impleri mandavit,<br/>           Signorum primitias<br/>           hoc signo monstravit.<br/>           Quo primas delicias<br/>           mundo propinavit.</p>   | <p>9. Quando caeli solium<br/>           laeta ascendisti,<br/>           Laeta caeli civium<br/>           turbis occurristi,<br/>           Occurrentem filium<br/>           plus laeta vidisti,<br/>           Ad cuius consortium<br/>           laeta tunc venisti.</p>        |
| <p>7. Ex te, vitae vinea,<br/>           botrus vitae natus<br/>           Crucis ligno figitur,<br/>           dirae morti datus.<br/>           Cuius sic te cruciat<br/>           crux et cruciatus,<br/>           Mire te laetificat<br/>           mire suscitatus.</p>       | <p>10. Iam regina resides<br/>           in regno caelorum,<br/>           Ubi cunctis praesides<br/>           choris angelorum.<br/>           O pia pax pectoris,<br/>           salus peccatorum,<br/>           Esto tui memorum<br/>           memor miserorum.</p>            |

R<sup>o</sup> Per hoc dulce gaudium,  
 virgo, mater Dei.  
 Apud tuum filium  
 esto memor mei.

Orat. ms. Campense anni 1462. Cod. Darmstadien. 521. — 3, 2 ad Bethlehem. — 7, 4 mortis. — 9, 3 Laetata. — Der Rundreim wiederholt sich nach jeder Strophe und ist nur Kürze halber an den Schluss des Ganzen gestellt.

#### 90. De XII Gaudiis BMV.

- |   |  |
|---|--|
| <p>1. Gaude, virgo mater Christi.<br/>           Quae per aurem concepisti<br/>           Gabriele nuntio;<br/>           Gaude, quia, dum cantasti<br/> <i>Magnificat</i>, exultasti<br/>           Miro cordis gaudio.</p>  | <p>3. Gaude, quia magi dona<br/>           Tuo nato ferunt bona<br/>           Cum magno mysterio;<br/>           Gaude, quia iuxta legem<br/>           Obtulisti mundi regem<br/>           In templi sacrario.</p>          |
| <p>2. Gaude, quia Deo plena<br/>           Peperisti sine poena<br/>           Cum pudoris lilio;<br/>           Gaude, plaude, nam pastores<br/>           Genu flectunt adorantes,<br/>           Quem tenes in gremio.</p> | <p>4. Gaude, quia, quem quaesisti,<br/>           Laeta nimis invenisti<br/>           In doctorum medio;<br/>           Gaude, nam ex aqua vinum<br/>           Te optante fecit bonum<br/>           Pro primo prodigio.</p> |

5. Gaude, quia tui nati,  
Quem dolebas mortem pati,  
Fulget resurrectio;  
Gaude Christo ascendente,  
Qui in caelos te vidente  
Motu fertur proprio.

6. Gaude, virgo, quia misit  
Paraclitum, quem promisit,  
Sacrorum collegio;  
Gaude, quae post ipsum scandis,  
Et est honor tibi grandis  
In caeli palatio,

7. Ubi fructus ventris tui  
Per te nobis detur frui  
In perenni gaudio.

Orat. ms. Parisiense[?] saec. 15/16. Cod. Parisin. 3639. — 5, 5 caelis.

# 91. Septem gaudia caelestia gloriosae Virginis Mariae.

1. O Maria, lux divina,  
Flos sanctorum et regina,  
Plena Dei munere,  
Peccatorum medicina,  
Me conserves a ruina  
Praesumentem dicere:

2. Gaude, per quam angelorum  
Gaudet chorus et sanctorum  
Perenni laetitia,  
Quos praecellis, gratiosa,  
Super omnes gloriosa,  
Speciali gloria.

3. Gaude, gemma, templum Dei,  
Per quam datur lux diei  
Solis de praesentia;  
Per te magis illustratur,  
Illustrata iucundatur  
Tota caeli curia.

4. Gaude, lampas saeculorum,  
Cui parent supernorum  
Omnes caeli curiae,  
Vultum tuum deprecantes,  
Tamquam matrem venerantes  
Summi regis gloriae.

5. Gaude, cella fluens melle,  
Cui totum Christi velle  
Satiavit caritas;  
Quidquid tuae pietati,  
Summae placet trinitati,  
O pura virginitas.

6. Gaude, virgo, quae decoras  
Servos tuos et honoras  
Hic et in caelestibus;  
Nos cum ipsis ad amoena  
Paradisi, laude plena,  
Transfer tuis precibus.

7. Gaude, rosa, princeps florum,  
Super choros angelorum  
Gloriosis laudibus  
Exaltata iucundaris,  
Trinitati sociaris  
Et sanctorum milibus.

8. Gaude, cuius non marcescit  
Laus et honor, non decrescit  
Gaudiorum gaudium;  
Iam segura gloriaris,  
Iuncta Christo coronaris  
Super regni solium.

9. Omni laude mater digna,  
Te laudanti sis benigna  
In hac vita misera;  
Imperatrix gloriosa,  
Consolatrix viscerosa,  
Nos a malis libera.

10. Quando dies venit irae,  
Fac tormenta non sentire  
Haec colentes gaudia;  
Sed nos tecum gloriemur,  
Sine fine collaetemur  
In caelesti patria.

Orat. ms. Haarlemense saec. 15 (Privatbesitz). — 4, 6 Sui regis. —  
Nach jeder Str. Ave, Maria.



92. Super Ave Maria.

Semper *ave*, dia genetrix et virgo *Maria*,  
Es fontis vena vivi, quoque *gratia plena*.  
Dulcedo mecum tua sit, *Domintus* quia *tecum*.  
*Tu benedicta* feres laudem *supra mulieres*,  
Atque *tui victus fructus ventris benedictus*.  
Per te solamen habeat meus exitus. Amen.

Collect. ms. Zwetlense saec. 12. Cod. Zwetlen. 36. add. saec. 14.

93. Super Ave Maria.

- |                                     |   |
|-------------------------------------|---|
| <i>Ave</i> , regina caelorum,       | 15. <i>Tu</i> signatus fons hortorum,     |
| Pia virgo tenella,                  | Manna [das] dulcimella,                   |
| <i>Maria</i> [virgo], flos florum   | <i>In</i> . . . . .                       |
| Christi[que] clausa cella,          | . . . . .                                 |
| 5. <i>Gratia</i> , quae peccatorum, | <i>Mulieribus</i> tu chorum               |
| Dira tulisti bella                  | 20. Regis, potata fella,                  |
| <i>Plena</i> , odor unguentorum,    | <i>Et</i> vincula delictorum              |
| Stirpis David puella,               | Frangis nobis rebella.                    |
| <i>Dominus</i> , rex angelorum,     | <i>Benedictus</i> rex cunctorum,          |
| 10. Te gignit, lucens stella,       | Quo pino de te mella,                     |
| <i>Tecum</i> manens, ut nostrorum   | 25. <i>Fructus</i> , quo [caelo] iustorum |
| Toleret saeva tela.                 | Clare sonat cunella,                      |
| <i>Benedicta</i> mater morum.       | <i>Ventris</i> sibi parat thorum          |
| Nostrae mortis medela,              | Nec in te corruptela;                     |
| <i>Tui</i> zelo satis horum         |   |
| 30. Languescit animella.            |   |

Collect ms. incertae orig. saec. 14. Cod. Oxonien. Canon. Lat. 112. —  
6 Dira abstulit bella. — 19 sq. stehen hinter 24. — 20 Regis ob nos potatus  
felle. — 23 Veneranda lux cunctorum. — 25 Et fructum quo. — 29 Tui  
celo fabris horum. — Abschrift von Rev. H. M. Bannister.

94. Super Ave Maria.

- |                                   |                                    |
|-----------------------------------|------------------------------------|
| 1. <i>Ave</i> , virgo singularis, | 3. <i>Gratia</i> sic illustrata,   |
| Pulchrior quam lux solaris,       | Nos illustra, o beata,             |
| Sponsa Christi specialis,         | Ut agamus, quae sunt grata         |
| Nos cunctis defende malis.        | Tibi, mente praeparata.            |
| 2. <i>Maria</i> , tu caeli porta, | 4. <i>Plena</i> virtutum floribus, |
| Spina, per quam est exorta        | Nos poli bonis moribus             |
| Nobis rosa, qua retorta           | Et in caeli honoribus              |
| Vis est hostis et absorpta.       | Nos serves ab erroribus.           |



- |  |  |
|--|--|
| 5. <i>Dominus</i> , qui cuncta regit,<br>Te in matrem praelegit<br>Et carnem de te collegit,<br>Per quam hostem mox subegit. | 10. <i>Mulieribus</i> praelata,<br>Es prae cunctis honorata<br>Es et privilegiata,<br>Quia es deificata.                 |
| 6. <i>Tecum</i> , mater pietatis,<br>Vis est tota deitatis;<br>Ergo nostris pro peccatis<br>Roga, stella claritatis.         | 11. <i>Et</i> sic digne adoraris,<br>O praeclara stella maris,<br>Collaudaris, honoraris,<br>Adamaris, sublimaris.       |
| 7. <i>Benedicta</i> nos tuere,<br>Hora mortis cum urgere<br>Nos intendat, velis vere<br>Te praesentem exhibere.              | 12. <i>Benedictus</i> tuus natus,<br>Qui pro nobis vulneratus<br>Exstitit et lanceatus<br>Nec non spinis coronatus.      |
| 8. <i>Tu</i> pulchre vernans lilium,<br>Tuum deposce filium,<br>Ut in sorte humilium<br>Nobis det domicilium.                | 13. <i>Fructus</i> tuus noster esus,<br>Ille Christus dulcis Iesus,<br>Per te ita fiat esus,<br>Ne exsistat inde laesus. |
| 9. <i>In</i> quo ipsum contemplemur<br>Nec ab ipso sequestremur,<br>Sed cum ipso gloriemur<br>Et in ipso collocemur.         | 14. <i>Ventris</i> aulam virginalis<br>Proles intravit regalis,<br>Quae nos eruat a malis<br>Mortis sic exitialis.       |
| 15. Tui sumus, mater digna,<br>Multum dulcis et benigna,<br>Tuo nato nos consigna,<br>Ne nos laedat mors maligna.            |  |

Miss. ms. Alrispacense saec. 15. Clm. Monacen. 2873. — 1, 4 Nos a cunctis. — 10, 1 praeclara. — 11, 1 Et sicut digne. — 14, 2 Proles. — 14, 3 nos fehlt.

## 95. Super Magnificat.

1. Unius numinis  
Sed trium nominum  
*Mea magnificat*  
*anima Dominum,*  
Quia laetificat  
filios hominum  
Impetus fluminis  
De fonte fluminum.

2 a. *Et in patris unico,*  
*Salutari meo,*  
*Meo singulariter,*  
*Ut qui fit de meo.*  
*Exsultavit spiritus*  
*meus, quod in eo*  
*Tam gentili salus est*  
*orta quam Iudaeo.*

2 b. *Eja, Sion filiae,*  
*meae consodales,*  
*Meae coancillulae,*  
*meae consponsales,*  
*Mecum sponso canite*  
*cantus spiritales;*  
*Praecino, succinite*  
*modulos aequales.*

3 a. *Sub damno veteri*  
*Plasmator hominem*  
*Iam dudum deteri*  
*Cernens per daemonem,*  
*Misericorditer*  
*et fortiter acturus*  
*Surgit, pro homine*  
*hostem debellaturus.*

3 b. *Salvandi miseri*  
*Modus mirabilis!*  
*Homo vult fieri*  
*Vis immutabilis,*  
*Ancillae Dominus*  
*Videt humilitatem,*  
*De me fortissimus*  
*sumit infirmitatem.*

4 a. *Consultit homini*  
*per hominem,*  
*Subvenit virgini*  
*per virginem,*  
*Homo sibi nascitur,*  
*Virgo sibi parit,*  
*Nihil Deo quaeritur,*  
*Quidquid actitarit.*

4 b. *Militat in milite,*  
*pro milite.*  
*Dimicat cum daemone*  
*pro homine,*  
*Vetus praeda tollitur,*  
*Victus praedo cadit,*  
*Captivator capitur,*  
*Captivus evadit.*

5 a. *Per me salus mundi salo,*  
*Per me malus caret malo,*  
*Boni fit plantatio.*

5 b. *Ex hoc, ecce, me beatam*  
*Dicent et sibi creatam*  
*Cuncta generatio.*

6 a. *Fecit, quae voluit,*  
*Magna qui potuit,*  
*Sanctum, quod latuit,*  
*Nomen innotuit*  
*Cunctis in gentibus.*

6 b. *Misericordiae*  
*Eius et gratiae*  
*Sunt a progenie*  
*Et in progenie*  
*Eum timentibus.*

7 a. *In extenso brachio*  
*fecit potentiam,*

7 b. *In potenti parvulo*  
*fregit superbiam.*

8 a. *Iudaeos incredulos,*  
*Pharisaeos pseudulos*  
*Dispersit singulos*  
*Per orbis angulos.*

8 b. *Sublimes imperio,*  
*Celsos magisterio*  
*Deponit solio,*  
*Privat officio.*

- |   |  |
|---|--|
| <p>9 a. <i>Exaltavit humiles</i><br/>             rex humilitatis<br/>             Et <i>esurientibus</i><br/>             panem dedit satis,<br/>             Panem fortitudinis<br/>             et satietatis<br/>             Et <i>replevit vacuos</i><br/> <i>bonis vitae gratis.</i></p> | <p>9 b. <i>Et dimisit divites,</i><br/>             quorum mensae plenae,<br/>             Quorum lauta prandia,<br/>             delicatae cenae<br/>             Nunc <i>inanes</i> factae sunt,<br/>             viles et egenae,<br/>             Quia mendicantibus<br/>             non fecerunt bene.</p> |
| <p>10 a. <i>Recordatur</i> ut fidelis<br/>             Servi sui <i>Israelis</i><br/>             Et ad vocem Gabrielis<br/>             Misso filio de caelis<br/>             Sumit hunc in gloria.</p>   | <p>10 b. Implet, quod per ora vatum<br/> <i>Patribus</i> est revelatum,<br/> <i>Abrahamae semen</i> beatum,<br/>             De quo datum fero natum,<br/>             Cui laus <i>in saecula.</i></p>   |

Collect. ms. Victorinum saec. 15. Cod. Parisin. 15163. A. — Cod. Mazarin. 1002 (948). B. — 3a, 3 deseri B. — 3b, 6 Vidit A. — 5a, 3 Bonis. — 6a, .. Secum quod B. — 9b, 5 Nec inanes B. — 10a, 1 Recordatur infidelis. — Die Überschrift lautet in A: Canticum beatae virginis et matris Iesu Christi, studio Godefridi, subprioris Sancti Victoris extensum.

## 96. Super Salve regina.

- |   |  |
|---|--|
| <p>1. <i>Salve</i>, mater miserorum,<br/>             Consolatrix peccatorum,<br/>             Quae caelos aperuisti,<br/>             Ad te nos animo tristi<br/>             Venimus collacrimantes,<br/>             Ut nos iuves.</p>   | <p>4. <i>Vita</i>, salus et iuvamen<br/>             Nobis es atque tutamen<br/>             In dies atque in horas;<br/>             Nolis ergo ullas moras<br/>             Facere, cum moriemur,<br/>             Ad iuvandum.</p>                |
| <p>2. <i>Regina</i> totius orbis,<br/>             Medicinam nostris morbis<br/>             Afferendo pietate<br/>             Nemo vera caritate<br/>             Te maior profecto fuit<br/>             Praeter Deum.</p>               | <p>5. <i>Dulcedo</i>, sapor et gustus,<br/>             Albedo, color venustus,<br/>             In te sunt atque resplendent,<br/>             Sed, quot nobis malapendent,<br/>             Nisi tu auxilieris,<br/>             Non te latet.</p> |
| <p>3. <i>Misericordiae</i> et salutis,<br/>             Demum cuiusque virtutis<br/>             Plena es, nobis ostendis;<br/>             Velis ergo, ut intendis,<br/>             Miseris nobis favere,<br/>             Pia virgo.</p> | <p>6. <i>Spes</i> firma es nostrae vitae,<br/>             Nunquam ergo nos omitte<br/>             In tui conspectu nati,<br/>             Eius tandem maiestati<br/>             Grata sint opera nostra<br/>             Te praesente.</p>        |

7. *Nostra* cui sint dicenda  
Errata, facta dolenda,  
Pia virgo, nisi tibi,  
Quisquis est conscius sibi,  
Nullum adit tam audenter  
Quam te matrem.
8. *Salve* ergo, mater nostra,  
Nosque sic amare monstra,  
Ut nos velis consolari,  
Nam in terra nec in mari  
Nihil est nobis iucundum  
Te absente.
9. *Ad* quem vis, nostri clamores,  
Planctus nostri et dolores  
Dirigantur. si non audis?  
Nisi tu, mater, exaudis,  
Iam nos frustra laboramus  
Ad salutem.
10. *Te* nos semper invocamus,  
Ut discrimen evadamus,  
Et non dees opitulari,  
Non debes ergo mirari,  
Si antiquum nobis morem  
Observamus.
11. *Clamamus* voce ploranti,  
Ut velis illo infanti  
Contra hostem opem ferre,  
Damna, quae potest inferre,  
Nobis sunt intoleranda,  
Si non iuvas.
12. *Exsules* ob primam matrem  
Nos oportet sicut patrem  
Laborare cum sudore;  
Utinam tanto errore  
Caruissent primi illi  
Genitores.
13. *Filii* sumus dolentes  
Casum nostrum nec habentes,  
Qui nos velit relevare;  
Ad te ergo supplicare  
Properamus, ut adoptes  
Nos in tuos.
14. *Erae* sumus coheredes,  
Quae nostras tam pulchras  
sedes,  
Quas in caelis habebamus.  
Amisit, unde ploramus,  
Et non est, qui consoletur.  
Ni tu, virgo.
15. *Ad* quantas calamitates,  
Damna, clades, paupertates  
In hac valle sumus nati!  
Nostrae est hereditati  
Angi, pati et dolere  
Die, noctu.
16. *Te* nos omnes aegrotantes  
Per orbem atque palantes  
Adimus atque precamur,  
Ut, cum saepe moriamur.  
Antiqua peste parentis  
Tu nos sanes.
17. *Suspiramus* lacrimando  
De peccato tam nefando,  
Quod ingrati contra Deum  
Nulla quasi apud eum  
Movemur dilectione,  
Ut praecepit.
18. *Gementes* luctu dolenti.  
Labore, cura intenti  
Ambulamus in deserto.  
Mala nobis in aperto  
Sunt futura, nisi iuves.  
Alma mater.
19. *Et* quamquam semper vadamus,  
Quo pergamus, ignoramus,  
Tantae sunt nobis tenebrae,  
Luctuosum et funebre  
Est nobis tempus, quod adest  
Hac in vita.
20. *Flentes* sumus cum maerore,  
Quod seiuncti ab amore;  
Caritas non est in nobis,  
Proximis viis improbis  
Nitimur semper nocere  
Contra legem.



21. *In* vanum saepe iuramus,  
Quae sunt Dei, non curamus  
Inimico suadente,  
Te ergo nos dirigente  
Missum faciamus morem  
Tam scelestum.
22. *Hac* vita brevi et vana  
Omnia, quae sunt profana,  
Deberemus evitare,  
Sabbata sanctificare  
Legem Dei observando,  
Ut mandavit.
23. *Lacrimarum* imbre fusi,  
Fatemur, sumus abusi  
In parentes et cognatos,  
Sed tu, mater, fac nos gratos,  
Ut in eos impleamus,  
Quod tenemur.
24. *Valle* hac plena doloris  
Deberemus cunctis horis  
Pietatem exercere,  
Sed manu, verbis nocere  
Nos studemus occidendo  
Multis modis.
25. *Eia*, etiam, benigna,  
Non ignoras, quam maligna  
Sunt nobis carnis momenta,  
Illa sunt nostra tormenta,  
Et in illis delectamur.  
Unde dolor.
26. *Ergo* te valde oramus,  
Ut, cum male nos vivamus  
Aliena possidentes,  
Simus satisfaciētes,  
Antequam nos moriamur,  
Et contriti.
27. *Advocata* misericors,  
Tu scis, quam vicina [sit] mors,  
Suis telis est aggressa,  
Attamen non est defessa  
Lingua nostra, ut producat  
Falsum testem.
28. *Nostra* salus atque vita,  
Nolis, moriamur ita,  
Ut ad miseros vadamus  
Neque, velis, cupiamus  
Proximi nostri uxorem  
Nec ancillam.
29. *Illos* etiam affectus,  
Qui nostros augment defectus,  
Non ignoras, mater pura;  
Nostras ergo mentes cura,  
Ne tanta concupiscamus  
Aliena.
30. *Tuos* cantus, tuas voces  
Petimus, ut nos revoces  
Ad legem Dei servandam,  
Aliter valde plorandam  
Dubitamus diem illam  
Tribunalis.
31. *Misericordes* debemus  
Proximos, quos nos habemus,  
Tamquam fratres amplexari,  
Hoc agendo imitari  
Nos possemus vitae morem  
Iesu Christi.
32. *Oculos* tuos benignos  
Si ad nos, quamvis indignos,  
Aliqua vertebas hora,  
Certo essent meliora  
Ea, quae nos operamur  
Hac in vita.
33. *Ad* te matrem lacrimando  
Properamus, postulando,  
Ut a morbis nos curemur.  
Nam tuscis, quantum veremur,  
Ne leprosi nos vadamus  
Ad examen.
34. *Nos* maestis atque plorantes  
Deo sumus supplicantes,  
Ut pro nobis intercedas;  
Scimus enim, si discedas.  
Nos tristes atque turbatos  
Permanere.



35. *Converte* oculos tuos,  
Ut Iesus etiam suos  
Matris more ad nos vertat,  
Dubitamus, ne avertat,  
Tam nefanda sunt errata,  
Quae patramus.
36. *Et* ne unquam pereamus,  
Sed secure incedamus,  
Da nobis, qui nos conducat,  
Da nobis, qui nos perducet  
Ad aeternum illum locum  
Paradisi.
37. *Iesum* petimus ductorem,  
Tuum fructum, tuum florem,  
Quem tu, virgo, germinasti,  
Tu lactasti, educasti,  
Vera mater verum agnum  
Dei vivi
38. *Benedictum* et laudatum,  
Coruscans et dilatatum  
Fuit lumen, quod portasti,  
Tu nos illo relevasti,  
Qui eramus titubantes  
In tenebris.
39. *Fructum*, quem tu attulisti,  
Quem tu, virgo genuisti,  
Nolis nobis denegare;  
Tuus est, tu potes dare,  
Ut, qui sumus contristantes,  
Collaetemur.
40. *Ventris* tui inviolati,  
Incorrupti et sacrati,  
Quantum fuit arca digna,  
Patent nobis clara signa,  
Cum sub illa clausus fuit  
Verus Deus.
41. *Tui* ergo Iesu, mater,  
Qui noster verus est pater,  
Ostende vultum benignum  
Nobis, hoc erit in signum,  
Ut velit, ne condemnemur  
In aeternum.
42. *Nobis* tu debes amorem.  
Solamen, opem, dulcorem.  
Cum sis vera mater nostra;  
Nobis ergo hic demonstra,  
Qui ploramus cum lamentis  
Casum nostrum.
43. *Post* tantas miseras curas  
Nonne, virgo, tu procuras.  
Ut laeti tandem vivamus?  
Vivemus, si sapiamus  
Te semper nos edocente  
Ad salutem.
44. *Hoc* tempus nobis est maestum,  
Vanum, triste et molestum,  
In convalle lacrimarum  
Multo magis est amarum,  
Quia scimus praeterisse  
In peccatis.
45. *Exilium* et dolores,  
Longas clades et labores  
Passi sumus in hac vita,  
Sed te iuvante finita  
Erunt mala cuncta nostra  
Moriendo.
46. *Ostende*, mater benigna,  
Ubera tua tam digna,  
Ostende, quem lactaverunt,  
Hostes nostri iam fugerunt,  
Scientes nos clippeatos,  
Si videmus.
47. *O* quanta sumus perpessi,  
Utque mortem iam defessi,  
Virgo materque, sperantes  
Quamdiu sumus exsulantes,  
Nil magis habemus boni,  
Quam spem illam.
48. *Clemens*, pia, dulcis, pura,  
Non ignoras, quanta cura  
Indigemus ad salutem,  
A visceribus in cutem  
Cuncta sunt nobis aegrota,  
Si non sanas.

49. *O* quis potest memorare  
Tuum nobis salutare,  
Quantum erat opportunum?  
Sine ipso importunum  
Haberemus inimicum  
Semper nostrum.

52. *Dulcis*, pura atque mitis,  
Nonne tu es vera vitis  
Vitae fructum afferendo?  
Gabriel sic referendo  
Te laudavit benedictam  
Inter omnes.

50. *Pia* fuit illa hora,  
Qua tu Deo sine mora  
Respondisti esse promptam,  
Angelus invenit comptam,  
Non studio neque cura  
Sed natura.

53. *Virgo* vivens sine labe,  
In te tamquam firma trabe  
Mentes nostrae sustentantur,  
Corda nostra te precantur,  
Ut ne unquam patiaris  
Nos desertos.

51. *O* inquam, virgo laudanda,  
Quis potest, quae praedicandae  
Sunt de te, recte narrare?  
Tibi dicimus: Laetare,  
Quae portasti salvatorem  
Vitae nostrae.

54. *Maria* iuste vocaris,  
Nam tu, pulchra stella maris,  
Totum orbem luminasti,  
Genus nostrum decorasti  
Afferendo nobis Deum  
Incarnatum.

55. *Amen* dicat ille Deus:  
Mater, hic populus meus  
Ascendat in paradisum,  
Iste, quem in te confisum  
Libens audis te precantem  
Et laudantem.

Orat. ms. Parisiense [?] saec. <sup>15</sup>/<sub>16</sub>. Cod. Parisin. 3639. — Nach Str. 5 scheint eine Strophe, mit *Et* beginnend, ausgefallen zu sein. — Bei dem Gedichte steht in der Hs. der Vermerk: „Petri Ludovisi“.

# 97. Alia pulchra metra super Salve regina.

Salve, flos florum, lux, vita, salus miserorum,  
Semita iustorum, mediatrix alma tuorum,  
Felix mater, ave, qua mundus solvitur a vae,  
Quae genetrix Evae vae fecit omnia breve.  
O genetrix pia, me salva, virgo Maria.  
Et mea peccata dele tu, rogo, virgo Maria.

Orat. ms. Lambacense saec. <sup>15</sup>/<sub>16</sub>. Cod. Lambacen. 756.

98. Psalmus L. Beatae Mariae V. laudibus accommodatus.

1. Miserere, mater Dei,  
Miserere huius rei,  
Rogo, miserere mei,  
Fons misericordiae.  
Miserationis multae  
Mater. quidquid egi stulte,  
Nequiter vel inconsulte,  
Dele, datrix veniae.
2. Christi mater, virgo munda,  
Peccatorem hunc emunda  
Pietatis lavans unda  
Peccati contagium.  
Meum agnosco reatum,  
Delictis attenuatum,  
Pondus aufer, ne peccatum  
Mihi sit contrarium.
3. Filio tuo peccavi,  
Placa tu, quem irritavi,  
Hostis ne sermone gravi  
Vincar in iudicio.  
Sola quae tu non dolorem  
Passa tuum parvis florem.  
Solve natum peccatorem  
A peccati vitio.
4. O dilectrix aequitatis,  
Mihi summae veritatis  
Manifesta lucem gratis,  
Sole, luna pulchrior.  
Hysopo compungitivae  
Virtutis et purgativae  
Asperge me, fac. ut nive  
Niteam candidior.
5. Metum tolle mortis dirae,  
Cum damnabit dies irae  
Reprobos, et fac audire  
Gaudium laetitiae.  
A peccatis meis verte  
Vultum tuum et diverte  
Me ab ipsis, ut sic per te  
Reddar innocentiae.
6. Cordis pravi purgans sordem  
Fac, Maria, tibi cor dem,  
Spiritus Deo concordem  
Meis dans visceribus.  
Roga fructum ventris tui,  
Ne a luce vultus sui  
Repellat, sed donet frui  
Donis spiritalibus.
7. Tuum mihi salutare,  
Iesum dona, quem precare.  
Ut dignetur mihi dare  
Principalem spiritum.  
Doce me virtutum viam  
Veramque philosophiam,  
Qua profectum verum sciam,  
Verbum ex te genitum.
8. Libera me, spes reorum,  
A sanguine peccatorum,  
Ut exsultem commissorum  
Impetrata venia.  
Mentis aegrae morbum cura,  
Quo te laudem laude pura,  
Aperi te laudatura  
Cordis mei labia.
9. Iesu mater, nato cara,  
Holocaustum in me para.  
Cor ardens, in cordis ara  
Sanctum desiderium;  
Spiritus contribulatum  
Atque cor humiliatum  
Mihi praesta, quod est gratum  
Deo sacrificium.
10. O benigna, fac benigne,  
Da mirari posse digne  
Salutis signum insigne  
In caeli palatio.  
Hoc accepta, mater Dei,  
Holocaustum voti mei;  
Tibi, precor, huius rei  
Grata sit oblatio.

11. Salve, nostri salutaris  
 Parens, sed ignara paris,  
 Salve, rosa puellaris.  
 Salve, mundi lilium.  
 Ave, mater salvatoris,  
 Mater munda, miri moris,  
 Audi, licet peccatoris,  
 Laudes et praeconium.

12. Offer quoque tuo nato  
 Grato et propitiato  
 Holocaustum pro peccato  
 Carmen hoc Davidicum.  
 Ne permittas mihi claudi  
 Aurem tuam, sed exaudi  
 Immolantem tuae laudi  
 Suppliciter canticum.

13. Per saecula metae nescia  
 Sit tibi, virgo Maria,  
 Laus, honor, virtus, gloria,  
 Decus et imperium.

Orat. ms. Parisiense saec. 15/16. Cod. Parisin. 3639. — 5, 2 Quam dam-  
 nabit. — 11, 6 mundo miri. — 12, 1 nato tuo. — Zwischen 12, 4 und 5  
 eingeschoben folgende unechte Strophe:

Ergo mei curam habe,  
 Cura cor ab omni labe,  
 Corpus a corrupta clade,  
 Spiritumque meum trade  
 Ventris tui filio. Amen.

Ob Halbstrophe 13 echt oder Zutat, erscheint fraglich. — Aufschrift:  
 Idem Psalmus (scl. L.) ad honorem et laudem beatissimae Mariae, virginis  
 et matris Iesu Christi, Domini nostri, transmutatus.

## 99. Cursus de B. Maria V.

### Ad Laudes.

1. Caeli porta, nobis orta,  
 Virgo sancta, cerne quanta  
 Labe dolet, peius olet  
 Totus mundus furibundus.  
 Dic, quid spectas? vias rectas  
 Da, perimus; cum tui simus,  
 Cur nos deseris in acie?

2. Placa natum tuum gratum,  
 Quod dignetur, cui debetur  
 Laus aeterna in superna,  
 Hos salvare, quos amare  
 Angit poena, forti vena  
 In hoc mari fluctuari,  
 Cum sit abundator gratiae.

3. Pangit, angit, voce clangit  
 Plebs fidelis verbis, melis  
 Ad te, stella, Dei cella;  
 Recordare, virgo, quare  
 Praelecta sis effecta  
 Mater Christi; genti tristi  
 Da salutem tua facie.



A d P r i m a m.

- |   |   |
|---|---|
| 1. O aurora rutila,<br>Dies, noctem mutila,<br>Sol. terram illumina,<br>Quae super cacumina<br>Caeli resides sublima.       | 2. O magnum mysterium!<br>Te laudat imperium<br>Terrenum et caeleste;<br>Nos liberes a peste,<br>Ne decidamus ad ima. |
| 3. O vas. virgo, gratiae,<br>Fruens Dei facie,<br>Tibi laus et gloria;<br>Confer adiutoria,<br>Regnans post Christum prima. |   |

A d T e r t i a m.

- |   |  |
|---|--|
| 1. Nata, natum adora,<br>Sancta, sanctum honora.<br>Munda, mundum decora<br>Per tua suffragia.      | 2. Praeclara. clarum placa,<br>Sic iusto, iusta, vaca<br>Et regem regno paca,<br>Tolle necis plagia. |
| 3. O digna, dignam laude<br>Fecit factor te, gaude.<br>Stratos levas a fraude<br>Relaxans obstagia. |  |

A d S e x t a m.

- |   |  |
|---|--|
| 1. Iesse florem produxit,<br>Flos fructum extruxit,<br>Fructum sapientiae,<br>Plantam paenitentiae<br>Sacro beante flamine. | 2. Is flos, virgo, fuisti,<br>Quae fructum peperisti,<br>Christum, fructum salutis,<br>Mirificae virtutis,<br>Mirabili velamine. |
| 3. Virens arbor dulcoris,<br>Ramus magni decoris,<br>Fructum nobis largire,<br>Quo iamiam resilire<br>Possimus a peccamine. |  |

A d N o n a m.

- |  |  |
|--|--|
| 1. Cardo caeli,<br>Punctum meridiei,<br>Mater veli<br>Regnantis Galilaei,<br>Lux perfecta et erecta.<br>Lumen nobis infunde. | 2. Aufer labem<br>Adgravantis criminis,<br>Redde trabem<br>Fortis adiuvaminis,<br>Ne obscena ferox poena<br>Nos puniat abunde. |
|--|--|



3. Sed gratia  
 Uberantis pneumatis  
 Nos satia  
 Et dulcore neumatis,  
 Quo repleti simus laeti  
 Perpetuo fecunde.

Ad Vesperas.

- |   |  |
|---|--|
| 1. Ave, clarum miraculum,<br>Prophetarum oraculum,<br>Summi solis umbraculum,<br>Libri vitae signaculum,<br>Ave, clavis deitatis. | 2. Ave, qua lapsi curantur<br>Et curati confortantur,<br>Confortati confirmantur,<br>Confirmati collaetantur,<br>Ave, smigma suavitatis. |
|---|--|

3. Ave, templum Salomonis,  
 Perornatum miris donis,  
 Obiectum divi sermonis,  
 Cum imis summa componis,  
 Ave, codex trinitatis.

Ad Completorium.

- |  |   |
|--|---|
| 1. Te lucis sinceritas,<br>Precamur, proselitas<br>Gentes Christi protege<br>Hoc nocturno tempore. | 2. Cedat somni gravitas,<br>Et quietis lenitas<br>Festinet accedere<br>Cum salutis opere. |
|--|---|

3. Tibi laudis pietas  
 Et honoris bonitas,  
 Trinitatis nomine  
 Semper vale prospere.

Cursus ms. BMV. (Ruperti iunioris) saec. 15. Cod. Vatic. Palat. 541. —  
 Ad Laud. 1, 4 Tuus mundus. — Ad Tert. 3, 3 sternis a fraude. — Ad  
 Non. 2, 4 Fortis numinis. — 3, 5 Quod repleti. — Ad Vesp. 3, 3 divini.  
 — 3, 4 imis tu summa.

100. Rosarium Beatae Mariae V.

- |   |   |
|---|---|
| 1. Gaude, virgo, iure matris,<br>Quae splendorem Dei patris<br>Concepisti caelitus,<br>Quae Iohannem illustrasti.<br>Ut cognatam visitasti,<br>Donis sancti spiritus. | 2. Quem gestans sine taedio,<br>Enixa es cum gaudio,<br>O virgo singularis,<br>Verbum patris, carnem factum<br>Ex te, tuo lacte pastum,<br>Ut Deum veneraris. |
|---|---|

3. Quem mox pannis involvisti,  
In praesaepo posuisti,  
Nec dura reprobavit;  
Quem caelorum exercitus  
Glorificat, et angelus  
Tunc natum nuntiavit.
4. Quem pastores quaesierunt,  
Bethlehem hunc invenerunt  
Flentem in praesaepio;  
Qui carne circumciditur,  
Ipsi nomen imponitur  
Die Iesus octavo.
5. Quem tres magi adorarunt,  
Verum Deum declararunt  
Mysticis muneribus,  
De quo Simeon laetatur,  
Dum in templo praesentatur  
Tuis sanctis manibus.
6. Cum quo maerens aufugisti  
In Aegyptum et redisti  
Monita ab angelo;  
Quem non sponte perdidisti,  
Post tres dies invenisti  
Hierusalem in templo.
7. Quique matrem consolatur.  
Quando pie querulatur  
Exhibens se subditum;  
Hic est tuus commensalis,  
Quem terdenis annis alis  
De labore manuum.
8. Quem Iohannes baptizavit  
In Iordane, sed expavit  
Stupens de miraculo;  
Quem mox daemon ter tentavit  
In deserto, Satan statuit  
Monte et pinnaculo.
9. Nuptiis congratulatur,  
Fons in vinum transmutatur  
Praeter rerum ordinem,  
Cum in mundo praedicavit,  
Multos languidos curavit,  
Pavit multitudinem.
10. Lazarum flens suscitavit,  
Omnem mortem effugavit  
Corporis et animae,  
Cuius pedes Magdalena  
Abluit ardore plena,  
Munda fit a crimine.
11. In Thabor montis vertice  
Splendet ut sol mirifice  
Cum nimio candore,  
Cui turbae Iudaeorum  
Salvatori populorum  
Occurrunt cum honore.
12. Corpus suum salutare  
Et sanguinem dans gustare  
Nobis se commendavit,  
Ex horrore et pavore  
Imminentis mortis horae  
Tunc sanguinem sudavit.
13. Quem Iudaei et gens ausa  
Ut latronem sine causa  
Vinclis stringunt fortiter;  
Annae, Caiphae delatus  
Et ad mortem accusatus  
Iudicatur turpiter.
14. Cuius vultum speciosum  
Et aspectum gratiosum  
Velabant conspuentes;  
Quem malitiose laedunt  
Colaphis et palmis caedunt  
Ac pilos evellentes.
15. Purpura et alba veste  
Stat illusus inhoneste,  
Pellitur e limine;  
Qui columnae alligatur,  
Innocenter flagellatur,  
Totus rubet sanguine.
16. Dire spinis coronatur,  
Genu flexo salutatur,  
Caesus est arundine;  
Quem gens sua reprobavit,  
Hunc Pilatus condemnavit  
Absque legis ordine.

- |  |   |
|--|---|
| <p>17. Cum scelestis deputatus<br/>Crucem portat incurvatus,<br/>Sternitur sub pondere;<br/>Pius sexus lacrimatur:<br/>Mei causa, contestatur.<br/>Fletum noli fundere.</p>      | <p>23. Ecce, agnus immolatur,<br/>Tamquam reus morti datur<br/>Reos solvens crimine;<br/>Cuius latus perforavit<br/>Miles, hastam cum vibravit,<br/>Fluxit unda, sanguine.</p>    |
| <p>18. Quem nudatum crucifigunt,<br/>Sacrum corpus sic affligunt<br/>Tensum crudelissime;<br/>Cuius artus et iuncturae<br/>Disrumpuntur, vis naturae<br/>Dolet amarissime.</p>   | <p>24. Terra tremit, sol expavit,<br/>Heu, cor meum obduravit<br/>Adamante durius;<br/>Virgo, trita margarita.<br/>Utinam me pungat ita<br/>Tui cordis gladius.</p>               |
| <p>19. Huic dolori addiderunt,<br/>Vah Iudaei clamaverunt<br/>Vexantes blasphemiis;<br/>Pro his patrem rogat mere,<br/>Qui cum crucifixere:<br/>Parce, inquit, nesciis.</p>      | <p>25. Quem de cruce deponentes<br/>Viri iusti, tecum flentes,<br/>Tibi dant iustissime;<br/>Quem in novo monumento<br/>Pretioso cum pigmento<br/>Condunt honestissime.</p>       |
| <p>20. Ipse pendens cum latrone<br/>Amen, dixit in agone,<br/>Mecum eris citius;<br/>Te Iohanni commendavit,<br/>Illum sibi adoptavit,<br/>Ut sit tuus filius.</p>               | <p>26. Limbum patrum penetravit,<br/>Consolatur, quos amavit,<br/>Vinctos inde liberat;<br/>Post haec surgens in triduo<br/>Immenso fulgens gaudio<br/>Valde te laetificat.</p>   |
| <p>21. Gemens spirat et post pauca<br/>Heli clamat voce rauca,<br/>Est vox ista flebilis;<br/>Fel, acetum et murratum<br/>Vinum gustat sibi datum<br/>Sitiens et debilis.</p>    | <p>27. Rapit nubes hunc repente,<br/>Caelum scandit te vidente<br/>In virtute propria;<br/>Inde misit, quem promisit,<br/>Pneuma sacrum, quo invisit<br/>Pauperum praecordia.</p> |
| <p>22. Filius intactae matris<br/>Tunc in manu Dei patris<br/>Commendavit spiritum;<br/><i>Consummatum</i> exclamavit,<br/>Lacrimando exspiravit.<br/>Mortis solvit debitum.</p> | <p>28. Super aethera elevans<br/>Et in dextra te collocans<br/>Advocatam constituit;<br/>Quae caeli scandis verticem,<br/>Placatum nobis iudicem<br/>Reddas ac propitium.</p>     |

29. Laus, gratiarum actio  
Mariae sit cum filio  
Nunc et in perpetuum.

Orat. ms. Parisiense [?] saec. 15/16. Cod. Parisin. 3639. — 8, 5 statuit  
ist Korrektur in der Hs.; vielleicht stand dort stavit; oder lies: In deserto  
et portavit.

101. De Beata Maria V.

I.

Rite diem festum colimus, mundo venerandum  
In toto, sanctae Mariae, Domini genetricis,  
Quae praeclara thronum caeli conscendit ad altum  
Ingenti pompa sanctorum cum comitatu.

5. Ergo, Dei mater, miseris succurre pusillis,  
Assis et desolatos refove, sacra virgo,  
Ora pro populo, pariter pro supplice clero  
Et pro femineo sexu devota rogato,  
Optima cuius odor ceu balsama nectare multo
10. Funditur aut pulchri vernantia lilia campi,  
Fasciculus murrae sponso tua membra superno  
Consecrata, favos liquidi superantia mellis.  
Semper ave, Christi genetrix et virgo fidelis,  
Stella maris, tu porta poli, saeculi reparatrix.
15. Cuius in eximiae, praeclarae virginittatis  
Electi merito sacrantur caelitus omnes.  
Hinc exaltaris hodie super astra polorum,  
Angelicos super alma choros, per quam paradisi  
Panduntur hodie nobis portae, reverenda.
20. Quas intras inter cunctas mulier benedicta.  
Cantica sic dicunt de te: Vidi speciosam  
Ceu volucrem, quae felle caret, rivos per aquarum  
Currentem, cuius dulcedo decens inopina.  
Vallabant flores et eam quasi vere sereno.
25. Tute redi, Sunamitis ovans, quo te videamus:  
Sicut qui digne gaudent, habitatio nostra  
In te cuncta, Dei mater, mundi induperatrix;  
Pro servis deposce tuis natum tibi carum.  
Gens, inquit, claram me tota loquetur et amplam,
30. Maxima nam mihimet fecit, qui pollet ubique.  
Cuius virginei quoque dona favore pudoris  
Exsequar, ignoro, portas quod cuncta regentem.  
En, oculi, regina, tui divinitus orbis  
Tamquam fons Esebon, piscinae nobilioris,
35. In porta quae fit genitae multiplicittatis,  
Divini fructus in te tibi nunc animantur.  
Virgo Maria, nites cunctum benedicta per aevum,  
Viscera nempe tui meruerunt lucida Christum  
Ferre, decora super natas felicius omnes
40. Israel, unguentis et aromate plena superno.

\* \* \*

Tota dies laudis cumulum dicatur in altum  
Haec et cum iubilo personet a populo.



- Virginis hinc recitent pueri, iuvenes in honore  
Atque senum coetus nobilium niveus.
45. Sumitur in caelum genetrix pulcherrima Christi,  
Gaudet et angelicus civis et obsequitur.  
Lucis ad aetherae thalamum vehitur bona virgo,  
In quo rex miro consistet in solio.

\* \* \*

- Plurimus occurrit sanctorum sede senatus
50. De caelis; te, Christe, canit, laudemus, amice,  
Virgineumque decus praesertim voce triumphat,  
Cordis ob hoc modulisque frequentibus organa dicit.

## II.

- Virgo, Dei mater, David clarissima proles,  
Funde preces nato pro famulis proprio.  
Praemia perpetuae quo iam potiora coronae  
Possimus digne te duce percipere.
5. Tu cunctas haereses perimis virtute [tonantis]  
Pulchraque d[as] asseclis gaudia perfacilis.  
Angelicis credens dictis magni Gabrielis  
Post partum pueri virgo nites celebris.  
Fortunata tuo placuisti femina Christo
10. Exemplo, titulis dignior his nitidis.  
Imperium regni retines post splendida natum,  
De te caelorum nam generas Dominum.

## III.

- Laus veneranda bonis, Iesu clementia Christi,  
Virgo Maria Dei, laus veneranda bonis.  
Omnis ubique colit Iesum super astra benignum,  
Sic matrem Domini omnis ubique colit.
5. Tollitur ad superos meritis iuvacibus Enoch,  
Post partum virgo tollitur ad superos.  
Caelicolae iubilant Christo scandente superna.  
Propter heri Mariam caelicolae iubilant.  
Obsequio celebri vir fertur ad alta fidelis,
10. Femina summa petit obsequio celebri.  
Obvia turba fuit puerorum plurima Christo,  
Ac eius matri obvia turba fuit.  
Subvenias populo, petimus, fili inclite Dei,  
Oramus, virgo, subvenias populo.
15. Virgineum specimen laetum citharizat honorem  
Et dominae carmen virgineum specimen.  
Munera perpetuae nobis da, Christe, salutis,  
Sponsaque, da patriae munera perpetuae.  
Cuncta venena fugat superi benedictio Christi,
20. Sic mulier sancta cuncta venena fugat.



Vocibus angelicis credens genuit cito Sara,  
 Dansque fidem peperit vocibus angelicis.  
 Quae generas Dominum, mundo venerabilis exstas,  
 Ad caelum migras, quae generas Dominum.

IV.

- Ludimus heroico versu, matrona perennis,  
 Nunc tibi promeritos iterum sacramus honores,  
 Quae Gabriele salutaris praecone superno.  
 Pneumate mox uterum sancto gravidata beatum
5. Tempore decurso Iesum cum lumine magno  
 Virgo paris, populum salvat qui crimine fidum.  
 Nutritur nimia pulchrae cura genetricis,  
 Pascitur et modico lactis sumptu venerandi.  
 Huncque resurgentem devicto funere cernens
10. Altaque scandentem caelorum plaudis in aevum.  
 Uberius hodie magna cum luce triumphas,  
 Ad dextram nati residens solio rutilanti.

Collect. ms. Fossatense (?) saec. 9—13. Cod. Vatican. Reg. 566. add. saec. 11.  
 I. 4 tum comitatu. — 27 cuncta clamant Dei. — 29 loquitur. — 43 recitent.

Diesen Versen geht in der Handschrift ein anderes, längeres Gedicht auf den hl. Benedikt voraus mit dem Anfange: Longobardorum gens impia cum reprobis und der Aufschrift: „Hoc opus edidit domnus Giraldus, Floriacensis monachus. Incipit translatio corporis beati Benedicti et Scholasticae sororis eius.“ Dann folgt das hier mitgeteilte Gedicht mit der Überschrift: Incipiunt versus eiusdem de Sancta Maria und der Schlussbemerkung: „Explicit ludus Domini Giraldi monachi.“

102. De Beata Maria V.

1. Magnificare piaM decet omni laude MariaM.  
 Ardua reginaA, quam summa videntur et imA,  
 Rite celebratuR, qua lapsus homo reparatuR,  
 Immo dolor morbi veteris detegitur orbi,  
 Alma precum vota cui solvat contio totA.
2. Me monet ipsorumM pia virtus mysteriorumM  
 Ad laudis signA depromere carmine dignA.  
 Recte laudatuR, per quam Deus haec operatuR.  
 Ipsa rubum Moysi signat flammare nec urli,  
 Astruitur portA typico sub aenigmate clausA.
3. Mox Aaron virgaM cum manna signat et urnaM,  
 Arida nam virgaA florens cum prole MariaA,  
 Rursus et urna datuR, qua Christus manna probatuR.  
 In te, virgo Dei, redeunt convivia caeli,  
 Ad quae nos regna perduc, regina benigna.

S. Gregorii Moralia (ol. Wessobrunen.) saec. 12. Clm. Monacen. 22010 A. —  
 Orat. ms. Franciscan. saec. 15. Cod. Petrin. I a 14. B. — 2, 2 laudes AB. —  
 2, 5 Astringitur — per ea B.

103. De Beata Maria V.

I.

1. Alma, serena, pia, praecelsa, beata Maria,  
Tu fons hortorum, tu certa salus miserorum,  
Lumen caecorum, requies optata laborum;  
Da mihi te care, carissima, semper amare,  
Te mihi da clare clara cum laude vocare.
2. Alma, serena, pia, praecelsa, beata Maria,  
Dulcior es melle, te laudant quaeque puellae,  
Mirantur stellae, fugiunt metuendo procellae;  
Sis mihi solamen, sis aeternale levamen,  
Sis et tutamen, sis et per cuncta iuvamen.
3. Alma, serena, pia, praecelsa, beata Maria.  
Tu delictorum veniam mihi posce meorum  
Et fac me morum vernare decore proborum;  
Sis mihi salvatrix, sis, obsecro, semper amatrix,  
Sis consolatrix, sis mater et auxiliatrix.
4. Alma, serena, pia, praecelsa, beata Maria,  
Tu perpulchra genis, oculis tu grata serenis,  
Tu dulcis, lenis, cunctis tu mater egenis,  
Me tam ferventer clamantem tamque frequenter,  
Respice clementer mihi subveniundo libenter.

II.

1. Diva parens, maerore carens, dilecta Maria,  
Sponsa Dei, memor esto mei, miserere dolenti;  
Sum fragilis, non sum stabilis, succurre cadenti.  
Quid faciam, quid deveniam, quid ero miserandus?  
Te rogitans, ad te fugitans venio recreandus.
2. Diva parens, maerore carens, dilecta Maria,  
Te precibus, te carminibus rogo, semper adesto,  
Iam venias, iam subvenias, pia, tu mihi praesto;  
Culpa premit, mens pressa gemit, tormento gravatur  
Da baculum. releva tremulum, te sustineatur.
3. Diva parens, maerore carens, dilecta Maria,  
Si pereunt, si praetereunt, quaecumque videmus,  
Nos, teneri vestri pueri, quonam fugiemus?  
Stella maris, quos ipsa paris, solita pietate,  
Ipsa tua nos dulciflua salva bonitate.

4. Diva parens, maerore carens, dilecta Maria,  
Te lacrimis precor, oro nimis, flos optime florum,  
Sis requies, sis laeta dies, sis cura tuorum;  
Mire decor, te, virgo, precor, digneris adesse,  
Nosque polo pereunte solo fac semper inesse.

III.

1. Clara pudicitia, pulcherrima prole Maria,  
Tu vitae portus, tu delectabilis hortus,  
Dulcior es manna, te felix edidit Anna;  
Hortum virtutis, portum largire salutis  
Et mannam vitae mihi da sine fine cupitae.
2. Clara pudicitia, pulcherrima prole Maria,  
Caelorum porta, mundo feliciter orta,  
Eruat a portis tua me clementia mortis,  
Lacta me mamma, dulcissima mater et amma,  
Lacta languentem, lacta, rogo te, sitientem.
3. Clara pudicitia, pulcherrima prole Maria,  
Omnes tu flores, omnes tu vincis odores;  
Flos honestatis, sit odor mihi virginitatis;  
Pulchrior es luna, sublimior omnibus una,  
Fac sim sublimis, mea vita levetur ab imis.
4. Clara pudicitia, pulcherrima prole Maria,  
Tu vitae pomum, tu mellifluum cinamomum,  
Purpureis violis radiisque simillima solis;  
Da mihi, quod quaero, quod per te cernere spero,  
Regnum caelorum veniam scelerumque meorum.

IV.

1. Pulchra Maria, serena Maria, benigna Maria,  
Dulcis alumna, superna columna decusque perenne,  
Tela maligna repelle, benigna, metumque gehennae;  
Nostra mamilla Deique papilla, mei miserere,  
Quem fugienda nimisque cavenda diu tenere.
2. Pulchra Maria, serena Maria, benigna Maria,  
Dira cupido, caeca libido regnat ubique,  
Quisque malorum quemque bonorum truncat inique.  
Casta virago, sancto propago, corrige vanos,  
Aula pudoris, mater amoris, protege sanos.

3. Pulchra Maria, serena Maria, benigna Maria,  
Lux orborum, dux claudorum, dirige iustos,  
Os mutorum, spes cunctorum, sis mihi custos;  
Sis dilectrix, sis protectrix, sis mihi mater;  
Pulcher Iesus, dulcis Iesus, sis mihi frater.
4. Pulchra Maria, serena Maria, benigna Maria,  
Dia puella, venusta puella, puella colenda,  
Virgo iucunda Deoque secunda nimisque stupenda,  
Tolle timorem, pelle dolorem perpetualem,  
Fac me fortem vincere mortem spirituaalem.

V.

1. Mater casta, pia, clarissima virgo Maria,  
Fac mihi, quae posco, melius, quam poscere nosco,  
Et, quae corde peto, tribuas mihi munere laeto;  
Fac me mundari, mundatum iustificari.  
Iustum firmari, firmatum salvificari.
2. Mater casta, pia, clarissima virgo Maria,  
Sit mihi, oro, pater carus tibi caraque mater,  
Fratrum nostrorum memor esto simulque sororum  
Et fac gaudentes notosque meosque parentes,  
Consolans cunctos in amore pio mihi iunctos.
3. Mater casta, pia, clarissima virgo Maria,  
Fac nostros reges iustas componere leges,  
Principibus praesta dominari mente modesta,  
Divitibus praebe cum Christi vivere plebe,  
Pauperibus dona vitae gaudere corona.
4. Mater casta, pia, clarissima virgo Maria.  
Ecclesiae patres concordii, protege matres,  
Dilige catholicos fidei reprimens inimicos  
Et non credentes fac Christo credere gentes.  
. . . . .

VI.

1. Virgo puerpera, sis mihi prospera, sancta Maria,  
O venerabilis, o memorabilis, o generosa,  
Mater amabilis, inviolabilis, imperiosa,  
Suscipe carmina, dilue crimina, suscipe vota,  
Funde precamina, ferto iuvamina, spes mea tota.



2. Virgo puerpera, sis mihi prospera, sancta Maria,  
Tu violaria tuque rosaria vincis odore,  
Lactea lilia, pulchra monilia vincis amore;  
Te modulamine, te iubilamine vocis honoro,  
Te quoque pectore, te quoque corpore totus adoro.
3. Virgo puerpera, sis mihi prospera, sancta Maria,  
Te, carissima, te clarissima gloria caeli.  
Oro supplico, laudo, praedico mente fideli;  
Tu pulcherrima, tu celeberrima, tu decus orbis,  
Tu nostris pia ac ad omnia consule morbis.
4. Virgo puerpera, sis mihi prospera, sancta Maria,  
Splendida moribus, altior omnibus, optima victrix,  
Me, rogo, dirige, me, pia, dilige, sis mihi tutrix:  
Iam mea cantica, spes precor unica, dulcius audi,  
Iam mea tympana, iam, precor, organa praecipecte claudi.

## VII.

1. O flos egregia nascens de stirpe, Maria,  
Sancta tua dextra benedic nos intus et extra,  
Per te vivamus, per te Christo placeamus;  
Fac nostras animas meritis, oramus. opimas.  
Corpora purifica. virgo sacra. virgo pudica.
2. O flos egregia nascens de stirpe, Maria,  
Assis oraclis, assis nostris habitaclis,  
Assis et rebus cunctis, benedicta, diebus,  
Non has flamma voret, non hos ardere laboret,  
Non sit tempestas, non saeviat ulla potestas.
3. O flos egregia nascens de stirpe, Maria,  
Terrae fecundae. plenae sint piscibus undae,  
Conserva fructus, undarum comprime fluctus.  
Ventos refrena, caelum pluviale serena,  
Fulminis ardorem, tonitrus depelle fragorem.
4. O flos egregia nascens de stirpe, Maria,  
Magnos algores, nimios moderare calores,  
Pestis tollatur, bellum non inveniatur,  
Crimina linquntur. cuncti veniam mereantur,  
Christus adoretur. Christus. rex verus, ametur.

Collect. ms. Lirensae saec. 12. Cod. Ebroicens 48. A. — Collect. ms. Insulae Reginae Caeli anni 1479. Cod. Darmstadien. 2653. B.

I. 1. 1 wiederholt sich nicht B. — Nach 1, 1 in B: Suscipe vota pia servorum cum melodia. — 1, 4 te clara A. — 2, 3 metuunt fugiendo B. — 4. 4 Te tam B: tamque libenter A. — 4, 5 fehlt A. —



II. 1, 1 wiederholt sich nicht B. — 1, 4 quo deveniam B. — 1, 5 venio revocandus B. — Str. 2 fehlt A. — 3, 2 Si pereunt, si non tereunt, quaecunque tenemus B.

III. 1, 1 wiederholt sich nicht B. — Str. 1 fehlt B. — 2, 5 me sitientem B. — Vor 3, 2: Mater casta pia etc. wie unten V.; Zeilenfolge in Str. 3: 4, 5, 2, 3 B.

IV. 1, 1 wiederholt sich nicht B. — Vor 1, 2 steht 4, 3 B. — 1, 3 De maligna de peste benigna metuque B. — 1, 4 Vestra mamilla B. — 1, 5 Qui B. — 2, 3 premit ubique B. — 2, 5 mater honoris B. — 3, 2 Dux orborum, dux B. — 3, 5 dulcisque B. — 4, 4 und 5 umgestellt B. — 4, 5 praefortem B.

V. 1, 1 nicht wiederholt B. — 4, 4 fehlt B. — VI und VII fehlen B. — IV steht bereits allein aus anderer Quelle Anal. XXXII. 168.

#### 104. De Beata Maria Virgine.

1. Virgo Dei genetrix mundique potens reparatrix,  
Regula virtutis, divini forma decoris,  
Tu primos lapides vario splendore micantes  
Excellis merito signasque decore venusto.
2. *Iaspidis* insignem fidei virtute virorem  
Exprimis imprimis, hinc prolis honore bearis,  
Qui vetus a populo solvit phantasma redempto.
3. Spes in caeruleo te vestit honore *sapphiro*,  
Quae regis mater cum virginitate refulges,  
Digna Dei solio caeloque serenior ipso.
4. Tamquam *chalcedon* caelestis canduit ardor  
In te, stella maris, divini exemplar amoris,  
Quae pulchra ut luna es, ceu sol electa refulges.
5. Herbida vernantis species et grata *smaragdus*  
Nec mediocris honos te prospicit, inclita virgo,  
Quae fons signatus vernas conclusus ut hortus.
6. Gratia *sardonii* te signat honore triformi,  
Cuius mens humilis candentia lilia vincit,  
Pulchrior ipsa rosis niveo splendore pudoris.
7. *Sardius* ex toto rubet ut cruor ordine sexto,  
Quo rubuit Christus hora sexta crucifixus,  
In quo purpuream meruisti passa coronam.
8. Aurea *chrysolithi* te forma notat speciosi,  
Quod, Christi genetrix, regum regina probaris,  
Cuius es a dextris induta cycladibus aureis.
9. Limpidus et purus ceu sol in aqua radiatus  
Digne confertur tibi, virgo Maria, *berillus*,  
Cuius ab intacta sol iustitiae micat aula.

10. Maximus in pretio primusque decore *topaton*  
Aetheris ac fulvi speciem simul exhibet auri,  
In quibus arridet tua virtus et meritum ingens.  
Quo superos superas, melior mortalibus exstas.
11. Lumine purpureus. facie viridis *chrysoprassus*  
Distinctusque auro tua fert insignia, virgo,  
Quae solido fidei prudens patiensque fuisti.
12. Prasso guttatus viret ut maris unda *iacyntus*,  
Et tu, nostra salus ac mundi praeclue sidus.  
Virtutum titulis in nostra carne notaris.
13. Optime purpureus ac suave rubens *amethystus*  
In te virtutis specimen speciale refundit,  
Regia progenies christorumque inclita proles,  
Qua fulsit mundo verus rex atque sacerdos.

Maius Chronicon ms. Fontanellense saec. [9.] 12. [15.]. Cod. Portus Gratiae 332.

#### 105. De Beata Maria V.

Salve, virgo pia, caeli regina Maria,  
Exemplis clara, miseris succurre, regina,  
Dura velut saxa tu crimina nostra relaxa.  
Ianua tu caeli, tu porta patens paradisi,  
Posce tui fructum ventris qui nos benedictum  
Collocet in caelis, tribuens pia gaudia cunctis.  
Filius ille pater tibi. cui tu filia. mater,  
Si petis. ipse dabit, quia matri nulla negabit.

Collect. ms. Zwetlense saec. 12. Cod. Zwetlen. 355. add. saec. 13/14.

#### 106. De Beata Maria V.

Virgo restauratrix mundique salutis amatrix,  
Lucis adornatrix, tenebrarum stella fugatrix,  
Vitae larga datrix, dirae mortis superatrix,  
Caelica regnatrix, mediatoris mediatrix,  
Sis consolatrix, sis nobis auxiliatrix.

Antiph. ms. Lambrechtense saec. 12/13. Cod. Graecen. 258 add. 12/13.  
(mit Neumen). A. — Collect. ms. Gottwicense saec. 15. Cod. Gottwicen.  
507. B. — 3 mortis imperatrix B.

107. De Beata Maria V.

- Mater virgo Dei, decus orbis, ianua caeli,  
Ad te clamantum suscipe vota precum.  
Tu, regina poli, tu sidus praeclue mundi,  
Ora pro nobis, confer opem miseris.
5. Tu suspirantes de caelo respice, mater,  
Et ne labamur, tende, benigna, manus.  
Quamvis in solio sedeas, regina, superno,  
Nos tamen in terra compatienter iuva.  
Placa censorem miseris, averte mucronem
10. Nobis atque pium concilia Dominum.  
Inter fluctivagi rege nos discrimina mundi  
Ac semper stella caelitus irradiat.  
Et, subito vita cum mors spoliaverit ossa,  
Sis praesens animae, ne pereat misere.
15. Arce procul hostes, furvas dirasque phalanges,  
Spiritus incedat per loca luciflua.  
Non videat manes, Orci non sentiat ignes,  
Pallentes umbras te duce profugiat.  
Obviet angelicus sibi mox cum lumine coetus,
20. Qui ferat hunc aulam regis ad aetheream,  
Rex ubi caelestis propriis partitur amicis,  
Qui placuere sibi, praemia pro meritis.

Orat. ms. Benedictin. (Monial.) saec. 12/13. Cod. Bibl. Capit. Schaffnaburgen. 181. — Zu v. 3 vgl. Nr. 104, Str. 12, 2.

108. De Beata Maria V.

- Virgo, maris stella. Iesse de stirpe puella,  
Quam de gente David virtus divina vocavit,  
Ut verbo patris fieres substantia matris,  
Ut pareres Christum, qui mundum solveret istum,
5. Sic etiam pareres, ne virginitate careres,  
Foedere digna pari genetrix et virgo vocari,  
Te voco, virgo pia, genetrixque. requiro, Maria,  
Ut miserum sanes, curas qui tractat inanes,  
Et miseri curas divinis ignibus uras.
10. Sum miser, obscenus nimiaque putredine plenus,  
Complue peccatis caelestis aquas pietatis  
Facque tuo lotum dulci medicamine totum,  
Quidquid post sacrum commisit culpa lavacrum.  
Qui per me labor, nunquam sine te revocabor,
15. Porridge, virgo. manum. subito me sentio sanum.

- In partem laevam quem traxit culpa per Evam,  
Ad dextram releva, tu, mater mitior Eva;  
Porta patet, saevam fuerat quae clausa per Evam,  
Placatrix irae, quibus illam vis aperire.
20. Cum sub extremo poterit succurrere nemo,  
Quis faciet tutum turpissima quaeque secutum,  
Ni mihi tutelam des iudicis ante querelam?  
Cum mundus flebit, cum terra polusque timebit,  
Sola potes terrae miseris suffragia ferre.
25. Sors ubi sanctorum desperat opem meritorum,  
Flectitur irati per te sententia nati;  
Quare ad examen misero concede iuvamen.  
Sentio damnari, si differs auxiliari;  
Nam datus ad mille tormenta Theophilus ille
30. Per te salvatur Christoque reconciliatur.  
Hic ita peccavit, qui Christum teque negavit,  
Nec caruit venia te, virgo, iuvante, Maria;  
Ergo peccator, non corde vel ore negator,  
Credo salvari per teque reconciliari,
35. Propter peccantem si vis orare tonantem.  
Haec, sacra, dispone, quae transfers ex Babylone,  
Fac, pia, Ierusalem conscendere spiritualementem,  
Pax ubi succedat, quam nulla calumnia laedat,  
Rex ubi virtutis sit potus escaeque salutis,
40. Lux ubi reginae sit apta mihi sine fine,  
Ante redemptorem sortitae sedis honorem.  
Vox peccatoris te clamat, aula pudoris,  
Ad caeli numen metuentis vertere lumen  
Et nihil audentis de nomine cunctipotentis.
45. Audi clamantem, te, virgo beata, vocantem,  
Si non turberis, quod ab illius ore voceris,  
Qui vitiis foedus permansit ut mollis hoedus.  
Paenitet errorum, iam foetet ineptia morum,  
Labilis et vanus sum plus quam quatrduanus;
50. Suscipe conversum, noviter Babylone reversum,  
Fac male deceptum, fac cum pietate receptum.  
Sic veniam posco, sic flens mea crimina nosco;  
Non ego damnari, non debeo iam reprobari,  
Nam decet auctorem non exercere furorem,
55. Iam debet pietas odiis imponere metas.  
In te sperantem non vidi, virgo, vacantem,  
In te iactatum non vidi ludificatum.  
Me tibi commendo, reus ad te, spes mea, tendo,  
Eripe labentem, culpas absolve fatentem,
60. Offensum natum mihi redde reconciliatum,  
Dimerso mundo tenebris mortisque profundo.  
Sancta parens Christi, dare praesidium potuisti,



- Si plures stellis animas a morte revellis,  
 Quam vetus illorum transgressio, culpa duorum;  
 65. Ergo mihi soli *Non possum* dicere noli.  
 Par tibi maiestas et adhuc manet ipsa potestas.  
 Post tantum munus levius salvabitur unus.  
 Nec dicas: „Natum vereor tam saepe rogatum.“  
 Vult mediatricem Deus esse suam genetricem,  
 70. Qui se pulsari, pro peccatore rogari  
 Non indignatur. sed cum petitur, miseratur,  
 Qui super errantum gaudet revocamine tantum,  
 Et faciet secum caelos gaudere per aevum,  
 Qui prius ad vitam traxit populum Ninivitam,  
 75. Quo miserante bonis sors est coniuncta latronis,  
 Qui Lazarum flevit, triduana morte quievit,  
 Praeda superborum cum sit pro morte duorum.  
 Prolatae sortis Iesu de munere mortis,  
 Dans mundo pacem fac me, regina, capacem,  
 80. Simque redemptorum per te concivis eorum,  
 Pro quibus est Iesus mortali corpore laesus.

Collect. ms. incert. originis saec. 13. in. Cod. Tolosan. 871. — 13 culpa  
 ratum. — 17 te leva tu. — 43 vertite lumen. — 64 transgredio. — Abschrift  
 von Adr. Carrère S. J.

#### 109. Versus in honore sanctae Mariae.

- Naturam nostram Christus, non crimine nostro  
 Participare volens, crimine solvit eam.  
 Tempore dignatur nasci sine tempore natus,  
 Ut supra legem temporis esset homo.  
 5. Servus de domino, pauper de divite factus,  
 Nos a pauperie liberat atque iugo.  
 Ad patris imperium sacram de flamine sacro  
 Conceptam prolem femina sacra parit.  
 Concipiens, pariens non sentit damna pudoris  
 10. Casta parens, partu sanctificata suo,  
 Et quod nulla fuit in concipiendo voluptas,  
 Matri nullus adest in pariendo dolor.  
 Fert radix Iesse florem, profert Aaronis  
 Arida virga nucem, regia virgo Deum.  
 15. Regem caelorum paupercula, filia patrem,  
 Iustitiae solem stella Maria maris.  
 Nec perdit radix emissio flore virorem,  
 Nec nascente Deo virginis illa decus.  
 Flos Christus, fructum vitae generans et odorem,  
 20. Perpetua matrem virginitate beat.

Fracto naturae mirantur saecula iure,  
Quod sit facta Dei filia mater ei.  
Virgo tenet puerum, puer omnia, nata parentem,  
Ubera dat, sugit, replet et illa Deus.  
25. Hic vere rutilat gemmis ornata beatae  
Virginis effigies speculumque reverberat auri.

Collect. ms. S. Mariae de Prato saec. (12 ex. et) 13. Cod. Parisin. 16699. — Diesem Gedichte gehen in der Hs. noch folgende drei Verse voraus, die ersichtlich nicht dazu gehören, vielleicht ein Ganzes für sich bildeten, vielleicht ein anderwärts entlehntes Bruchstück sind:

Salve, digna parens Dominoque per omnia parens,  
Solaris splendor, divina luce serena.  
Me miserum serva, clemens, pia, dulcis, amoena.

Nach Vers 20 sind neun Hexameter eingeschaltet, die in der folgenden Nummer als ein Gedicht für sich mitgeteilt sind.

#### II0. Versus in honore sanctae Mariae.

Virgo parit florem, flos fructum, fructus odorem,  
Virgo redemptorem, veniae vitaeque datorem.  
Insolito more cum virginitatis honore  
Fit fecundata sine semine virgo beata.  
Lumine solari nescit vitrum violari.  
Nec vitrum sole nec virgo puerpera prole.  
Cuncta creata regens fit et hic in corpore degens,  
Lux et imago patris per sacrae viscera matris  
Ad nos accessit, sed non a patre recessit.

Collect. ms. S. Mariae de Prato saec. [12. ex. et] 13. Cod. Parisin. 16699. Eingeschoben zwischen Vers 20 und 21 des vorhergehenden Stückes.

#### III. De Beata Maria V.

Te mihi pacifica, vitae fons, virgo Maria,  
Immaculate decor, mundifica bene cor.  
Me tibi concilia lacrimae parcendo, Maria,  
Esto lapsis pes, propria tu mihi spes.  
Me tere, me gere, me preme, virgo regia, deme  
Saevia, da socium me fore nobilem.

Collect. ms. Anglican. saec. 14. Cod. Coll. Corp. Christi Oxonien. 232. Abschrift von Rev. H. M. Bannister.

112. De Beata Maria V.

Stella Maria maris, quae caelis praedominaris,  
Et quae praeclaris hic laudibus intitularis,  
Expers sola paris tu, quae per Ave gravidaris  
Et fecunda daris, mater virgoque vocaris.  
Luce tui iubaris me, deprecor, intuearis,  
Subvenias hilaris et pro me, quaeso, loquaris.  
Quodsi dignaris, frustra, Satan, insidiaris,  
Si dedignaris vel quantumcunque moraris,  
O mora, damna paris, et velle nocere probaris.

Collect. ms. Carth. Maguntin. saec. 14. [13. et 15]. Cod. Maguntin. 186.

113. De Beata Maria V.

- Salve, Christi parens et nata Dei benedicta,  
Omni labe carens, quae lumine solis amicta  
Lunae sub plantis calcas iubar irradiantis,  
Sertum de stellis prae virginibusque puellis,
5. Regia matrona, geris, alma puerpera Christi.  
Hic, elegisti, quod tua veneretur icona,  
Per tua condigna miracula, virgo benigna.  
Me tibi consigna Satanae de fraude maligna.  
Tu patrona bona, tu glorificata beata,
10. Tu speciosa rosa, tu mater honoris, amoris.  
O fons dulcoris, caeli regina superna,  
Me prece materna tuearis in omnibus horis.  
Mater humillima, spes miserorum certa reorum  
Atque facillima propitiatio semper eorum,
15. Mystica cella, benigna puella, suavis, amoena,  
Lumine plena, decore serena, maris quoque stella,  
Virgo sacrata, per astra levata, Deo sociata,  
Sis miserata mei, pia, grata Davitica nata.  
Diva propago, dulcis imago, floriger hortus,
20. In maris unda valde profunda ancora, portus,  
Fons bonitatis semper inundans, vas pietatis  
Prorsus abundans, cum deitatis prole iucundans,  
Auxiliatrix, induperatrix, alleviatrix,  
Sis medicamen, da relevamen, pelle gravamen.
25. Amen, implores, ores, ut gaudia caeli  
Heli det, dia, diadema mihique, Maria.

Orat. ms. Campense anni 1462. Cod. Darmstadien. 521. A. — Collect. ms. Insulae Reginae Caeli (prope Wesaliam) anni 1479. Cod. Darmstadien. 2653. B. — 4 pia virginibusque. — 13 spes miseratio certa B. — 20 undis valde profundis B. — 23 insuperatrix B. — 24 mediamen A. — Aufschrift:

„Sequitur oratio metrica magistri Iohannis de Beka poetae et habet fere omnem colorem metricum.“ A. — „Hoc dictamen metricum scripsit magister Iohannes de Beka, egregius poeta, quod dominus Iohannes de Arkel, episcopus Traiectensis, confirmavit, concedens omnibus devote dicentibus xl dierum indulgentias et unius carenae. Et habet fere omnem colorem metricum.“ B.

#### 114. Oratio metrica de laude beatae virginis Mariae.

- O mater matrum, materno more medere,  
 Parce reis et opem fer eis, miserere, tuere,  
 O benedicta David proles, tu manna saporis,  
 Tu generosa Iudith, Abigail, Hesther honoris.
5. Fixa polo stella, tu legis glosa novella,  
 Foederis arcella, Moysi duplata tabella,  
 Cum nato mella, quoque lac tua sancta labella  
 Stillent, debella vires Satanaeque flagella.  
 Dux morum, lux caecorum, regina polorum,
10. Spes veniae, fuga tristitiae, medicina dolorum.  
 Turbant saligia, pia respice virgo Maria,  
 Cum sis sola via patriae, duc, dirige, dia.  
 Surgens aurora, tu sancta theotocon, ora  
 Protinus, absque mora pro me pereunte labora.
15. Astripotens mater, mundi stupor et generosa,  
 Me perimens ater hostis petit arte perosa;  
 Os, cor, opus, vim, res muni, duc daque iuvamen,  
 Ut meritis sim pres, cum mors hinc separet. Amen.

Orat, ms. Campense anni 1462. Cod Darmstadien. 521. A. — Collect. ms. Domus Insulae Reginae Caeli anni 1479. Cod. Darmstadien. 2653. B. — 4 gloriosa Iudith B. — 6 Foederis cartella Moysi est dupla A. — 7 Tu nato A — 8 Stillant A. — 15 Astripotis B. — 17 sq. fehlen A. — Dies Gedicht folgt in B unmittelbar auf das vorhergehende (Salve Christi parens) mit neuer Initiale, doch ohne neue Aufschrift. Ob es ebenfalls Iohannes de Beka zum Verfasser hat, bleibt daher zweifelhaft. Die vorgedruckte Überschrift gibt A.

#### 115. De Beata Maria V.

- Virgo serena, mater amoena, virgo sacrata,  
 Iustitiae dux, laetitiae lux, sponsa beata.  
 Blanda precanti, dulcis amanti, vas deitatis,  
 Dura malignis, grata benignis, fons pietatis.
5. Sancta propago, lucis imago, virgo decoris,  
 Cellula mellis, nescia fellis, fructus honoris.  
 Virgo benigna, femina digna, virgo pudica,  
 Ianua solis, filia prolis, regis amica.



- Lucida stella, pura puella, sacra sacrarum,  
10. Fructificans mons. mellificans fons, spes animarum.  
Praevia iuris, virgula turis, lux tenebrarum,  
Flos sine spina, stella marina, pulchra rosarum.  
Pax odiorum, meta dolorum, consilii ros,  
Cedrus odora, gemma decora, munditiae flos.  
15. Regula morum, forma bonorum, vera lucerna,  
Pacis alumna, summa columna, porta superna.

Collect. ms. Domus Insulae Reginae Caeli anni 1479. Cod. Darmstadien. 2653. „Aliud pulchrum et laudifluum dictamen.“

#### 116. De Beata Maria V.

- Ianua solis, filia prolis, lucida stella,  
Arca decoris, mater honoris, munda puella.  
Nescia fellis, stillula mellis, regis amica,  
Blanda precanti, dulcis amanti, virgo pudica.  
5. Virgo suavis, caelica clavis, summa columna,  
Regula morum, forma bonorum, pacis alumna.  
Lux tenebrarum, pulchra rosarum, gemma decoris,  
Summa bonorum, pax odiorum, cedrus odoris.  
Munditiae flos, consilii ros, porta superna  
10. Et rosa florum, meta laborum, vera lucerna.  
Praevia iuris, virgula turis, flos sine spina,  
Mellificans flos, fructificans fons, stella marina.  
Spes animarum, sacra sacrarum, femina digna,  
Gemma decoris, fructus honoris, amanda, benigna.  
15. Vas deitatis, fons pietatis, lima malignis,  
Grata benignis, gloria dignis, prodita signis.  
Iustitiae lux, laetitiae dux, sponsa beata,  
Aula suavis, caelica clavis, inviolata.  
Tu camera templi, lilium, tu puteus altus,  
20. Tu portus verbi, de caelo clausaque saltus.  
Tu lectus, thalamus caelestis et arca sophiae,  
Tu victrix, tutrix, mercedis praevia diae.  
Navis et ancora, nostra sis orbita, gemma probata,  
Platanus, hortus, virgula, portus, palma vocata.  
25. Urbs murata, benigna velata, corona sacrata,  
Esuriam, sitiam, cupiam te, virgula nata.  
Virtutum species, via caelica, mater amoena,  
Post mortem videam te, caeli munere plena.

Collect. ms. Insulae Reginae Caeli anni 1479. Cod. Darmstadien. 2653. —  
18 clavis unica lata. — 26 Esuriem. — Dies Gedicht hat viele Verse mit  
dem vorhergehenden gemeinsam.

117. De Beata Maria V.

Alma poli stella, lux mundi, pura puella,  
Quae concepisti verbo, sine vae peperisti,  
Servum ferventem tibi me fac et trahe mentem  
Ad Christum sursum, qui vitae det mihi cursum  
Sancte finire braviumque poli reperire.  
Suscipe servorum pia vota precesque tuorum,  
Ablue peccata tu. Theophili miserata.

Collect. ms. Domus Insulae Reginae Caeli anni 1479. Cod. Darmstadien. 2653. — In derselben Handschrift wie auch in Cod. Darmstadien. 521 findet sich auch noch ein anderes Gedicht in leoninischen Versen auf Maria, mit dem Anfang *Mater formosa. tu nobilis et generosa*; jene nennt es „*Aliud laudifluum dictamen*“, diese macht die Bemerkung: „*Item sequuntur alia metra laudiflua de gloriosa virgine Maria.*“ Das Gedicht ist aber nur ein Bruchstück eines längeren, wie das Akrostichon ausweist, welches nur die Worte *Mulieribus et benedictus fructus ventris* umfaßt. Da die Worte „*Mater formosa*“ etc. also nicht den Anfang des Gedichtes bilden, habe ich dasselbe nicht aufgenommen.

118. De Beata Maria V.

Gaude, sola pia sine crimine virgo Maria,  
Sancte concepta, specialius omen adepta,  
Quo superas cunctos supera iam sede beatos.  
Me vitiis natum caelo da purificatum.

Collect. ms. Domus Insulae Reginae Caeli anni 1479. Cod. Darmstadien. 2653. — Ob dies kurze Gedicht ein selbständiges Ganzes oder aber vielleicht Entlehnung aus einem größeren, vermag ich nicht zu sagen.

119. De Beata Maria V.

Stella maris, candoris ebur, speculum paradisi,  
Fons veniae, vitae ianua, virgo, vale.  
Caeli scala, boni schola, pacis fibula, turis  
Virgula, pigmenti cellula, virgo, vale.  
5. De te tot laudum rutilant insignia, nescit,  
Quo plus ascendat, tantus honoris apex.  
Omnes virtutum species et aromata totam  
Te simul aspergunt turis odore sui.  
Tu sine defectu radius, tu flos sine spina,  
10. Tu sine nube dies, tu sine viro parens.  
Quid loquor? hinc nullum clementum laus tua sumit:  
Frustra luce facis tempto iuvare diem.  
Quanta tuis pateat virtutibus area, nullis  
Flosculis laudum claudere lingua potest.

15. O flos munditiae, nostri, petimus, miserere.  
 Sis medicina reis crimina nostra levans.  
 Sponsa redemptoris, salva nos omnibus horis  
 Piaculis Satanae carnis et illecebris.

Orat. ms. Campense anni 1462. Cod. Darmstadien. 521.

120. Versus ad laudem Virginis Beatae.

Laus tibi,	caelorum	dux.	morum	maxima	mater,
Caelorum	domina,	nitidum	vas,	patris	amoeni
Dux,	nitidum	sidus	miserorum,	gloria	regis,
Morum	vas,	miserorum	gloria,	splendor,	honestas,
Maxima	patris	gloria,	splendor,	libera	virgo,
Mater	amoeni	regis,	honestas,	virgo.	Maria.

Collectan. ms. Gemmeticense saec. 15. Cod. Rotomagen. 557 (A 263).

121. Salutatio alphabetica et mystica de beata virgine Maria.

- Ave, sancta Dei genetrix, o virgo Maria,  
 Botrus Cypri, fragrans balsamus, alma Maria,  
 Cupressusque Sion, Libani cedrus alta, Maria.  
 Dogma salutis, lux bonitatis, clara Maria,  
 5. Exemplar morum, virtutum norma, Maria.  
 Fons signatus, favus stillans, divina Maria,  
 Gloria mundi, gemma poli, regina Maria.  
 Hospita regis, principis aula, beata Maria.  
 Ignea flamma, rubus non ustus, mira Maria.  
 10. Kathedra doctrinae, via recta, colenda Maria,  
 Lucida nubes, fulgida luna, decora Maria.  
 Mitis ovis, formosa columba, benigna Maria,  
 Nardus odorans, fumus turis, aroma, Maria.  
 Ortus conclusus, flos campi, pulchra Maria,  
 15. Porta domus clausa, tu caeli scala, Maria.  
 Quercus Basan, turris David, firma Maria,  
 Regia proles, sponsa Dei, speciosa Maria.  
 Stella maris, solis aurora, serena Maria,  
 Templum pacis, mannatis arca repleta, Maria.  
 20. Virga virens, vellus Gedeonis, casta Maria,  
 Xristotocos digna, te dulcis, quaeso, Maria,  
 Ymnus sit gratus, tibi quem pro laude, Maria,  
 Zelo depromo; misero miserere, Maria.  
 Ave, salve, vale, spes mea, virgo Maria.

Collect. ms. Mellicense saec. 15. Cod. Mellicen. 77. A — Collect. ms. Mellicense saec. 15. Cod. Mellicen. 121. B. — Collect. ms. Lambacense

saec. 15. Cod. Lambacen. 328. C. — Orat. ms. Franciscan. saec. 15. Cod. Petrin. I a 14. D. — Collect. ms. S. Petri Salisburgen. saec. 15. Cod. Petrin. b VI 3. E. — 6 diva Maria ABCD. — 8 principalis aula C. — 10 Maria fehlt D. — 11 Lucida nubes fehlt D. — 12 Mitis avis E. — 13 Nardus odoris A. — 15 Porta conclusa (reclusa E) rubens rosa tu DE; Porta domus clausa. tu rubens rosa C. — Aufschrift aus A: statt dessen in C: De laude beatissimae virginis Mariae.

## 122. De Beata Maria V.

Mater ave Christi, sanctissima virgo, Maria,  
Partu. post partum, sicut et ante manes.  
Virgo, quae Christum peperisti, lacte educasti,  
Mergere me serva, me tueare potes.  
Me tibi commendo, me, virgo, relinquere noli,  
Ne peream, Christo funde, Maria, preces.

Breviarium et Oration. ms. S. Servuli Venet. saec. 15. Cod. Cicogna 36 (2373). — 3 lacte ducasti. — 5 derelinquere.

## 123. De Beata Maria V.

Stelligeri splendor, salve, tu gloria poli,  
Mater insignis, salve. formosa Maria.  
Tu maris immensi praelucida stella vocaris.  
Mundi labentis nam candida nubila pulsas.  
5. Antidotum felix mortis, regina. salubris,  
Monstres in tenero dulcem mihi corpore natum,  
Sumpsit quem Simeon canus ad brachia laetus,  
Spiritus angustas nusquam contempserat auras.  
Te duce tartareos contingat linquere campos  
10. Officiatque nihil furibunda felle Megaera;  
Protinus, casta, precor, ostendas lumen Olympi.'

Collect. ms. Eberspergense saec. 15/16. Clm. Monacen. 6007.

## 124. De Beata Maria V.

Splendida stella maris, pia virgo Maria, vocaris  
Et veri solis deicaeque puerpera prolis.  
Venter et intactus, in quo Deus est homo factus,  
In medio cuius Deus est homo conditus huius.  
Esto Dei media nostrique, benigna Maria,  
Per tua lux merita datur orbi veraque vita.

Orat. ms. Parisiense(?). saec. 15/16. Cod. Parisin. 3639.



125. De Beata Maria V.

Gaude, Deo plena, gaude, pariens sine poena,  
Gaude, resurgenti congaude, superna petenti,  
Cum Christo gaude, regnans dignissima laude;  
Elegit qui te, det nobis gaudia vitae.

Orat. ms. Parisiense(?) saec. 15/16. Cod. Parisin. 3639.

126. Carmina de Laudibus Virginis.

I.

Caeli reginam te iure, Maria, fatemur,  
Ex cuius thalamo processit iustitiae sol.  
Virgo, creatoris caelorum mater et orbis,  
Innocuis manibus mundo quoque corde beata,  
Rite Dei pinguem meruisti scandere montem.

II.

Gratia caelestis, reparatrix totius orbis,  
Diffusa est labiis, virgo Maria, tuis;  
Propterea regum te rex benedixit in aevum  
Et facit a dextris casta sedere suis,  
Aurea quam fulvo vestis circumdata limbo  
Ambit et exornat riteque condecorat.

Missale Turonense imp. Rothomagi 1492, 1493 A. — Missale Turonense imp. Parisiis 1533. B. — In beiden Quellen nach dem Kalendarium.

127. Ad Beatam Mariam V.

1. Maria, summa  
orta ex prosapia,  
Angelus tibi:  
Ave, plena gratia,  
Dominus tecum;  
sume nostra cantica,  
Quae tibi canunt  
electorum agmina.

2. Ecce, beata,  
credidisti nuntio  
Et patris verbum  
concepisti utero,  
Virginitatis  
nulla est corruptio,  
Ubi est sancti  
spiritus infusio.

3. Lucem, Maria,  
genuisti saeculo,  
Involvens pannis  
locasti praesaepio,  
Mundum qui regit  
potenti imperio  
Et arvis lucet  
lumine sidereo.

4. Ubere tuo  
bibit guttas Dominus,  
Qui mari undas,  
fluere dat fontibus;  
Hunc, virgo, roga,  
laxet culpas omnibus,  
Qui dat coronas  
suis confessoribus.

5. Sacri ad templi  
quem portasti limina,  
Huic caelestis  
deservit militia,  
Qua comprehendit  
tanta mirabilia,  
Quae sunt concessa  
tibi splendidissima.
6. Perrexit templum  
iustus senex Domini,  
Est videns Christum.  
quam beati oculi!  
Suscepit eum  
a te matre nobili,  
Gratias agens  
uni Deo homini.
7. Regina caeli,  
osculasti filium,  
Ex patre magnum  
et ex te parvissimum,  
Hominem verum  
et Deum fortissimum.  
Quem genuisti  
manens virgo virginum.
8. Ex te, Maria,  
sublimis puerpera,  
Carnem suscepit  
Dei sapientia,  
Quae caelum girat  
et fundavit aequora,  
Terrena regit  
simul et caelestia.
9. Scala caelestis  
et Dei hospitium,  
Ex te est ortus  
finis et principium,  
A patre natus  
est ante luciferum,  
Hunc, virgo mater.  
fac nobis propitium.
10. Beata valde  
tua est humilitas.  
Quam gloriosa  
simul et virginitas,  
Per quam divina  
venit ad nos pietas,  
Audi, cum rogat  
te nostra fragilitas.
11. Ille, beata,  
tibi erat subditus,  
Qui cunctis mundi  
imperat virtutibus,  
Respicit terram,  
et tremescit funditus,  
Regnat in caelo  
et tonat in nubibus.
12. Tuumque nomen  
maris stella dicitur,  
Gens namque per te  
luce vera ducitur,  
Dum trinitatis  
lumine perfunditur,  
A protoplasti  
tenebris excluditur.
13. Ex ventre tuo  
verbum sumpsit hostiam,  
Quam immolavit  
extra Ierosolymam,  
Hanc manducamus  
ob eius memoriam  
Et hoc per fidem  
tenemus orthodoxam.
14. Regina, regis  
mater, regum filia,  
Cum voluisti,  
o gloriosissima,  
Ut inchoaret  
Christus mirabilia,  
Tunc fecit vinum  
ex aqua in hydria.

15. En, Christus pendens  
    crucis in patibulo,  
Quo liberaret  
    mundum a supplicio,  
Te matrem dedit  
    virgini discipulo,  
Ut semper virgo  
    non careres filio.
16. Tunc Simeonis  
    iuxta vaticinium  
Gladius tuum  
    pertransivit spiritum,  
Quando occidi  
    tuum vides filium,  
Licet credebas  
    surgere post triduum.
17. Mortuus Iesus  
    cruce est depositus,  
Quem sepelivit  
    Ioseph et Nicodemus  
Novo sepulcro,  
    in quo nullus positus,  
Tristatur mater  
    et fidelis populus.
18. O alma virgo,  
    gaude cum apostolis,  
Qui crucifixus  
    fuit Ierosolymis,  
Die surrexit  
    tertia a mortuis,  
Sacris vidisti  
    tuis illum oculis.
19. Nec non vidisti  
    cum plebe fidelium,  
Quando ad regnum  
    ascendit aethereum,  
Ibi erexit  
    matris desiderium,  
Ubi cum patre  
    regnat ante saeculum.
20. Ascendit postquam  
    super caelos Dominus,  
Tu, virgo, atque  
    coetus apostolicus  
Permanebatis  
    in orationibus,  
Hoc tibi erat  
    diebus ac noctibus.
21. Caelesti regno  
    assumpsit te filius,  
Et exsultavit  
    Iesus benignissimus;  
Tibi post Deum  
    omnis servit spiritus,  
Regina, nobis  
    esto tu propitius.
22. Hoc certe credit  
    Christianus populus,  
Quod tuus sponsus,  
    filius et dominus  
Exaudit, virgo,  
    te prae sanctis omnibus,  
Quodcunque petis,  
    donat tibi protinus.
23. Ut nos coniungas  
    cum sanctorum coetibus,  
Pias inclina  
    aures nostris precibus,  
Quibus rogamus  
    et obnixè petimus,  
Procul absistat  
    fornicator spiritus.
24. Spiritum irae  
    tolle et tristitiae,  
Castrimargiae  
    atque philargyriae  
Invidiaeque  
    nec non et acediae,  
Gloriae vanae  
    simul ac superbiae.

128. De Beata Maria Virgine.

- |   |   |
|---|---|
| 1. O Maria, gloriosa<br>angelorum domina,<br>Maris stella, vincens cuncta<br>claritate sidera,<br>Virgo pulchra, virgo casta,<br>me clementer adiuva. | 5. Ubi sanctis animabus<br>datur lux assidua,<br>Angelorum turmae larga<br>iunctis Dei gratia,<br>Qua repleti memet tua<br>faciant precamina.             |
| 2. Sumpsit enim ex te carnem<br>Dei sapientia,<br>Ut humano per te vita<br>generi est reddita,<br>Quod subegit neci culpa<br>primae matris noxia.     | 6. Ut eadem sim mundatus<br>a culparum macula<br>Et decenter exornatus<br>virtute multimoda,<br>Summo regi voce dulci<br>Canam laudum chrismata.          |
| 3. Super astra manens mira<br>potiris laetitia,<br>Ibi servit omni die<br>tibi phalanx caelica;<br>Mihi, quaeso, fer iuvamen<br>presso mole terrea.   | 7. Hunc qui laudat operando,<br>quae sunt illi placita,<br>Obtinebit vere summi<br>felix regni culmina<br>Et manebit sine fine<br>dives omni gloria.      |
| 4. Assit mihi tua manus<br>semper invictissima,<br>Nec me diri Leviathan<br>extinguant certamina.<br>Sed sim victor coronandus<br>in aula stelligera. | 8. Hac me dita. Iesu Christi<br>mater integerrima.<br>Et eidem me commenda<br>tua prece sedula,<br>Ut cum illo plene gaudens<br>maneam per saecula. Amen. |

Collectan. ms. S. Ebrulphi saec. 12. Cod. Alenconien. 1. add. saec. 12. — 6, 6 crysmata. — 8. 5 Et cum. — Aus dieser Quelle publiziert von Léop. Delisle im *Annuaire Bulletin de la Société de l'Histoire de France*. Paris 1863: II. partie. p. 9 sqq. Dort unmittelbar verbunden mit dem Reimgebet „Micael cum Gabriele“, entsprechend der Quelle. Schon das „Amen“ zeigt aber deutlich, daß es sich um zwei Gedichte handelt. Als Auctor vermutet Delisle — wohl mit Recht — Ordericus Vitalis.

129. De Beata Maria V.

- |   |  |
|---|--|
| 1. O Maria, mater Dei,<br>Miserere, precor, mei<br>Atque pro me roga Deum,<br>Ut absolvat istum reum.     | 3. Respice huc, o Maria,<br>Dei mater et filia.<br>Et visita hunc miserum,<br>Oppressum mole scelerum. |
| 2. Ecce, tibi me commendo<br>Meque tibi servum trado,<br>Ut domina me suscipe<br>Et clementer me respice. | 4. Serva tibi commendatum,<br>Tibi servire paratum,<br>Tuae donum pietatis<br>Me absolvat a peccatis.  |



- |   |   |
|---|---|
| <p>5. O Maria piissima,<br/>Omni laude dignissima,<br/>Fac me digne te laudare,<br/>Venerari et amare.</p>      | <p>8. Deum mihi pacifica,<br/>Dei mater et amica,<br/>Hoc te posse impetrare<br/>Nullus debet dubitare.</p>               |
| <p>6. O domina dominarum,<br/>O regina reginarum,<br/>Propter tuam pietatem<br/>Tolle meam paupertatem.</p>     | <p>9. O praeclara stella maris,<br/>Quae cum Deo gloriaris,<br/>Fac me ad portum venire,<br/>Nunquam sinas me perire.</p> |
| <p>7. Pauper enim et egenus,<br/>A Deo sum alienus,<br/>Adversum me irritavi<br/>Deum, in quem tam peccavi.</p> | <p>10. O Maria, flos virginum,<br/>Ora pro me ad Dominum,<br/>Ut ad caeli palatia<br/>Perveniam te praevia.</p>           |
11. In qua miser nequissimus  
Possim esse vel ultimus,  
Laudans Deum per omnia  
Saeculorum saecula.

Collect. ms. Radingense saec. 12. Cod. Oxonien. Laud. Miscell. 79.  
add. saec. 12. — 9, 4 Nusquam. — Abschrift von Rev. H. M. Bannister.

### 130. De Beata Maria V.

- |   |   |
|---|---|
| <p>1. Mole gravati criminum<br/>Ad te, regina virginum,<br/>Confugientes poscimus,<br/>Adesto nostris precibus.</p>       | <p>5. Vere, virgo, post genitum<br/>Preces exaudi supplicum,<br/>Et quid poscenti Dominus<br/>Tibi negabit filius?</p>    |
| <p>2. Aeternae vitae ianua,<br/>Aurem nobis accommoda,<br/>Per quam spes vitae rediit,<br/>Quam Eva peccans abstulit.</p> | <p>6. Si tantum velis, domina,<br/>Nostra delentur crimina,<br/>Quapropter te praecipue,<br/>Servos, oramus, respice.</p> |
| <p>3. Virgo, tu mater iudicis,<br/>Vitam deposce famulis<br/>Et paenitendi spatia<br/>Nobis, oramus, impetra.</p>         | <p>7. Te orante, sanctissima,<br/>Sanctorum orant agmina,<br/>Si te adversam praevidet,<br/>Caelestis ordo conticet.</p>  |
| <p>4. Exora, virgo, filium,<br/>Praesens confer auxilium,<br/>Ut perpetrata nequiter<br/>Purgentur efficaciter.</p>       | <p>8. Per te, mater castissima,<br/>Nobis donetur venia<br/>Tuisque sanctis precibus<br/>Concilietur Dominus.</p>         |

- |  |   |
|--|---|
| <p>9. Virgo Maria, respice<br/>Precesque nostras suscipe,<br/>Peccata iam praeterita<br/>Remittat nobis. obsecra.</p> <p>10. Exaudi, virgo virginum,<br/>Pro nobis ora filium,<br/>Futura mala prohibe<br/>Miserisque compatere.</p> | <p>11. O virgo. mater Domini,<br/>Attende voces populi.<br/>Per te cleri criminibus<br/>Ignoscens parcat Dominus.</p> <p>12. Virgo gloriosissima,<br/>Vota comple fidelia<br/>Nosque post vitam fragilem<br/>Ad veram perduc requiem.</p> |
|--|---|

Orat. ms. incertae orig. saec. 12. Cod. Oxonien. Canon. Miscel. 266. A. — Collect. ms. Benedictin. saec. 12. Cod. Vindobonen. 532. add. saec. 12. B. — Orat. ms. Lunaelacense anni 1451. Cod. Vindobonen. 3835. C. — 1, 2 reginam B. — 3, 2 deprecem miseris B. — 3, 3 Et paenitentis A; Ac paenitenti B. — 4. 2 Patris confer B. — 4. 3 Ut per peccata A. — 4, 4 purgemur A. — 5. 3 petenti C; Dominus fehlt A. — 5, 4 Denegabit tibi Dominus B; Tibi deneget filius C. — 6. 1 velit A. — 8, 4 Nobis reconcilietur Dominus BC. — Str. 9-12 fehlen B. — 12, 4 Perduc ad veram. C. — In B und C als Lectiones wie Anal. XXIV, 55, aus jüngeren Quellen; in A unmittelbar angeschlossen an Nr. 134. Unser Gedicht ist ein selbständiges Stück, aber von demselben Verfasser wie dieses; das beweist hier Str. 7, dort Str. 28.

### 131. De Beata Maria V.

- |  |   |
|--|---|
| <p>1. Stella maris, o Maria,<br/>Porta caeli, vitae via.<br/>Maris portus naufragantum,<br/>Naufragantes duc ad portum.</p> <p>2. Nos submersos in peccatis<br/>Salva, mater pietatis,<br/>Da, quod per paenitentiam<br/>Veniamus ad veniam.</p> | <p>3. Tu piscina probatica,<br/>Miserorum spes unica,<br/>Ablue nos exterius<br/>Et munda nos interius.</p> <p>4. Vitiorum de sentina<br/>Nos erue, virgo pia,<br/>Ignem extingue Veneris,<br/>Ne crememur cum miseris.</p> |
|--|---|

Collectan. ms. S. Orientii Auxitani saec. 12. Cod. Parisin. Nouv. acq. 456. add. saec. 13.

### 132. De Beata Maria V.

- |  |  |
|--|--|
| <p>1. Virgo, mater melliflua,<br/>Te deprecantes adiuva,<br/>Surge, virgo puerpera,<br/>Hostis repelle machinas.<br/>Ave, Maria.</p> <p>2. Gregis caulas ne deseras,<br/>Lupum mordacem conteras<br/>Et hostiles versutias<br/>Procul a nobis facias.<br/>Ave Maria.</p> | <p>3. Surge, materna pietas,<br/>Tua nos reple gratia,<br/>Quae hostium insidias<br/>Effuget et nos muniat<br/>Per te, Maria.</p> <p>4. Surge, virgo fructifera,<br/>Genetrix integerrima,<br/>Confer nobis iuvamina<br/>Auferens cuncta noxia,<br/>Pia Maria.</p> |
|--|--|

- |  |  |
|--|--|
| 5. Quae baiulasti filium,<br>Vitae et mortis dominum,<br>Fuga catervas daemonum,<br>Donans nobis remedium,<br>Virgo Maria.     | 10. Parce iam culpis, domina,<br>Parce, mater piissima,<br>Rumpe Satanae retia,<br>Nostras dirige semitas,<br>Virgo Maria.       |
| 6. O consolatrix domina,<br>Quae omnibus es omnia,<br>Delicti solve vincula,<br>Quae me torquent tam gravia,<br>Mater Maria.   | 11. Funde preces pro miseris,<br>Colentibus te subveni,<br>Ut puri a contagiis<br>Poli fruamur gaudiis<br>Per te, Maria.         |
| 7. Heu, quam nefanda crimina<br>Et omni labe sordida,<br>Plenus sum immunditiis<br>Et foetore libidinis;<br>Parce, Maria.      | 12. Mater supremi iudicis,<br>Virgo, misellis subveni.<br>Ut per te cum caelicolis<br>Personemus hymnidicis<br>Aula, Maria.      |
| 8. Heu, dirae mortis sarcina,<br>Quae ut fur omnes enecas!<br>Quo mea ibit anima,<br>Quae tot complevit vitia?<br>Audi, Maria. | 13. Tu igitur ad sidera<br>Nos ad te sursum eleva,<br>Ut inter sacras epulas<br>Tecum simus in gloria,<br>Sancta Maria.          |
| 9. Heu, quam fuerunt dulcia<br>Plena foetore crimina!<br>Si comparantur omnia,<br>Quis est, qui me eripiat?<br>Parce, Maria.   | 14. Hoc nobis trina unitas<br>Et simplex donet trinitas,<br>Ut non sit nobis sarcina<br>Mortis finis, sed gloria.<br>Ave, Maria. |

Orat. ms. Benedictin. (Monial.) saec. <sup>12</sup>/<sub>13</sub>. Cod. Capit. Schaffnaburgen.  
181. — 2, 7 caulas ne differas. — 8, 3 Plena. — 12, 5 Lies Ave, Maria?

### 133. De Beata Maria V.

O regina angelorum,  
mitis hera gentium,  
Porta caeli, mater Dei,  
flos et gemma virginum,  
Funde preces apud tuum,  
quo laetaris, filium,  
Ut caeleste nobis regnum  
tribuat post obitum.

Orat. ms. Benedictin. (Monial.) saec. <sup>12</sup>/<sub>13</sub>. Cod. Capit. Schaffnaburgen. 181.

134. Oratio ad laudem beatæ Mariæ, matris Domini.

- |  |   |
|--|---|
| 1. Salve, regina omnium,<br>Virgo mater, post filium,<br>Salve caelestis ianua,<br>Peccatoribus patula.        | 10. Audi voces miseriae,<br>Quas non possum exsolvere,<br>Nisi tibi, sanctissima,<br>Virgo post partum unica. |
| 2. Salve, tu Dei genetrix,<br>Virgo florens et fertilis,<br>Tuo processit utero<br>Tamquam sponsus de thalamo, | 11. Ne tibi sit offensio<br>Tot scelerum confessio,<br>Nam se calcari pedibus<br>Meis nollet diutius,         |
| 3. Qui nos venit redimere,<br>Mundum dignatus visere,<br>Ne sit mihi damnatio,<br>Piissima redemptio.          | 12. Si me terra cognosceret,<br>Se sup̄ter me dehisceret,<br>Sum enim bonis omnibus<br>Malis meis contrarius. |
| 4. Ecce, quantum horribilis<br>Castis assisto oculis,<br>Tuis primum, post omnium<br>Felicibus caelestium.     | 13. Quod diligis, non diligo,<br>Virginitatem fugio,<br>Perversus, mendax, invidus,<br>Illicitorum cupidus,   |
| 5. Quorum mea luxuria<br>Mordetur pudicitia;<br>Nec solum istud vitium<br>Mihi infert iudicium,                | 14. Ira frendens et odio<br>Et semper studens otio.<br>O quam lugere debeo.<br>Tot vitiis quod servio!        |
| 6. Sed quot dicuntur nomina,<br>Tot mihi insunt vitia,<br>Quorum miser dominio<br>Assiduus inservio.           | 15. Nam non urbis excidium,<br>Sed animae periculum;<br>Imago Dei deperit,<br>Anima caelo decidit.            |
| 7. Et quia moles criminum<br>Me malis facit miserum,<br>Ad te solam confugio,<br>Tuum solamen quaerito.        | 16. Quid dicam ante iudicem,<br>Caelis, terris terribilem,<br>Dum statuet iudicium<br>Et iudicabit saeculum?  |
| 8. Pande mihi piissimum<br>Pietatis sacrarium,<br>Pateant aures beatæ<br>Meae vocis angustiae.                 | 17. Vix iustus tunc salvabitur<br>Et impius damnabitur,<br>Ibi parebunt omnia<br>A saeculis abscondita.       |
| 9. Appella pro me filium<br>Dei tuique unicum,<br>Ut sit mihi remissio,<br>Quod te prae omnibus quaero.        | 18. Unusquisque pro merito<br>Recipiet a Domino,<br>Boni bonorum gaudia,<br>Mali malorum praemia.             |



19. Locus mei similibus  
Cum igne, gelu, vermibus,  
Infelices, qui talia  
Passuri sunt supplicia,
20. Ego tamen prae omnibus  
His horum ero socius.  
Heu, heu, mihi misero!  
Cur processi ex utero,
21. Cur lactatus uberibus,  
Cur nutritus remissius,  
Ut infernales pascere  
Et caeli regna perderem?
22. Mors mea nimis misera;  
Lugete mecum, omnia,  
Dole, caelum, superius,  
Terra, nec non inferius,
23. Immo Christum exposcite  
Et pro me intercedite.  
Quonam miser confugiam,  
Quem advocatum repetam?
24. Sum peccator prae omnibus,  
Idecirco nec sublimius;  
Expedit me transcurrere  
Et adiutorem quaerere.
25. Tu, sancta Dei genetrix,  
Hac es in re possibilis,  
Te spem meam constituo,  
Tibi me servum offero.
26. Fide mea me suscipe,  
Nato tuo restitue,  
Mea infelix anima  
Ne sit in fine perdita.
27. Praesta mihi subsidium,  
Dum hoc suspiro saeculum;  
Et cum recedet spiritus,  
Adesto castis precibus.
28. Nam te orante, domina,  
Sanctorum surgent milia,  
Si tu sola silueris,  
Vox nulla erit aliis.
29. Nam es regina caelorum,  
Rectrix, redemptrix omnium,  
Noli silere, domina,  
Esto mihi propitia.
30. Non vult enim me perdere,  
Qui me redemit sanguine,  
Ille, regina, unicum  
Quem genuisti filium.
31. Fac festum eius angelis,  
Fac nunc vacare gaudiis,  
Mea enim conversio  
Fiet eis laetatio.
32. Et conversum a vitiis  
Custodi, Dei genetrix,  
Me cunctis locis protege,  
In viam pacis dirige.
33. Stantem, sedentem corrige,  
In cunctis factis dirige,  
Manum sacratam porrige  
Labentem nec non erige.
34. Marina stella, obsecro,  
Serva me maris tadio,  
Aufer a me periculum,  
Ut vales et scis indigum.
35. Vales enim prae omnibus,  
Quos praecellis virtutibus.  
Tu angelorum domina  
Et prophetarum gloria,
36. Apostolorum, martyrum,  
Confessorum et virginum  
Nec non sanctorum omnium,  
Ut est ordo caelestium,
37. Quorum iuncta consortio  
Ora pro me miserrimo,  
Solve mei miseriam  
Et impende clementiam.
38. Ab hoedis tristem eripe  
Et ovibus intersere,  
Fac me gaudere floridis  
Paradisi deliciis,

- |   |   |
|---|---|
| <p>39. Ut Christi vocem audiam,<br/>Per quam regnum possideam,<br/>Per te, regina omnium,<br/>Virginitatis speculum.</p> <p>40. Audi, Christe piissime,<br/>Patris matrisque unice,<br/>Illius absque termino,<br/>Istius in hoc saeculo.</p> <p>41. Audi matrem piissimam,<br/>Quam sic fecisti inclitam.<br/>Haec est, cuius visceribus<br/>Dulcis prodisti dulcibus.</p> <p>42. Dulcedinem inveniam.<br/>Quam in te spero unicam.<br/>Tu es enim suavitas<br/>Et singularis pietas.</p> <p>43. Adiuro te, rex, iterum<br/>Per hoc nomen mirificum,<br/>Cunctis rebus terribile,<br/>Cunctis saeculis mirabile,</p> | <p>44. Ut sit mihi proficuum<br/>Et avertat periculum,<br/>Cumque micabit terminus<br/>Omnium rerum caelitus,</p> <p>45. Eius mihi confessio<br/>Sit scelerum remissio,<br/>Et adipiscar veniam<br/>Evadendo sententiam.</p> <p>46. Nec imputes stultitiae,<br/>Rex Christe clementissime.<br/>Quod nominare audeo,<br/>Exponere quod nequeo.</p> <p>47. Legem enim necessitas<br/>Neque habet adversitas.<br/>Vale, redemptor omnium.<br/>Generale dominium,</p> <p>48. Vale, beata trinitas<br/>Et triplicata unitas,<br/>Vale per omne saeculum<br/>Et dele massam scelerum.</p> |
|---|---|

49. Salve, tu Dei genetrix,  
Virgo inaestimabilis,  
Salve, caelestis pietas  
Et pietatis caritas,  
Sis servi tui, deprecor,  
Immeriti non immemor.

Orat. ms. Benedictin. (Monial.) saec. 12/13. Cod. Capit. Scaffnaburgen.  
181. A. — Orat. ms. incertae orig. saec. 12. Cod. Oxonien. Canon.  
Miscell. 266. B. — 2, 1 Salveto Dei B; vgl. 49, 1. — 5, 2 Virgo B.  
— 4, 3 prae omnium B. — 5, 3 Nec solum unum vitium A; Nec istud  
modo vitium B. — 6, 3 misera A. — 6, 4 Assidua A. — 7, 2 malus B. —  
8, 3 aures beatae Mariae A; aures sanctissimae B. — 9, 3 Et sit A. —  
9, 4 quaero prae omnibus AB. — 11, 1 Ne sit mihi A. — 12, 2  
Me subter se discerperet B. — 12, 4 contraria. — 13, 3 Perversa, mendax,  
invida B. — 13, 4 cupida B. — 14, 2 Studensque semper A. — 16, 3 Cum  
B. — 19, 1 meis B. — 20, 2 socia A; Si horum B. — 20, 3 miseram A. —  
21, 1 lactata A. — 21, 2 nutrita A. — 21, 3 infernale A. — 23, 3 misera  
effugiam A. — 23, 4 expetam A. — 24, 1 Cum peccator B; Sum peccatrix  
A. — 25, 4 me ancillam offero A. — 29, 1 caelorum A. — 31, 4 Fiat A. —  
34, 2 Servare maris B. — 34, 3 Aufer mihi B. — 34, 4 indigam A; in-  
dignum B. — 35, 2 Quas A. — 37, 2 miserrima A. — 40, 3 Illiusque B. —  
43, 1 Adoro te B. — 43, 2 mirificum tetragrammaton A. — Str. 47 fehlt  
A. — 49, 5 Sis ancillae tuae obsecro A. — 49, 6 Iam meritis non A. —  
Ein Bruchstück dieses Liedes siehe Anal. XXXII, 193. In B schließt sich  
an dies Lied unmittelbar Nr. 130 an. — Die Kollation von B nach Abschrift  
von Rev. H. M. Bannister.

135. De Beata Maria V.

1. Maria, virgo regia,  
Sponsa regis et filia,  
Quam Dei sapientia  
Elegit ante omnia.
2. O benedicta femina,  
Universorum domina,  
Summi regis arcaria  
Et eius secretaria,
3. Dei reclinatorium  
Et eius consistorium,  
Armarium paracliti,  
Sacrarium altissimi.
4. Domus regis eburnea,  
Eius interna camera,  
Quam dedicavit caelitus  
Missus ab eo spiritus,
5. Maria, fons iustitiae  
Et vena indulgentiae,  
Casti pudoris cumulus  
Ac pietatis titulus.
6. Caritatis signaculum,  
Totius boni speculum,  
Aurora veri luminis,  
Arca divini seminis.
7. Columba placidissima,  
Turtur, avis castissima,  
Cui faber Deus aureas  
Praeparavit murenulas,
8. O margarita candida,  
O stella mundi splendida,  
Vera eius pacifera,  
Facta caeli clavigera,
9. Tu paradisi porta es,  
Ad caelum scala facta es,  
Per quam Deus ad homines,  
Ad Deum scandunt homines.
10. In domo Dei supera  
Oliva es fructifera,  
Tu cella olearia,  
Repleta Dei gratia,
11. Aromatum areola,  
Ab hortulano consita,  
Tu in horto arbuscula  
Salubris, aromatica.
12. Aeterni sponsa principis,  
Tu affluis deliciis,  
Decora et spectabilis,  
Tota desiderabilis.
13. In Salomonis ferculo  
Tu es lignum de Libano,  
Columna es marmorea  
De base surgens aurea.
14. Turris David fortissima,  
Quae habet propugnacula,  
Contra Damascum respicis,  
Cives regis ac protegis.
15. Tu frigus idolatriae  
Et gelu ignorantiae,  
Tu Aquilonem deicis,  
Cum regem Austri concipis.
16. Sublimis es puerpera,  
Virga Iesse florifera,  
Flos ille tuus filius,  
Ortus ex tuis ilibus.
17. Cui caeli servit solium,  
Tu genuisti filium,  
Creatura principium,  
Deum, regem mancipium.
18. Mira regis humilitas,  
Miranda tua sanctitas!  
Qui tua suxit ubera,  
Caelo locavit sidera.

19. Lucis solaris artifex  
Sub sole homo factus est  
Et, qui creavit omnia,  
Creatur inter omnia.
20. Qui erat sine tempore,  
Humanatur in tempore,  
Et verbum invisibile  
Per carnem fit visibile.
21. Ut sexus omnis gaudeat,  
Ut Dei laudes ambiat,  
Puer ille, qui nascitur,  
Femina, unde nascitur.
22. Laetetur ergo femina,  
Sua solvuntur crimina;  
Quod in Eva peccatum est,  
In Maria donatum est.
23. Virgo quae caret macula,  
Tersit eius piacula.  
Mater per suum filium  
Evae tulit opprobrium.
24. Quam benedicta virgo es  
Inter omnes mulieres,  
Quae mediatrix facta es  
Inter Deum et homines!
25. Quam capax tuus uterus,  
Quam magnus urbis ambitus,  
Quo Deus et ecclesia  
Laeti celebrant nuptias!
26. Quam laeta haec coniugia  
Et quanta plena gratia,  
Ubi sponsus, qui filius,  
Pater et ipse dominus!
27. Qui sibi matrem eligit,  
Sponsam eandem perficit,  
Ex eius ortus semine  
Suo lustravit sanguine.
28. Tanti pompam mysterii  
Laeti celebrant angeli,  
Dum Deo canunt gloriam  
Terrisque pacem nuntiant.
29. Et tu, mater sanctissima,  
Virgo gloriosissima,  
Dum sedes ad praesaepia,  
Cantas epithalamia.
30. In iubilo psalterii  
Assumpta tuba ductili  
Dulci cantu et supplici  
Vagitus tenes pueri.
31. Quam laeta tympanistria,  
Quae sua canit gaudia,  
Inter sua convivia  
Sancta discurrit saltria!
32. Laeta stupet mysterio,  
Quo mater nubit filio,  
Ubi ancilla domino  
Et humilis altissimo.
33. Quicumque fidei brachiis  
Dei cultum amplecteris,  
Tantam pensa potentiam  
Et admirare gratiam.
34. Tu non eras, creavit te,  
Tu lapsus es, erexit te,  
Ut dives caelo fieres,  
In terra pauper factus est.
35. Terra transit in hominem,  
Homo in Dei subolem,  
Ut homo Deus fieret,  
Deus homo effectus est.
36. Assumens carnis pallium  
Carnis extinxit vitium,  
Secus decursus fluminum  
Lignum fuit firmissimum.
37. Exultat fortis ut gigas  
Mundi percurrrens semitas.  
Suo exemplo currere  
Et mundum docens vincere.
38. In summi patris vinca  
Vitis fuit plenissima;  
Iudas per avaritiam  
Distraxit hanc vindemiam.



39. Iudaeus prelum posuit,  
Sanguis et unda profluit;  
Inde te, homo, abluit  
Et paradiso reddidit.
40. Botrus ille dulcissimus  
In vecte crucifigitur,  
Incredulus confunditur,  
Sed christianus pascitur.
41. Quot lacrimarum rivulos  
Tuos lucentes oculos  
Dicam fudisse, domina,  
In cordeque suspiria,
42. Cum tuum, mater, unicum  
Pati vides suspendium,  
Dira transpunctum lancea,  
Corona saeptum spinea,
43. Agnum de tuo semine  
Rubro vernante flumine  
Inter manus carnificum  
Torqueri hominem-deum!
44. Quot edidisti gemitus,  
Quando tibi vicarius  
Pro magistro discipulus,  
Pro rege datur famulus!
45. Doloris acutissimo  
Transverberata gladio  
In passione filii,  
Mater, martyris efficeris.
46. Sciebas quidem, domina,  
Afflata Dei gratia,  
Quia de morte filii  
Salus manaret homini,
47. Quod mortis abolitio,  
Quod vitae reparatio  
De hoc crucis mysterio  
Exiret omni populo,
48. Quod agnus obit innocens,  
Ut mortis vincat principem,  
Ut mortem mors exterminet,  
De morte vita pullulet.
49. Sciebas, quod in filio  
Mundi esset redemptio,  
Quod de hoste victoria,  
De passione gloria.
50. Maternus tamen animus  
Pios effundit gemitus,  
Et insitiva caritas  
Dulces extorquet lacrimas.
51. Redemptionem hominum  
Plenum habebas gaudium,  
Sed tua carne genitum  
Prosequeris per gemitum.
52. Sed et salvantis gratiam  
Ac pietatis unicam  
Dum attendens circumspicis  
Et admirans amplecteris,
53. De pietatis opere  
Egrediuntur lacrimae,  
Pro salvatrice gratia  
Pia mentis angustia.
54. Hunc, mater, mihi filium  
Praesta, quaeso, propitium,  
Fac, mihi manum porrigat,  
Me male lapsum erigat.
55. Ego peccator sordidus  
Lepraque turpi tabidus,  
Omni leproso turpior,  
Omni nequam miserior,
56. Cururri per nefaria  
Iniquitatis opera,  
Non declinavi omnia  
Pollutionis genera.
57. Quod culpa est, quod criminis,  
Nunquam implere destiti,  
Omni reatu sordui  
Et omni sorde putui.
58. In torpore socordiae,  
In foetore malitiae  
Ut iumentum in stercore  
Longo cubavi tempore.

- |   |  |
|---|--|
| <p>59. Iam pro natura vitium,<br/>Iam versum est in habitum,<br/>Iam rationis oculus<br/>Caligine confunditur.</p> <p>60. Sed ora, precor, filium,<br/>Ut per lucis collirium<br/>Malam tollat albuginem<br/>Et mentis hebetudinem.</p> <p>61. Per spiritalem faculam<br/>Solvat peccati nebulam.<br/>Ad sequendam iustitiam<br/>Lucem refundat perditam.</p> | <p>62. Det aspernari noxia<br/>Et amplecti utilia,<br/>In me confringat omnia<br/>Lutulenta negotia.</p> <p>63. Sic me transire faciat<br/>Huius mundi tendiculas,<br/>Ne me captum retineat<br/>Saecularis illecebra.</p> <p>64. Sit mihi ductor, sit via,<br/>Qua revisatur patria,<br/>In qua pater et filius<br/>Regnant cum sancto spiritu.</p> |
|---|--|

Orat. ms. Benedictin. (Monial.) saec. 12/13. Cod. Capit. Scaffnaburgen.  
 181. A. — Collect. ms. saec. 13. in. Cod. Tolosan. 871. B. — 4, 2 in terra  
 B. — 5, 1 Maria splendor gratiae A. — 12, 3 es spectabilis AB. — 20, 4  
 Crescenscens fit B. — 21, 2 Et Dei B. — 22, 3 sq. fehlen B. — 27, 4 Sine virili  
 sanguine B. — 28, 3 Cum B. — 29, 3 Cum sedes B. — 31, 4 psalteria B. —  
 33, 4 factus es B. — 36, 3 Tuo B. — 38, 2 Unde B. — 40, 1 Quos A. —  
 Nach 41, 4 in B nur noch 51, 3 und 4; 52, 1 und 2 und 53. — 43, 1  
 Quos edidisti geminus A. — 51, 3 Cum B. — 53, 4 De male B; lapsam A. —  
 54. 1 peccatrix sordida. A. — 54, 2 tabida A. — 62, 3 captam A.

### 136. De Beata Maria V.

- |  |   |
|--|---|
| <p>1. Ave, virgo gloriosa,<br/>Sponsa Dei speciosa,<br/>Summi regis thalamus,<br/>Templum sancti spiritus,<br/>Creatoris omnium<br/>Genetrix et filia.<br/>Es solamen peccatorum<br/>Et iustorum gloria.</p> | <p>2. O Maria, stella maris,<br/>Medicina salutaris<br/>Corporis et cordium,<br/>In hac valle lacrimarum<br/>Sis dux et propitia,<br/>Ut in fine sine fine<br/>Mereamur pervenire.<br/>Ubi sancti voce pia<br/>Cantant Ave Maria.</p> |
|--|---|

Collectan. ms. S. Mariae Rivipellensis saec. 13. in. Cod. Parisin. 5132.

### 137. De Beata Maria V.

- |  |   |
|--|---|
| <p>1. Ave, virgo, mater pia,<br/>Dei genetrix Maria;<br/>Ave, diu praedicata<br/>Et figuris demonstrata.</p> <p>2. Ave, virgo patri cara,<br/>Plus quam sol et stella clara,<br/>Ave, Christi mater munda,<br/>Sancto spiritu fecunda.</p> | <p>3. Ave, virgo gloriosa,<br/>Dei mater speciosa,<br/>Ave, caeli nitens porta,<br/>Per quam terris lux est orta.</p> <p>4. Ave, virgo Deo grata<br/>Et ab ipso consecrata,<br/>Ave, pulchra plus quam luna,<br/>Quam fideles petunt una.</p> |
|--|---|

- |  |   |
|--|---|
| <p>5. Ave, virgo praelecta,<br/>Dei genetrix effecta,<br/>Ave, omni labe pura,<br/>Desperatis spes futura.</p> <p>6. Ave, virgo admiranda,<br/>Iam a cunctis veneranda,<br/>Ave, decens et decora,<br/>Clarior lucis aurora.</p> | <p>7. Ave, virgo et intacta,<br/>Salvatoris mater facta,<br/>Ave, cunctorum regina<br/>Et dolorum medicina.</p> <p>8. Ave, virgo benedicta,<br/>Incorrupta mater dicta,<br/>Ave, clemens et serena,<br/>Pietate semper plena.</p> <p>9. Ave, virgo, maris stella,<br/>Quae post partum es puella,<br/>Ave, fulgens margarita,<br/>Per quam nobis data vita.</p> |
|--|---|

Collect. ms. liturgicum incert. orig. saec. 13. in Cod. Tolosan. 871. — 1, 3 Que diu. — 2, 2 sol et caelo clara. — 3, 4 Per quam caelis lux. — Abschrift von André Carrère S. J.; vgl. *Revue des langues Romanes* 1895, p. 121. Verbunden ist mit dieser Dichtung der Rhythmus „Vale virgo regia“, der offenbar ein Ganzes für sich bildet.

### 138. De Beata Maria V.

- |   |  |
|---|--|
| <p>1. Vale, virgo regia,<br/>Dei plena gratia;<br/>Vale, Iesse virgula,<br/>Florida per saecula.</p> <p>2. Vale, stirps Davidica<br/>Et mater deifica,<br/>Vale, decus virginum,<br/>Quae portasti Dominum.</p> <p>3. Vale, mater Domini,<br/>Grata sancto flamine;<br/>Vale, caeli domina,<br/>Nostra delens crimina.</p> <p>4. Vale, quae per filium<br/>Es salus fidelium,<br/>Vale, expers criminis.<br/>Mater veri luminis.</p> <p>5. Vale, in quam caelitus<br/>Venit sanctus spiritus,<br/>Vale, quae caelestia<br/>Regis et terrestria.</p> | <p>6. Vale, per quam Dominus<br/>Delet nostrum facinus,<br/>Vale, vita saeculi<br/>Et spes vera populi.</p> <p>7. Vale, sole clarior<br/>Atque luna pulchrior,<br/>Vale, plus quam lilium<br/>Candida convallium.</p> <p>8. Vale, semper floribus<br/>Redolens prae omnibus,<br/>Vale, virgo habilis,<br/>Mater ineffabilis.</p> <p>9. Vale, virgo inclita,<br/>Iuxta Christum posita,<br/>Vale, super aethera,<br/>Pia gestans viscera.</p> <p>10. Vale super omnia,<br/>Omni digna gloria,<br/>Vale, quae peccantium<br/>Misereris omnium.</p> |
|---|--|

Collect. ms. incert. orig. saec. 13. in Cod. Tolosan. 871. A. — Collect. ms. incert. orig. saec. 15. Cod. Parisin. Nouv. acq. 1544. B. — Str. 1—6 inkl. fehlen B. Nach Str. 10 fügt dieses bei:

Virgo perennis, ave, qua mundus solvitur a Vae,  
Porta salutis, ave, per quam patet exitus a Vae;  
Venit ab Eva Vae; Vae quae tollis, ave!

In A verbunden mit dem Rhythmus „Ave, virgo, mater pia“. Abschrift daraus von André Carrère S. J.; vgl. *Revue des langues Romanes* 1895. p. 121 sq.

139. De Beata Maria V.

- |  |  |
|--|--|
| 1. O regina sanctitatis<br>Et magistra pietatis,<br>Disciplina veritatis,<br>Instrumentum bonitatis,<br>Nutrimentum libertatis,<br>Documentum lenitatis.             | 7. De te praesumentium.<br>In te confidentium,<br>Lacrimas fundentium,<br>Misere gementium,<br>Amare dolentium,<br>Vere paenitentium.    |
| 2. Audi preces, quas fundimus.<br>Te placare contendimus,<br>Quam semper offendimus,<br>Nosmetipsos confundimus,<br>Non peccata defendimus,<br>Cicatrices ostendimus | 8. Virgo beatissima,<br>Sanctarum sanctissima,<br>Piarum piissima,<br>Dulcisque dulcissima,<br>Magnarum permaxima,<br>Mater amantissima. |
| 3. Tibi, mater, quam laesimus;<br>Quidquid enim commisimus<br>In fide, quam promisimus,<br>In te, pia, peccavimus<br>Nec te pie vocavimus,<br>Cum a bono vacavimus.  | 9. Singularis femina,<br>Dominarum domina,<br>Dele nostra crimina<br>Et tuorum nomina<br>[Per tua iuvamina]<br>[Scribe] vitae pagina.    |
| 4. Tu diadema regium.<br>Tu miseris refugium.<br>Contra hostes praesidium<br>Et suave remedium.<br>Confer nobis auxilium<br>Et utile consilium.                      | 10. Attende suspiria<br>Ad te suspirantia,<br>Comple desideria<br>Te desiderantia.<br>Innumerabilia,<br>Tuis odibilia                    |
| 5. Placare cura filium,<br>Qui lumen est fidelium.<br>Audi, virgo virginum,<br>Quae lactasti Dominum,<br>Verum lumen luminum,<br>Redemptorem omnium,                 | 11. Vitiorum retia<br>Disrumpe propitia,<br>Ut caeli palatia<br>Ingressi te praevia.<br>Calcata superbia<br>Et eius familia,             |
| 6. Preces supplicantium,<br>Sese accusantium.<br>Te desiderantium.<br>Ad te suspirantium,<br>Per te dimicantium,<br>In te gratulantium.                              | 12. Absorpta miseria<br>Et omni penuria,<br>Cum summa victoria<br>In caelesti curia<br>Regnemus in gloria<br>Per aeterna saecula.        |

Collect. ms. incert. orig. saec. 13. in. Cod. Tolosan. 871. — 9, 6 Suis in vitae pagina. — 11, 6 Ut eius. — Abschrift von André Carrère S. J.: vgl. auch *Revue des langues Romanes* 1895, p. 123.



140. De Beata Maria V.

(Figurae veteris Testamenti.)

1. Gaude, virgo laudabilis,  
Gaude, mater mirabilis,  
Nati per exordia,  
Dei mater et filia,  
Ipsi nos reconcilia  
Impetrando gaudia.
2. Gaude, mater virginalis,  
Gaude, virgo triumphalis,  
Per Dei potentiam,  
Inter matres nulla talis,  
Nato consubstantialis  
Per carnis materiam.
3. Post esum pomi vetiti,  
A sponsa sponso traditi  
Serpentis astutia,  
Post collatam miseriam  
Traheris in memoriam  
Praemunis malitia.
4. Praedixit Deus veteri  
Serpenti caput conteri  
Muliebri capite;  
Tu caput es femineum,  
Concalcans vipereum  
Paupertate divite.
5. Sponsis serpens mortem parat,  
Frater fratris caput arat  
Vulnere letifero;  
Fratricida fit Iudacus,  
Cum mortem passus est Deus  
Ligno salutifero.
6. De lumbis Adae prodiens,  
Ab arcae claustris exiens  
Successorum germine,  
Collata benedictio  
Tua multiplicatio  
In sanctorum agmine.
7. Dumque patris nuda videt  
Cham pudenda, male ridet  
Sibi dans opprobrium,  
Deridentes facta Dei  
Crucifixi sic Iudaei  
Sibi dant exitium.
8. In filio iucundare,  
Promisso filio Thare  
Procedente tempore,  
Tres videns unum honorat,  
Cibos ponit et adorat  
In prostrato corpore.
9. Theos Abrahae sic dicam:  
Benedicens benedicam  
In data progenie,  
Nam filium Sarae dabo,  
Ismael multiplicabo  
Numero familiae.
10. Sacerdos magnus, rex Salem  
Vini, panis immortalem  
Placat sacrificio;  
Sic verus sacerdos fratri  
Misertus obtulit patri  
Se crucis supplicio.
11. Tu es odor agri pleni,  
De quo memoria seni  
Caligatis oculis,  
Postremum benedicenti  
Placet Deo et parenti  
Fitque notum saeculis.
12. Videns Deum Iacob luctat,  
Benedictus sic eructat:  
Vidi Deum facie;  
Datur nomen, salus datur  
Et nobiscum minoratur  
In humana specie.

13. Redemptorem Christum credit  
Iob temptatus nec recedit  
A fidei solio,  
Resurrecturum se clamat  
Et visurum se, quem amat,  
Ultimo iudicio.
14. A patre missus accedit  
Ad fratres Ioseph. recedit  
Venditus in pretium.  
Noster a patre descendens  
Verus Ioseph fit ascendens  
Post crucis supplicium.
15. Primus Ioseph venundatus  
Honoratur et temptatus  
Profecit scientia,  
Noster pie humanatus.  
Temptatus et cruci datus  
Resurgit potentia.
16. Fraternitas non cognoscit  
Fratrem, nec minus ignoscit  
Humilis in prosperis;  
Ab angelo minoratus  
A proximis ignoratus  
Miseretur miseris.
17. Dixit Iacob: Princeps erit  
Iudas nec stirpi deerit  
Scepтрalis potentia,  
A gentibus expectatus  
Donec veniet rex natus.  
Dei sapientia.
18. Rubum videt inflammatum  
Moyses nec minoratum  
Pastor factus ovium;  
Stat rubus in incendio,  
Sic stat in puerperio  
Virgo gignens filium.
19. A servitute lutea  
Surgens abit gens Hebrea  
Sequens Dei famulum;  
Ab inferni potentia  
Redemit sapientia  
Deus Dei populum.
20. Dat Hebraeis salutare  
Nubis, ignis luminare  
Auferendo devium;  
Sic geminat in renatis  
Luminare caritatis  
Pellens omne noxium.
21. Manna mandunt in deserto,  
Carnes pluunt in aperto,  
Tollitur inopia;  
Manna replet vas aureum,  
Sic uterum virgineum  
Deus Dei copia.
22. Pontificis virga floret,  
Fructificat, cum ignoret  
Naturae suffragium:  
Virgo, natura mirante  
Illibata post et ante  
Dei parvis filium.
23. Per Balaam appellaris  
Stella Iacob, lux solaris.  
Luminis initium;  
Ex Israel surgens domo  
Praeparans Deus et homo  
Ducibus exitium.
24. Turbis inquit legislator:  
Post me surget profanator,  
Tamquam me suscipite;  
Prophetam qui recipiet  
Venturum, nunquam periet  
A sanctorum tramite.
25. Signa quaerit, dantur signa  
Gedeoni duo digna,  
Pluvia madentia;  
Ibi Deus a simili  
Divina confert humili  
Rorans beneficia.
26. Samson ducit alienam,  
Revocat Christus egenam  
Gentium ecclesiam;  
Samson urbis claustra tulit,  
Inferni Christus abstulit  
Captivam familiam.

27. Anna sterilis a pari,  
Cum te vidit fecundari,  
Grates agit Domino;  
Praedicat Christum regnare  
Et deinceps iudicare  
Ignorato termino.
28. Regem dedit Israeli  
Loquens Deus Samueli  
Facie ad faciem;  
Reprobat, cum non obedit,  
Deus hunc, alterum dedit;  
Cognitus per speciem.
29. Regnat David et post eum  
Regnare promittit Deum  
Deus suo semine;  
Semen David assevero  
Verbum in homine vero,  
De te natum virgine.
30. Ego flos campi. liliū  
Sum, Deus, et convallium  
Spes, salus humilium.  
Tibi, mater, virginitas,  
Tibi, virgo, fecunditas,  
Duplex beneficium.
31. Salomonis consecrata  
Mulier quaerit a data  
Frui sapientia;  
Sterilis et viduata  
Ad Christum est revocata,  
Cedit idolatria.
32. Veniet rex, inquit illa  
Austri regina Sibylla,  
Sceptra praebens regibus,  
Novus nova signa dabit  
Et in fine iudicabit  
Cum suis principibus.
33. Iuxta vaticinium  
Isaiae filium  
Profers maris nescia;  
Rorat caelum, nubes pluunt  
Salvatorem et effluunt  
Eius beneficia.
34. Novum fecit Deus mirum,  
Cum tu sine viro virum  
Concepisti, femina;  
Placantem genus hominum  
Deo patri tu Dominum  
Peperisti, domina.
35. Clausam vidit portam sera  
Ezechiel et revera  
Notatur sacrarium;  
Clausam semper exstitisti  
Parens, Deo tribuisti  
Humile refugium.
36. Adventu sancti sanctorum  
Cessabit circumcisorum  
Regalis inunctio,  
Fiat licet temporalis  
Eius virtus, triumphalis  
Sic sanctorum natio.
37. Signum datur sannianti  
Regi lapis, ignorantī  
Lapidis officium;  
Lapis Christus struens reges,  
Idolatrias novas leges  
Dans vitae commercium.
38. Tres illaesi sunt ab igne,  
Quia Deus suos digne  
Salvat salvans omnia;  
Patri, nato, paraclito  
Laudes referunt subito  
Sopita calumnia.
39. Mira videns mira refert  
Rex indignus, cui defert  
Superna clementia;  
Quantus, inquit, Dei natus  
His apparens miseratus  
Adest cum laetitia.
40. Sic eructat Virgilius:  
De caelo natus filius  
Et nova progenies  
Procedet tam subtilius,  
Quam ipse mirabilius  
Novat novas facies.

41. De te, virgo singularis,  
Prodit lapis angularis  
Aptus aedificio,  
In structura, cum surrexit,  
Duas uno circumtexit  
Gentes beneficio.

Serm. mss. incert. orig. saec. 13. in. Cod. Oxonien. Laud. miscell. 269.  
add. saec 13. ex. — 21, 1 Magna mandunt. — 21. 4 Magna replet. — 35, 2  
Iezechiel. — 36, 6 sanctorum facio. — Abschrift von Rev. H. M. Bannister.

141. De Beata Maria V.

1. Ad sermonem nostrae laudis,  
Miseris quas nunquam claudis,  
Aures tuae pietatis  
Nunc inclina,  
Orbis terrarum regina.
2. Dona nobis intellectum,  
Ut loquamur, quod est rectum,  
Ne iuxta pravorum morem  
Incidamus in errorem.
3. Fac, vox nostra sit sonora,  
Quo te laudet omni hora,  
Et concelebre mens munda  
Laudatione iucunda.
4. Mater Dei o benigna,  
Angelorum laude digna,  
Non ad plenum tua gesta  
Cuiquam sunt manifesta,
5. Tua facta nec referre  
Gens valet totius terrae,  
Dum quisque pro posse suo  
Psallit in honore tuo.
6. Si quis preces pro peccato  
Adfert, has praesentâ nato,  
Offerre quae tibi cernis,  
Mente devota non spernis.
7. Virgo sancta, mater Dei,  
Ad quam confugiunt rei,  
Ab his poenis, quas meremur,  
Tua prece liberemur.
8. Splendor expers tenebrarum,  
Quo processit lumen clarum,  
Maria, virgo beata,  
Sic fuit in mundo nata.
9. Orta genere regali  
Gratia spirituali  
Affluenter est imbuta,  
Servans legis instituta.
10. Haec diligenter nutrita  
Et honeste custodita.  
Ioseph sancto desponsata.  
Permansit inviolata.
11. Gabriel, Dei electus.  
Ad quam est post haec directus,  
A quo pulchre salutata  
Erubuit perturbata.
12. Verbis consolatur blandis,  
Documentis venerandis  
Ab angelo edocetur,  
Quod mater Dei vocetur.
13. Cui sic respondet illa:  
Ecce, Domini ancilla.  
Fiat mihi, ut dixisti.  
Sim genetrix Iesu Christi.



- |  |  |
|--|--|
| 14. O puerpera sublimis,<br>O sancta, laudanda nimis,<br>Cui mysterium caeleste<br>Creditor angelo teste.            | 24. Demonstrat sancta scriptura,<br>Istud factum propter plura,<br>Scilicet, ut hunc antiquus<br>Non cognoscat inimicus. |
| 15. Suscipiens illud Ave,<br>Dulce verbum et suave,<br>Quod cunctis nimis est mirum,<br>Concipis nesciens virum.     | 25. Nam si vere cognovisset,<br>Deum non crucifixisset,<br>Pretio sanguinis empti<br>Nec fuissemus redempti.             |
| 16. Est tuum corpus intactum<br>Templum Dei in te factum,<br>Quem revera genuisti<br>Et [tuo] lacte pavisti.         | 26. Dedit illi Deus tale<br>Solacium maritale,<br>Ne corrupta crederetur<br>Et ob hoc lapidaretur.                       |
| 17. Caelum, terram gubernantem<br>Dum conspiceres reptantem,<br>Piam dextram porrigebas<br>Et sustinens erigebas.    | 27. Princeps virginum, Maria,<br>Per te reddita est via,<br>Quam clauserat nobis Eva<br>Pro suasionem saeva.             |
| 18. Hic in cunis dum vagiret,<br>Blandimentis, ut dormiret,<br>Saepius obtinuisti<br>Et pannis operuisti.            | 28. Forma, decus puellarum<br>Et sanctior feminarum,<br>Regem, iustitiae solem,<br>Gaudens esse tuam prolem.             |
| 19. Mater Dei atque nutrix,<br>Esto nobis nunc adiutrix,<br>Sicut nos cognoscis velle,<br>[Et] peccata procul pelle. | 29. Ut sanctus evangelista<br>Fideliter dicit ista,<br>Deum verum incarnatum<br>Confitemur tuum natum.                   |
| 20. O nova res et miranda,<br>Per saecula memoranda,<br>Qui terram palmo concludit,<br>Cum virgine matre ludit!      | 30. Verba, quae dixit propheta,<br>Cognoscimus adimpleta,<br>Dat Deus benignitatem<br>Propter suam caritatem.            |
| 21. Qui caeli continet thronum<br>Et a quo est omne bonum,<br>Quemadmodum illi placet,<br>In sinu puellae iacet.     | 31. Terra nostra dedit fructum<br>De caelestibus adductum,<br>Quo cibati et refectioni<br>Universi sunt electi.          |
| 22. Quae laetatur, sicut debet,<br>Et oscula ei praebet,<br>More feminei sexus<br>Nato suo dat amplexus.             | 32. Hanc, ut psalmista praedixit,<br>Terram Deus benedixit,<br>Avertens captivitatem<br>Et dans nobis libertatem.        |
| 23. A quibusdam dubitatur<br>Haec viro cur desponsatur;<br>Dicamus, ne quis ignoret,<br>Nimirum, ut custos foret.    | 33. Praefulgida maris stella,<br>Iesum Christum interpella,<br>Ut tua prece placatus<br>Nostros expurget reatus.         |

34. In mundo pro quo pressuram  
Tu sustinuisti duram,  
Martyrium passa forte  
Illius conspecta morte.
35. Capta nimio maerore,  
Sauciata es dolore,  
Dum dator aeternae lucis  
Toleraret poenam crucis.
36. Tu assumptionis hora  
Consurgens velut aurora,  
Sicut cunctis est compertum,  
Mundum relinquis desertum.
37. Adest angelorum coetus,  
Et Iesus occurrit laetus,  
In caelesti throno secum  
Te locans, ut fuit aequum.
38. Inter claras margaritas,  
In caelesti sede sitas,  
Das fulgorem claritatis,  
Nil habens obscuritatis.
39. Sancta sic glorificata,  
Dilue nostra peccata,  
Rogans regem sempiternum,  
Ne cadamus in infernum,
40. Regnum quo possideamus,  
In quo semper gaudeamus  
Cum agminibus sanctorum  
Per saecula saeculorum.

Collect. ms. incert. orig. (Gallicum?) saec. [12. et] 13. Cod. Bernen. 702. — 6, 2 quas praesenta — 19, 1 et nutrix. — 25, 1 cognovissent. — 25, 2 Dominum non crucissent. — 27, 1 virginum regina. — 29, 2 dicit ita. — 36, 4 relinquisti. — 40. 1 Regnum ergo possideamus. — Die Handschrift überschreibt das Gedicht: S. Gregorius de beata Maria. Selbstverständlich ist dasselbe höchstens aus der zweiten Hälfte des elften, wahrscheinlicher erst aus dem 12. Jahrhundert. 15, 2 zitiert die Sequenz: Verbum bonum et suave.

#### 142. De Beata Maria V.

1. Stillat in stellam radium  
Caeleste stillicidium,  
Mel stillans, quo nil melius,  
Virginale praecordium  
Praeter naturae studium  
Dum replet Dei filius.
2. Gaudet virgo, quae filium  
Patrem parit humilium,  
Praeter quem non est alius;  
In luctum vertit gaudium  
Crucis sustinens taedium  
Stella praesente radius.
3. Maternum cor fit anxium,  
Dum videt, quod supplicium  
Filius sentit anxius.  
Nam propitiatorium,  
Sacri cordis sacrarium.  
Percussit ipse gladius.
4. O virginale lilium,  
Rosa per hoc martyrium,  
Donum nacta beatius,  
Ora patrem, pia, pium,  
Post huius vitae stadium  
Ut sit nobis propitius.

Collect. ms. Gallicum saec. 13. Cod. Parisin. fr. 25408.

143. De Beata Maria V.

1. Salve, parens adornata  
Virtutibus et signata  
Signo pudicitiae,  
Praelectum vas honoris,  
Sanctissimum vas odoris,  
Vas omnis munditiae.
2. Vas decoris, vas sacratum,  
Vas splendoris, deauratum  
Auro sapientiae,  
Vas prae cunctis sublimatum,  
A Deo miseris datum  
In necem miseriae.
3. Vas sine pari formatum,  
Omni bono perornatum,  
Plenum omnis gratiae,  
Vas mundatum, nos emunda,  
Saepe munda et remunda,  
Vas misericordiae.
4. O theotocos, flos florum,  
O redolens arca morum,  
Tu candes ut lilium;  
Parum dixi, nam candore  
Nivem vincis et odore  
Omne aromaticum.
5. O electa sprete Vasthi,  
Gentem tuam liberasti  
Aman morti tradito,  
O fiscella Mosaica,  
Vultum benignum indica  
Gregi tibi subdito.  
Virgo munda, nos emunda,  
Saepe munda et remunda,  
Gratis, non ex merito.
6. Salve, mater pietatis,  
Adnullatrix vetustatis,  
Novae vitae formula.  
Salve, virgo, noster [risus],  
Archa Noe, paradisus  
Et Aaron virgula.
- Virgo munda, nos emunda,  
Saepe munda et remunda,  
Iustitiae regula.
7. Mater dulcis, clemens, pia,  
Mundi [salus], caeli via,  
Tu Engaddi vinea,  
Gemma caeli, mundi rosa,  
Proles David gloriosa,  
Tu es urna aurea.  
Virgo munda, nos emunda,  
Saepe munda et remunda  
Eruens a framea.
8. Mater veri Salomonis  
Atque vellus Gedeonis,  
Nos in pace visita,  
Quae per rubum designaris  
Et regina nuncuparis  
Prae omnibus inclita,  
Virgo munda, nos emunda,  
Saepe munda et remunda  
Et nobiscum habita.
9. Felix Anna, iucundare,  
Quae meruisti portare  
Genetricem gloriae,  
Quae puteum sine fundo  
Arenti dedisti mundo,  
Unde potus veniae.
10. Sancta Lucia, laetare,  
Quae parenti sine pare  
Servis vera nuntia,  
Illi prae amore iuncta,  
Servitio rite functa  
Pietatis gratia.
11. Sancta Fides cum socia  
Elisabeth, matre pia,  
Nobis posce veniam,  
Ad hoc rei suspiramus,  
Te propter hoc exoramus  
Et caelestem curiam.

- |   |   |
|---|---|
| 12. Ad te, Maria, redimus,<br>Quia sine te perimus,<br>Porta caeli pervia,<br>Omnis intrans intrat per te,<br>Hoc scit et videt aperte,<br>Qui manet in patria. | 13. Fac nos immunes a malo,<br>Quod attulit Eva malo,<br>Et post mortem in gloria<br>Nos recipe cum gaudio<br>Regnatos cum filio. |
|---|---|

Collect. ms. S. Mariae de Noa saec. 13. Cod. Parisin. 3388.

144. De Beata Maria V.

- |  |  |
|--|--|
| 1. Ave, gloriosa,<br>Dulcis et formosa,<br>Mater gratiae,<br>Stirpe generosa,<br>Prole pretiosa,<br>Fons clementiae.         | 6. Tu virgo sacrata,<br>Flore comparata<br>Rosae, lilio,<br>Moribus ornata,<br>Vernas sicut prata<br>Flore vario.            |
| 2. Gemma pietatis,<br>Nexus unitatis,<br>Lanx iustitiae,<br>Norma sanctitatis,<br>Dulcor caritatis,<br>Datrix veniae.        | 7. Tu es fons salutis<br>Robore virtutis<br>Et clementia,<br>Caecis, surdis, mutis,<br>Ope destitutis<br>Das remedia.        |
| 3. Tu laus angelorum,<br>Speculum tuorum,<br>Caeli gloria,<br>Tutrix pupillorum,<br>Ductrix captivorum<br>Ad praesidia.      | 8. Tu post Deum prima,<br>Summis ligas ima<br>Pacis fascia,<br>Nobis zeli lima<br>Culpae purgas zima,<br>Sis propitia.       |
| 4. Tu maestis solamen,<br>Aegris medicamen,<br>Piis praemia,<br>Lapsis dans levamen,<br>Salus post certamen<br>Caeli gaudia. | 9. Ave, margarita<br>Pura, non polita<br>Fulgens lumine,<br>Turris monte sita,<br>Fortis et munita<br>Sancto flamine.        |
| 5. Ave, flos pudoris,<br>Parens salvatoris,<br>Plena gaudio,<br>Donis sacri roris,<br>Cordis, artus, oris<br>Carens vitio.   | 10. Tu es benedicta,<br>Nesciens delicta,<br>Vatum carmine,<br>Virga, rubus dicta,<br>Constans et non ficta,<br>Sine dumine. |



11. Tu sacro pudore,  
Sacro fusa rore,  
Paris lilium,  
Nec te matris more  
Cruciat dolore  
Puerperium.

12. Tu, virgo beata,  
Maria vocata,  
Spes fidelium,  
Pure salutata  
Votis et parata  
Te precantium.

13. Ave, vas virtutum,  
Salutis imbutum  
Aromatibus,  
Cui nil hirsutum  
Haeret nec pollutum  
Culpa sordibus.

14. Tu desiderata  
Diu, tandem data  
Sanctis patribus,  
Viam das post fata  
Mente tibi grata  
Famulantibus.

15. Tu nantarum stella,  
Nautas in procella  
Salvans, diceris,  
Tu es Dei cella,  
Favus stillans mella,  
Arca foederis.

16. Tu pons et piscina,  
Portus et carina,  
Quae prae ceteris  
Confers in ruina  
Gratia divina  
Opem miseris.

17. Ave, puellarum  
Speculum sanctarum,  
Splendor gloriae,  
Praemium sanctarum,  
Palma viduarum,  
Flos munditiae.

18. Scala peccatorum  
Ad regna polorum,  
Dono gratiae  
Nos per viam morum  
Duc ad lucis chorum  
Et laetitiae.

Cod. Coll. Corp. Christi Oxonien. 119. — 3, 2 suorum. — 5, 4 sacris. —  
6, 2 phaona comparata. — Abschrift von Rev. H. M. Bannister.

#### 145. De Beata Maria V.

1. Res nova mirabilis,  
Virgo semper amabilis,  
Virgo venerabilis,  
Omnibus comes utilis.

2. Virgo, decus virginum,  
Caeleste lumen luminum,  
Ave, salus gentium  
Firmaque spes fidelium.

3. Virgo, caeli regia,  
Referta plena gratia,  
Deitatis pluvia

. . . . .

4. Virgo super omnia,  
Tu dele nostra vitia  
Et percepta venia  
Perducas nos ad gaudia.

Liber ms. Miraculorum BV. saec. 13. Cod. Parisin. (Arsen.) 3517. — Aus  
derselben Quelle Gautier, Oeuvres Poétiques d'Adam de St. Victor II, 356.

146. De Beata Maria V.

1 a. Area,  
Rosea,  
Vinea  
    Poderis,  
Scirpea,  
Vitrea,  
Laurea,  
    Aetheris  
    Lux miseris  
    Assereris.

1 b. Aurea,  
Turea,  
Mellea  
    Nascervis,  
Gemmae,  
Lactea,  
Myrthea  
    Superis  
    Et inferis  
    Extolleris.

1 c. Olea  
    Iudaea,  
    Iessea  
        Diceris,  
    Tu dea  
    Nivea,  
    Laus mea,  
        Aderis,  
    Quae flecteris,  
    Dum posceris.

2 a. Erravimus,  
Peccavimus  
Et Dominum offendimus,  
Id luimus,  
Quod lusimus,  
Hoc bravio, dum currimus  
In stadio, defecimus.

2 b. Sed gemimus  
Et petimus,  
Ut emundetur animus,  
Nam serimus,  
Quod fecimus,  
Sed ad portum confugimus,  
Dum virginem requirimus.

2 c. Rex optimus,  
Altissimus  
In hac regnat humillimus,  
Quo surgimus,  
Quo vivimus,  
Quo veterem exuimus  
Adam, novum induimus.

3 a. Plebi miserae,  
Lapsae temere.  
Sere  
Propere  
Nectar ab aethere.

3 b. Prolis liberae  
Parens, nitere  
Vere  
Reddere  
Vitam pro munere.

4 a. In te sidere  
Detur surgere,  
Mente cernere,  
Munde vivere,  
Iugo subdere  
Lasciviae iumentum.

4 b. Caeco vulnere  
Nos occumbere  
Dat carnis blandimentum,  
Sed da vivere,  
Da conterere  
Vipereum pigmentum.

5 a. Speciosa  
Virgo rosa,  
Salva peccatores,  
Gratiosa,  
Virtuosa,  
Fac nos meliores.

5 b. Trans clivosa,  
Trans saxosa  
Rege in amores,  
Per spinosa,  
Per umbrosa  
Dirige cursores.

6 a. Generosa,  
Luminosa,  
Tuos da fulgores,  
Ne lutosa,  
Bituosa  
Trahantransgressores.

6 b. Animosa,  
Gloriosa,  
Submove tortores,  
Hic annosa  
Procellosa,  
Stringe percussores.

7. Ave, virgo caelica,  
Flos specialis  
De stirpe Davidica,  
Laus virginalis,  
Sponsio prophetica,  
Sanguis regalis.

8 a. Lux maritalis,  
Spes vidualis,  
Da gaudia,  
Lux, via  
Praevia,  
Thalamus decoris,  
Mater salvatoris.

8 b. Tu curialis  
Pagina moralis,  
Tu Maria,  
Tu pia  
Venia,  
Salus peccatoris,  
Genetrix pudoris.

8 c. Stella navalis,  
Lux verticalis  
In patria.  
Gloria,  
Filia,  
Tui genitoris,  
Summi conditoris.

- 9 a. Nostris hostibus  
Subrepentibus  
Tuis viribus  
    Subeas,  
    Niteas  
Et nos adeas,  
    Cynthia fulgoris.
- 9 b. Tuis precibus  
Tersis sordibus  
Nostris mentibus  
Deleas,  
Paleas  
Et exhibeas  
    Pascua viroris.
- 9 c. Nobis flentibus  
Et labentibus  
In his rupibus  
    Advehas,  
    Augeas,  
Nostri foveas  
    Gratiam vigoris.
- 10 a. Singularis  
Stella maris,  
    Decor et flos florum,  
Sublimaris,  
Adornaris,  
    Vernans aula morum.
- 10 b. Exemplaris,  
Militaris  
    Vita beatorum,  
Popularis,  
Praesularis  
    Laus et spes reorum.
- 11 a. Virgo parens absque pari  
    Munda nos, emunda,  
Pietate puellari  
    Nobis inunda,  
Mellis . .  
    . . . . unda.
- 11 b. In gehenna carcerari  
    Plebe cum immunda  
Nobis absit, sed ornari  
    Stola iucunda  
Fac in Christi  
    corona rotunda.
12. Propera, libera,  
Sanes ut vulnera  
    Animae mortifera,  
Resera, lux, sidera.
- 13 a. Nostrum desiderium,  
    O desiderata,  
Extingue cauterium,  
    Quo fervent peccata,  
Caro dum incendium  
    Parit inflammata.
- 13 b. Sed tu, candens lilium,  
    Deo conformata,  
Flentium refugium,  
    Absterge reata  
    . . . . .  
    . . . . .
14. Cantica  
Lyrica,  
    Rhythmica finio,  
Mystica  
Caelica  
    Cantans in gaudio,  
    Quiete fruar praevio  
Praesidio.



Collect. ms. Vedastinum saec. 13. Cod. Cadomen. 14 (IV<sup>o</sup> 18). — 1 a, 5 Cirpea. — 1 c, 6 Vinea. — 1 c, 7 Laus manens. — 5 b, 3 amore. — 5 b, 6 cruores. — 6 b, 4 amosa. — 8 c, 3 In fehlt. — 9 a, 6 nos adhesis. — 9 b, 4 Doleas. — 9 c, 4 Adveas. — 11 b, 3 adsit. — 11 b, 4 Stola nos. — 13 b, 4 Abstergens rata. — Der Form nach zu urteilen, möglicherweise auch Cantio. Von demselben Verfasser das Lied Veris flos, Herba, ros.

#### 147. De Beata Maria V.

- |   |   |
|---|---|
| 1. Mente gaudens praedicabo<br>Dei matrem et laudabo,<br>Tibi carmen decantabo.                                 | 12. O mater virtutum,<br>Servis tuis scutum<br>Semper praebe tutum.   |
| 2. Cordis mei nosce votum,<br>Malum a me pelle totum<br>Et amoris auge votum.                                   | 13. Ut hostis mali sortes<br>Ipsi vincant fortes<br>Nec malorum sint consortes.   |
| 3. Mater, audi et exaudi,<br>Miserere miseri,<br>Me nunc cerne nec hunc sperne<br>Cantum tui servuli.           | 14. O Maria, mater pia,<br>Mundi salus, vitae via,<br>A te, quidquid gessi,<br>Virgo, non recessi,<br>Te in corde gessi.  |
| 4. Ave, mater desponsata,<br>Dei mater praenotata,<br>Virgo semper illibata.                                    | 15. Opem a te quaero,<br>Mater, nec despero.<br>Sed iuvamen quaero.   |
| 5. Ave, lumen Simeonis,<br>Vellus madens Gedeonis,<br>Sponsa prudens Salomonis.                                 | 16. Solve meorum<br>Vincla peccatorum.<br>Lumen angelorum.  |
| 6. Ave, solis florens hortus,<br>Stella maris, tutus portus<br>Et optatus semper potus.                         | 17. O fons indeficiens,<br>Dulcis et reficiens,<br>Ad te curro sitiens.   |
| 7. Ave, moris disciplina,<br>Tu caelorum es regina<br>Et dolorum medicina.                                      | 18. Imple desiderium<br>Cordis et suspirium,<br>Dulce refrigerium.  |
| 8. Ave, virgo puellarum,<br>Lux sanctorum et sanctarum,<br>Per te crescunt nec marcescunt<br>Flores pudicitiae. | 19. Tu in me robur insere,<br>Ut hostem possim vincere<br>Et tecum semper vivere.   |
| 9. Ave, rosa speciosa,<br>Gemma splendens pretiosa,<br>Virga Iesse fructuosa.                                   | 20. O quam beata,<br>Per quam reserata<br>Sunt Adae vitia!<br>O quam laudanda<br>Mater et amanda<br>Per quam tanta munia! |
| 10. Deum caeli peperisti,<br>Mundo lapso succurristi,<br>Nexum mortis denexisti.                                | 21. O quam serena<br>Virgo, fide plena,<br>Cuius mira iustitia<br>Nostra fuit laetitia.                                   |
| 11. (O) virgo Dei sanctissima,<br>Tu pax mundi tutissima<br>Et vitis fecundissima.                              |   |

- |   |  |
|---|--|
| 22. Haec despexit haec terrena,<br>Caelis regnat haec suprema,<br>Ubi nulla tristitia.  | 31. O res mira, virtus diva<br>Illibata permansisti,<br>Natum caelis praemisisti,<br>Ad cuius dextram resedisti,<br>Quando mundum reliquisti.    |
| 23. Haec est vita mortuorum,<br>Dulce carmen angelorum,<br>Interventrix scelerum,<br>Per quam Christus, rex caelorum,<br>Vincla solvit peccatorum,<br>Preces audit contritorum. | 32. Ibi semper veneraris,<br>Virgo parens, et laudaris,<br>Quae cum Christo gloriaris.   |
| 24. Haec est illa, quae nescivit<br>Thorum viri, dum . . . .<br>Porta patens caelica,   | 33. O quam pium est laudare<br>Dei matrem et amare,<br>Toto corde suspirare.   |
| 25. Haec est virgo, quae portavit<br>Deum verum, quem amavit,<br>Quem laudat plebs angelica.  | 34. Quae laudantem protegit<br>Nec plorantem despicit,<br>Sed quasi mater respicit.  |
| 26. Haec in caelis veneratur<br>Et in terris adoratur<br>A plebe catholica.   | 35. Gaude, mater pietatis,<br>Gaude, norma caritatis,<br>Gaude, forma sanctitatis.   |
| 27. Mater dulcis, nos dignare<br>Tua laude confirmare<br>Et virtute roborare.   | 36. Gaude, virgo castitatis,<br>Gaude, templum trinitatis,<br>In manus tuae pietatis<br>Me commendo, lux claritatis,<br>Ut me mundes a peccatis. |
| 28. Ne in mundo hoc cadamus,<br>Te iuvante evadamus,<br>Lapsi per te resurgamus.  | 37. O virgo<br>Dei piissima.<br>Ad me pia<br>converte viscera.   |
| 29. Virgo, dulcis parens,<br>Tactu viri carens.<br>Modo miro peperisti,<br>Deum caeli genuisti,<br>A quo facta tu fuisti.<br>Post quem virgo permansisti.                       | 38. O quae via es filiis,<br>Tuis succurre servulis,<br>Cunctis fer opem miseris.  |
| 30. Tu a Christo es electa<br>Et ab ipso es protecta.<br>Cuius mater es dilecta.  | 39. Mater dulcis, non me fraudo,<br>Quando Iesum teque laudo,<br>Preces audi, carmen claudio.  |

148. De Beata Maria V.

1. Ave, mea specialis,  
Pulchra, suavis, curialis,  
Meus amor, spes in malis,  
Non est tanta, non est talis,  
    Tu omnium pulcherrima.  
Ave, mater, audi, cara,  
Sancta parens, aurem para,  
Salutanti, supplicanti,  
Te amanti, te laudanti  
    Tu semper esto proxima.
2. Tu imago Dei viva,  
Sanctitatis expressiva,  
Vultum tuum rosulentum,  
Adornatum, luculentum  
    Recogito, considero.  
Vellem, vellem te sentire,  
Quod sis praesens, fac me scire,  
Intuentem intuere,  
Sinum tuum fac patere,  
    Me totum tibi offero.
3. Ave, ave, dulcis rosa,  
Delicata, pretiosa,  
Diligenter inquisita,  
Sitienter concupita,  
    Cur diligentem despicias?  
Diu, diu me neglectum,  
Praetermitis ut abiectum.  
Pia mater appellaris,  
Ne in finem irascaris,  
    Amantes te non decipis.
4. Ave, mea singularis,  
Rosa, rosa tu vocaris;  
Et quid dicam tuis caris,  
Si sperantem aspernaris,  
    Si diligentem despicias?  
Ad te vadam et te quaeram,  
Cuius ero, sum et eram,  
Quoadusque laccessita  
Convertaris vel invita,  
    Quae diligis, quos eligis.
5. Ave, dico te salutans,  
Non ingratum tibi putans,  
Signum da, quod sis vicina.  
Tuam aurem huc inclina,  
    Me qualemcunque audias.  
Ave, cuius cor amavi,  
Vivas, vivas exclamavi  
Et cor meum coaptavi  
    . . . . .  
    Quod nescio, si nescias.
6. Ave, ave tibi dico,  
Me habeto pro amico,  
Nec sit, cara, tibi grave,  
Quod frequento tuum ave.  
    Nec, qualis sim, memineris.  
Ave suave tibi fero,  
Te complexus corde mero,  
Esto praesens, dum te quaero,  
Te praesentem non despero,  
    Amantem te ne oderis.
7. Ave, mea quam dilecta,  
Cuius melle mens allecta  
Currit, ardet, gaudet, amat,  
Ave, salve, gaude clamat.  
    Quam dulcis es amantibus.  
Ave, clemens advocata,  
Sic a tuis es vocata,  
Licet vilis sim persona,  
Mea tamen tu patrona,  
    Praesidium in omnibus.
8. Ave, cuius amor mirus,  
Qui te fugit, est delirus,  
Propter te qui stulti fiunt,  
Omne bonum per te sciunt  
    Agentes vitam liberam.  
Tuus stultus esse volo,  
Quam ex toto corde colo,  
Causa tui si confundor,  
Inde laetor et iucundor.  
    Libenter cuncta sufferam.

9. Ave, bonum magnum meum,  
Salus mea tu post Deum,  
O amata, o beata,  
Semper sis mihi parata,  
Nec tua desit gratia.  
Ave, ave, quam amare  
Est in Christo iam regnare,  
Cuius cor ad te pertingit,  
Totum se ad te compingit,  
Cohaerens cum fiducia.
10. Ave, ave, quam sentire  
Est amando te sitire,  
Nam tu es in veritate  
Maior omni suavitate;  
Felices, qui te cupiunt.  
Ave, ave, quam nescire  
In torpore est perire,  
Te qui ardent, ad te vadunt,  
In amplexus tuos cadunt,  
O quid est hoc, quod sapiunt?
11. Ave, dives et sublimis,  
Mea merces magna nimis,  
Post laborem, post maerorem  
Transfer nos ad tuum florem,  
In pratum verni nemoris.  
Ave, pro qua non quiesco,  
Quam amando iuvenesco;  
Tuus amor totus suavis,  
Lenis, levis et non gravis,  
Impinguans flatum pectoris.
12. Ave, cuius pro amore  
Mori vellem in dulcore;  
O beata mortis hora,  
Ubi ades, o decora!  
Quam felix, cui tunc aderis!  
Visitari, consolari  
Per te sperant tui cari;  
De excelsis, virgo, caelis  
Mihi tunc adesse velis;  
Saluto te, dum veneris.
13. Ave, ave exclamabo  
Meque tibi commendabo,  
Ave, dicam, ave, pia,  
Esto mecum hac in via,  
Maria, modo libera.  
Cara mea, tunc appare,  
O Maria, non morare  
Veni . . . . .  
Et me tuo fer dilecto  
Porrecta mihi dextera.

Orat. ms. Franciscan. saec. 14. in. (Privatbesitz). — 3, 6 neglectam. — 3, 7 abiectam; dafs die Form zu ändern ist, zeigt 6, 2. — 6, 7 complexa. — 8, 6 Tua stulta. — 12, 5 qui tunc. — Dies Lied ist verwandt mit dem Gedichte Anal. XXXII, Nr. 63, den Liedern bei Mone I, Nr. 123—126 und III, Nr. 1195, und zwar nicht blofs in bezug auf die metrische Form, sondern ebensosehr rücksichtlich der Diktion und der Behandlung des Stoffes.

#### 149. De Beata Maria V.

1. Alma redemptoris  
Mater, omnium,  
Salus peccatoris,  
Spes fidelium,  
Quae porta caeli pervia  
Manes filia.
2. Stella maris  
Vocarís,  
Subleva cadentes  
Et flentes  
In hac via, pulcherrima  
Virgo Maria.



3. O quam laudanda,  
Beanda  
Mater Dei,  
Nostrae spei  
Domina  
Tu propitia!

4. Rosa fragrans  
misericordiae,  
Pelle pia  
Nostra vitia,  
Quae genuisti  
regem omnium.

Domina  
Piissima,  
Praesta auxilium,  
Tuum, genetrix, filium  
Fac propitium.

5. Assis nobis  
modo celerius,  
Te invocamus,  
Laudamus,  
Mater, filia,  
Nos tuo nato reconcilia,  
Virgo vere,  
Nostri miserere.

Collect. ms. S. Floriani saec. 13. et 14. Cod. Florian. XI 587. add.  
saec. 14.

### 150. Ad Beatam Mariam V.

1. Ave, mater salutaris,  
Christi sponsa singularis,  
Audi, clara stella maris,  
Audi, plena gratia.

2. Benedicta es in caelis,  
Christi genetrix fidelis,  
Advocata nostra velis  
Esse plena gratia.

3. Cunctis semper es amoena,  
Virgo dulcis, o serena,  
Omni dono tu es plena,  
Speciosa domina.

4. De supernis salutata,  
Bona mater, cunctis grata,  
Virgo manens impraegnata,  
Salve, mater gratiae.

5. Eia, fratres, auscultate,  
Talem matrem invocate  
In vestra necessitate,  
Quae est vena veniae.

6. Felix namque es tu dicta,  
Christi mater benedicta,  
Audi, virgo, mater dicta  
Piissima clementiae.

7. Gaude, mundi lux divina,  
Gaude, caeli et regina,  
Clara stella matutina,  
Fons misericordiae.

8. Haec est illa tam decora,  
Quae ascendit ut aurora;  
Ut conserves omni hora,  
Te rogamus hodie.

9. Illa virgo figurata,  
Multis dotibus ornata,  
Super caelos exaltata  
Mater fuit Domini.

10. Kyrie, qui nos fecisti,  
Et Mariam elegisti,  
Ex qua carnem assumpsisti,  
Dans medelam homini.

11. Lux es alta, o Maria,  
Peccatorum recta via,  
Iesu Christi sponsa pia  
Et regina saeculi.

12. Mater, nostra es beatrix,  
Afflictorum consolatrix,  
Peccatorum liberatrix  
Totius periculi.

Brev. ms. S. Bartholomaei Trisulten. saec. 14. Cod. Vatican. 7683. add.  
saec. 14. — Der Abedarius scheinbar unvollständig.

151. De Beata Maria V.

- |  |   |
|--|---|
| <p>1. Qui te orant, o Maria.<br/>         Esto sui recta via,<br/>         Tuo nato dic, o pia:<br/>         Miserere peccatorum.</p>        | <p>3. Tu es mater puritatis,<br/>         Vas beatæ trinitatis,<br/>         Plena summae bonitatis,<br/>         Paupertatis remedium.</p>   |
| <p>2. Tu es decus beatorum,<br/>         Via, portus viatorum<br/>         Advocataque cunctorum,<br/>         Florum flos virginitatis.</p> | <p>4. Egestorum (es) solacium,<br/>         Errantibus refugium,<br/>         Peccantibus subsidium,<br/>         Aegrotantibus medicina.</p> |
5. Clara stella matutina,  
 Flos et rosa sine spina,  
 Contemplatio divina,  
 Salva nos, virgo Maria.

Collect. ms. Veronense saec. 14. Cod. Capit. Veronen. 823 (819). —  
 Die Schlufszeile jeder Strophe reimt mit den drei ersten Versen der folgenden Strophe; 5, 4 mit 1. 1ff.

152. Ad Beatam Mariam V.

- |   |  |
|---|--|
| <p>1. Mater patris et filia.<br/>         Supernorum laetitia,<br/>         Stella maris eximia,<br/>         Audi nostra suspiria.</p> | <p>2. Regina poli curiae,<br/>         Mater misericordiae,<br/>         In hac valle miseriae<br/>         Sis reis porta veniae.</p> |
|---|--|
3. Maria, propter filium  
 Confer nobis praesidium;  
 Bone fili, prece matris  
 Dona tuis regnum patris.

Cod. Oxonien. Laud. Miscell. 507. saec. 14.

153. De Beata Maria V.

- |   |   |
|---|---|
| <p>1. Illustrator cordium<br/>         Fit nostrae propaginis,<br/>         Salutis exordium<br/>         Compictor imaginis.</p>     | <p>3. Hanc domum, portam, tumulum,<br/>         O Maria, visita,<br/>         Carnis nostrae simillima,<br/>         Ad veram vitam excita.</p> |
| <p>2. O res nova, mirabilis!<br/>         Rosa fraglat lilium,<br/>         Ignara viri seminis<br/>         Virgo profert filium</p> | <p>4. Ave, mater gratiae,<br/>         Solamen miserorum,<br/>         Speculum munditiae,<br/>         Purgamen immundorum.</p>                |

5. Nobile triclinium,  
Tu forma virginalis,  
Deitatis scrinium  
Et flos imperialis.
6. Nunc rore plena gratiae  
Nubesque luminosa,  
Canticum laetitiae,  
Restaure ruinosa.
7. Et vinculum malitiae  
Dissolve, dominatrix,  
Caelesti militiae  
Coniunge, mediatrix.
8. Sis nobis propitia.  
Diva pietatis,  
Solve nostra vitia,  
O decus castitatis.
9. Karitatis vinculo  
Nos semper constringe  
Et caritatis viscera  
Nos indue benigne.
10. Emulos nos facias  
Verae castitatis,  
Amatores facias  
Christi paupertatis.
11. Casta virgo et regina,  
Mater salvatoris,  
Serva nos a tristi nece  
Omnibus in horis.
12. Karbybdis malitiae  
Nos nunquam involvat  
Et orcus miseriae  
Nos non deprehendat.
13. Eia, virgo regia,  
Rivus fluens melle,  
Tua per suffragia  
Mala procul pelle.
14. Nunc virtutum regula,  
Genetrix benigna,  
Cuncta prece sedula  
Comprime maligna.
15. Salve, regis gentium  
Sponsa Sunamitis,  
Sitim pelle mentium,  
Radix verae vitis.
16. Tuum nobis iugiter  
Assit consolamen,  
Ac in morte firmiter  
Prosit adiuvamen.
17. O Christi puerpera  
Dulcis et patrona,  
Nos peccantes repara  
Auferendo vana.
18. Regina dulcis, filium  
Pro nobis tunc exora,  
Quando suum stimulum  
Mors offert sine mora.
19. Fac, o pacis vinculum,  
Virgo singularis,  
Ut tergantur crimina,  
Portus salutaris.
20. Fiat et per gratiam  
Nostri salvatoris,  
Ut sis piatrix criminum  
Pultrixque macroris.
21. En, tu sole pulchrior  
Stella matutina,  
Nos famulantes tibi  
Serves a ruina.
22. Rogamus ergo supplices  
Te, flos virginitatis,  
Nam portus indulgentiae  
Es, forma sanctitatis.
23. Da nobis tuam gratiam,  
Gratiac pincerna,  
Ad tuendum propera,  
Mergamur ne inferna.
24. Es radix odorifera,  
Veniae lucerna,  
Purga nos, puerpera,  
A labe vetera.

- |  |   |
|--|---|
| <p>25. Suavitatis poculo<br/>             Venenum depellis,<br/>         Quod immittit astutia<br/>             Maligni versipellis.</p> <p>26. Te fatemur dominam<br/>             Reginamque caelorum,<br/>         Secerne nos a loculis<br/>             Et poenis infernorum.</p> <p>27. Regis habitaculum,<br/>             Domini Messiae,<br/>         Salva nos in stadio<br/>             Praesentis huius viae.</p> <p>28. Ave, o ficulnea,<br/>             Dans signum aestatis,<br/>         Ad verna aetherea<br/>             Duc nos cum beatis.</p> <p>29. Virgo admirabilis<br/>             In conditione,<br/>         Assis tuis famulis<br/>             Cum protectione,</p> | <p>30. Benigna tu defensio<br/>             Tuorum devotorum<br/>         Atque salus omnium<br/>             Et mater orphanorum.</p> <p>31. In hoc ergo corpore<br/>             Et mundi procellis<br/>         Lites aufer cordium<br/>             Et finem pone bellis.</p> <p>32. Nostra nunc precamina,<br/>             Virgo, fac iucunda<br/>         Christo tuo filio,<br/>             Fac corda nostra munda.</p> <p>33. Gaude, nostrum gaudium<br/>             Atque consolamen,<br/>         Patronam nunc rogamus<br/>             Mentis per nictamen<br/>         Carnis post excidium,<br/>             Ne remoriamen<br/>         Facias, sed hostium<br/>             Vim repellas. Amen.</p> |
|--|---|

Orat. ms. S. Petri Salisburgen. saec. 15. Cod. Petrin. a IV 39. — 33, 3 Et patronam nunc. — 33, 4 Zu nictamen die erklärende Glosse vigilantiam. — Aufschrift: „Oratio de adiutrice nostra. Maria theotocos, continens hoc nomen Iohannes Keckenstorffer de Straubing in serie capitalium.“ — Iohannes de Straubing war Mönch von St. Peter in Salzburg, prof. 28. Juli 1456, ob. 25. Mai 1501.

#### 154. De Beata Maria V.

- |  |  |
|--|--|
| <p>1. Deus admirabilis,<br/>             Solus immortalis.<br/>         Filius spectabilis,<br/>             Patri coaequalis,<br/>         O inenarrabilis,<br/>             Spiritus aequalis,<br/>         Trium manens stabilis<br/>             Norma socialis.</p> | <p>2. Sempiterna trinitas,<br/>             Ens in unitate,<br/>         Trinitatis unitas<br/>             Pari maiestate,<br/>         Perseverans deitas<br/>             In aequalitate,<br/>         Conformis aequalitas<br/>             Una deitate.</p> |
|--|--|



3. Eius influentia  
Vivimus et donis,  
Angelis potentia  
Praesidet et thronis,  
Nulla differentia  
Dominationis,  
Unus in essentia  
Trinus in personis.
4. Frustra modus quaeritur  
Generationis,  
Nam quaerens obruitur  
Vigor rationis,  
Sola fides fungitur  
Vi probationis,  
Haec et prima ponitur  
Pars orationis.
5. O praedestinatio  
Profluens abunde!  
Deus in palatio  
Virginis fecundae  
Incarnatur, ratio  
Nescitur et unde  
Prolis sit donatio  
Genetrici mundaе.
6. Sola scit mysterium  
Incarnationis,  
Sola refrigerium  
Consolationis,  
Sola puerperium  
Generationis,  
Cuius est imperium  
Dominationis.
7. Mater est et dicitur  
Virgo prolis purae,  
Creator transgreditur  
Legem creaturae,  
Vincitur, non laeditur  
Prima lex naturae,  
Auctori conceditur  
Uti plus quam iure.
8. Quam felix fecunditas  
Virginis praesentis,  
Quam perpes integritas  
Matris parientis,  
Quam mera simplicitas  
Angelo credentis,  
Quam regit humilitas  
Incorruptae mentis!
9. Cellula vinaria,  
Rosa sine spina,  
Evae tu contraria,  
Per te lex divina,  
Virtus multifaria,  
Virginum regina,  
Stella marinaria  
Luxque matutina.
10. Praeclusisti devium,  
Virgo singularis,  
Concepisti praemium  
Vitae spiritalis,  
Ducem vitae praevium,  
Aula virginalis,  
Contra mortis taedium  
Virgula vernalis.
11. Tu es oris osculum,  
Plena caritate,  
Mundo dans spectaculum  
Cum humanitate,  
Solis tabernaculum  
Mira claritate,  
Dei habitaculum  
Salva castitate.
12. Te sanctorum populus  
Canit in scripturis,  
Nullus vacat locus  
Signis aut figuris,  
Es exempli baculus  
Novis et futuris,  
Tuae laudis titulus  
Multis forma iuris.

13. Deus ex te nascitur  
Sub humana veste,  
De virga flos oritur  
Isaia teste,  
Vetus homo moritur  
Rigida de peste,  
Novum genus solvitur  
Criminis a reste.

14. Te figurat mystice  
Vellus Gedeonis,  
Te designat typice  
Rubus visionis,  
Tu terra verifice  
Repromissionis,  
Praelata mirifice  
Angelis et thronis.

15. Te mirandam posteris  
Textus praedicavit  
Testamenti veteris,  
Te significavit  
Arca vetus foederis,  
Urna, quae gestavit  
Manna, te prae ceteris  
Signis denotavit.

16. Nostrum es sacrarium,  
Quos exemplo praeis,  
Patens oratorium,  
Liber novae legis,  
Tu reclinatorium  
Mundum summi regis,  
Propitiatorium,  
Medicina reis.

17. Literarum apices  
Tibi famulantur,  
Prophetarum ordines  
Te vaticinantur,  
Te superni iudices  
Digne venerantur,  
Reges ac pontifices  
Per te sublimantur.

18. Verum sed absconditum  
Manna tu portasti,  
Carne dum reconditum  
Deum generasti,  
Patribus hoc abditum  
Verbum revelasti,  
Genus Adae perditum  
Sic recuperasti.

19. In te mercimonia  
Plena sunt dulcoris,  
Perpes castimonia  
Nivei decoris,  
Patrum sanctimonia  
Laudis et honoris  
Praebent testimonia  
Matri redemptoris.

20. Per te repromissio  
Facta consummatur,  
Et praevaricatio  
Prima relevatur,  
Legis excaecatio  
Per te declaratur,  
Sed et novae datio  
Gratiae monstratur.

21. Solamen plangentium,  
Spes desolatorum,  
Cura delinquentium,  
Venia reorum,  
Norma te sequentium,  
Pausa viatorum,  
Vera salus gentium,  
Portus naufragorum.

22. Nullus in periculis  
Se sentit derelictum,  
Sed nec in spectaculis  
Mundi se relictum,  
Precibus qui sedulis  
Cornu gerit fictum,  
Orans pro piaculis  
Nomen benedictum.

23. Tolle vehementiam  
Dirae passionis  
Apponendo gratiam  
Consolationis,  
Moveat clementiam  
Vis compassionis,  
Mater, fer sententiam  
Restitutionis.

24. O Maria, quaerulus  
Asto hic peccator,  
Tui sancti sedulus  
Nominis amator;  
O Iesu, puerulus,  
Matris et creator,  
Asto tibi credulus,  
Meus sis salvator.

Collect. ms. Stiriacense saec. 15. Cod. Stiriacen. L 26 [s. n.]. — 3, 8 Trinis in. — 4, 4 Vigore. — 6, 1 Sola sit. — 10, 1 Praeclusti. — 12, 1 populis. — 13, 8 Omnibus in veste. — 16, 7 Tu propitiatorium. — 17, 3 ordines gegen den Reim; lies indices? — Nach 24, 8 noch: Praestante etc.

### 155. De Beata Maria V.

1. Ave, plena gratia,  
Angelorum domina,  
Virgo Maria;  
Ave, mundi gloria,  
Stella maris fulgida,  
Virgo Maria.

3. Salve, beatissima,  
Rege cordis intima,  
Virgo Maria;  
Nostra dele peccamina  
Tergens et cuncta crimina,  
Virgo Maria.

2. Consolatrix omnium,  
Tu maestorum cordium,  
Virgo Maria;  
Placa tuum filium,  
Creatorem omnium,  
Virgo Maria.

4. Sana corda saucia,  
Dona vitae gaudia,  
Virgo Maria,  
Post hanc vitam veniam  
Ad salvandam animam,  
Virgo Maria.

5. Nos commenda filio  
Ducens ab exilio,  
Virgo Maria;  
Pande caeli ostium  
Dans aeternum gaudium,  
Virgo Maria.

Orat. ms. Franciscanum saec. 15. Cod. Petrin. a I 14. A. — Ibidem 2<sup>o</sup>. B. — Orat. ms. S. Petri Salisburgen. saec. 15. Cod. Petrin. a IV 9. C. — 1, 4 mundi domina A. — 3, 1—3 fehlt A; — 4, 5 Da salvandam AB; Dei salvandam D.

156. De Beata Maria V.

I.

- |  |  |
|--|--|
| 1. O Maria, mater Dei,<br>Ad te camant omnes rei,<br>Ut [tu] fundas preces ei,<br>Qui dat regna requiei.           | 7. Virgo felix, gloriosa,<br>Apud Christum virtuosa,<br>Mea membra vitiosa<br>Purga prece curiosa.                 |
| 2. Mater summae pietatis,<br>Mitte preces pro culpatis,<br>Roga fontem bonitatis,<br>Ut det regnum baptizatis.     | 8. Tu, virgo, patrocinium,<br>Tuum potens auxilium<br>Praesta mihi, consortium<br>In conventu fidelium.            |
| 3. Ad te clamo, qui sum reus,<br>Non te latet dolor meus,<br>Te precante Christus Deus<br>Ut sit suffragator meus. | 9. O regina caelestium,<br>Exora tuum filium,<br>Ut det mihi consilium<br>Et salutis remedium.                     |
| 4. Me agnosco vitiorum<br>Mole carnis otiosum,<br>Qui me scio criminisum<br>Et supernis odiosum.                   | 10. Maria, lumen virginum,<br>Nostrorum sordes criminum<br>Et peccatorum omnium<br>Exstingue, pacis vinculum.      |
| 5. Sed tu, virgo laudabilis,<br>Mater et venerabilis,<br>Sis mihi supplicabilis,<br>Te oro lacrimabilis.           | 11. Ut [Christus], tuus filius,<br>[Me] eruat propitius,<br>Per preces [tuas citius]<br>[Mundet] culpis attentius. |
| 6. Te oro flexis genibus<br>Et cum magnis gemitibus,<br>Ut me mundes criminibus<br>Mundis orationibus.             | 12. Ergo precare filium,<br>Ut mihi sit refugium<br>Concedatque consortium<br>In choro caeli civium.               |

II.

- |   |   |
|---|---|
| 1. Mundi salus, o Maria,<br>Per te patet caeli via,<br>A te poscunt suffragia,<br>Quos constringit angustia.  | 3. Purga labem vitiorum,<br>Medicinaque laborum,<br>Miserere populorum<br>Dans veniam defunctorum.    |
| 2. O caelorum imperatrix,<br>Virgo felix, o beatrix,<br>Ad te clamat gens humana,<br>Mediatrix, [purga vana]. | 4. Stella maris apellaris<br>Et regina salutaris,<br>Gentes, quibus dominaris,<br>Ab iniquis tuearis. |



- |   |  |
|---|--|
| <p>5. Tu ingens spes credentium,<br/>Ipsis praebe praesidium.<br/>· · · · ·<br/>· · · · ·</p> <p>6. O tu virgo valde pia,<br/>Dei mater et filia,<br/>Hostis nequam contraria<br/>Tua vincens potentia.</p> <p>7. Nostrae carnis, o Maria,<br/>Est abundans miseria,<br/>Sua virtus et gloria<br/>Marcescunt sicut folia.</p> | <p>8. Ergo, virgo sanctissima,<br/>Mater Christi carissima,<br/>Tua prece piissima<br/>Roga pro nobis, Maria,</p> <p>9. Quem genuisti, filium,<br/>Ut det mihi consortium<br/>Inter turmas fidelium,<br/>Perennis vitae gaudium.</p> <p>10. Pronus flector ad altare,<br/>Te delector adorare,<br/>Ut me semper custodias,<br/>Preces meas exaudias,</p> |
|---|--|

Virtutibus enutrias  
Et post mortem suscipias.

Orat. ms. S. Petri Salisburgen. saec. 15. Cod. Petrin. a IV 38. — I 3, 3 Christe. — 3, 4 Sis mihi suffragium. — 4, 3 me scis. — 6, 4 Tuis mundis. — 8, 1 praecenum. — 8, 4 Interventu. — 10, 4 per pacis. — 11, 2 Erat propitius. — 12, 4 In horis celi celum. — II 1, 4 contingit. — 5, 1 Tu es ingens. — 7, 3 Sed tuae virtutes ex gloria. — 8, 4 o Maria. — 9, 3 Inter animas fidelium. — 9, 4 Et perennis. — 10, 2 A te lector adorare. — 10, 3 custodiat. — 10, 4 exaudiat. — 10, 5 Virtutibus me et enutriet. — 10, 6 mortem animam meam suscipiat; dann noch: Et ad vitam aeternam perducatur.

### 157. De Beata Maria V.

- |  |  |
|--|--|
| <p>1. Ave, Maria,<br/>Tua mihi memoria<br/>Dulcis sit super omnia.</p> <p>2. Sermonem<br/>De te libens habeo,<br/>Sed culpas meas timeo.</p> <p>3. Ergo tu, sanctissima,<br/>Peccatorum spes unica,<br/>Conforta tuum famulum,<br/>Ut tibi dicat canticum.</p> <p>4. O Maria.<br/>Pia et benigna,<br/>Tu mater es et filia,<br/>Tu patris sapientia,<br/>Tu filii laetitia<br/>Et trinitatis gloria.</p> | <p>5. O Maria,<br/>Tu caeli regina,<br/>Tu spes, tu medicina<br/>Tu stella matutina<br/>Et rosa sine spina.</p> <p>6. O Maria,<br/>Tu sponsa, tu thalamum,<br/>Tu solis habitaculum,<br/>Tu forte propugnaculum,<br/>Hostis non timens vinculum.</p> <p>7. O Maria,<br/>Tu datrix gratiae,<br/>Tu fons misericordiae,<br/>Tu custos innocentiae<br/>Et speculum munditiae.</p> |
|--|--|

- |   |  |
|---|--|
| <p>8. O Maria,<br/>         Tu sidus clarum,<br/>         Tu medela animarum,<br/>         Tu puteus aquarum<br/>         Et hortus deliciarum.</p> <p>9. O Maria,<br/>         Tu thronus Salomonis,<br/>         Tu rubus visionis,<br/>         Tu vellus Gedeonis.<br/>         Tu plena caeli donis.</p> <p>10. O Maria,<br/>         Tu virgula fructifera,<br/>         Tu planta salutifera,<br/>         Tu gemmula lucifera,<br/>         Tu nardus odorifera.</p> <p>11. O Maria,<br/>         Tu dulcis et [mitis]<br/>         Fecundissima vitis,<br/>         Tu via regni caelestis,<br/>         Tu arca albae vestis.</p> <p>12. O Maria,<br/>         Tu tota formosa.</p> | <p>Tu legis glosa,<br/>         Tu stirps generosa<br/>         Et felix puerpera.</p> <p>13. O Maria,<br/>         Tu flos candens,<br/>         Tu gemma resplendens,<br/>         Tu stella clarificans<br/>         Et sidus irradians.</p> <p>14. O Maria,<br/>         Tu tutum refugium,<br/>         Tu scutum debilium,<br/>         Tu sanctitatis lilium<br/>         Et vas virtutum omnium.</p> <p>15. Quid dicam plus, Maria?<br/>         Tu sancta amica,<br/>         Tu vera concordia;<br/>         Scis, quod potes omnia.</p> <p>16. Ergo, virgo virginum.<br/>         Placa tuum filium.<br/>         Ut post vitae terminum<br/>         Ducat ad caeli gaudium.</p> |
|---|--|

Orat. ms. Franciscan. saec. 15. Cod. Petrin a I 14. A. — Collect. ms. Lunaelacense saec. 16. Cod. Vindobonen. 4100. B. — 1, 2 memoria mihi. — 4, 3 Tu fehlt B. — 7, 5 Et fehlt B. — 13, 2 Tu fons candens AB. — 15, 2 sancta anima B.

#### 158. Ad Beatam Mariam V.

- O fons misericordiae,  
 Dulcis regina veniae,  
 Origo pudicitiae,  
 Pacis atque concordiae
5. Reparatrix, virgo, flos virginum.  
 O consolatrix cordium,  
 Miseratrix humilium,  
 Auxiliatrix fidelium,  
 Audi voces precantis agminis.
10. O clemens, dulcis, humilis,  
 Virga Iesse propaginis,  
 Dei mater et hominis,  
 Virgo inviolabilis,

- Exaudi iam preces ecclesiae,  
 15. Ut quae versatur hodie  
 In errore tam impie.  
 Sedato schismate prece pia  
 Tui sit fides in ea,  
 Non a Christo pharisea,  
 20. Sibi grata et acceptabilis.  
 Bella, lites et proelia,  
 Orbi tam horribilia,  
 Pacifica, Maria nobilis.

Orat. ms. Tegurinum saec. 15. Clm. Monacen. 19824. — Fol. 175 b von  
 anderer Hand:

Wesselprunnenses fratres, ite, Christe, precantes,  
 Matris ob merita defunctis sis pia vita  
 Et nos viventes tibi devote famulantes  
 Protege, conserva, mors ne [nos] laedat acerba.

#### 159. De Beata Maria V.

- |   |   |
|---|---|
| 1. Salve, mater salvatoris,<br>Fons salutis, vas honoris,<br>Scala caeli, porta et via,<br>Salve semper, o Maria. | 4. Vera salus infirmorum,<br>Advocata peccatorum,<br>Afflictorum consolatrix,<br>Dulcis Iesu gene[ra]trix.          |
| 2. Salve, Dei sponsa electa,<br>Sine macula concepta,<br>Tota pulchra et formosa,<br>Salve, virgo gloriosa.       | 5. Tu columna nostra fortis,<br>Nos conforta in hora mortis,<br>Sancta parens, virgo pia,<br>Salve semper, o Maria. |
| 3. Salve, rosa sine spina,<br>Mater regis et regina,<br>Decus mundi, stella maris,<br>Inter omnes singularis.     | 6. Salve, virgo veneranda<br>Atque semper praedicanda,<br>Salve, virgo, fons honoris,<br>Mater Christi salvatoris.  |
| 7. Salve, virgo singularis,<br>Mundi decus, stella maris,<br>Per te patet caeli via;<br>Salve semper, o Maria.    |   |

De Levis, Anecdota sacra, p. 109 sq., ohne nähere Quellenangabe.

#### 160. De Beata Maria V.

- |   |   |
|---|---|
| 1. Salve, decus feminarum,<br>Expiatrix nequitiae,<br>Universis sidus clarum,<br>Regnum inaurans gloriae. | 2. Regis regum mater cara,<br>Errantium consolatrix,<br>Gaude, felix stella clara,<br>Nostra o auxiliatrix. |
|---|---|

- |   |   |
|---|---|
| <p>3. Ave. palma fructu pleno<br/>Virtutisque cellarium,<br/>Lava sordes, o amoena,<br/>Dulcis rosa, solsequium.</p> <p>4. Evae mortis commutatrix,<br/>Ductrix tuta mortalium,<br/>Expia, potens oratrix,<br/>Labem, culpam et vitium.</p> | <p>5. Ad te curro, spes unica,<br/>Gaudium summis et imis,<br/>Alma proles Davidica,<br/>Reum me excuses nimis.</p> <p>6. Duc me, precor, ad superna<br/>Collegans caeli civibus<br/>Cordisque purga interna<br/>Malis et vitiis omnibus.</p> |
|---|---|

Brev. ms. Recollectorum Parisiensium saec. 15. Cod. Mazarin. 443 (1018).  
add. saec. 15. — 5. 4 Ream me.

#### 161. De Beata Maria V.

- |  |  |
|--|--|
| <p>1. Ave, clara lux solaris,<br/>Salve, micans stella maris,<br/>Ave, mater orphanorum,<br/>Spes, solamen miserorum.</p> <p>2. Ave, mitis et benigna,<br/>Sempiterna laude digna,<br/>Aula Dei virginalis,<br/>Flos sanctorum specialis.</p> <p>3. Te precamur, o Maria,<br/>Per quam patet vitae via,<br/>Audi voces servulorum,<br/>Solve nexus delictorum.</p> | <p>4. Deus in te venit, pia.<br/>Conformaris tunc sophia,<br/>Per te mundum visitavit<br/>Et a morte liberavit.</p> <p>5. Flos candoris, vernans rosa,<br/>Nulla res est tam formosa,<br/>Praeter Deum nihil tale<br/>Nec tam prorsus speciale.</p> <p>6. Claritate vincens solem<br/>Protulisti mundo prolem,<br/>Hostes nostros qui destruxit<br/>Et ad vitam nos reduxit.</p> |
|--|--|

Collect. ms. Carmeli Treviren. saec. 15. Cod. Treviren. 306. — Nach  
Str. 3 noch die überzähligen Zeilen:

Supplicantes pio corde  
Nos ab omni purga sorde.

#### 162. De Beata Maria V.

- |   |   |
|---|---|
| <p>1. Ave. virgo gloriosa,<br/>Mater Christi pretiosa,<br/>Supra solem luminosa,<br/>Ave, plena gratia.</p> | <p>2. Virgo, vellus Gedeonis,<br/>Virgo, templum Salomonis,<br/>Virgo, septem plena donis,<br/>Audi nos propitia.</p> |
|---|---|
3. Exsulamus pro peccatis  
In Aegypto vanitatis,  
Sed tu, mater pietatis,  
Reduc nos ad patriam.

Collect. ms. incert. orig. saec. 15. in. Cod. Parisin. 11343. — Akro-  
stichon: Ave.



163. De Beata Maria V.

- |   |  |
|---|--|
| 1. O regina paradisi,<br>mater Christi, domina,<br>Quae cum caelo gloriaris<br>super caeli sidera,<br>Conservare me dignare<br>purum contra crimina,<br>Ne antiqui inimici<br>vincat me fallacia. | 2. O serena stella maris,<br>spes sanctorum hominum,<br>Quae es lumen et lucerna<br>peccatorum omnium,<br>Mentem meam hic informa<br>ad amandum Dominum,<br>Ut implere semper possim<br>eius beneplacitum. |
|---|--|

Collectan. ms. incert. orig. saec. 15. Cod. Oxonien. Canon. Patr. Lat. 225. — 1, 7 inimica. — 2, 2 omnium. — 2, 5 meam me informa. — „Oratio subscripta habet centum dies indulgentiae.“ — Abschrift von Rev. H. M. Bannister.

164. De Beata Maria V.

- Ave, decus ecclesiae,  
Mater misericordiae,  
Virgo mitis et benigna,  
Sola bona, sola digna
5. Omni laude et honore,  
Omni loco et tempore,  
Omni maior praeconio  
Omni que desiderio.  
Tuas virtutes canere,
10. Laudes auditas facere  
Nec ipsa vox angelica  
Nec tota possit musica.  
Te amare, te laudare,  
Te post Christum suspirare
15. Sit nostra sapientia,  
Sit nobis super omnia  
Tua dulcis praesentia.

Orat. ms. Campense anni 1462. Cod. Darmstadien 521.

165. De Beata Maria V.

- |  |  |
|--|--|
| 1. Virgo clemens, virgo pia,<br>Virgo dulcis, o Maria,<br>Creator in te formavit<br>Clavem, unde reseravit<br>Semitas promissionis,<br>Aeternae salvationis. | 2. Verus flos virginitatis,<br>Puteus humilitatis,<br>Rosa florens illuminans,<br>Cunctas sordes exterminans,<br>Lacte tuo nutritivisti<br>Pretiosum corpus Christi. |
|--|--|

3. Propterea rogo pie,  
Ut me conserves hodie,  
Ut non peccem mortaliter  
Nec moriar atrociter,  
Sed per tuam potentiam  
Da mihi paenitentiam  
Cum firma contritione  
Et vera confessione.

Orat. ms. Campense anni 1462. Cod. Darmstadien. 521. — 3, 1 te rogo pie.

166. De Beata Maria V.

- |  |  |
|--|--|
| 1. Mater dulcis, nos dignare<br>Tua laude confirmare<br>Et virtute roborare;<br>Ne in mundo hoc cadamus,<br>Te iuvante evadamus,<br>Lapsi per te resurgamus. | 4. Natum tuum praemisisti,<br>Ad cuius dextram sedisti,<br>Quando mundum reliquisti.<br>Ibi semper veneraris,<br>Virgo prudens, et laudaris.                   |
| 2. Virgo dulcis parens,<br>Tactu viri carens,<br>Miro modo peperisti,<br>Deum caeli genuisti,<br>A quo facta tu fuisti,<br>Per quem virgo remansisti.        | 5. O quam pium est laudare<br>Dei matrem et amare,<br>Corde toto suspirare,<br>Quae laudantem protegit<br>Nec plorantem despicit,<br>Sed quasi mater respicit. |
| 3. Tu in mundo es electa<br>Et ab ipso es protecta,<br>Cuius mater es dilecta.<br>O res mira, virtus Christi!<br>Illibata permansisti.                       | 6. Virgo Dei piissima,<br>Ad me converte viscera<br>Et quasi mater filii<br>Succurre cunctis servulis<br>Et fer iuvamen miseris.                               |

Orat. ms. Campense anni 1462. Cod. Darmstadien. 521. — 3, 4 virtus dira. — 4, 2 resedisti.

167. De Beata Maria V.

- |   |   |
|---|---|
| 1. Collaudo te matrem Dei,<br>Laudo fructum ventris tui,<br>Sint benedicta viscera<br>Et tua sancta ubera,<br>Quae lactaverunt Dominum,<br>Aeterni patris filium;<br>Qui non habet initium<br>In te sumpsit exordium. | 2. Sit benedicta pietas<br>Et virtus et humilitas<br>Et tua pudicitia<br>In caelesti laetitia.<br>Ex toto corde et anima,<br>Mente et virtute mea,<br>Visceribus ventris mei<br>Collaudo matrem Domini. |
|---|---|

- |  |  |
|--|--|
| 3. O Christi mater Maria,<br>Iesum clementer invoca,<br>Ut ipsius conceptio<br>Sit vitae nostrae protectio.<br>Eius sancta virginitas<br>Et virtus et humilitas,<br>Baptisma atque passio,<br>Mors atque resurrectio | 4. Sint et eius ascensio<br>Semper nostra defensio<br>De cunctis poenis inferi,<br>Anxietate saeculi.<br>Ex filii tui meritis<br>Et eius sanctis precibus<br>Sit in caelesti gloria<br>Mea perpetim anima. |
|--|--|

5. In manus tuas, Domine,  
Commendo omni tempore  
Corpus meum et animam,  
Quia redemptor meus es  
Et mater tua mea spes.  
De cunctis poenis inferi  
Defendat me mater Dei.

Orat. ms. Campense anni 1462. Cod. Darmstadien 521. — 2, 7 Et visceribus. — 3, 5 Et eius sancta. — 3, 8 et resurrectio. — 4, 1 Sint fehlt. — 4, 2 Sint semper. — 4, 4 Et de anxietatibus. — Nach 5, 7 folgt noch die bekannte Strophe: Maria, mater gratiae, Mater misericordiae etc.

#### 168. De Beata Maria V.

- |   |   |
|---|---|
| 1. Ave, Christi mater digna,<br>Pia, mitis et benigna,<br>Ave, Christi sponsa cara,<br>In virtutum vite clara.              | 5. Ave, virgo iuvans mundum<br>Corruentem in profundum,<br>Ave, virgo, quae infernum<br>Vincis tenens ius supernum. |
| 2. Ave, Christi parens alma,<br>In supernis patens palma,<br>Ave, Christi mater, dicta<br>Super omnes benedicta.            | 6. Ave, virgo, quae per natum<br>Mortem sternis et peccatum,<br>Ave, virgo. morti datum<br>Tuum ora pro me natum.   |
| 3. Ave, Christi splendens stella,<br>Mundo fulgens nix novella,<br>Ave, Christi clara cella,<br>Pro me Christum interpella. | 7. Ave, clemens imperatrix,<br>Terrae, caeli dominatrix,<br>Ave, clemens et amatrix<br>Et virtutum operatrix.       |
| 4. Ave, virgo, Dei templum<br>Castitatis et exemplum.<br>Ave, virgo scandens caelum,<br>Inde lumen dans serenum.            | 8. Ave, clemens vitae datrix,<br>Vitiorum enervatrix,<br>Ave, clemens miseratrix<br>Peccatorum, non peccatrix.      |

- |   |   |
|---|---|
| 9. Ave, clemens expiatrix,<br>Culpa lapsis reparatrix,<br>Ave, clemens mediatrix.<br>Quaeso, mei sis salvatrix.         | 14. Ave, tuis sidus fulgens,<br>Ut aurora mane surgens,<br>Ave, tuis pacem ferens,<br>Inimici vires terens.     |
| 10. Ave, sponsa, florens vitis.<br>Cuius fructus botrus mitis,<br>Ave, sponsa grata cunctis,<br>Pia vivis et defunctis. | 15. Ave, tuis zelo degens,<br>Vitam praebe nostra regens,<br>Ave, mater speciosa,<br>Albens manna, rubens rosa. |
| 11. Ave, sponsa salutaris.<br>Dulcis rebus in amaris.<br>Ave, sponsa singularis,<br>Caecis splendens lux solaris.       | 16. Ave, mater plus decora<br>Sole, luna et aurora,<br>Ave, mater absque mora,<br>Cuncta potens omni hora.      |
| 12. Ave, sponsa potens satis,<br>Me tuere a peccatis,<br>Ave, tuis gemma lucens,<br>Mains solis lumen ducens.           | 17. Ave, mater rubens signis<br>In figuram ardens ignis,<br>Ave, pia, meta mortis<br>Et caelestis dux cohortis. |
| 13. Ave, tuis decor splendens,<br>Et in nocte non offendens,<br>Ave, tuis lux ostendens<br>Claritatem et portendens.    | 18. Ave, via vitae portis,<br>Paradisi flos in hortis,<br>Ave, pia, hora mortis<br>Da ius mihi primae sortis.   |

Orat. ms. Parisense [?] saec. <sup>15</sup>/<sub>16</sub>. Cod. Parisin. 3639. — 13, 2 noctem. —  
17, 1 rubet.

#### 169. De Beata Maria V.

- |   |  |
|---|--|
| 1. Maria, virgo virginum,<br>Ora pro nobis Dominum,<br>Fundamentum ecclesiae,<br>Fons, aula sapientiae. | 3. Summi regis hospitium.<br>Lumen, vita fidelium,<br>Mundi salus, protectio.<br>Nos tuo pasce gaudio. |
| 2. O virgo plena gratia,<br>Mater Dei et filia,<br>Virgo peccati nescia,<br>Sancti spiritus gratia.     | 4. Nobis tibi canentibus<br>Succurre tuis precibus,<br>Gratia tua faciat,<br>Ut Deus nos custodiat.    |
5. O tu es nobis omnia,  
Nos tua pascat gratia.

Orat. ms. Parisiense [?] saec. <sup>15</sup>/<sub>16</sub>. Cod. Parisin. 3639.



170. De Beata Maria V.

- |  |   |
|--|---|
| <p>1. Mater misericordiae,<br/>Devotos tuos protege,<br/>Nos peccatores adiuva<br/>Prece, clemens, continua.</p> | <p>3. Maria, mater Domini,<br/>Sacrarium paracliti,<br/>Virgo, regina virginum,<br/>Ora pro nobis Dominum.</p>            |
| <p>2. Ut quidquid mali fecimus,<br/>Remittat tuus filius<br/>Et purget nos ab omnibus<br/>Vitiis sordibus.</p>   | <p>4. Per tuum, virgo, genitum,<br/>Per patrem, per paraclitum,<br/>Praesens assis ad obitum<br/>Meumque muni exitum.</p> |

Orat. ms. Franciscanum. saec. 15. Cod. Petrin. a I 14. — 2, 3 sq. fehlen; ergänzt nach Anal. XXXII, 174 (Str. 4 und 5 in not.). — 3, 4 ad Dominum. — 4, 1 filium. — 4. 3 Praesens sis.

171. De Beata Maria V.

- |  |  |
|--|--|
| <p>1. Maria, per ingenitum<br/>Patrem precor, ut exitum<br/>Animae meae observes<br/>Hostis depulsa rabie.</p> | <p>3. Maria, per paraclitum<br/>Veni, dulcis, ad obitum.<br/>Tuam pone dulcedinem<br/>Contra mortis acredinem.</p> |
| <p>2. Maria, unigenitum<br/>Deposco te per filium,<br/>In mente me illumina<br/>Vera fide et laetitia.</p>     | <p>4. O Maria, triclinum<br/>Trinitatis eximium,<br/>Mihi post hoc exilium<br/>Ostende tuum filium.</p>            |

Orat. ms. Traunkirchense anni 1523. Cod. Vindobon. 4090. — 4, 1 O fehlt. — 4, 3 per hoc. — 4, 4 Ostende pulcherrimum tuum.

172. De Beata Maria V.

- |  |  |
|--|--|
| <p>1. Maria, virgo virginum,<br/>Quae genuisti Dominum<br/>Sine virili semine,<br/>Verum lumen de lumine.</p>  | <p>4. Per tuum ergo genitum,<br/>Per patrem, per paraclitum<br/>Assis praesens ad obitum<br/>Nostrumque muni exitum.</p> |
| <p>2. Tu sola vitae ianua,<br/>Tibi sit laus assidua,<br/>Virtus, decus continuum,<br/>Imperium perpetuum.</p> | <p>5. Mater Dei sanctissima<br/>Atque virgo perpetua,<br/>Offer nos tuo filio<br/>In caelesti palatio.</p>               |
| <p>3. Largire nobis omnibus<br/>Ad te confugientibus<br/>Per tui nati gratiam<br/>Aeternitatis gloriam.</p>    | <p>6. In hora mortis, domina,<br/>Tu sis nostra custodia<br/>Et perduc nos ad atria,<br/>Ubi est pax et gloria.</p>      |

Orat. ms. Parisiense [?] saec. <sup>15</sup>/<sub>16</sub>. Cod. Parisin. 3639. — 4, 1 filium gegen den Reim. — 5, 1 sq. und 6, 1 sq. läßt der unreine Reim eine Entstellung des ursprünglichen Textes vermuten. — Vgl. zu Str. 4 Nr. 170 Str. 4.

173. De Beata Maria V.

1. Imperatrix egregia,  
Salus humanitatis,  
Angelorum domina,  
Secretum deitatis,
2. Tu nos dignare te laudare,  
Dulcis ter o Maria,  
Gabrielis ore loquelis  
Affaris, virgo regia,  
Tu salutaris, consecraris,  
Mater Christi pia.
3. Tu plenitudo gratiae.  
Tu celsitudo gloriae,  
Munditiae exemplum.  
Tu lux caelestis curiae.  
Speculum innocentiae,  
Tu trinitatis templum.
4. Imperialis calamus  
Pietatisque thalamus,  
Erogabilis balsamus.
5. Tu textuum congeries,  
Tu legis expositio,  
Tu testamenti series,  
Tu prophetarum visio.
6. Tu cedrus in Libano,  
Flos odoris et decoris,  
Sine spina rosa.  
Tu cupressus in Sion,  
Tu oliva fructifera.  
Fonde speciosa.
7. Tu gemma pudicitiae,  
Mater misericordiae,  
Tu cella vera Dei,  
Tu pacis et concordiae,  
Tu nutrimentum gratiae,  
Tu claritatis stella.
8. Nardus odorifera,  
Frutex aromatica,  
Flos stipis Davidicae.
9. Tu es virtutum omnium  
[Insigne] receptaculum,  
Tu castitatis lilium,  
Tu pacis habitaculum,  
Tu vitae principium.  
Tu finis mortis . . .  
Tu mater Dei,  
Tu mater spei  
Et veritatis.
10. Tu via viris invia,  
Tu parens parvis nescia,  
Tu thalamus sine mora,  
Tu sol illustrans omnia,  
Tu sola plena gratia,  
Tu sola natum exora,
11. Ut nobis paenitendi  
det spatium  
Et paenitentibus det  
solacium,  
Ut post hanc vitam regnemus  
in caelesti curia  
Cum omnibus sanctis.

Collect. Lunaclacense saec. 16. Cod. Vindobonen. 4100. — 2, 3 ore verbis. — 4, 1 Imperialis aula summus. — 4, 2 Thalamusque pietatis. — 5, 1 Tu textum vera. — 5, 2 Tu fehlt. — 6, 1 Tu cedrus altitudinis in. — 6, 2 Tu flos. — 6, 5 Uncta oliva fructifera verna. — 8, 3 Flos fehlt. — 10, 6 filium exora. — 11, 1 paenitentibus. — 11, 3 Et paenitendi. — „Orationem sequentem canonizavit Gregorius papa primus anno pontificatus sui primo, qui dedit omnibus ipsam devote dicentibus centum dies indulgentiarum criminalium et venialium et a poena et a culpa.“

174. De Beata Maria V.

- |   |   |
|---|---|
| 1. O regina caelorum,<br>Maria, domina angelorum,<br>Cum sis mater miserorum<br>Medicina et reorum,                   | 5. Advocata tu vocaris,<br>Pro me bona tunc loquaris,<br>Cum iudex iudicabit<br>Et omnes revocabit.                         |
| 2. Dele in me, quod peccavi,<br>Et reduc me, nam erravi,<br>Viam rectam nec agnoscens,<br>Precor te, sis mihi poscens | 6. Tunc me salvum et securum<br>Facias, ne verbum durum<br>Audiam a causa dicti:<br>Ite [a me], maledicti,                  |
| 3. Veniam ad tuum natum,<br>Iesum Christum vulneratum<br>Pro me vili et indigno,<br>Duro fixum crucis ligno,          | 7. Sed potius quod dicetur<br>Iustis, quando dividetur<br>Optimum a pessimo<br>Ab aeterno Domino.                           |
| 4. Passum in humanitate<br>Et non in divinitate.<br>Imploro te, virgo beata,<br>Ut sis mihi semper grata.             | 8. Hoc praesta mihi, virtus patris,<br>Ob amorem tuae matris,<br>Quae te Christum parturivit,<br>Postquam ab angelo audivit |

Procul omni fallacia:  
Ave, plena gatia.

Collect. ms. Lunaelacense saec. 16. Cod. Vindobonen. 4100. — 1, 1 Lies Ave, regina? — 1, 2 Lies O domina angelorum? — 2, 2 Ut reduc. — 2, 3 ne agnoscens. — 3, 4 Dura; fixum fehlt. — 4, 2 deitate. — 5, 3 Lies Quando iudex? — 7, 1 Sed fac potius.

175. De Beata Maria V.

R<sup>o</sup> Funde preces in caelis,  
Maria, stella maris.

- |   |   |
|---|---|
| 1. Remove cito peccata,<br>Unde vota sint grata<br>Omniumque prolata,<br>Maria, stella maris. | 3. Alta unda caelorum<br>Et decus angelorum,<br>Audi preces peccatorum,<br>Maria, stella maris. |
| 2. O Dei benedicta,<br>Ab angelo iam dicta<br>Et in caelis descripta,<br>Maria, stella maris. | 4. Tu tota es formosa,<br>Tu tota speciosa,<br>Tu tota gratiosa,<br>Maria, stella maris.        |

5. Tu es norma iustorum,  
Tutela peccatorum,  
Laetitia sanctorum,  
Maria, stella maris.

6. Eia, glorificata  
Et cum Christo locata,  
Sis nostra advocata,  
Maria, stella maris.

7. Ut a morbo pestilentiae  
Et ab omni pravo scelere  
Nos defendat semper et hodie  
Maria, stella maris.

S. Iohannis Damasceni opera imp. Venetiis 1514. — „Oratio devotissima  
ad virginem Mariam.“

---



# DE SANCTIS.

---



176. De Omnibus Sanctis.

1. Miserere mei, Deus,  
Miserere, factor meus,  
Miserere, Iesu Christe,  
Ne pereat reus iste.
2. Iesu Christe, miserere  
Fac me digne paenitere,  
Paenitenti mihi parce,  
Hostes meos procul arce.
3. Propter tuam bonitatem  
Habe de me pietatem,  
De me pietatem habe,  
Munda cor ab omni labe.
4. Mentem meam in te firma  
Et gratiam mihi praesta,  
Me non possum emendare,  
Nisi velis adiuvere.
5. Precor ergo, Iesu bone,  
Meas sordes tu depone,  
Renova me veteratum,  
Consolare me turbatum.
6. Eleva me corruentem,  
Erige pigrum iacentem,  
Ovem require errantem,  
Dirige me deviantem.
7. Fac quietum me vagantem,  
Sana, precor, aegrotantem,  
Exaudi me te precantem  
Et gratiam requirentem.
8. Pastor bone, rex benigne,  
Ure me spiritus igne,  
Ut ipsius per calorem  
Noxium perdam torporem.
9. Virgo mater salvatoris,  
Memor esto peccatoris,  
Porta caeli, maris stella,  
Pro me natum interpella.
10. Sancte chorus angelorum,  
Omnes virtutes caelorum,  
Apud Deum me iuvate  
Et pro me semper orate.
11. Sancte chorus prophetarum,  
Contio patriarcharum,  
Exorate creatorem,  
Ne me perdat peccatorem.
12. Sancte Iohannes baptista,  
Audi vota clemens ista,  
Agnum fac mihi placatum  
In Iordane baptizatum.
13. Tu quoque, Petre beate,  
Claves caeli cui sunt datae,  
Pro me roga salvatorem,  
Qui posuit te pastorem.
14. Paule, vas electionis,  
Exemplum conversionis,  
Ora tuum conversorem,  
Ut meum tollat errorem.

- |   |   |
|---|---|
| <p>15. Frater Simonis Andrea,<br/>Ad te veniat vox mea,<br/>Hanc ad aurem porta Christi,<br/>Pro quo navem reliquisti.</p> <p>16. Super ceteros dilecte<br/>Et de nuptiis electe,<br/>Custos Dei nimis care,<br/>Pro me Christum deprecare.</p> <p>17. Iacobe, Bartholomaeae,<br/>Philippe, Thoma, Matthaeae,<br/>Iacobe, Simon, Thaddaeae,<br/>Mementote precis meae.</p> <p>18. Sancte chorus innocentum,<br/>Mihi detis iuvamentum,<br/>Qui fuistis moriendo<br/>Testes Christi non loquendo.</p> <p>19. Stephane Christi beate,<br/>Propter Christum lapidate,<br/>Quod orasti lapidanti,<br/>Ora mihi supplicanti.</p> <p>20. Martyr Domini Laurenti,<br/>Certe plus ardens ardenti,<br/>De thesauro pietatis<br/>Opus auge caritatis.</p> <p>21. Sancte Clemens, Sixte, Clete,<br/>Precibus meis favete,<br/>Sacerdos Martine Dei,<br/>Supplicis memento mei.</p> | <p>22. Nicolae, praesul Christi,<br/>Misero succurre isti.<br/>Augustine et Gregori,<br/>Subvenite peccatori.</p> <p>23. O sancte Petre confessor,<br/>Mihi fias intercessor,<br/>Ita mihi subvenite,<br/>Ut ad regnum ducar vitae.</p> <p>24. Paule, Iohannes, Antoni.<br/>Estote mihi patroni,<br/>Sancte abbas Benedicte,<br/>Custos mentis sis afflictæ.</p> <p>25. O vos omnes eremitæ,<br/>Votis meis assentite,<br/>O Maria Magdalene.<br/>Tu memoria me tene.</p> <p>26. Agnes, Agatha, Lucia,<br/>Scholastica, Caecilia,<br/>Katherina, Margareta,<br/>Me ducite ad roseta.</p> <p>27. Vos, sancti et sanctæ Dei,<br/>Vestri mementote rei,<br/>Me nautam in mundi salo<br/>Servetis ab omni malo.</p> <p>28. Sit laus patri creatori<br/>Filioque salvatori,<br/>Eandem habeat flamen<br/>Per cuncta saecula. Amen.</p> |
|---|---|

Collect. ms. S. Mariae in Pontano saec. 13. Cod. Vatican. 4363. A. —  
Orat. ms. Caelestin. S. Mariae de Parisius saec. 15. Cod. Mazarin. 3897  
(605). B. — A unvollständig, nur bis Str. 14 inkl. — 1, 4 Ne damnemur reus  
iste A. — Statt Str. 3 und 4 hat A:

3. A me tolle casus reos.  
Procul arce hostes meos,  
Propter tuam bonitatem  
De me habe pietatem.

4. Pietatem de me habe,  
Munda cor ab omni labe,  
Qui per meam pravitatem  
Tuam sprevi sanctitatem.

4, 2 gratiam tuam mihi B. — 5, 2 Mea crimina depone A. — 5, 3 Revoca  
me fugientem A. — 5, 4 Excita me dormientem. — Str. 6 und 7 in A zu-  
sammen in eine:



Dirige me deviantem  
Et require me errantem,  
Fac quietum me vagantem  
Sana, precor, aegrotantem.

8, 4 teporem A. — 10, 1 Ave, Mater A. — 9, 4 Pro me mater interpella. A. — 10, 2 Et virtutes vos caelorum A. — 10, 3 Dominum A. — 10, 4 Pro me semper et A. — 11, 2 Et chorus A. — Str. 12 fehlt A. — 13, 1 Princeps Petre ceterorum A. — 13, 2 Qui es clavi[g]er caelorum A. — 13, 3 Ora pro me A. — 13, 4 te posuit A. — Nach 22, 3 noch: Ieronyme et Ambrosi gegen Strophensbau und Reim B. — Nach 23, 2 noch: Mihi sitis adiutores B. — 29, 4 ducite ad gaudia B. — 27, 1 O vos B. — 27, 2 Vestri mementote mei B.

### 177. De Omnibus Sanctis.

- |  |   |
|--|---|
| <p>1. Michael cum Gabriele,<br/>caeli cives incliti,<br/>Qui astat is coram Deo<br/>laudibus assidui,<br/>Proclamate: „Sancte Deus,<br/>parce tuo supplici.“</p>           | <p>6. Innocentes, qui pro Christo<br/>inter matrum ubera<br/>Ab Herode necis dira<br/>suscepistis vulnera,<br/>Per haec in me abluatis<br/>scelerum contagia.</p>         |
| <p>2. In Iordane qui tinxisti<br/>agnum sine macula,<br/>Non ut sua, sed ut nostra<br/>solverentur crimina,<br/>Tu, Iohannes, tua prece<br/>reduc me ad supera.</p>        | <p>7. Glorioso Dei serve,<br/>protomartyr Stephane,<br/>Qui primus haberis sacro<br/>martyrum in ordine,<br/>Me per preces tuas turmae<br/>socio caeligenae.</p>          |
| <p>3. Petre, pastor, cui praecepit<br/>Christus oves pascere,<br/>Quem ad vocem ter negasti<br/>unius ancillulae,<br/>Parce mihi, ut per culpam<br/>didicisti parcere.</p> | <p>8. O makari Dionysi,<br/>mea dele scelera,<br/>Qui Francorum Deo colla<br/>subiugasti pingua,<br/>Dehinc rubro rore tinctus<br/>penetrasti aethera.</p>                |
| <p>4. Paule doctor, mentem meam<br/>tu doctrinis instrue,<br/>Quibus iram Dei mei<br/>valeam evadere<br/>Et de culpis ad virtutem<br/>cito queam currere.</p>              | <p>9. Christi piscis, o Laurenti,<br/>te nunc supplex adeo,<br/>Quem assavit Daciana<br/>fervens persecutio,<br/>Ut ab omni vitiorum<br/>me munda contagio.</p>           |
| <p>5. Iesu Christi coheredes,<br/>ceteri apostoli,<br/>Illum pro me supplicate<br/>voce consolabili,<br/>Quo pellatur a me mortis<br/>formido periculi.</p>                | <p>10. Fortis mecum sta, Vincenti,<br/>contra trucem viperam,<br/>Ut hac vita te iuvante<br/>consequar victoriam<br/>Et in caelis praeparatam<br/>victoribus gloriam.</p> |

11. O Thebaea sublevata  
super astra legio,  
Quae draconem durum claro  
superasti proelio,  
Hunc eundem mihi subde,  
te nunc pie flagito.
12. Bellatores gloriosi  
invictique martyres,  
Quos produxit ex se mater  
velut vitis palmites,  
Me vobiscum hinc transferte  
supra caeli cardines.
13. Pastor alme, Nicolae,  
poli civis inclite,  
Caeli regem in decore  
fac me tecum cernere,  
Cuius mira claritate  
fungeris assidue.
14. Meritorum luce fulgens  
Martine sacerrime,  
Quem diversae gentes laudant  
per orbem magnifice.  
Me nitentes iugulare  
potenter persequere.
15. Monachorum, Benedicte,  
doctor insignissime,  
Venenata dirae lupae  
flammas in me destrue  
Et da mihi tuae sanctae  
iugum ferre regulae.
16. Sancte pater, dux, Ebrulfe,  
monachorum inclite,  
In extremo meus esto  
defensor examine  
Et me prece fac solaris  
civem Ierosolymae.
17. Sempiterni regis miles,  
Aegidi clarissime,  
Incursantes me demerge  
Acherontis carcere,  
Ut excelsum ad Olympum  
laetus possim tendere.
18. Confessores, quos munivit  
fidei confessio  
Nec a Deo separavit  
carnis titillatio,  
Vestra prece mihi sitis  
semper in auxilio.
19. Monachorum sacer chorus  
et cultores eremi,  
Quibus pastum praebuere  
panes cinericii,  
Illum pro me supplicate,  
in quo gloriamini.
20. Iam, Maria Magdalena,  
mihi sis piissima  
Et arcentes me culparum  
nexus prece disliga,  
Qui te nitor sequi mea  
lugendo flagitia.
21. Generosa Katherina,  
Christi sponsa fulgida,  
Ipsum pro me interpella  
prece constantissima,  
Ut ab ipso vehar post hanc  
vitam super aethera.
22. Virgines electae Dei,  
Fides, Spes et Charitas,  
Quas nequivit superare  
Adriana feritas,  
Me servate, ne malorum  
me laedat perversitas.
23. Iam a Deo coronatae  
virgines et viduae,  
Quae nocivos ignes docte  
meruistis vincere,  
Saevientis in me flammas  
Veneris extinguite.
24. Omnes sancti, apud Deum  
pro me intercedite.  
Quatenus inferni poenas  
valeam evadere  
Et a culpis liberatus  
caeli regna scandere.

25. Laus et virtus et potestas  
 patri sit ingenito,  
 In eodem permanenti  
 honor unigenito,  
 Ab utrisque procedenti  
 gloria paraclito.

Collectan. ms. S. Ebrulphi saec. 12. Cod. Alenconien. 1. add. saec. 12.  
 — Daraus mitgeteilt von Léop. Delisle im Annuaire Bulletin de la Société  
 de l'Histoire de France. Paris 1863; II. Partie, p. 10 sq.; dort wie auch in  
 der Quelle unmittelbar verbunden mit dem Rhythmus: „O Maria, gloriosa  
 angelorum domina.“ -- Als Verfasser vermutet Delisle — wohl mit  
 Recht — Ordericus Vitalis.

# 178. Cursus de Omnibus Sanctis.

Feria tertia.

## A d M a t u t i n u m.

- |  |  |
|--|--|
| 1. Rex, civium caelestium<br>In quo laetatur contio,<br>Psallens sanctorum omnium<br>Iam summo cum tripudio. | 2. In quorum laudem munera,<br>Quae tibi nunc offerimus,<br>Sint nobis salutifera<br>Tibique grata, petimus. |
| 3. Regi sanctorum omnium<br>In cunctis dominatio,<br>Sit honor, laus, imperium<br>Et gratiarum actio.        |  |

## A d L a u d e s.

- |  |   |
|--|---|
| 1. Te Deum canit iugiter<br>Omnis chorus angelicus,<br>Patriarcharum pariter<br>Et cuneus propheticus. | 3. Sic martyrum organica<br>Te tympana suaviter<br>Et confessorum cantica<br>Mulcent in corde dulciter. |
| 2. Te turba apostolica<br>Hymnis, chorea virginum<br>In cithara harmonica<br>Psallendo laudat Dominum. | 4. In cymbalis sonantibus<br>Tota caelestis curia<br>Et melicis concentibus<br>Coniubilat in gloria.    |

# 5. Regi sanctorum omnium.

## A d P r i m a m.

- |  |   |
|--|---|
| 1. Per sanctos tuos, Domine,<br>Quos iam caelesti lumine<br>Irradiatos novimus,<br>Suppliciter deprecamur, | 2. Nos legem tuam pariter<br>Fac meditari iugiter,<br>Ut semper fructum operum<br>Reddamus salutiferum. |
|--|---|

3. Deo patri per omnia  
Sit virtus et victoria,  
Qui nos cum sanctis omnibus  
Coronet in caelcestitibus.

A d T e r t i a m.

- |  |   |
|--|---|
| 1. Te ob sanctorum merita,<br>Deus, precamur inclita,<br>Qui in caelorum culmine<br>Tecum quiescunt, Domine. | 2. Nos corde, ore, opere<br>Fac innocenter vivere,<br>Ut caeli tabernacula<br>Intremus sine macula. |
|--|---|

3. Deo nostro per omnia.

A d S e x t a m.

- |   |  |
|---|--|
| 1. Per pretiosam omnium<br>Sanctorum mortem praemium<br>Caelorum, Deus, citius<br>Confer nobis propitius. | 2. Reatus rumpe vincula<br>Et submove pericula,<br>Ut vota nostra dulciter<br>Tibi reddamus iugiter. |
|---|--|

3. Deo nostro per omnia.

A d N o n a m

- |   |   |
|---|---|
| 1. Beati sunt, qui habitant<br>Caelos; ut hos, qui militant<br>In terris, iuvent precibus,<br>Praesta, Deus, supplicibus. | 2. Nunc reple nos virtutibus,<br>Confer cum sanctis omnibus<br>Nobis post dona gratiae<br>Aeterna bona gloriae. |
|---|---|

3. Deo nostro per omnia.

A d V e s p e r a s.

- |  |   |
|--|---|
| 1. Promissa, Deus, praemia<br>Nobis in fine temporum<br>Cum sanctis da sublimia,<br>Perennes dotes corporum, | 3. Da animabus pariter<br>Aperte te cognoscere<br>Ac frui te suaviter<br>Perfecteque diligere.              |
| 2. Hinc clara et subtilia<br>Glorificata corpora,<br>Cita, impassibilia<br>Et tui plena pectora.             | 4. Fac nos cum sanctis omnibus<br>In te gaudere Domino,<br>Dum omnia in omnibus<br>Es regnans sine termino. |

5. Regi sanctorum omnium.



Ad Completorium.

- |   |   |
|---|---|
| 1. O lux, sanctorum speculum,<br>Da nobis post hoc saeculum<br>Te sublevatis manibus<br>Laudare in caelestibus. | 2. Te quoque benedicere,<br>Tuas virtutes canere,<br>Da, Deus exercituum,<br>Laudemus in perpetuum. |
|---|---|

3. Deo nostro per omnia.

Orat. ms. Vallis Iocosae[?] saec. 15. Cod. Labacen. 45. — Ad Mat.  
1, 3 Psallentes. — Ad Laud. 2, 2 Hymnus. — Ad Non. 1, 1 sunt fehlt. —  
1, 3 iuvant. — Ad Vesp. 2, 4 tua. — 3, 3 te fehlt.

179. De Paradiso.

- |  |  |
|--|--|
| 1. Paradisi<br>amoena regio,<br>Quam possedit<br>quondam primus homo<br>. . . . .<br>. . . . .                 | 6. In sublime<br>muri divinitus,<br>Nil debentes<br>humanis artibus,<br>Sunt constructa<br>vivis lapidibus.      |
| 2. In te loca<br>pulchra sunt omnia,<br>Nullus turbo,<br>procul sunt nubila,<br>Clari dies,<br>secura tempora. | 7. Fundamentum<br>primo fundamine<br>Est fundatum<br>praeclaro iaspide,<br>Saphyrus est<br>secundus ordine.      |
| 3. In te spirant<br>odore gramina,<br>Rubet rosa,<br>albescunt lilia,<br>Et arbusta<br>profundunt balsama.     | 8. Subsequitur<br>hinc chalcedonius,<br>Quartus adest<br>smaragdus optimus,<br>Post sardonix<br>atque sardonius. |
| 4. Pulcher hortus,<br>mellita flumina,<br>Sonat aura<br>lenis per nemora,<br>Ibi flores<br>et mala punica.     | 9. Chrysolithus<br>in loco septimo<br>Irradiat<br>fulgore aureo,<br>Et beryllus<br>est cum topasio.              |
| 5. Duodecim<br>exornant lapides<br>Portas urbis<br>suas per species,<br>Quos non radet<br>annorum series.      | 10. Chrysoprassus<br>existit decimus,<br>Et iacynthus<br>adest purpureus,<br>Amethystus<br>post duodecimus.      |

11. In istorum  
colore lapidum  
Est signata  
vita fidelium,  
Qui caeleste  
currunt ad bravium.

12. Non est pronum  
vel leve dicere,  
Qua requie  
quave dulcedine  
Perfruuntur  
fideles animae.

Collect. ms. S. Arnulphi Meten. saec. 12/13. Cod. Berolinen. Phil. 1694 (180). — Nach jeder Str. wiederholen sich als Rundreim die Worte: „Quam pulchra es sanctis animabus et requies.“ — Aufschrift: „Rhythmus domni Gibuini, Lingonensis episcopi.“ Einen Bischof von Langres mit Namen Gibuinus hat es nicht gegeben, wohl aber einen Guibuinus, archidiaconus Lingonensis, der später (1077—1082) Erzbischof von Lyon wurde. Ihm wird gewöhnlich dieser Rhythmus zugeschrieben. Zeitgenossen waren übrigens ein Gibuinus II., ep. Catalaunensis († 1004), und ein Gibuinus, ep. Laudunensis, der unter Leo IX. auf dem Konzil zu Reims anwesend war. Cfr. Migne, PP. LL. 142, 1438. — Vgl. Wattenbach, Sitzungsberichte der Kgl. preuss. Akademie der Wissenschaften 1891. 97 ff.

#### 180. De Caelesti Ierusalem.

1. O felix regnum patriae supernae,  
In quo quiescunt agmina sanctorum,  
Gloria multa decorata, cincta  
Pace perenni.

2. Non est scribentis calami signare  
Nec eloquentis hominis narrare,  
Quanta paravit in te regnaturis  
Deus aeternus.

3. Ad te suspirat generis humani  
Perdita proles in parente primo,  
Sed redemptoris caelitus directi  
Morte redempta.

4. Bene suspirat tenebris addicta,  
Quae paradisi gaudiis privata  
Perdidit lumen, quo fruuntur semper  
Cives superni.

5. Namque praesentis luminis splendore  
Fallitur caeca iuvenum caterva,  
Putans iucundum, quod adimplet mundum  
Fletu perenni.

6. Quid enim potest homo moriturus  
Nisi deflare miseras ruinas  
Atque lugere incolatus sui  
Tempore brevi?
7. Est namque miser et infelix valde,  
Qui se, dum vivit, exsulem ignorat,  
Qui non suspirat ad illius regni  
Felicitatem.
8. O si quis posset in palato cordis  
Illius regni epulas sentire,  
Sperneret cuncta, quae iucunda praesens  
Vita mentitur.
9. Nec mirum tamen, si notatur opus  
Pro creaturae merito distinctum,  
Bonis et malis mediisque trinum  
Ante paratum.
10. Nam caelum, terra infernusque simul  
Considerata singula demonstrant,  
Dum in respectu singuli pensatur  
Singulum quodque.
11. Infernus infra tenebrarum locus,  
Desuper caelum luminis superni,  
Media manens arida, communis  
Inter utrumque.
12. Infernus nequam angelos includit,  
Regnum supernum spiritus beatos,  
Terra serpentis sauciatum ore  
Genus humanum.
13. Iam si quaeratur singulorum status,  
Tartarum simul atque paradisum  
Crederet mundum, qui duo diversa  
Contempleretur.
14. Nam in respectu loci tenebrarum  
Mundus hic fallax creditur amoenus,  
Caeli respectu barathrum putatur  
Et iure quidem.
15. Vallis haec namque dicta lacrimarum,  
Lacrimas praestans parentibus primis,  
Omnem suorum filiorum turbam  
Flere coegit.

16. Cur enim non flet homo peregrinus,  
Qui supra flumen sedens Babylonis  
Memor est matris, dum privatur visu  
Tempore multo?
17. O vere mater, civitas superna,  
Ad te suspirant animae fideles,  
Quae tibi roris pocula degustant  
Caelo demissa.
18. Claritas tua claritas aeterna,  
Honor et decus in turribus tuis,  
Et per murorum moenia iucunda  
Cantica laudum.
19. Lapidés tui lapides electi,  
Aurum obrizum pulchritudo tua,  
Ex margaritis ianuarum decus  
Omne consistit.
20. Pretiosorum lapidum structura  
Singula tui fundamenta vernant,  
Et per plateas ligni vitae fructus  
Multiplex surgit.
21. O lignum felix, quod rigatur unda  
Fontis aeterni, qui de throno manat,  
Impetu cuius hilaescit semper  
Civitas Dei.
22. Hae tuae laudes, civitas iucunda,  
Et quas nec lingua resonare potest,  
Immo nec cordis sufficit humani  
Sensus rimari.
23. Verum, si licet, latius pensemus,  
Quanta sit tibi gloria iustorum,  
Qui laureati manent ante thronum  
Regis aeterni.
24. Nunquam laborant, esuriunt nunquam  
Semper exsultant, iubilant et psallunt,  
Quippe cum nulla tempora festiva  
Gaudia claudant.
25. Iam enim imber transiit et hiems,  
Flores in terra undique vernabunt,  
Et exsultantis turturis os nova  
Cantica promet.



26. Voxque laetantis audietur sponsi:  
Surge, quae dormis, propera, dilecta,  
Accipe, felix, tibi praeparatam  
Ante coronam.
  
27. Iam nuptiarum copula fecunda  
Citat cantorum organa iucunda,  
Concrepet simul cohors laetabunda  
Citharoedorum.
  
28. Ad quorum vocem resonat et tellus,  
Chori sanctorum pariter exsultant,  
Et inaudita convivarum corda  
Gaudia replent.
  
29. Verum haec parva exhibet aspectus  
Illius sponsi regis et magistri,  
Qui super omnes imperat et regnat  
Unus et idem.
  
30. Cuius quam mira gloria, maiestas,  
Claritas summa, bonitas immensa,  
Cuius decoris species illustrat  
Saecula cuncta.
  
31. Ergo fallacis gloria contempta  
Mundi quaeramus gaudia superna,  
Ubi sanctorum cunei laetantur  
Sorte felici.
  
32. Gloria tibi, cunctipotens pater,  
Gloria nato et, qui ab utroque  
Semper procedit similis amborum,  
Sit honor unus.

Petri Treccn. Hist. schol. saec. 13. Cod. Francofurt. Barth. 56. add. saec. 13. in. (nach Böhmer, Zeitschr. für deut. Altert. V (1845) p. 467 ff.) A. — Collect. ms. Constantini Caietani saec. 17. Cod. Alexandrin. 99 (III). B. — 1, 3 cuncta B. — 3, 4 redempti A. — 4, 3 quod fruuntur B. — 5, 1 Iamque B. — 5, 3 mundus B. — 6, 3 Ac flere lugens B. — 8, 2 fercula sentire B. — 10, 2 demonstrat A. — 11, 2 lumen A. — 12, 1 nequam spiritus B. — 12, 3 supernum spem beatorum A. — 13, 1 Nam si AB. — 14, 1 Namque respectu B. — 15, 1 Vallis hic A; haec quoniam dicta B. — 16, 1 Cur iam non flebit homo B. — 18, 3 Et pteurorum A. — 22, 1 Haec tuae laudis A; Has tuas laudes B. — 22, 2 Quasque nec B. — 22, 3 humanus A. — 24, 3 In his cum nulla gaudia festiva B. — 24, 4 Tempora claudant. — 25, 2 Flores in terra florida vernabunt B. — 26, 3 Et acceptura veni praeparatam B. — 26, 4 Tibi coronam B. — 27, 2 Sanctorum citat B. — 28, 1 voces B. — 30, 1 gloriae B. — Str. 32 fehlt A. — Aufschrift in B: Ioachimi, abbatis Florensis, hymnus de caelesti Hierusalem et gloria sanctorum. — B enthält noch ein anderes längeres Gedicht desselben Verfassers, das nicht in die hymnologische Literatur einschlägt. Der Anfang desselben lautet:

- |  |   |
|--|---|
| <p>1. Visionem admirandae<br/>ordior historiae<br/>Et succinecte scribam textum.<br/>Felicis memoriae</p> <p>2. Quidam vir religiosus,<br/>fama non incognitus,<br/>Scripsit rem, quam vidit quidam<br/>in extasi positus.</p> <p>3. Ductus animi excessu<br/>ambulat per invia,<br/>Nulli sibi patent campi,<br/>nulla loca pervia.</p> <p>4. Primo die moto gressu<br/>in latrones incidit<br/>Et ligatus strictis loris<br/>paene vita deficit.</p> | <p>5. His solutum lux secunda<br/>semivivum suscipit,<br/>Non curandum, sed mactandum<br/>scorpionum ictibus.</p> <p>6. Tertia his liberatus<br/>traditur exsilio,<br/>Iter agit destitutus<br/>hominum consilio.</p> <p>7. Nihil minus quarto die<br/>patitur discriminis,<br/>Fame, siti et fervore<br/>maceratur eremi.</p> <p>8. Quinto asperis ferarum<br/>lauiatur unguibus<br/>Et frequenter laceratur<br/>bestiarum morsibus etc.</p> |
|--|---|

### 181. De Superna Hierusalem.

- Eia, veracis Hierusalem visio pacis,  
Ordinibus miris Sion fundata saphiris,  
Obvia procedens, voces dulcedinis edens,  
Voces laetitiae, voces dans hymnologiae
5. Cantica cantando, Dominum Sabaoth venerando,  
Suscipe laetanter Christum regem iubilanter,  
Qui te sacrauit, propria sibi morte dicavit,  
Qui cruce signavit, qui sanguine purificavit.  
Auro sterneris, gemmis ornata nitebis,
10. Luce coruscabis, similis vitro rutilabis.  
Tu radio magno patris illustraberis agno,  
Tu solem radius septemplex superabis,  
Sistris virgineis puerilibus atque choreis  
In te laudetur, sed et Alleluia canetur.
15. Parietibus vastis tua propugnacula Iaspis-  
Que crystallus erit, portae sine fine patebunt,  
Nunquam claudentur, quia firma pace fruuntur.  
Te Deus elegit. populos et regna subegit,  
Cunctis praelatam terris dedit immediatam
20. Christus, rex regum, cuius diadema serenum  
Est, electorum lapidum structura novorum  
In lapides bis sex, quos in diademate fert rex,  
Discipuli bis sex, quibus est commissa Dei lex.  
Ornatur gemmis vitae structura perennis,
25. Quorum splendores dant veros noscere mores,  
Ut lapides vivi mereamur in aethere scribi.  
Plaude, Sion, nobis intra stellata colonis.  
Laus et hosanna Deo, qui iunxit terrea caelo.

182. Pro fidelibus defunctis.

Ante tuam faciem cum iustis atque beatis  
Aeternam requiem dona, Deus, hic tumulatis  
Et, quos morte crucis salvasti, ne moriantur,  
Perpetuae lucis fac ut splendore fruantur.

Collect. ms. saec. 15. Clm. Monacen. 641. — Es folgt noch, von obigen Versen getrennt:

Christus, fidelissimus amicus noster,  
non diu expectavit,  
Sed statim peracta passione  
sanctos in carcere visitavit,  
Et hoc nobis exemplum,  
quod, si volumus animabus subvenire,  
Si protrahimus suffragia,  
non videntur eis expedire;  
Gravissime enim cum taedio  
expectare comprobantur,  
Qui tam inenarrabilibus  
poenis cruciantur.

183. De sancta Agnete.

- |  |  |
|--|--|
| 1. Mitis Agnes, quae nupsisti<br>Agnō miti, quem quaesisti<br>Mentis in memoria,<br>Nec ab agnō potuisti<br>Poenis flecti, permansisti<br>Constans fide media. | 2. Denudata dum fuisti,<br>Nudam texit virtus Christi<br>Capillorum copia,<br>Quae in agnō te dedisti<br>Et in agnō placuisti,<br>Mihi sis custodia. |
|--|--|

Orat. ms. Anglican. saec. 13. Cod. Londinen. Ar. 201.

184. De sanctis Angelis.

- |   |   |
|---|---|
| 1. Salve, sancte Michael,<br>caeli proelior<br>Et draconis perfidi<br>potens debellator,<br>Tui vilis servuli<br>Sis patrocinator<br>Et ad caeli gaudia<br>Eius adportator.         | 3. Salve, sancte Gabriel,<br>decus angelorum,<br>Ad Mariam virginem<br>nuntium decorum<br>Te misit omnipotens<br>cardine caelorum,<br>Per te nobis Dominus<br>regna det caelorum. |
| 2. Salve, sancte Raphael,<br>patri qui Tobiam<br>Reduxisti sospitem<br>per tam longam viam,<br>Fac nos caelo cernere<br>caeli hierarchiam<br>Omnem et cum filio<br>virginem Mariam. | 4. Salve, sancte Uriel,<br>iugi visione<br>Summi patris hilaris,<br>te precor, mi bone,<br>Tui patrocinii<br>trino nos agone<br>Munias a perfido<br>taetroque dracone.            |

5. Spiritus angelici  
omnes, vos avete,  
Deo qui fruimini  
summa cum quiete.  
Nos ad amicitiam  
Dei promovete  
Et in caeli semita  
Stabiles tenete.

Officium novum beati Iohannis imp. Bononiae 1525.

185. De s. Angelo Custode.

Ad Matutinum.

1. Ave, custos dulcis meus,  
Angele piissime,  
Cui me totum dedit Deus,  
Rege fidelissime,  
Ne sim malis mortis reus,  
Vivere sanctissime  
Fac me semper, rector meus,  
Et mori laetissime.

Ad Tertiam.

4. Sana pectus suspirantis  
Gemitu gravissimo,  
Educ viam supplicantis  
De torrente pessimo,  
Ut sit grata manus dantis  
Iesu clementissimo,  
Cuius visu me formantis  
Fruar beatissimo.

Ad Laudes.

2. Ave, Christi delegate  
Ad mei custodiam,  
Dulcis angele beate,  
Per divinam gloriam,  
De caelesti pietate  
Iugem da memoriam  
Et cum omni sanctitate  
Vincere malitiam.

Ad Sextam.

5. Pastor bone, memor esto  
Ovem tuam pascere,  
Illi semper sic adesto,  
Ut, dum lupo rapere  
Temptat eam, tu sis praesto  
Mox illam eripere,  
Quam praesentes illi festo,  
Quod nequit deficere.

Ad Primam.

3. In me per te roboretur  
Fides, spes et caritas,  
In me semper dominetur  
Tota sancta trinitas,  
In me Christus epuletur  
Et eius suavitas,  
In me tandem reveletur  
Et felix aeternitas.

Ad Nonam.

6. Ave, sacer spiritualis  
Amicorum intime,  
Comes, dux et rex . . .  
Corporis et animae,  
Esto mihi dux vitalis  
Et a culpis exime  
Atque me de cunctis malis  
Hora mortis redime.



Ad Vesperas.

7. Des iugiter extirpare  
Semina zizaniae,  
Verba vitae seminare,  
Pacis et concordiae,  
Proximum aedificare  
Per opus iustitiae,  
Cunctos hostes debellare  
Cum palma victoriae.

Ad Completorium.

8. Pie pater, me digneris  
Protegere tenere,  
In adversis recorderis  
Me nunquam deserere,  
De errore memoreris  
Ad te me reducere,  
Ne depascar ab his feris,  
Quae me volunt perdere.

Orat. ms. Beneventanum [?] saec. 14/15. Cod. Borgian. M VI 21. — 4, 4  
pessimo fehlt. — 4, 8 Senum beatissimo. — 5, 6 Demdat. — 6, 8 In hora.

186. *Cursus de Angelis.*

Feria secunda.

Ad Matutinum.

- |   |   |
|---|---|
| 1. Quem veneratur civium<br>Caelestium exercitus,<br>Regem adorant omnium<br>Angelique spiritus,              | 2. Per hos rogamus intime,<br>Nostra sume precamina,<br>Custodi nos tutissime<br>Cuncta pellens discrimina. |
| 3. Laus tibi, Deus, penitus,<br>Quem laudum voce sedula<br>Collaudat omnis spiritus<br>In saecularum saecula. |   |

Ad Laudes.

- |   |  |
|---|--|
| 1. Aeterne rerum conditor,<br>Qui mare, solum, aethera<br>Gubernas, iustus redditor<br>Cuiusque iuxta opera,  | 3. Qui laudum tibi carmina<br>Nunc concinunt alacriter,<br>Per quos nostra peccamina<br>Relaxa placabiliter. |
| 2. Superbum nempe spiritum<br>Cunctosque suos complices<br>Damnando in interitum<br>Veros firmasti supplices. | 4. Nos consoleris iugiter<br>Ser spiritus angelicos,<br>Cum his ut hymnos pariter<br>Tibi pangamus melicos.  |
| 5. Laus tibi, Deus, penitus.  |  |

Ad Primam.

- |   |   |
|---|---|
| 1. Deus, qui ad imaginem<br>Tuam creando hominem<br>Hunc paulo minus minuis<br>Ab angelis innocuis, | 2. Te ergo cum hymnidicis<br>Choris laudamus caelicis,<br>Qui nos in locum suscipis<br>Deiecti mundi principis. |
|---|---|



3. Sit angelorum Domino  
Laus, honor sine termino,  
Qui suis in caelestibus  
Nos societ spiritibus.

Ad Tertiam.

- |  |   |
|--|---|
| 1. O principes angelici,<br>Creati regis caelici<br>Ad contemplandam speciem<br>Eiusque puram faciem | 2. Portas vestras attollite,<br>Pie nobis occurrite,<br>In montem ferte Domini<br>Eius psallentes nomini. |
|--|---|
3. Sit angelorum Domino.

Ad Sextam.

- |   |   |
|---|---|
| 1. O Deus exercituum<br>Caelestium spirituum,<br>In thronis caeli residens<br>Cunctisque mire praesidens, | 2. Nos, quaesumus, custodiat<br>Ac incessanter muniat<br>Virtus tibi astantium<br>A telis malignantium. |
|---|---|
3. Sit angelorum Domino.

Ad Nonam.

- |  |  |
|--|--|
| 1. Caelestis regis principes,<br>Cuius ut nos participes<br>Simus cum caeli civibus,<br>Vestris iuvate precibus, | 2. Tersoque mentis nubilo<br>Vobiscum dulcis iubilo<br>Nos Deo exercituum<br>Psallamus in perpetuum. |
|--|--|
3. Sit angelorum Domino.

Ad Vesperas.

- |   |  |
|---|--|
| 1. Summae Deus potentiae,<br>Qui ordines ierachicos<br>Virtute sapientiae<br>Mire distinguis caelicos,      | 3. Nos consolando visitent,<br>Purgent, inflamment, doceant,<br>Ad bona semper incitent,<br>Vim daemonum coerceant |
| 2. Precamur te suppliciter,<br>Hos defensores dirige.<br>Nobis per quos fertiliter<br>Salutis dona porrige. | 4. Devotisque congaudeant<br>Ac roborent virtutibus,<br>Ut hi ipsorum compleant<br>Cohortes in caelestibus.        |
5. Laus tibi, Deus, penitus.

Ad Completorium.

- |  |  |
|--|--|
| 1. [O] angelorum gloria,<br>Fac horum nos custodia<br>Semper peccata fugere<br>Hostemque saevum vincere. | 2. Nunc munda cordis aciem,<br>Ut facie ad faciem<br>Te contemplemur dulciter<br>Cum angelis perenniter. |
|--|--|
3. Sit angelorum Domino.

187. De s. Angelo Custode.

Salve, splendor paradisi,	Triumphantis patriae,
mi gloriose angele,	Tu norma sanctitatis
Salve, iubar claritatis	Divinalis oboedientiae,
supernalis curiae.	Tu, qui mei curam (gratis) accepisti,
Ave, flos immortalitatis,	ab omni hoste protege,
Ave, gemma puritatis,	Ut simul perfruamur [gloria]
Ave, dulcor caritatis	coram immenso iudice.

Missale speciale Toletanum saec. 15. Cod. Vatican. 6264. — Am Ende der Messe auf den h. Schutzengel angehängt unter dem Titel „Laus“.

188. De sancta Anna.

- |  |   |
|--|---|
| 1. Gaude, felix Anna,<br>mater matris Christi,<br>In urbe de Bethlehem<br>nata tu fuisti,<br>Regum ex progenie<br>sancta processisti,<br>Unde laudes debitas<br>digne promeruisti. | 3. Gaude, felix Anna,<br>quia tibi soli<br>Competit, ut mater sis<br>matris regis poli,<br>Funde preces filiae<br>filiaeque proli,<br>Ut nobis non noceat<br>daemon, doctor doli. |
| 2. Gaude, felix Anna,<br>diu desponsata<br>Viro iusto Ioachim<br>proleque privata;<br>Tunc tibi ab angelo<br>verba sunt prolata,<br>Quod felici fieres<br>fructu fecundata.        | 4. Gaude, felix Anna,<br>de qua procreata<br>Est haec virgo virginum,<br>Maria vocata,<br>Nostra sis cum filia,<br>mater, advocata,<br>Ut nos salvet suboles<br>virginis beata.   |
5. Gaude, felix Anna,  
pia mater, plaude,  
Plena melle canna,  
nos in tua laude  
Famulos, o, sana  
qualibet a fraude  
Quasi mel et manna;  
felix Anna, gaude.

Clm. Collect. ms. Libehardi prioris Reichenbacen. anni 1476. Clm. Monacen. 2990. — 1, 4 na fuisti. — 3, 2 sq. competit soli.

189. De sancta Anna.

- |   |   |
|---|---|
| 1. Anna stellam matutinam,<br>Stellam maris et reginam<br>Peperit clementiae. | 3. O beata radix viva,<br>Mirae pietatis oliva,<br>Nutu Dei electa,         |
| 2. Cum qua vere iam laetatur.<br>Quia Deum contemplatur<br>Revelata facie.    | 4. Ex qua processit cunctorum<br>Virgo origo bonorum,<br>Homini fructifera. |
5. Tu nos, Anna, mater pia,  
Cum tua prole Maria  
Duc ad caeli gaudia.

Cursus de Domina sec. ecclesiam Hamburgensem imp. Rostochii 1522. —  
4, 1 sq. Ex qua cunctorum processit origo bonorum. — 5, 1 mater fehlt.

190. De s. Antonio Eremita.

- |  |   |
|--|---|
| 1. O Antoni, sancte pater,<br>Salutaris vitae crater,<br>Quae nos turbat multis malis,<br>Pestis epidimialis<br>Ut a nobis exstirpetur,<br>Tua virtus operetur.                | 4. O Antoni, tanta caede<br>Ne caedamur, intercede<br>Mox ad Deum mente pura,<br>Sua ne nos creatura<br>Per ipsius morbi ramnum<br>Patiamur illud damnum.         |
| 2. Es signifer et lucifer,<br>Sis noster ergo scutifer,<br>Ne morbus hic nos feriat,<br>Precamur te, quod pereat<br>Radix eius atque fomes,<br>Malus est nam ipse comes.       | 5. Morbus hic contagiosus<br>. . . . .<br>Ne nos tam repente necet,<br>Te, confessor alme, decet<br>Arte tua nos mederi,<br>Namque scimus illud vere,             |
| 3. Tamquam fur in nocte venit,<br>Tunica non, quam invenit,<br>Vel pallio nos spoliatur,<br>Sed pelle nos excoriatur,<br>Et non solum privat pelle,<br>Aufert vitam suo felle. | 6. Si vis, potes nos mundare<br>Et hunc morbum effugare.<br>Fuga ergo venenosum<br>Morbum hunc et dolorosum<br>Praeservando non habentes<br>Et sanando patientes. |

7. Nos videmus veris signis,  
Infernalis quod est ignis:  
Morbo passim liberantur  
Per te, pater, et sanantur:  
Placa Deum tua prece,  
Nos ut salvet ab hac nece.

8. O Antoni, te precamur  
Confidenter et affamur,  
Nil Deus tibi denegat,  
Cuius manus nos protegat,  
A peste momentanea  
Et morte subitanea.

Orat. ms. Campense anni 1462. Cod. Darmstadien. 521. — 1, 2 scater. —  
1, 3 Qui. — 4, 5 rampnum. — 4, 6 dampnum.

### 191. De sancta Apollonia.

1. Virgo landanda,  
Impetra impetranda,  
Me libera ream,  
Ut te laudare queam,  
O virgo pia, grata,  
Mea terge peccata,  
Tuo intercessu  
Me purga ab excessu  
In hoc dentium dolore,  
Pulchrior es nam omni flore.

\* \* \*

2. Apolloniam nobilem  
Dominus exaltavit,  
Ancillam suam humilem  
Ad caeles elevavit,  
Digne immarcassibili  
Serto hanc exornando  
Et supernorum agmini  
Clemens associando.

Orat. ms. Bohemicum saec. 15. Cod. Ducumburgen. 89. — 1, 3 reum  
gegen den Reim. — 1, 5 O virgo pia Apollonia grata.

### 192. De sancto Augustino.

1. Augustinus, ex honestis  
Genitus parentibus,  
Inventutem in modestis  
Consummavit moribus,  
Fide tamen atque gestis  
Distans a fidelibus.

2. Umbras haeresis profanae  
Obscuratur misere,  
Multum errans per inane  
Praeceptis coepit ruere,  
Quaerens verum et mundanae  
Lucis more cernere.

3. Gratia divina dante  
Tractus ab exitio,  
Sectam, quam defendit ante,  
Verbi necat gladio.  
Et baptisma mediante  
Percepit Ambrosio.
4. Ualidus haereticorum  
Dicitur hinc malleus,  
Factus et catholicorum  
Monitor idoneus,  
Lux doctorum, forma morum,  
Scripturarum puteus.
5. Sprevit saeculi honores  
Vitans causas scelerum,  
Sequens mundi contemptores,  
Amans vitam pauperum,  
Regulavit vitae mores  
Ad exemplar veterum.
6. Totus quidem caritatis  
Ferbuit incendiis,  
Ex supernae claritatis  
Illustratus radiis,  
In abyssum caritatis  
Fertur desideriiis.
7. In divinis scripturarum  
Ipse voluminibus  
Mundo luxit sidus clarum  
Scriptis et sermonibus,  
Umbras fugans tenebrarum  
Ex humanis cordibus.
8. Nobilem de clericali  
Statu scripsit regulam,  
Vivens ipse lege tali  
Ad sanctorum formulam,  
Veste, victu generali  
Utens strinxit crapulam.
9. Vitae dies in senectam  
Explicat utiliter,  
Bonis actibus perfectam  
Sinit ipsam dulciter,  
Caeli patriam dilectam  
Intrat immortaliter.
10. Sancte pater Augustine,  
Tuae fer familiae  
Opem gratiae divinae  
Et misericordiae,  
Ut ditemur sine fine  
Tecum bonis patriae.

Orat. ms. Campense anni 1462. Cod. Darmstadien. 521. — 2, 3 erras. — 3, 2 Tractus fehlt. — 3, 5 baptismo. — Akrostichon: Augustinus.

### 193. De sancta Avia.

1. Inclita martyr Avia,  
Du cuer humblement te supplie,  
Conducat me recta via  
En ceste trouble et mortel vie;  
Prie la doulce virge Marie,  
Que fert reis remedia,  
Quae en labenoi te compaignie  
Puisse avoir caeli gaudia.
2. Humiliter te rogamus,  
Tres doulce virge, sainte Avoye,  
Ad gloriam, quam optamus,  
Nos ames conduys et avoye.  
Mayne nos par si droite voye,  
Que hostem non timeamus,  
Chantans en perdurable ioye  
Omnes: te Deum laudamus.

Orat. ms. Montis S. Michaelis saec. 15. Cod. Abrincen. 45.



194. De sancta Barbara.

Barbara, virgo Dei, spes perpetuae requiei,  
Lux verae fidei, quaeso, memento mei.  
Ut supernorum me turbis adnumerari  
Et collaetari contingat in arce polorum.  
A patre terrestri, sanctissima virgo, necaris,  
Sed de caelesti, dignissima, vivificaris.  
Hoc magnum munus mihi det, qui cuncta creavit  
Teque coronavit, qui regnat trinus et unus.

Collect. ms. Insulae reginae caeli anni 1479. Cod. Darmstadien. 2653. —  
An dieses Gedicht schliessen sich in der Hs. noch die folgenden Verse:

Barbara, tu mentem Satanae compesce tumentem,  
Barbara ne sua vis noceat, virgo, rogo, suavis.

195. De sancta Barbara.

- |  |  |
|--|--|
| 1. <i>Ave</i> , Barbara beata,<br>Martyr quoque Deo grata,<br>Afflictorum advocata,<br>Tu adiutrix sis rogata,<br>Ut defectus et peccata<br>Nostra per te sint ablata.<br>Sponsa Christi es vocata,<br>Audi, quaeso, mea vota,<br>Propter tuam passionem<br>Tutum meum fac agonem. | Et conventu virginali<br>Locum tenes praeparatum,<br>Sponsum nobis fac placatum.   |
| 2. <i>Salve</i> , candens margarita,<br>In cubili regis sita,<br>Quae in aula nuptiali   | 3. <i>Ave</i> , gemma claritatis<br>Ad instar carbunculi,<br>Ave, rosa paradisi,<br>More fragrans balsami,<br>Barbara, virgo nobilis<br>Martyrque dives meritis,<br>Te orantes<br>protege a periculis<br>Ac caelorum<br>iunge gaudiis. |

Oration. ms. S. Petri Salisburgensis saec. 15. Cod. Petrin. a VI 35. —  
1, 1 *Ave*, virgo N beata. — Aufschrift: „Oratio bona de s. Barbara vel  
alia virgine.“ Aus 1, 9 sq. und 3, 5 geht indes hervor, dafs das Gedicht  
auf Barbara beabsichtigt war.

196. De sancta Barbara.

- |   |   |
|---|---|
| 1. Ave, sancta Barbara,<br>Christo desponsata,<br>Et virginum aureola<br>Ab ipso ornata.              | 3. Mundi florem et nitorem<br>Refutasti,<br>Sed angelorum dominum<br>Tu amasti.   |
| 2. O beata,<br>Deo grata,<br>Sponsa Christi Barbara,<br>Esto pia<br>Mihi, quia<br>Sum in labe misera. | 4. Ergo digna, o benigna,<br>Nunc implora et exora<br>Pro me Dei filium,<br>Ut peccata perpetrata<br>Iam deflenti paenitenti<br>Detur mihi venia; |
5. Ut post vitam hic finitam  
Fine bono Dei dono  
Fruar caeli gloria.

Orat. ms. Bohemicum saec. 15. Cod. Ducumburgen. 89. — 1, 4 Ab ipso digne ornata. — Als „Oratio“ bezeichnet.

197. De sancta Barbara.

- |  |  |
|--|--|
| 1. Ave, gemma o praeclara,<br>Martyr Dei Barbara,<br>Salve, lucens margarita,<br>Virtutum flore redimita,<br>Ave, virgo gloriosa,<br>Sponsa Christi praeformosa. | Cum Christo, o pulcherrima,<br>Inter sanctorum agmina  |
| 2. Salve, rosa vallium,<br>Paradisi lilium,<br>Pulchra nimis, Deo grata,<br>Quae a patre es truncata,<br>Nunc vero iugi gloria<br>Regnas in caeli curia          | 3. Ora pro nobis iugiter,<br>Ne morte damnabiliter<br>Nos laedat culpa criminum<br>Nec taetra turba daemonum,<br>Sed sacro Christi corpore<br>Et pretioso sanguine<br>Refecti simus dulciter,<br>Ut tecum aeternaliter<br>Gustemus Christi munera<br>Per infinita saecula. |

Orat. ms. Stirpinense[?] saec. 15. Cod. Stirpinen. 43. — 3, 7 sumus. — 3, 10 saeculorum saecula. — „Quicumque sequentum orationem vel unum Pater noster et Ave Maria ob honorem sanctae Barbarae, virginis et martyris, cotidie dixerit, et diem passionis eius celebraverit cum ieiunio et divino officio, si potest, nunquam subitanea morte nec sine dominico sacramento, nec etiam sine confessione et contritione morietur.“

198. De sancto Bartholomaeo.

1. Excitare. o cor meum,  
Laudando Bartholomaeum  
Cum voce laetitiae,  
Qui est petens apud Deum,  
Ne me damnet suum reum  
Rigore iustitiae.
2. O Bartholomaeae care,  
O mi princeps, o praeclare  
Dux magnificentiae.  
Tu es magnum luminare,  
Toti mundo salutare,  
Mirae resplendentiae.
3. Tu ditator egenorum,  
Propugnator peccatorum  
Hos Deo pacificans,  
Liberator devotorum,  
Ligator daemoniorum  
Haec urens, mutificans.
4. Gaude, in apostolorum  
Numero duodenorum  
Vere stas dulciflue,  
Quo tanguntur flores florum,  
Penes artem musicorum  
Sonando melliflue.
5. Nam octavus descendendo  
Es et quintus ascendendo  
Recte magistraliter,  
Ex quo facto hoc perpendo,  
Dulcem, pium te essendo  
Valde specialiter.
6. Quia chorda tensa bene  
Dulcem sonum reddit plene,  
Sic tu passus gravius ;  
Stricte corpus tensa lene  
Pelles, nervi sunt et venae,  
Ergo sonas suavius.
7. Multis malis sum innisus,  
Sed oro de te confisus,  
Ut ab his excorier,  
Circumquaque circumcisis,  
Hoc sit mihi paradisus,  
Ut sic novus glorier.
8. O mi pater pietatis,  
Adiutor necessitatis  
Omni in periculo,  
Hostes pelle pravitatis  
Et me loca cum beatis  
In mortis articulo.

Orat. ms. Campense anni 1462. Cod. Darmstadien. 521.

199. De sancta Birgitta.

1. Beatarum mulierum  
Birgitta sanctissima,  
Nam novisti Deum verum  
Fide ornatissima,
2. Ad bonum a iuventute  
Te allexit gratia.  
In Deo vixisti tute  
Summa cum fiducia.
3. Inclita tu sponsa Dei,  
Oliva tu gratiae,  
Augmentatrix sanctae spei,  
O lampas ecclesiae.
4. Christi scatens fons et rivus,  
Canna fecundissima,  
Unde fluxit cibus vivus,  
Doctrina doctissima.
5. Rex te caeli praelegit,  
Viduarum speculum,  
Sibi totam te compegit  
Nunc usque in saeculum.
6. O quam multis te dotavit  
Donis, signis, meritis,  
Iam in caelis te locavit  
Praemiis cum inclitis.

- |   |   |
|---|---|
| 7. Gaude, mater generosa,<br>Arbor salutifera,<br>Ave, o Swecorum rosa,<br>Vitis tu fructifera.                 | 12. Sis nunc mater orphanorum,<br>Tutrix in periculis,<br>Et salvatrix sis cunctorum<br>Flentium in vinculis. |
| 8. Quanta tibi revelavit<br>Christus mundo lucida,<br>Multos per te illustravit,<br>Gemma Iesu nitida.          | 13. Te honorat et implorat<br>Tota christianitas,<br>Perquam membris Christirorat<br>Caritatis suavitas.      |
| 9. In adversis es probata,<br>Sanctitate florida,<br>Nobili de stirpe nata,<br>Peregrina placida.               | 14. Utriusque status, sexus<br>Capita sanctifica,<br>In his sit amoris nexus,<br>Iam reos vivifica.           |
| 10. Perlustrasti loca sancta<br>Iussu Christi Domini,<br>Doctrinarum clara planta,<br>Honor Dei nomini.         | 15. Amatrix sis clericorum,<br>Reduc cunctos ordines<br>Ad perfectam viam morum,<br>Flecte caeli cardines.    |
| 11. Tu virtutum pulcher hortus,<br>Vas morum purissimum,<br>Tu salutis laetus portus,<br>Sidus splendidissimum. | 16. Pacem regnis, Dei zelum<br>Cunctis datis precibus<br>Electorum posce caelum<br>Aeternis cum laudibus.     |

Brev. ms. Gnadenbergense saec. 15. Cod Holmien. s. n.

## 200. De sancta Birgitta.

- |   |  |
|---|--|
| 1. O Birgitta, stella clara,<br>Genita in Suecia,<br>Ut sol fulgens luce clara<br>Ex divina gratia, | 2. Mentis nostras et illustra<br>Luce sapientiae,<br>Quae praefulges tam venusta<br>Multiformis gratiae. |
|---|--|

Klemming I, 34. — Mit der Angabe: „S. Birg. Openb. IX.“ Es folgt dann noch die Antipbon Rosa rorans veritatem (sonst bonitatem) aus dem Officium der Heiligen, Anal. XXV, 162.

## 201. De sancta Caecilia.

- |  |  |
|--|--|
| 1. Salve, sancta Caecilia,<br>Vere Mariae filia,<br>Sprevisti carnis vilia,<br>Caeli amasti lilia.     | 3. Salve, quia angelico<br>Aspectu et alloquio<br>Perfruebaris saepius<br>Diebus atque noctibus.           |
| 2. Salve, quod Dei filium<br>Sic dilexisti unicum,<br>Quod eius evangelium<br>Semper gerebat cor tuum. | 4. Salve, sponsa cum virgine<br>Quae pro tuo precamine<br>Esse vera meruisti<br>Gratia praestante Christi. |

- |   |  |
|---|--|
| 5. Salve, virgo, cilicio<br>Tua membra, ieiunio<br>Quae domabas exterius,<br>Ut templum esses spiritus.   | 10. Salve, verna studiosa.<br>Ut apis argumentosa.<br>Christo pure serviendo,<br>Incredulos convertendo,               |
| 6. Salve, quae Valerianum<br>Pium eius et germanum<br>Christi fidem docuisti<br>Et martyrem effecisti.    | 11. Per quod Christus praedicatur,<br>Exaltatur et laudatur,<br>Quod puellam virginalem<br>Famulam haberet talem.      |
| 7. Salve, tuo cum coniuge<br>Quod sine lege coniugum<br>Vitam duxisti caelibem<br>Juxta Mariam virginem.  | 12. Salve, quae te tradidisti<br>Ad mortem amore Christi,<br>Quem pro me, quaeso. implora<br>Mecum sisque mortis hora. |
| 8. O felices vos personae,<br>Quibus datae sunt coronae<br>Factae rosis ac liliis<br>A manibus angelicis! | 13. Salve, tuum corpusculum<br>Quod inter tumbas praesulum<br>Digne locari meruit<br>Signisque multis claruit.         |
| 9. Salve, virgo, quae impium<br>Superasti Almachium<br>Ratione, vi verborum<br>Tibi caelitus datorum.     | 14. Salve, [martyr] gloriosa,<br>Inter virgines famosa,<br>Quae a matre benedicta<br>Sancta virgo tu es dicta.         |
15. Rogo, sancta Caecilia,  
Me Christo reconcilia  
Atque tua per merita  
Absterge mea crimina.

Collect. ms. Libehardi, prioris Reichenbacen., anni 1476. Clm. Monacen. 2990. — 11, 1 Per quos.

## 202. De sancta Caecilia.

- |   |  |
|---|--|
| 1. Florens, virgo, caeli rore,<br>Obumbrata florum flore<br>Caelitus, Caecilia.<br>Sponsum tuum ab errore,<br>Fratrem eius pari more<br>Vocasti propitia. | 2. His Urbanum in candore<br>Ut caelestem in splendore<br>Demonstrasti conscia;<br>Per te salus in languore,<br>Detur, quies in labore,<br>In delicto venia. |
|---|--|

Orat. ms. Anglican. saec. 13. Cod. Londinen. Ar. 201.



203. De sancta Caecilia.

- |  |   |
|--|---|
| 1. O praeclara Caecilia,<br>Quae puritatis lilia<br>Virtutumque insignia<br>Christo obtulisti;<br>Tu summi regis filia.<br>Pulchra gerens monilia<br>Virtutum, per exsilia<br>Hinc regnum introisti. | 2. O beata Caecilia<br>Salva corda debilia,<br>Precor, et fac agilia<br>In divino servitio.<br>Fac, ut nostra exsilia<br>Facta fiant utilia,<br>Salubria consilia<br>[Tuo, virgo, auxilio]. |
|--|---|

Orat. ms. Campense anni 1462. Cod. Darmstadien. 521.

204. De sancta Christina.

- |  |  |
|--|--|
| 1. Ave, virgo tu Christina.<br>Ave, dulcis et divina,<br>Ave, sponsa Christi vera.<br>Ave, mitis et sincera.       | 5. O sancta martyr Christina,<br>Babylonis de sentina<br>Mihi tutum da ducatum,<br>Christum Iesum fac placatum.      |
| 2. Martyr Dei, Deo digna.<br>Tua prece me consigna,<br>Preces audi peccatoris<br>Et me mundes intus, foris.        | 6. Esto mihi consolatrix.<br>Pro me sis interpellatrix,<br>Pro me Christum interpella,<br>Solve mortis de procella.  |
| 3. Preces audi, praesta votum,<br>Cor in bono fac immotum,<br>Confer mihi cor contritum,<br>Rege visum et auditum. | 7. Superare me fac mundum,<br>Ne demergar in profundum,<br>Me non sinas naufragari<br>In peccatis in hoc mari.       |
| 4. Rege gustum et olfactum,<br>Virgo sancta, rege tactum,<br>Ut in cunctis te regente<br>Vivam Deo sancta mente.   | 8. In conspectu potens Dei,<br>Memor esto, precor, mei,<br>O servitrix Christi fortis,<br>Esto praesens hora mortis. |

9. Decumbentem fove, leva  
Et de morte solve saeva,  
Ut resurgam novus homo.  
Civis in caelesti domo.

Orat. ms. Campense anni 1462. Cod. Darmstadien. 521.

205. De sancto Christophoro.

- |   |  |
|---|--|
| 1. Gaude, martyr Christophore,<br>Qui curasti servus fore<br>Solo Christi nomine. | 2. Gaude, quia sitivisti<br>Iesum, ter a quo fuisti<br>Baptizatus flumine. |
|---|--|

3. Gaude, quia ferrum durum  
Liquivit ut cera purum  
Tuo deprecamine.

4. Gaude, quia confortasti  
Dagnum luscum, quem sanasti  
Cum lutoso sanguine.

5. Gaude, caelo exaltatus  
Et in mundo denotatus  
Consolator inopum.

Orat. ms. Ultraiectinum saec. 15. Cod. Nordkirchen. s. n.

## 206. De sancto Christophoro.

Ave, martyr Christophore,  
Qui regem caeli et terrae  
Tuis portas in umeris  
Per aquas diri fluminis,  
Duc nos per fluctus saeculi,  
Ne demergamur naufragi,  
Sed fac per mortem corporis  
Sociemur in superis.

Horae BMV. ad usum Venetensem saec. 15. Cod. Vindobonen. 1919. —  
7 Sed fac nos per.

## 207. De sancto Christophoro.

O sancte Christophore,  
martyr Iesu Christi,  
Qui pro eius nomine  
poenas pertulisti,  
Opem confer miseris  
atque mundo tristi,  
Qui caelestis gloriae  
regna meruisti.

Horae ms. sec. usum Sarum saec. 14. Cod. Coll. Iesu Oxonien. 32.  
A. — Horae ms. sec. usum Sarum saec. 15. Cod. Oxonien. Canon. Miscel.  
98. B. — Salicetus, Antidotarium animae imp. Argent. 1489. C. — Anti-  
dotarium animae imp. Argent. 1491. D. — 1. O fehlt, AC; Gaude sancte B. —  
3 pro Christi nomine C. — Quae caelestis B. — An diese Zeilen schließt  
sich in allen Quellen unmittelbar an: Christophori sancti speciem  
quicumque tuetur, Anal. XXXIII, Nr. 75.

208. De sancto Clemente.

- |  |  |
|--|--|
| 1. Ave, martyr triumphalis,<br>Christi praesul specialis,<br>Nos a mundi sana malis.<br>Ne nos amor mundialis<br>Mergat in flagitia. | 4. Ut tua per magnalia<br>Crescant spiritualia.<br>Nec desint temporalia.<br>Post haec et aeternalia<br>Dentur Christi munera.                 |
| 2. Palma nitens triumphali,<br>Aqua mersus marinali.<br>Vitam claudis morte tali.<br>Ut post mortem immortal<br>Fruereris infula.    | 5. O Clemens, martyr Domini,<br>Tuo beato nomini<br>Nostra subscribe nomina<br>In libri vitae pagina<br>Christi dante gratia.                  |
| 3. Una voce, mente pari<br>Nos honore singulari<br>Te studemus venerari;<br>Dum versamur in hoc mari,<br>Exhibe suffragia.           | 6. Ne permittas spe frustrari.<br>Quibus potes suffragari,<br>Fac nos Christo praesentari,<br>Ut hunc tecum contemplari<br>Possimus in gloria. |
7. Ubi nec cras, nec hesternum,  
Sed est idem hodiernum,  
Ubi salus, ubi vita,  
Ubi pax est infinita,  
Ubi Deus omnia.

Orat. ms. Campense anni 1462. Cod. Darmstadien. 521. — 2, 4 immortalis. — Das Lied zeigt namentlich am Schlusse starke Entlehnungen.

209. De sancto Cuthberto.

- O decus Anglorum, titulis pollens meritorum,  
Mi Cuthberte pater, pronis pius, hostibus acer,  
Te mihi suspiro. te spe, prece, mente requiro.  
Novimus, alter erit, tua qui suffragia querit,
5. Tristis letatur, flens ridet, egensque beatur.  
Nunc hilaris maestro, misero miserator adesto.  
Sum maestus plane, quod vixi, fugit inane,  
Fugit enim, dixi, vita nil utile fixi.  
Quantum peccavi! flens crimina post iteravi.
10. Quae bona, quae liqui, nil detestatus iniqui?  
O me peccantem! sprevi peccando tonantem.  
Quem quotiens sprevi, me de caelis abolevi.  
Exosus caelo, terrae, cur vivus anhelos?  
Postponens Christum delegi mortis abyssum,
15. In barathri fundum mergit scelus omne profundum.  
Horreo, peccantem me dico, tanta patrantem,  
Non fero me talem, me conspiciens animalem.

- Fonte Dei lotus renovabar et unguine fatus,  
Splendidus exivi, sed post sordes repetivi.
20. Vae michi, peccavi, culpas culpis cumulavi!  
Vae michi, quo vadam? novus in me decidit Adam,  
Ingemino vae, vae, repeto vae filius Evae.  
Non tolero memet, nec possum linquere memet.  
Tu locus effugii, pater, es, patiaris adiri,
25. Huc magis ipse cito, miseri miserendo venito.  
Respice languentem, peccavi, morte paventem,  
Exora Iesum, velit me visere laesum.  
Saucius ex telo culpaе medicamen anhelō.  
Fer, precor, antidotum, medicus, medicina dolorum.
30. Porrige, quaeso, manum, facias mox surgere sanum,  
Porrige, quo mundum reddat, baptisma secundum.  
Spes mea post Christum, prece pellas omne sinistrum,  
Oro, iuvare velis, et mox tibi stabo fidelis.  
Posce mihi flatum, quondam tibi mystica fatum,
35. Quae puer octennis perdiscis ab ore triennis.  
Ut te de caelis Raphael, me trade medelis,  
Dans nautis portum fac, tendam pacis ad ortum,  
Orans intente, transcendens terrea mente,  
Quo tu tendebas, sanctum transire videbas,
40. Fac, ut eo tendam, dum morti iura rependam.  
Te, pater insignis, daemon expavit et ignis  
Te, fugiant per te Satanas, Venus, hostis uterque.  
Pastus ut in terris paradisi pane referris,  
Fac, vivi panis nunquam mea mens sit inanis.
45. Orans, praedicens, praesens, absens benedicens,  
Potu, pane, manu, cruce, chrismate, munere, tactu  
Morbis marcentes subito das ire valentes.  
Aegrum peccatis relevato, pater pietatis,  
Me repares, queaso, fer opem, pater optime, laeso.
50. Respice prostratum, culparum mole gravatum,  
Stabo sanatus, si vis audire rogatus.  
Quod vis, fac velle, procul a me cetera pelle,  
Velle, quod odisti, da vivam victima Christi,  
Vivam non mundo, sed caelis sine secundo.
55. O cui te credis secretae gratia sedis,  
Te bene, te novit, secretius abdita fovit.  
Quae solvi carne te viderat inclita Farne.  
Sancte Dei civis, melius post funera vivis,  
Sanctus cum sanctis feliciore tonantis,
60. Sanctus sanctorum tua pars, tua palma laborum.  
Suscipe vota precum, peto, fac me vivere tecum.  
Dic, rogo, dic amen, dic consummendo precamen.



210. De sancto Dominico.

- |  |  |
|--|--|
| 1. O sancte Dominice,<br>Confessor magnifice,<br>Christi praedicator,<br>Fidei catholicae<br>Pugil et haereticae<br>Pestis extirpator.<br>Legis evangelicae<br>Simul et propheticae<br>Fervens aemulator,<br>Pie hic nos respice<br>Coram summo iudice<br>Noster mediator. | 2. Eia, pater, propera,<br>Clementer accelera,<br>Iuva te rogantes,<br>Inter huius aspera<br>Saeculique prospera<br>Rege fluctuantes;<br>Quae nos girant, onera<br>Tua dele dextera<br>Et te collaudantes<br>In hac valle misera<br>Ad te super aethera.<br>Subleva laetantes. |
|--|--|

3. Pro benefactoribus  
Ac familiaribus,  
Pro recommendatis,  
Pro itinerantibus  
Et pro paenitentibus  
Sive desperatis  
Te profusis precibus,  
Petimus, ut omnibus  
Veniam peccatis  
Impetres et sedibus  
Coniungas caelestibus,  
Pater pietatis.

Orat. ms. Campense anni 1462. Cod. Darmstadien. 521. — 1, 2 Confessor Domini magnifice.

211. De sancta Dorothea.

- |   |  |
|---|--|
| Iesus. Mariae filius<br>Et Dorotheae dominus,<br>Qui virtute sancti spiritus<br>Ab hoste eam liberavit<br>5. Atque eam dulciter<br>Mox ad se vocavit<br>Ac rosas cum rosario<br>Mense Februarii<br>Ad preces eius notario | 10. Cum frondibus donavit,<br>Ipse dulcis Dominus,<br>Nos liberet hic protinus<br>A falsis criminalibus<br>Et a peccati nexibus,<br>15. Qui testis est fidelis,<br>Ac Dorotheae precibus<br>Et gloriosis meritis<br>Coronet nos in caelis. |
|---|--|

Orat. ms. Campense anni 1462. Darmstadien. 521. —



212. De sancta Dorothea.

- |  |  |
|--|--|
| 1. Gaude, virgo Christo grata,<br>Dorothea sic vocata<br>Disponente Domino.        | 7. Gaude, maestis es solamen<br>Miserorum et velamen<br>In saeclo naufragantium.     |
| 2. Gaude, virgo gratiosa,<br>Dorothea speciosa,<br>Deitatis gratia.                | 8. Gaude, decus humilium.<br>Mihi confer auxilium,<br>Et pro me ora Dominum.         |
| 3. Gaude, virgo, te quaerenti<br>Et sincere diligenti<br>Certa das tripudia.       | 9. Gaude, quanta impetrasti,<br>Ictus ensis dum sperasti,<br>Sub praefecto Fabricio. |
| 4. Gaude, dulcis advocata,<br>Caeli serto coronata,<br>Ardens ut carbunculus.      | 10. Gaude, cuncti ablutricem<br>Scelerum, te assistricem<br>Sciant mortis periculo.  |
| 5. Gaude, splendens pulchritudo,<br>Virginum tu claritudo<br>Ad instar carbunculi. | 11. Christi dona visionem,<br>Peccatorum tersionem,<br>Veram cordis compunctionem,   |
| 6. Gaude, virtutum area,<br>Urbe nata Caesarea,<br>Tu a me pelle vitia.            | 12. Dei matris praesentiam,<br>Tuamque apparentiam,<br>Duc nos ad Dei gloriam.       |

Orat. ms. Tirnsteinense saec. 15. Cod. Ducumburgen. 84. — 4, 3 Ardens carbuncule. — 5, 2 tu fehlt. — 7, 1 es fehlt. — 10, 1 adiutricem. — 10, 3 in periculo. — 12, 3 Duc nos post te ad.

213. De sancta Dorothea.

- |   |   |
|---|---|
| 1. Ave, virgo Deo grata,<br>Dorothea sic vocata<br>Parentum elogio;<br>Ave, rosa sine spina,<br>Vulneratis medicina<br>Meriti fastigio.   | 3. Ave, dulcis advocata,<br>Caeli serto coronata<br>Ardentis sardiunculi.<br>Ave, splendens claritudo,<br>Inexhausta pulchritudo<br>Ad instar carbunculi. |
| 2. Ave, virgo virtuosa,<br>Dorothea speciosa<br>Deitatis gratia;<br>Ave, omni te quaerenti<br>Et sincere diligenti<br>Magna dans solacia. | 4. Ave, maesti consolamen,<br>Miserorum relevamen,<br>Triumphatrix zabuli;<br>Ave, digna tu videre<br>Salvatorem tunc sincere<br>Sub forma pueruli.       |

5. Tu virtutum es area  
Vere, nata Caesarea,  
O decus humilium;  
Stirpe namque procreata.  
Castitate phalerata,  
Parentum sublimium.
6. O quam, virgo, ruda multa  
Pertulisti sic suffulta  
Sacro sub umbraculo,  
Nunc a doctis et mirandis  
Datur tibi honor grandis  
Sponsi adminiculo.
7. O quot bona impetrasti,  
Ictum ensis dum spectasti  
Praesidis Fabricii;  
Mulieri parienti  
Nomen tuum invocanti  
Datur spes remedii.
8. Ut postremum infamati,  
Paupertate adgravati  
In praesenti saeculo  
Sciant sibi assistricem  
Celeremque adiutricem  
Quovis in periculo.
9. Et in fine suae vitae,  
Omnes, rogo, hoc audite  
Colentes memoriam,  
Veram cordis punctionem,  
Peccatorum tersionem  
Post ad poli gloriam.
10. O suave tuum nomen  
Nobis praestet per te, Amen,  
Mala cuncta fugere,  
Ut concedat fidem rectam  
Caritatemque perfectam,  
Spe nunquam deficere.
11. Eucharistiae ducamen  
Contra hostis obluctamen  
Larga det devotio.  
Hoc condonet, qui est unus,  
Vere quoque exstat trinus,  
Aevi stans causatio.
12. Huius virtus infinita,  
Qua paratur nobis vita  
Et cunctis ab exordio,  
Clementia non fabilis,  
Ens incomprehensibilis  
Teste sacro eloquio.

Orat. ms. S. Petri Salisburgen. saec. 15. Cod. Petrin. a IV 39. — 6, 2  
Protulisti. — 11, 5 Ve quoque. —

#### 214. De sancta Dorothea.

1. Ave, virgo Dorothea,  
Cor mundum in me crea,  
Vitam [meam] sic gubernata,  
Tuus ut sim dignus verna,  
Ignem da sancti pneumatis,  
Ut ex toto corde queam  
Spem te singularem meam  
In praesenti collaudare  
Possimque tibi decantare  
Melos sonori neumatis.
2. O virgo virginum praeclara,  
Quae tormenta tam amara,  
Ferventis olei vicisti  
Et illaesa exivisti,  
Me de peccatis erige.  
O votiva spes lapsorum,  
Quae per manus angelorum  
Es in carcere nutrita,  
Me fove nunc in hac vita,  
Gressus meos dirige.

3. O Dorothea laude digna,  
Idola per te maligna  
A Fabricio erecta,  
Ab angelo sunt abiecta,  
A me fuga haec idola.  
In eculo suspensa,  
Facibus dire succensa,  
Me ure caritate Dei,  
Ancora sis meae spei,  
Ne fraude vincar subdola.
4. O Dorothea, sponsa Christi,  
Memorare, quod misisti  
Rosas cum malis. munus mirum,  
Theophilo, cum frigus dirum,  
Erat brumali tempore;  
Mitte rosas cordi meo,  
Me coniunge soli Deo,  
Ut per talem convecturam  
Mortem evadam praeduram  
In anima et corpore.
5. O virgo, cum hinc transmigrasti,  
Sub gladio tunc impetrasti,  
Deum qui deprecaretur  
Per te, mox ut exaudiretur  
Cunctis in periculis.  
O Dorothea, virens vitis,  
Assertorem tuae litis  
Hic astantem contemplare,  
Gemescientem tam amare  
Singulibus nunc sedulis.
6. O vas multum opulentum  
Super aurum et argentum,  
In paupertate me amara  
Solve, virgo, precor, clara,  
Languentem prae inopia;
- Non me tuum asperneris  
Nec indignum indigneris,  
Me commendo tibi totum  
In amore tuo potum,  
O pietatis copia.
7. O rosa rubens sine spina,  
Flos illaesus a pruina,  
Tortor, virgo, ne me laedat,  
Nexus inferni ne me caedat,  
Me audi, vernans lilium.  
O Dorothea, martyr Dei,  
Miserere, virgo, mei,  
Te laudantem non ignora,  
Sed pro me semper exora  
Christum, Mariae filium.
8. O Dorothea, spes virtutum,  
Me sordibus multum imbutum,  
Servum tuum nunc exaudi,  
Fine malo ne me claudi  
Sinās in meis vitiis.  
O virgo castitatis mirae,  
Tibi decrevi nunc servire,  
Sub tua cura tam suavi  
Me habe, nam te amavi  
Prae cunctis deliciis.
9. O virgo, cum hinc emigrare  
Me contingit, tunc aptare,  
In horrenda mortis hora,  
Veni, virgo, sine mora  
Tuere me et libera.  
Sis securum mihi scutum,  
In agone fac me tutum,  
Da, ut hostem non pavescam,  
Sed in Christo requiescam  
Quiete salutifera.

Orat. ms. S. Petri Salisburgen. saec. 15. Cod. Petrin. a IV 39. — 1, 7  
Spem firmam singularem. — 1, 10 sonoris. — 5, 4 mox et. — 5, 6 vivens.  
— 5, 10 Singultatibus. — 6, 6 aspernaris. — 6, 7 indignaris. — 6, 9 tue.  
— 8, 9 te virgo amavi. — Nach dem Amen folgt noch die A:

Dorothea Christo grata,  
Afflictorum advocata  
Adiutrix[que] sis rogata,  
Ut defectus et peccata  
Nostra per te sint ablata.

215. De sancta Dorothea.

- |  |  |
|--|--|
| 1. Margarita pretiosa<br>Et virtutum vernans rosa<br>Senatorum genere,<br>Pater Dorcus, mater Thea,<br>Sic vocata Dorothea<br>Congregato nomine.               | 3. Condigne Cappadocia<br>Cum urbe Caesarea<br>Te sustinet martyrem,<br>Ubi tuum laceratur<br>Corpus atque maceratur<br>A rege Fabricio. |
| 2. Tibi sponsum elegisti<br>Christum, per quem meruisti<br>Paganorum numerum,<br>Tui sanguinis sorores,<br>Non habentes Christi mores,<br>Perducis ad Dominum. | 4. In mense Februario<br>Tu scribae Theophilo<br>Mittis mala bina,<br>Trinas quoque rosas<br>Vernantes, speciosas<br>Sub gratia divina.  |

5. Qui videns Deum timuit,  
Martyrium sustinuit  
  Intrans caelorum gloriam;  
Nunc animae et corporis  
Tu nostri in periculis  
  Habeto memoriam.

Orat. ms. S. Petri Salisburgen. saec. 15. Cod. Petrin. a IV 38. — 3, 5  
et maceratur. — 5, 1 et timuit. — 5, 2 Et martyrium.

216. De sancta Elisabetha.

- O viridis palma, bonitatis Elisabeth alma,  
Flos Alamannorum, consolatrix miserorum,  
Hortus honestatis, fons totius bonitatis,  
Ex Christo data, regali stirpe creata,  
5. Tu schola virtutis, aegris spes certa salutis,  
Non fuit in mundo patientior hoc furibundo.  
Exstas insignis meritis, multis quoque signis,  
Organa das lucis, defunctos ipsa reducis.  
Herbida tu tellus, Gedeonis nobile vellus,  
10. Hesther cum Iudith in te sua munera fudit.  
Pro nobis ora, cum mortis venerit hora,  
Pandens absque mora paradisi regna decora.

Collect. ms. Libehardi, prioris Reichenbacen. anni 1476. Clm. Monacen.  
2990. — 5 virtutum. — 7 multis fehlt. — 12 mora fehlt.



217. De sancta Eulalia.

Terna iam dena moriens Eulalia plena  
More, boni vena fuit orbi, luna serena.  
Nuda flagellatur, oleo sua mamma crematur,  
Plumbo temptatur, ignita calce probatur.  
In fornace Iesum caelestem palpitat esum,  
Quae nos prece pia perducatur ad aethera summa.

Orat. ms. Campense anni 1462. Cod. Darmstadien. 521.

218. De sancta Fide.

R<sup>o</sup>. Praesidium vitae qui quaeritis, ecce, venite,

1. Quique laboratis, si vultis opem pietatis,  
Tollite clamorem sub sanctae Fidis honorem  
Eius laudando numen simulatque precando,  
Haec ut vestrarum sit portus aegrimoniarum.
2. O mundanarum despectrix divitiarum,  
Virtutum telis armata manendo fidelis,  
Nomen de veris rebus duxisse videris,  
Fides praeclari meriti bene digna vocari.
3. Lucifer ut stellis aliis praelata puellis,  
Iudice sub tristi flammis quae tuta subisti,  
Exaudi tantum tibi debita vota precantum,  
Possint adiuti quo per te vivere tuti.
4. O pia bellatrix, virtutum semper amatrix,  
Pro voto Christi gladio caput exposuisti  
Hoc pacto fortis subeundo pericula mortis,  
Unde tibi laetus congaudet in aetere coetus.
5. Peste nimis dira Daciani ferbuit ira,  
Ut male puniret, quos Christo credere sciret;  
Agmina sanctorum fugiunt ex urbe virorum,  
Sed pugnax hosti tu sola resistere nosti.
6. Formoso toto succumbis corpore leto  
Sanguineis rivis, Christo sed in aethere vivis,  
Corpus et algescit, sed in astris vita calescit;  
Hic tibi sedes est, quo iustis scandere spes est.
7. Gaudes sidereis, virgo, sociata choreis,  
Caelitus aeterno regi copulata superno,  
Corporis et vita frueris in morte potita,  
Obstans hostili rabiei corde virili.



8. Laudibus aeternis caelo celebraris et arvis,  
Cuius maiestas, nomen simulatque potestas  
Cunctis clarebunt, dum terrea regna manebunt,  
Et si transibunt, tamen haud tua facta peribunt.
9. Sponsa Dei magni, qui Christus dicitur, agni  
Virginis atque piaae, virgo, nurus atque Mariae,  
Sis praesens genti non aequa sorte dolenti  
Menteque devota, quae fundimus, accipe vota.
10. Desolatorum gratissima spes animorum  
Atque laborantum requies te, laeta, vocantum,  
Martyr et insignis, precibus moveare benignis,  
Huius in adversis vitae dans prospera mersis.
11. Quos titubare vides, te poscimus, inclita Fides,  
Conservare velis illaesos, virgo fidelis,  
Nos validos per te fieri, quod scimus aperte,  
Nec prece frustrata quemquam sinis ire vocata.
- R<sup>o</sup> Nunc populo maesto praesens, pia martyr, adesto.
12. Te nisu toto petimus cum supplici voto,  
Ut via virtutis sis nobis atque salutis,  
Et, quod peccamus, solvat tua cura, rogamus,  
Praebens tutelam miseris necnonque medelam.
13. Vinculastrarum dissolvat tristicularum,  
Robur et augmentum tua fortitudo gementum,  
Te si mens orat pia, non frustrata laborat,  
Ut noxas pleret, sed dico, si sua maeret.
14. Fortunam maesto, depressis gaudia praesto,  
Pacem turbatis, perversis vim pietatis,  
Pellens languorem malesanis atque vigorem,  
Exsulibus patriam stolidis rectamque sophiam.
15. Virtutis verae cultrix, pia virgo, medere  
Cunctorum morbis per climata totius orbis  
Perque tuum nomen rectum des omnibus omen,  
Gratibus immensis celebreris ob ista repensis.
16. Adversis rebus praesentibus, alma, diebus,  
Virgo, tuum munda templum dans cuncta secunda.  
Expers maeroris ut floreat omnibus horis,  
Iniiciens maestas curas pellatur egestas.

17. Pro culpis demum Dominum, pia, flecte supremum,  
Cum discussurus iudex erit ista futurus,  
Tempus ad extremum cogens finire supremum,  
Pacifica miram districti iudicis iram.
18. Illud ad examen tua plebs tunc laeta iuvamen  
Sentiat, infernis non iuncta sed usa supernis,  
Iudex iratus ne vindicet ille reatus,  
Quam nos torqueri, potius velit et misereri.
19. Cum tamquam plebis princeps tunc, virgo, sedebis,  
Pro stupefactorum desudes parte reorum,  
Qui sibi non secum fidunt, fac vivere tecum,  
Dans laqueos illis evadere perditionis.
20. Nostros placatus pater audiat ipse precatus,  
Illius et natus concedat nos miseratus,  
Roboret et flatus veniens ab utroque paratus;  
Creditor iste Deus personis sub tribus unus.

R<sup>o</sup> Laudes mens illi referat gregis ergo pusilli.

Passionale ms. S. Fidis Conchensis saec. 11. ex. Cod. Selestadien. 95 (1187). — Nach Strophe 1—10 inkl. folgt jedesmal der Rundreim: „Praesidium vitae“, nach den übrigen Strophen: „Nunc populo maesto.“ — Vgl. Bouillet, *Liber miraculorum sanctae Fidis* Paris. Picard. 1897.

## 219. De sancto Francisco.

1. O Francisce, pater sancte,  
Devotionis fuisti tantae,  
Quod divinus amor se signavit  
Teque sibi assimilavit  
Et in amore confirmavit,  
Nunc quem sibi associavit.
2. Supplico tibi, bone pater,  
Tui ordinis velut frater,  
Respice in numero fratrum Minorum  
Me, quem gravat onus peccatorum,  
Impetra mihi veram paenitentiam  
Firmamque perseverantiam.
3. Devotionem mihi procura,  
O pie pater, de te sit mihi cura,  
Rogo te per Iesum Christum crucifixum,  
In quem scio te confixum,  
Nunc et in morte sis adiutor,  
Ne me perturbet persecutor.

4. O Iesu, Francisci amator,  
Te nunc rogo pauper peccator,  
Propter preces patris mei  
Miserere mihi, fili Dei.  
O bone Iesu, propter tuam mortem  
Hunc patrem mitte ad meum agonem,  
Ne formidem hostem fortem,  
Sed me ducat ad tuam cohortem.

Orat. ms. Campense anni 1462. Cod. Darmstadien. 521. — 2, 4 gravet. —  
4, 8 tuum.

220. De sancto Francisco.

- |   |   |
|---|---|
| 1. O Francisce,<br>Concupisce<br>Cordibus imprimere<br>Crucem Christi,<br>Quam tulisti<br>Stans in hoc itinere. | 6. Insignitum<br>Fac, munitum<br>Me crucis signaculo,<br>Fac transfixum<br>Et infixum<br>Crucifixi iaculo.      |
| 2. Fac ardere<br>Nos, languere<br>Cura crucem Domini,<br>Et sit totum<br>Cor devotum<br>Pretioso sanguini.      | 7. Maculatum<br>Per peccatum<br>Me defende miserum,<br>Fac ferventem<br>Servientem<br>Mortis, crucis, vulnerum. |
| 3. Cordi funde<br>Iam profunde<br>Crucifixi vulnera,<br>Quibus dentur<br>Et parentur<br>Nobis salutifera.       | 8. Hunc thesaurum<br>Super aurum<br>Me sitire facias<br>Et immensum,<br>Fac, accensum<br>Ad cor tuum rapias.    |
| 4. Det saporem<br>Crux, odorem<br>Nobis et dulcedinem,<br>Qua pascamur<br>Et ducamur<br>Ad beatitudinem.        | 9. Suffragare,<br>Pater care,<br>Tuis ante Dominum,<br>Fac Minores<br>Esse flores<br>Ceterorum hominum.         |
| 5. Cor ad crucem<br>Quasi lucem<br>Speculando gaudeat,<br>In qua fixe<br>Stet, prolixè,<br>Firmiter inhaereat.  | 10. Crucem ament,<br>Ad te clament<br>Cordis desiderio,<br>Sint ferventes<br>Te sequentes<br>Filii vestigio.    |

11. Pater sancte,  
Te iuvante  
Simus in caelestibus,  
Haec nos vere  
Fac habere  
Tuis sanctis precibus.

12. Adiuvare  
Nos dignare  
Stantes in exsilio;  
Te sequamur,  
Ut fruamur  
Paradisi gaudio.

Horar. ms. Franciscanum. saec. 15. Cod. Vatic. Regin. 165. — 2, 1 Fac nos ardere. — 4, 4 Quam. — 6, 3 Nostrae crucis. — 8, 4 immensium. — 8, 6 Et cor tuum. — 9, 3 ante Christum. — Trotz der Überschrift „Sequentia“ in der Quelle ein Reimgebet.

## 221. De sancta Frideswitha.

- Firma Frideswida, fidei flos, femina fida,  
Rectos rite regens regem reprobando repellens,  
Ignis iustitiae iubar irradiavit in illa.  
Dogmata digna Dei dominabus dans duodenis,  
5. Edibus ex eius enormes expulit estus.  
Sacras sancta sibi studuit sociare sodales,  
Virgo venusta vicens virtutis vendicat vsum,  
Vt viris vetitum vitium vitare volebat.  
Iudex iustitiae iubar ingens intulit illi,  
10. Turris tuba trucem tortorem tundere temptans.  
Hic habitans humilis hostiles horruit hamos,  
Angelicas acies adamans ascendit ad astra.

Orat. ms. Anglicanum saec. 15. Cod. Oxonien. Rawl. C 550 (12403). — 2 reprobando repelle. — 12 ab astra. — Es folgen in der Handschrift einige andere erzählende Verse mit dem Anfang: Carne Frideswidam genuit rex Didanus iste, die indes mit obigem Gedichte nichts zu tun haben. — Abschrift von Rev. H. M. Bannister.

## 222. De sancta Genovefa.

- |  |   |
|--|---|
| 1. <i>Genovefa</i> , flos virginum<br>Post matrem lucis luminum,<br>Excuset apud Dominum<br>Nostrorum lapsus criminum. | 3. <i>Genovefae</i> subiaceat<br>Nostrae mentis intentio,<br>Ne vitiosa foeteat<br>Tumens cordis elatio.  |
| 2. <i>Genovefae</i> praeconium<br>Pangat laudis confessio,<br>Et virginis praesidium<br>Nos absolvat a vitio.          | 4. <i>Genovefam</i> fidelium<br>Veneretur devotio,<br>Culpa poscat remedium<br>Fervens cordis compunctio. |



5. *Genovefa*, generalis  
Salus in te sperantium,  
Spes tuorum spiritalis,  
Praebe tuis solacium.
6. *Genovefa* supplicante  
Nullis premar supplicis.  
Christo mihi miserante  
Non puniar cum impiis.
7. Virgo clara virtutibus,  
Virtutum fulgens titulo,  
Coniunge caeli civibus  
Exsules in hoc saeculo.
8. Virgo, per manus praesulis  
Sponso dicata virginum,  
Esto pro tuis famulis  
Mediatrice ad Dominum.
9. Virgo, quae matris oculos  
Luci restauras pristinae,  
Participes fac servulos  
Aeternae vitae lumine.
10. Virgo, quae facis puteum  
Profundum superfluere,  
Fac cor meum lapideum  
Lacrimas tibi fundere.
11. Virgo, Parisiensium  
Salus a persequentibus,  
Esto nobis refugium  
Ab inimicis omnibus.
12. Virgo, cui panis hordei  
Cum fabis est refectio,  
Nobis sit cibus fidei  
Lacrimarum profusio.
13. Virgo, potans artifices  
Dato de sursum poculo,  
Satia tuos supplices  
Aeternae vitae pabulo.
14. Virgo, quae prae te cereum  
Lumen facis recipere,  
Me facias sidereum  
Verum lumen attingere.
15. Virgo, pro furti crimine  
Caecata reddens lumina  
Culpam fatenti feminae,  
Mentes nostras illumina.
16. Virgo, quae membra plurium  
Liberas a paralyti,  
. . . . .  
. . . . .
17. Virgo, quae viros liberas  
A morte morti deditos,  
A via mortis transferas  
Ad vitam tibi subditos.
18. Virgo, puellae debili  
Pedum reddens officium,  
Via indeclinabili  
Me duc ad summum gaudium.
19. Virgo, suspendens aere  
Correptos a daemoniis,  
Dignare nos eripere  
A daemonum insidiis.
20. Virgo. quam falsae virginis  
Non fallit simulatio,  
Fac nos expertes criminis,  
Dignos iustorum praemio.
21. Virgo, quae mersum precibus  
Matri restauras filium,  
A nostris deme cordibus  
Vitae praesentis taedium.
22. Virgo, quae manum aridam  
Sanasti tuis meritis,  
Fac mentem nostram turbidam  
Christi parere monitis.
23. Virgo, pulsus daemonibus  
Sequanam reddens pervium,  
Fac, ne cum peccatoribus  
Iter carpamus devium.
24. Virgo, per quam solidatur  
Membrorum dissolutio,  
Per te nobis concedatur  
Peccatis absolutio.



25. Virgo, quae viros liberas  
Vexatos a daemonio,  
Fac mentes nostras liberas  
A daemonum dominio.
26. Virgo, quae caecam virginem  
Redditis sanas oculis,  
Mentis nostrae caliginem  
Precibus pelle sedulis.
27. Virgo, per quam procuratur  
Frigus et ardor februm.  
Per te nobis concedatur  
Inter utrumque medium.
28. Virgo, quae naves fluvio  
Periclitantes liberas,  
Nos a mundi naufragio  
Ad vitae portum transferas.
29. Virgo, nactas mirifice  
Quae das fruges famelicis,  
Caelesti pane refice,  
Quos temporali reficis.
30. Virgo, quae pro pauperibus  
Furtum facis laudabile  
Dans panes indigentibus,  
Crimen arce damnable.
31. Virgo, debilem pedibus  
Surdumquesanans hominem,  
Da nobis aequis passibus  
Imitari te virginem.
32. Virgo, per quam parentibus  
Sana redditur filia  
De vita desperantibus,  
Duc nos ad vitae praemia.
33. Virgo, quae parcis homini  
Nolenti servo parcere,  
Caelesti tuos agmini  
Stude servos coniungere.
34. Virgo, foedis vestigiis  
Foedum fugans daemonium,  
A foetentibus vitiis  
Purga secreta cordium.
35. Virgo, cuius potentiam  
Sentiunt energumini,  
Da nobis sapientiam  
Christi devotam nomini.
36. Virgo, fractum vas olei  
Pulso reformans daemone,  
Praeceptis sanctae fidei  
Parere tuos admone.
37. Virgo, quae demis pluviam  
Messibus et messoribus,  
Riga cordis duritiam  
Salutiferis imbribus.
38. Virgo, quae corpus liberas  
Oppressum morbo calculi,  
Cordibus nostris auferas  
Amorem huius saeculi.
39. Virgo, quae mirabiliter  
Incurvos sanas digitos,  
Sana misericorditer  
Actus nostros illicitos.
40. Virgo, cuius praesentia  
Movenitur immobilia,  
Fac in Christo stabilia  
Corda, quae sunt mobilia.
41. Virgo, quae tuis meritis  
Sequanæ sedas impetum,  
Ab actibus illicitis  
Restringe mentis impetum.
42. Virgo, quae circumstantibus  
Ab aquis servas lectulum,  
Intactum iustis fluctibus  
Riga mentis cubiculum.
43. Virgo, quae sacri caelitus,  
Sedas ignis incendium,  
In me criminum penitus  
Extingue flammam omnium.
44. Virgo, me tuum famulum  
Caeli fac dignum solio,  
Quae vivum servas servulum  
Templi lapsum fastigio.

- |   |  |
|---|--|
| 45. Virgo, quae signis celebris<br>Rivos distillas olei,<br>Eripe nos a tenebris<br>Fonte repletos fidei. | 49. Quam reddit venerabilem<br>Signorum iugis gratia,<br>Quam suis admirabilem<br>Christus aequat in gloria,   |
| 46. Virgo, dulce refugium,<br>Spes certa laborantium,<br>Medicina languentium,<br>Languorum salus omnium, | 50. Qua supplicante venia<br>Confertur peccatoribus,<br>Qua mediante praemia<br>Vitae dantur fidelibus,        |
| 47. Cuius vita gloriosa,<br>Mors longe gloriosior,<br>Cuius vita pretiosa,<br>Mors multo pretiosior.      | 51. Inclina nostris precibus<br>Aures misericordiae,<br>Nostris infundens mentibus<br>Donum caelestis gratiae. |
| 48. Cui subiacent daemonia<br>.<br>.<br>.<br>Cuius insensibilia<br>Corpus adesse sentiunt.                | 52. Tu profugis refugium,<br>Desolatis consilium,<br>Tu nobis sis auxilium<br>Mortis arcens exsilium.          |

Legend. ms. S. Genovefae saec. 13. Cod. Parisin. 5667. add. saec. 13. — 13, 2 Datum. — 17, 3 Virgo mortis. — 19. 2 Correctos. — 38, 2 carculi. — 44, 4 fastidio. — Aus derselben Quelle bei Saintyves, Vie de Sainte Geneviève, Paris 1846, p. CXLII sqq., mit einigen Lesefehlern, die hier anzumerken überflüssig sein dürfte. 16, 2 ergänzt Saintyves: Servos emunda scelerum | A peste detestabili; diese Ergänzung verbietet der Reim. — 48, 2 füllt er aus: Quam et praesentem fugiunt; hier ist wenigstens der Reim gewahrt.

### 223. De sancto Hieronymo.

- |  |  |
|--|--|
| 1. Ieronymus, scholastica<br>Imbutus disciplina,<br>Tam graeca quam hebraica<br>Cognovit et latina.  | 5. Oblitus est praeterita<br>Extentus in futura,<br>Aggreditur insolita<br>Eremitarum iura.        |
| 2. Hic presbyter eligitur<br>Romanus cardinalis,<br>Quem acriter persequitur<br>Tumultus clericalis. | 6. Naturam domat variis<br>Laboribus virtutum,<br>Vigiliis, ieiuniis<br>Secundum patrum nutum.     |
| 3. Elatos, vagos, ebrios.<br>Gulosos increpavit,<br>Quo contra semet impios<br>Ut canes irritavit.   | 7. In disciplinis talibus<br>Discipulus imbutus,<br>In imbuendis pluribus<br>Magister constitutus. |
| 4. Recessit ergo longius<br>Relinquens civitatem,<br>Gaudenter adit serius<br>Deserti vastitatem.    | 8. Munivit sacrae paginae<br>Scripturas veritate,<br>Quae veterum caligine<br>Fuerunt vitiatae.    |

- |   |  |
|---|--|
| 9. Virtute manens stabilis<br>Devenit ad extrema,<br>Defunctus servus humilis<br>Defertur ad suprema. | 10. [Sacer]dos beatissime<br>Pro nobis in[tercede],<br>[Ne nostrae] fiant animae<br>Daemoniorum prae[dae]. |
|---|--|

Orat. ms. Campense anni 1462. Cod. Darmstadien. 521.

224. De sancto Hieronymo.

- |   |  |
|---|--|
| 1. Hic sacerdos fuit ordine,<br>Peregrinans maris culmine,<br>Heremita solitudine,<br>Demum regulae professor,<br>Claustri sancti fabricator<br>Et monachorum pastor. | 6. Hic caritate fervidus,<br>In Deo nunquam tepidus,<br>Proximo benignus,<br>In zelo semper sobrius,<br>Ad pacem compositus<br>Et ab odio sepositus.             |
| 2. Hic per flagella vocatus,<br>Omnis linguae peritus,<br>Interpres omnis ritus,<br>Fuit veritatis doctor,<br>Scriptorum verus translator<br>Et summus compositor.    | 7. Hic districtus in iustitia<br>Misericors cum illa,<br>Circumspectus prudentia,<br>Memorans praeterita,<br>Ponderans praesentia<br>Et providens futura.        |
| 3. Hic scribendo certas metas<br>Omnem statum docuit,<br>Omnes David et prophetas<br>Ipse solus exposuit,<br>Super Salom et tres athletas<br>Eius doctrina floruit.   | 8. Hic virtute fortissima<br>Derisit terribilia,<br>Attritus abstinencia<br>Postposuit carnalia,<br>Fulcitus temperantia<br>Quae contemnit nimia.                |
| 4. Hic fidei pugil et vexillum,<br>Malleus haereticorum,<br>Ipsorum iuge flagellum,<br>Hostis fuit vitiorum,<br>Virtuti fecit scabellum<br>Tradens doctrinam morum.   | 9. Hic humilitate deiectus,<br>Pietate mollitus,<br>Oratione devotus,<br>Lacrimarum effusor,<br>Comtemplatione sublatus<br>Et utilis actione.                    |
| 5. Hic spe certissimus,<br>Iudici non pavidus,<br>Operator sollicitus,<br>Nunquam otiosus,<br>Sperantium firmarius<br>Et confortator strenuus.                        | 10. Hic pauperum subventor,<br>Elemosynarum largitor,<br>Tristium consolator,<br>Laetantium temperator,<br>In adversitate securior,<br>In prosperitate devotior. |

11. Hic virgo carne,  
Purus in mente.  
Iam senex aetate  
Docuit in morte,  
Quae sine forte  
Sunt plena salute.

12. Hic leonem domuit,  
Qui obsequia praebuilt,  
Dogmatizavit Paulam,  
Quae praecessit in patria.  
Infra vide, quot post mortem  
Coruscarunt miracula.

Hieronymianus ms. Johannis Andreae, saec. 15. Cod. Rossian. VIII, 231. A — Collect. ms. incert. orig. saec. 14. Cod. Vindobonen. 4689. B. — 5, 1 Hic saepe certissimus B. — 5, 2 Iudicem A. — 5, 3 Sperator A. — 5, 5 fumarius. A. — 9, 5 inolitus A. — 12, 1 domuit leonem A. — 12, 2 obsequia praebuilt A. — 12, 4 in fehlt B. — 12, 5 Supra vide quid B. — Vgl. Mone III, 341 (in not.); ferner: Hieronymianus imp. s. l. 1482 (Hain 1082). — Der Autor bemerkt zu seinem Produkte: „Deo teste nihil, quod falsum putem, immiscui in hoc stilo studiose difformi; nec hic rimas vel ritimos facere intendebar, in quibus requiritur uniformi[tas].“

## 225. De s. Hugone Gratianopolitano.

Gaude perpetuo, praedulcis, amabilis Hugo,  
Tu meritis plenus, fidei pietate serenus,  
Illustris donis divinae cognitionis,  
Mundi calcator, Christi fervens imitator,  
Iustitiae forma, morum rectissima norma.  
O pater, exora pro nobis mortis in hora,  
Ut simus digni postrema luce beari.

Orat. ms. Campense anni 1462. Cod. Darmstadien. 521.

## 226. De s. Hugone Lincolnensi.

1. Est Hugo de' Burgundia  
Excelsa Christi gratia  
Sublimatus in Anglia  
Pontificatus infula.

4. Gloriam summis hic figens,  
Ficta ininis reperiens,  
Carthusiensem ordinem  
Subegit mox asperrimum.

2. Ilium plasmatus arida  
Irroratur aerea  
Humiditate, frigida  
Ardet natura ignea.

5. Odas canunt altissimo  
Assumpto ab exsilio  
Hugone cives superi  
Ad asylum Dei veri.

3. Vitae sancti principiis  
Mortis versis mellifluis  
Hugonis sine dubio  
Est simplex generatio.

6. Aeterna Christi munera  
Hugo figens memoria  
Leprosis dedit oscula  
Et sensit illa dulcia.



- |   |   |
|---|---|
| <p>7. Superna ergo procura<br/>Nobis prece continua,<br/>Nunc apud qui te Dominum<br/>Fecit pastorem gentium.</p> | <p>8. Tibi patri, Deo vero,<br/>Laus, honor sit et filio<br/>Cum spiritu paraclito<br/>Finem iungens principio.</p> |
|---|---|

Collect. ms. Guilelmi Reed, Epi. Cicestren. saec. 14. Cod. Coll. Novi Oxonien. 264. — „A clerico quodam, anno 1316 scholae grammaticalis Lincolniensis didascolo, compositum.“ — Abschrift von Rev. H. M. Bannister.

## 227. De sanctis Innocentibus.

- Insontes Domini, nobis succurrite sancti**  
 Nos gravibus vitiis per Christi solvite nome**N**.  
 Suscipe tu, dominans, sanctorum suspice voce**S**,  
 Omnibus et miserere tuis, quos sanguine fus**O**
5. Nempe redemisti; splendens in carcere lume**N**,  
 Traxisti de morte tuos; mors mortua dormi**T**,  
 Ex quo morte tua reserasti gaudia vit**E**.  
 Sanguinis effusor saevusque inimicus Herode**S**.  
 Destruitur per te victus, fortissime Davi**D**.
10. Ocior hostis erat volitans omni quoque vent**O**,  
 Mordax ut frendens cupiens leo perdere Christu**M**.  
 Innocuos pueros sternebat corpore nec**I**.  
 Non tamen extinctos inclusit tartara daemo**N**,  
 In gremium caeli vexit sed gratia summ**I**.
15. Nomina habent in fronte sua, patris quoque nome**N**,  
 Omnes et clamant modulando carmine pulchr**O**.  
 Bombo qui luctus lacrimantur coniuge Iaco**B**.  
 In superis plorat pueri ceu mater ablat**I**,  
 Sed nimio non vult luctu cessare deplangen**S**,
20. Sunt quia, sed non est illis regressio tristi**S**,  
 Ut veniant iterum mundum qui planctus in us**U**.  
 Cosmica cuncta manent deterisa tristia, donec**C**.  
 Cunctipotens veniens nos omnes colligit illu**C**.  
 Uivida vos, sancti, clamat mea palpebra flet**U**,
25. Rectorem mundi precibus, rogo, flectite semper**R**:  
 Rex fortis, Iesu, dominans, miserere, precamu**R**,  
 Impie quod gessit *Froumundus* corpore fact**I**.  
 Tollite peccatum. quod Christus sanguine tinxit**T**.
30. Eudochias os oplon stephanosas, Kyrie Christ**E**,  
 Sanctos innocuos, qui cantant carmina laudi**S**.  
 Ante thronum Domini cantant sibi cantica pulchr**A**:  
 Nostrum vindica ema, splendens de lumine lume**N**,  
 Confratrum numerus, dictum est, requiescite, donec**C**
35. Tempus adhuc modicum, cum rex fortissimus asta**T**.  
**Insontes Domini, nobis succurrite sancti**



Collectan. ms. Tegurinum saec. 10. Clm. Monacen. 19412. — 30. *Εὐ-δοξίας δὲ ὁπῖον στεφανῶσας χεῖρε*. — 33 *ema = αἷμα*. — Doppelakrostich: *Insontes Domini, nobis succurrite sancti*; der Verfasser nennt sich Vers 27.

## 228. De sancto Iudoco.

- Mulciber exsulta mons, crebra laude resulta,  
Iudoco fulta venient tibi nunc bona multa.  
Nec mala sunt ulla, mihi si datur ampla gugulla.  
Laus tibi sit, Christe, cuius pietate vir iste,
5. Cultor apostolicus, Iudocus, pacis amicus,  
Iuvaviam grata sua pignora, grata, beata  
Mittere dignatus est sicque iuvare paratus  
Se collaudantes illic et eum venerantes.  
Ex hoc nunc gaude manibusque, Iuvavia, plaude
10. Iudoco praesto, solito iucundior esto.  
Sed magis exsulta, mons Ertrudis, quia multa  
Est tibi collata pax haec per pignora grata.  
O furtum dignum sacrilegiumque benignum!  
Iudoci pignus cur hoc venit? quia dignus,
15. Latius ut crescat, Iudocus, ubique virescat.  
Sic pateat, quanti sit ubique potentia sancti  
Huius mirifici, Christi regalis amici,  
Morbos curantis et maestos exhilarantis.  
O Iudoce pater, ne me capiat locus ater,
20. Christum dignare pro me, te quaeso, rogare.

Collect. ms. Zwettlense saec. 13. Cod. Zwettlen. 64. add. saec. 14. —  
14 *cur hoc vere quia*. — Dies Gedicht berichtet von einem Reliquiendiebstahle für Nonnberg.

## 229. De sancto Iudoco.

- Iuste Iudoce, precumstrarum suscipe voces,  
Tu, qui iuste doces, ad vitam nos trahe tecum.  
Iudicium docuit fidei doctrina Iudocus,  
Unde sui potuit nominis esse locus.
5. Felix confessor, pastor venerande, Iudoce,  
Vitae confessor, nos faciendo doce.  
Summo clamore tibi laus est danda, Iudoce,  
Iucunda voce faventis cordis amore.  
Corde laetabundo, pater alme, preces tibi fundo,
10. Qui procul a mundo fugiebas ut moribundo.  
Sic me non mundo, scelerum qui sorde redundo.  
Iunge Deo mundo me, qui meritum mihi non do,  
Ne barathri fundo merear, Deus, esse profundo.

Collect. ms. Zwettlense saec. 13. Cod. Zwettlen. 64. add. saec. 14. —  
Dies Gedicht scheint aus mehreren kleineren zusammengesetzt und nach  
Vers 12 (*mundo — non do*) französischen Ursprunges zu sein.

230. De S. Iohanne Bridlingtoniensi.

- |   |   |
|---|---|
| <p>1. Bridlingtonis prior pie,<br/>Repraesenta nos Messiae,<br/>Qui tot flores moribus,<br/>Ut nos solvat in hac die<br/>A cutis doloribus.</p> | <p>2. Sicut clamat vox in Rama,<br/>Funde preces atque clama<br/>Pro nobis ad Dominum,<br/>Servos, prior [sancte], ama<br/>Sordes tergens criminum.</p> |
|---|---|

Miss. ms. Sarisberiense saec. 15. Cod. Oxonien. Rawl. C 142. — 1, 1  
Bridlingtonem. — Nach 1, 1 noch überzählig Imitator castae viae.

231. De s. Iohanne de Bridlington.

Salve, sancte prior, maestorum salvificator,  
Cum grave quid patior, tibi confugior, medicator.  
Ergo memento mei, cum sis plenus pietate,  
Laus gentisque Dei, mihi praesta, quod precor a te.

5. Tu poteris Christi, scimus, prece ferre iuvamen  
Omnibus in tristi spectantibus orbe levamen.  
Virtus namque tuae multos relevat pietatis,  
Noxia continue pellens a dire gravatis.  
Inclite pastor, ave, per te simus procul a vae.

\* \* \*

10. Tua nobis detur gratia petitione pia  
Et simus semper in gloria cum Iesu et Maria.

Horae sec. usum Sarum saec. 15. in. Cod. Oxonien. Lat. lit. f 2. —  
Die zwei letzten Verse scheinen nicht mehr zum Vorhergehenden zu gehören.  
Es ergibt sich dann ein Akrostichon: Scelto uni, das ich nicht zu deuten  
weifs. Oder sollte dasselbe nur der Laune des Zufalls sein Dasein ver-  
danken? — Abschrift von Rev. H. M. Bannister.

232. De s. Iohanne Baptista.

- |  |  |
|--|--|
| <p>1. Cleri universitas,<br/>Solve laudes debitas<br/>Beato Iohanni,<br/>Ut per eum siccitas<br/>Cesset et humiditas<br/>Assit bonis anni.</p> | <p>3. Iohannis nativitas<br/>Per sortes exhibitas<br/>Claruit praeclare,<br/>Cui laudes debitas<br/>Populi immensitas<br/>Debet decantare.</p> |
| <p>2. Gaude, cleri contio,<br/>Laetare cum gaudio,<br/>Iohannem implora,<br/>Ut eius subsidio<br/>Aestuum effusio<br/>Cesset absque mora.</p>  | <p>4. Dum iuventa floruit,<br/>Maculari respuit<br/>Naviloquo felle;<br/>Hic eremum coluit<br/>Et pro pastu habuit<br/>Locustas cum melle.</p> |

5. Vitam ducens asperam  
Docuit ad litteram  
Atque baptizavit,  
Vestem gerens buceram  
Nec vinum nec siceram  
Nec mustum potavit.

6. Mundo nolens subici  
Nominis angelici  
Voce nominatur,  
Carne spernens infici  
Laurea centuplici  
Caelo laureatur.

7. Lux, lucerna praevia,  
Hos aestus abhinc via  
Pulsa livione  
Ac in caeli curia,  
Ubi pax et gloria,  
Nos tecum repone.

Collect. ms. Trecoriense saec. 14. Cod. Parisin. Nouv. acq. 426. —  
5, 3 Hunc vane baptizavit. — 5, 4 bugeram.

### 233. De s. Iohanne Baptista.

1. Salve, Iohannes sancte,  
Baptista reverende,  
Inter sanctos ceteros  
merito praeferende,  
Post Christum et Mariam  
praecipue colende,  
Pro nobis preces Domino  
iugiter impende.

4. Gaude, quia iuvenis  
eremum petisti  
Utriusque sexus  
turmasque fugisti,  
Peccato consentire  
qui [non] voluisti,  
Fac culpas nos odire,  
sicut tu odisti.

2. Gaude, qui per angelum  
coannuntiatus,  
Priusquam concipereris.  
Iohannes nominatus.  
In ventre tuae matris  
conceptus et sacratus,  
In nobis tuis precibus  
sit Christus hospitatus.

5. Gaude, quia carnem  
tuam domuisti,  
Cum mel et locustas  
sponte comedisti,  
Nec sicerae nec vini  
pocula bibisti,  
Fac, ut simus sobrii.  
qui sic abstinuisti.

3. Gaude, quia nomen per  
ortum tibi datur  
Iohannes, Dei gratia  
quod interpretatur,  
Pater pius et mutus  
prophetando fatur,  
Divina nobis gratia  
per te concedatur.

6. Gaude, quia Domino  
viam praeparasti,  
„Paenitentiam agite“  
quando praedicasti,  
„Regnum Dei prope est,“  
Iudaeis nuntiasti,  
Fac nos paeniteri  
vitando, quod vitasti.

7. Gaude, quia Iesum  
 digito demonstrasti,  
 „Ecce, agnus Dei“  
 dicens proclamasti,  
 In flumine Iordanis  
 Christum baptizasti,  
 Fac nobis hunc propitium,  
 quem tunc honorasti.

8. Gaude, quia Herodem  
 tu redarguisti,  
 Quem fratris uxorem  
 duxisse tu scivisti,  
 Capitis sententiam  
 propter hoc subisti,  
 Nos vitam fac finire  
 in caritate Christi.

9. Gaude, qui post mortem  
 ad limbum descendisti  
 Ac existentes ibi  
 vere praemunisti,  
 Quod essent exituri  
 in adventu Christi,  
 De barathro nos eripe  
 eius[que] poena tristi.

10. Gaude, quia redemptor  
 pius populorum  
 Extraxit post ab inferis  
 [patriarcharum chorum]  
 Secumque reduxit  
 ad gaudia caelorum,  
 Fac nos gaudere secum  
 precibus illorum.

Orat. ms. Eliense saec. 14. Cod. Coll. SS. Trinitatis Oxonien. 7. —  
 2, 3 Priusquam tu. — 5, 5 Ciseri nec vini. — 6, 6 Indeum. — 8, 7 fac  
 finori. — 9, 4 veri. — 10, 1 redemptor filius. Abschrift von Rev. H. M.  
 Bannister.

### 234. De s. Iohanne Baptista.

#### Ad Matutinum.

1. Dulce melos tangat caelos  
 In Iohannis praeconio,  
 Cuius pater, sic et mater  
 Nomen tangunt praesagio.

2. Gabrielis vox de caelis  
 Dubitanti Zachariae  
 Hunc futurum nasciturum  
 Promit cum vitae serie.

3. Sidereo regi Deo  
 Laus, honor, virtus, gloria,  
 Qui nos ducat et perducatur  
 Ad caelorum palatia.

#### Ad Laudes.

1. Gaudet coetus noster laetus  
 Christum mundi redemptorem,  
 Agonistam qui baptistam  
 Suum fecit praecursorem.

2. Dum non credit, vox recedit  
 Zachariae, sancti patris,  
 Sensit plausus adhuc clausus  
 In utero suae matris.

3. Sidereo regi Deo.

#### Ad Primam.

Mundi sator et plasmator  
 Tui praeconis munere  
 Te laudare, te amare  
 Fac nos et tecum vivere.

#### Ad Tertiam.

Catechizans et baptizans  
 Iohannes paenitentiam  
 Diligebat et colebat  
 Prae cunctis innocentiam.



Ad Sextam.

Eremita, tua vita  
Exemplum est munditiae  
Ad pulsandum, detestandum  
Crimen impudicitiae.

Ad Nonam.

luans prece nos a nece  
Dira, Iohannes, eripe.  
Pugil fortis, hora mortis  
Hanc plebem tuam suscipe.

Ad Vesperas.

- |   |   |
|---|---|
| 1. Dignus laude martyr, gaude,<br>Virgo baptizans Dominum,<br>Doce formam, trade normam<br>Delendi sordes criminum. | 2. Salus praesto nobis esto<br>Virtutis donans meritum,<br>Hic gratiam et gloriam<br>Nobis post noc exsilium. |
|---|---|
3. Sidereo regi Deo.

Ad Completorium.

- |  |  |
|--|--|
| 1. Tu signifer, tu lucifer<br>Praecurrens ante Dominum,<br>Ad quem ire fac secure<br>Nos per saeculi terminum. | 2. Sidereo regi Deo<br>Laus, honor, virtus, gloria,<br>Qui nos ducat et perducat<br>Ad caelorum palatia. |
|--|--|

Horae BMV. sec. usum Carnotensem saec. 14. Cod. Vatican. Regin. 180. — Ad Mat. 2, 2 Viventis Zachariae. — Ad Prim. 1, 2 Iohannis praeconio munere. — Ad Tert. 1, 3 Diligebat et servabat. — Ad Sext. 1, 1 vita tua. — 1, 3 sq. Ad populum sanctitatis crimine. — Ad Vesp. 2, 4 Lies: Nobis post vitae exitum? — Die Doxologie wiederholt sich nach jeder Tageszeit.

235. De s. Iohanne Evangelista.

- |   |  |
|---|--|
| 1. Extollamus virum sanctum,<br>Quem Iesus dilexit tantum,<br>Pangat sibi novum cantum<br>Militans ecclesia.<br>Sanctus hic evangelista<br>Almus Dei fit symmista.<br>Laude praesens sit in ista,<br>Det nobis auxilia. | 3. Totus plenus sanctitate.<br>Luculenta veritate,<br>Custos virginis sacratae<br>Exstitit et filius.<br>Haec est arca thesaurorum,<br>In qua cibus angelorum<br>Atque manna beatorum<br>Et fructus eximius.           |
| 2. Hic Iohannes vir amoris,<br>Vir candoris et decoris.<br>Sacri roris et dulcoris<br>Plenus charismatibus,<br>Caritatis excellentis,<br>Castitatis redolentis,<br>Quo repletur ardor mentis<br>Flaminis affectibus.    | 4. Hic Iohannes vir divinus,<br>Cuius visus angelinus,<br>Ad superna qui festinus<br>Contemplando claruit.<br>Hic prae ceteris dilectus<br>Et defensus et protectus,<br>Iesu Christi supra pectus<br>In cena recubuit. |

- |  |  |
|--|--|
| <p>5. Suxit ibi documenta<br/>         Evangelii fluenta,<br/>         Quae plus fragrant quam unguenta<br/>         Valde redolentia.<br/>         Hic melliflui sermonis<br/>         Vir, coruscans sacris donis,<br/>         Vere dignus est coronis<br/>         In caelesti patria.</p> | <p>7. Sic apostolus mirandus,<br/>         Valde semper honorandus,<br/>         Reverendus et amandus,<br/>         Vitans omne terreum.<br/>         Iesum amans Nazarenum<br/>         Sprevit mundum quasi caenum,<br/>         Vicit bibitum venenum<br/>         Atque fervens oleum.</p>  |
| <p>6. Gravitationem dum servavit,<br/>         Ad sublimia volavit,<br/>         Mira Dei demonstravit<br/>         Divina clementia.<br/>         Contemplator supernorum,<br/>         Suscitator mortuorum<br/>         Et ostensor arcanorum,<br/>         Intuens mysteria.</p>           | <p>8. Quis non amet hunc amore<br/>         Speciali cum dulcore,<br/>         Quodam intimo sapore<br/>         Inclitum discipulum?<br/>         Quem et Christus sic amavit,<br/>         Decoravit, exaltavit,<br/>         Matrem pendens commendavit<br/>         Perferens patibulum.</p> |

9. O dilecte Christi Dei.  
 Dulcis nate Zebedaei,  
 Memor esto semper mei,  
 Donec ad te veniam.  
 Semper geras de me curam,  
 Fac, ut ducam vitam puram,  
 Me perducas ad futuram  
 Sempiternam gloriam.

Horar. ms. Franciscan. saec. 15. Cod. Vatican. Reg. 165. — 1, 6 Dei fit immista. — 2, 4 Plenus fehlt. — 2, 6 recolentis. — 3, 6 cibis. — 3, 7 Et manda beatorum. — 4, 2 Cuius visque. — 5, 1 Susit. — 5, 3 frangant. — 5, 6 Vim. — 6, 3 Misericordia Dei. — 6, 7 Et fehlt. — 8, 2 Speciali tamen. — 8, 3 Quondam. — 8, 6 exsultabit. — 9, 1 Christe. — 9, 5 geris. — Trotz der Bezeichnung als „Sequentia eius“ ein Reimgebet.

## 236. De sancto Iohanne Evangelista.

### Ad Matutinum.

- |   |  |
|---|--|
| <p>1. O Iohannes amabilis,<br/>         Apostole mirabilis,<br/>         Vir valde venerabilis,<br/>         Sis nobis favorabilis.</p>         | <p>2. Iohannes virgo, ceteris<br/>         Dilectior apostolis,<br/>         Sacer, plenus dulcedinis,<br/>         Custos beatæ virginis.</p> |
| <p>3. Ora pro nobis iugiter,<br/>         Instanter ac salubriter,<br/>         Ut tecum simus pariter<br/>         In caelis aeternaliter.</p> |  |

Ad Laudes.

- |  |   |
|--|---|
| 1. Evangelista fulgidus<br>Iohannes et apostolus<br>Tollat a nobis noxia<br>Et ducat ad caelestia. | 2. Maria, mater inclita,<br>Virginitate praedita,<br>Cum virgine discipulo<br>Nobis succurrat sedulo. |
|--|---|

Ad Primam.

- |  |   |
|--|---|
| 1. Iohannes apostole,<br>Evangelista fulgide,<br>Tuis devotis subveni<br>Cum sacra matre Domini. | 2. Tibi, Iesu, rex omnium,<br>Laus, honor et imperium,<br>Per Iohannem apostolum<br>Duc nos ad caeli gaudium. |
|--|---|

Ad Vesperum.

- |  |  |
|--|--|
| 1. Iohannes amantissime,<br>Cum genetrice virgine<br>Fac nobis eius filium<br>Semper fore propitium. | 2. Succurre nobis omnibus<br>Tuis sacratis precibus,<br>Per hanc tui memoriam<br>Duc nos ad caeli gloriam. |
|--|--|

Horar. ms. Franciscan. saec. 15. Cod. Vatic. Regin. 165. — Ad Mat.  
2. 2 Dilector. — Ad Prim. 1, 2 Evangelistaque. — 2, 1 Iesu fehlt. — Ad  
Vesp. 2, 3 tui fehlt. — 2, 4 gratiam. — Das Akrostichon: „O Io[hann]e[s]  
mitis“ zeigt, daß das Ganze unvollständig ist.

237. De sancto Iohanne Evangelista.

- |  |   |
|--|---|
| 1. En, Iohannes, humi pronus<br>Te adoro volens bonus<br>Esse tui servulus,<br>O quam felix in supernis<br>Regnas, ubi Iesum cernis,<br>Qui est tui iubilus. | 4. Tu columna militantis<br>Et perpulchrum triumphantis<br>Decus es ecclesiae,<br>Multum timent te, Iohannes,<br>Nec audire possunt Manes<br>Laudes tuae gloriae. |
| 2. Et Mariam contemplando,<br>Ipsam pie collaudando<br>Sentis dulce gaudium,<br>Toto corde iucundaris,<br>Dum unius contemplaris<br>Trinique mysterium.      | 5. Sanctus omnis et beatus<br>Te collaudet et firmatus<br>Angelus in gratia,<br>Ego servus tui data<br>Tibi terris mente lata<br>Texo privilegia.                 |
| 3. In suprema hierarchia<br>Locum tenens melodia<br>Dulci Deo iubilas,<br>Virgo martyr et propheta,<br>Doctor fulgens ut planeta<br>Caelo valde rutilas.     | 6. Gaude, nate Zebedaei,<br>Quia virgo Mater Dei<br>Est tua matertera;<br>Gaude, quia meruisti<br>Consobrinus esse Christi<br>In hac vita misera.                 |

7. Gaude, preces ad Mariae  
Iesus ornat tuas pie  
Vino sancto nuptias;  
Gaude, sponsam reliquisti  
Et sic semper tenuisti  
Virginum munditias.
8. Gaude, Iesus te elegit  
Et ab aevo praelegit  
Suum in apostolum.  
Gaude, Iesus te amavit  
Et prae cunctis demonstravit  
Se tibi benevolum.
9. Gaude, Iesum speciosum  
Conspexisti gloriosum  
Tabor in cacumine;  
Gaude, parans Iesu cenam  
Monte Sion, omni plenam  
Caelica dulcedine.
10. Gaude, Iesus proditorem  
Tibi pandit gerens morem  
Tui desiderio;  
Gaude, tibi Iesu pectus  
Fit in cena mollis lectus  
Dulcisque pausatio.
11. Gaude, Iesus, quando sedes,  
Lavat pronus tibi pedes  
Angelis mirantibus;  
Gaude Iesus, postquam sedit,  
Se in cibum tibi dedit  
Sacris suis manibus.
12. Gaude, Iesu care frater,  
Cuius parens tua mater  
Suo fit imperio;  
Gaude, nam post mortem Christi  
Suae matris habuisti  
Curam pio studio.
13. Gaude, viros Iesum flentes  
Ac de cruce deponentes  
Adiuvasti propere;  
Gaude, fuit tumultum  
A te corpus Iesu, datum  
Morti nostro scelere.
14. Gaude, gaude cessans flere,  
Nam surrexit Iesus vere,  
Dulce manna superis;  
Gaude, manus, pedes, latus  
Redemptoris osculatus.  
Cum redit ab inferis.
15. Gaude, Iesus de te vere  
Dixit: eum sic manere  
Volo, donec veniam.  
Gaude, saepe Dei natus  
Fecit tibi suscitatus  
De se ipso copiam.
16. Gaude, Iesus scandit caelos  
Te cernente, cui melos  
Caeli cives faciunt;  
Gaude, ignis dona dando  
Venit in te, dies quando  
Pentecostes finiunt.
17. Gaude, fili Zebedaei,  
Sepelisti matrem Dei,  
Portam ad caelestia;  
Gaude, cernis, quod Maria  
Caelos intrat harmonia  
Angelorum praevia.
18. Gaude, sospes exivisti,  
Zelo Iesu quod inisti,  
De ferventi dolio;  
Gaude, scribis altas omnes,  
Quas vidisti, visiones  
Manens in exilio.
19. Gaude, quia, quam amasti,  
Drusianam excitasti  
Ephesum ingrediens;  
Gaude, lustrans caeli pratum  
Scribis: verbum caro factum  
Est in mundum veniens.
20. Gaude, sine laesione  
Potas virus in agone  
Propter Iesum inito;  
Gaude, tecti cum fuerunt  
Tua veste, surrexunt  
Mortui persubito.



- |  |   |
|--|---|
| 21. Gaude, multos retraxisti<br>A peccatis, quibus Christi<br>Valde gaudet curia;<br>Gaude, quia sine poena<br>Transivisti ad amoena<br>Paradisi gaudia.<br>Gaude, cernens iam vestitum<br>Tuum corpus et amictum<br>Stolae suae gloria. | 24. Non sit murmur meo corde<br>Nec inquinet os cum sorde<br>Culpa detractoriae;<br>Fac me templum frequentare<br>Zelo Iesu nec me dare<br>Crimini desidia. |
| 22. Te, Iohannes, ego peto,<br>Sume munus vultu leto.<br>Quod tibi nunc offero;<br>Per te Iesus castitatem<br>Mihi det et caritatem,<br>Quam valde desidero.   | 25. In adversis patientem<br>Et in poenis me gaudentem<br>Crucis fac memoria,<br>Mortem Iesu fac me flere,<br>Suae matrisque dolere<br>Nimia tristitia.     |
| 23. In me fides viva crescat<br>Cunctis horis, qua decrescat<br>Satanae nequitia:<br>Culpis meis non desperem,<br>Sed in Iesu morte sperem<br>Suique clementia.  | 26. O Iohannes, mi patrone,<br>Meae mortis in agone<br>Mihi sis praesidio.<br>Post cum Iesu fac videre<br>Me Mariam et gaudere<br>Tecum caeli solio.        |

Officium novum beati Iohannis imp. Bononiae 1525.

### 238. De sancto Ioseph.

- |  |  |
|--|--|
| 1. Inclite Christi confessor,<br>Sancte Ioseph, te deprecor<br>Cum Maria, matre Christi.<br>Cuius sponsus tu fuisti, | 4. Quia ex te in hac vita<br>Grata tulit obsequia,<br>Ob id per tua merita<br>Aegris confert remedia.              |
| 2. Virginitatis merito<br>Eius iunctus consortio<br>Non gignendi proposito<br>Sed latenti mysterio.                  | 5. Unde dignus magna laude<br>Apud Christum intercede,<br>Ut per suas dignas preces<br>Nostros expellat languores. |
| 3. Inter ceteros electus,<br>A Christo magis dilectus,<br>Cuius curam tu gessisti,<br>Quem in ulnis baiulasti.       | 6. Gloriosa tua prece<br>Nos ab omni lava faece,<br>Ut post istam miseriam<br>Perducamur ad gloriam.               |

Devotae Orationes (Fontrebaldenses) imp. Parisiis 1546. — 6, 3 ipsam.

239. De sancta Katharina.

- |   |   |
|---|---|
| 1. Katherina, gemma clara,<br>Sponsa summi regis cara,<br>Secretorum Dei gnara,<br>Castitate florida.           | 5. Exsufflavit blanditores,<br>Sprevit Caesaris tortores,<br>Fatuati sunt doctores<br>Virginis prudentia. |
| 2. A regali stirpe nata,<br>In virtute solidata,<br>Mente sagax, forma grata,<br>In sermone provida.            | 6. Roboratur Deo plena<br>Fides martyris in poena,<br>Fractis rotis cum catena<br>Triumphavit omnia.      |
| 3. Tot virtutibus protecta,<br>Ad calcandum es electa,<br>Contra Dominum erecta<br>Colla regum turgida.         | 7. Imminente die mortis<br>Decollatur virgo fortis,<br>Manu caelicae cohortis<br>Sepulturae traditur.     |
| 4. Hanc Maxentius tormentis,<br>Minis, probris, blandimentis<br>Nisus est a firmæ mentis<br>Trahere constantia. | 8. Nunc exuta corruptelis,<br>Dives meritis, in caelis<br>Pro terrestribus fidelis<br>Advocata creditur.  |

9. Alma virgo Katherina,  
Tuis famulis propina  
De caelesti medicina,  
Quae de te dispergitur.

Orat. ms. Campense anni 1462. Cod. Darmstadien. 521. — Der Reim bindet je drei Strophen zu einer Einheit. — In derselben Handschrift findet sich ein anderes Reimgebet auf dieselbe Heilige mit dem Anfange: Gaude, virgo Katharina, Es conversa vi divina. Dasselbe ist indes infolge von Beschädigung der Handschrift so verstümmelt, daß von einer Wiedergabe abgesehen werden mußte.

240. De sancta Katharina.

- |   |  |
|---|--|
| 1. Christi virgo Katharina,<br>Lege constans in divina,<br>Vicisti Maxentium;<br>Miti voce columbina<br>Convertisti cum regina<br>Militem Porphyrium. | 2. Te sub rotis peregrina<br>Fractis arte iuvit trina<br>Deitas per nuntium;<br>Esto mihi medicina<br>Contra morbum et me mina<br>Sub duce fidelium. |
|---|--|

Orat. ms. Anglican. saec. 13. Cod. Londinen. Ar. 201.

241. De sancta Katharina.

1. Salve, martyr et regina,  
Virgo sponsa Katherina  
Regis regum omnium,  
Salva, sciens trinitatem  
Et indivisam unitatem  
Vere non per somnium.
2. Salve, quae in paganismo  
Vero usa es baptismo  
Cuncta spernens idola;  
Salve, quae contra naturam  
Vitam castam ducens puram  
Vera es amygdola.
3. Salve, pulchra supra modum,  
Colens trinitatis nodum,  
Patrem, pneuma, filium;  
Salve, quae mundum vicisti,  
Vera imitatrix Christi,  
Ferens rosa lilium.
4. Salve, fortis in agone.  
Proeliatrix cum dracone  
Una cum Maxentio;  
Salve, clamans: ego certo  
Pro regno Dei in aperto  
Et hoc sub silentio.  
Salve, vincens quinquagenos  
Oratores, sed amoenos  
Verbis et ingenio.
5. Salve, caesa verbere,  
Caeco clausa carcere  
Caeli luce perfruens;  
Salve, cum militibus  
Reginam caelestibus  
Disciplina imbuens.
6. Salve, freta Christo, laeta  
Regis spernens titulos,  
Salve rotam vincens totam  
Versam in incredulos.
7. Salve, dum sic inclinata  
Stares morti praeparata,  
Orasti ad Dominum;  
Salve, dicens: peto te  
Iesu, sponse dulcissime,  
Ut quicumque hominum
8. Christianae professionis  
Meae mortis et passionis  
Egerit memoriam,  
In quacumque necessitate  
Seu vitae extremitate  
Me invocet, ob gloriam
9. Tuae propitiationis  
Effectum suae petitionis  
Consequatur plenissime.  
Salve, postquam haec prolata,  
Ad te vox de caelo grata  
Affatur dulcissime:  
Salve, veni, speciosa,  
Dilecta flagrans ut rosa,  
Tibi caelum apertum est.
10. Salve, quam Caesar proclamari  
Iussit, post haec irrogari  
Statim vitae dispendium.  
Salve, gladium per amarum  
Caput tuum libens carum  
Deo dans stipendium.
11. Salve, cuius absque norma  
Anima visa est in forma  
Columbae candidissimae;  
Salve, in visu paganorum  
Caelestem ascendisti chorum  
Suscepta splendidissime.
12. Salve, virgo, postquam caesa  
Pro sanguine lac de laesa  
Vena prosilierat;  
Salve, quod chorus angelorum  
Corpus tuum, virgo, decorum  
In Sina sepelierat.

- |   |  |
|---|--|
| <p>13. Salve, decumbens in Sina,<br/>Salutaris medicina<br/>Prece te quaerentium;<br/>Salve, cuius ex tumba manat<br/>Oleum, quod morbos sanat<br/>Cunctorum languentium.</p>   | <p>15. Salve, cuius preces Deus<br/>Exaudivit, clamor meus<br/>Sic aures tuas impleat;<br/>Salve, hanc petitionem<br/>Propter tuam passionem<br/>Dominus adimpleat,</p>              |
| <p>14. Salve, martyr, funde preces,<br/>Cordis mei purga faeces<br/>Sensus terge vitiis.<br/>Salve, confer quaeque bona,<br/>Castitatis cinge zona<br/>Et virtutum initiis.</p> | <p>16. Quod peccantem et pollutum<br/>Me a poenis reddat tutum<br/>Es a claustris inferi.<br/>Audi, Christe, rex divine,<br/>Per precatum Katherinae<br/>Me sanctis tuis inseri.</p> |
17. Qui perire nullum sinis,  
Ut me bonus tangat finis  
In hoc praesenti saeculo,  
Ut possim tecum gloriari,  
Me in aeternum contemplari  
In deitatis speculo.

Orat. ms. Campense anni 1462. Cod. Darmstadien. 521. — 2, 6 Die Form amygdola schützt der Reim. — 9, 8 Mea dilecta flagrans rosa. — 12, 2 sp. lac de vena laesa fluendo prosilierat. — Str. 13 steht zwischen 16, 3 und 4. Es gehört aber inferi (16, 3) als Reim zu inseri (16, 6). — 14, 1 mater funde. — 15, 4 Salve ut hanc.

#### 242. De sancta Katharina.

- |  |   |
|--|---|
| <p>1. Gaude, virgo, sponsa Christi,<br/>Quod videre meruisti<br/>Vivens Dei filium;<br/>Gaude, quia convertisti<br/>Sapientes, quos traxisti<br/>Tecum ad martyrium.</p>         | <p>3. Gaude, quia vox amoena<br/>Caeli patet et serena<br/>Ad tuum suffragium;<br/>Gaude, nam suavitatis<br/>Liquor manat, qui dat gratis<br/>Salutis subsidium.</p>        |
| <p>2. Gaude, virgo Deo plena,<br/>Nam rotarum fracta poena<br/>Non sentis supplicium;<br/>Gande, flos virginitatis,<br/>Quae in signum castitatis<br/>Lac fundis mellifluum.</p> | <p>4. Gaude, virgo et athleta,<br/>Post tormenta transis laeta<br/>Ad caeli palatium;<br/>Fac nos hic ita vivere,<br/>Ut post mortem lucis verae<br/>Sortiamur gaudium.</p> |

Collect. ms. Carthusiae Capellae S. Mariae apud Angiam saec. 15. Cod. Bruxellen. 4961. — 4, 2 Quae post tormenta. — Nach dem Liede folgt noch vor der Oratio eine Ant. mit V. und R.

- |   |  |
|---|--|
| <p>A. O caelestis regni rosa,<br/>Katherina generosa,<br/>Quae probata velut aurum<br/>Coram Christo defers laudem,</p> | <p>V. Esto nobis medicina,<br/>Veneranda Katherina,<br/>R. Ut tecum laudis inbilum<br/>Simus canentes in caelum.</p> |
|---|--|



243. De sancta Katharina.

- |  |  |
|--|--|
| <p>1. Plebs fidelis et devota,<br/>Katherinam mente tota<br/>Laudet istam, cum sit nota<br/>    Angelis, hominibus.<br/>Istae laudes Katherinae<br/>Quasi dulces medicinae<br/>Nobis prosint sine fine<br/>    Ipsam diligentibus.</p> <p>2. Quam felices, qui hoc audent,<br/>Katherinam si collaudent<br/>Nec ab eius se defraudent<br/>    Maximis auxiliis.<br/>O quam fortis est inventa<br/>Inter aspera tormenta,<br/>Cuius membra sunt distenta<br/>    Gravibus suppliciis.</p> <p>3. Crucifixi per amorem<br/>Tulit poenam et dolorem,<br/>[Fundit olei liquorem],<br/>    Quo sanantur languidi,<br/>Per quam funditus mundati<br/>A foetoribus peccati<br/>Secum simus coronati<br/>    Claritate fulgidi.</p> | <p>4. Felix ista Katherina,<br/>Plena gratia divina,<br/>Tamquam stella matutina<br/>    Micat in caelestibus,<br/>Cuius corpus honoratum,<br/>Virginale, tam beatum,<br/>Est in Sinai delatum<br/>    Angelorum manibus.</p> <p>5. Katherina, mater pia,<br/>Esto nobis dux et via,<br/>In caelesti hierarchia<br/>    Nos gaudere facias.<br/>Sapientes convertisti<br/>Ad beatam fidem Christi,<br/>Confortando quos duxisti<br/>    Ad caeli delicias.</p> <p>6. Katherina, decus morum,<br/>Tu dulcedo devotorum,<br/>Tu dilecta angelorum,<br/>    Sis nobis propitia.<br/>Eia ergo, quae mereris,<br/>Quam in caelo palmam geris,<br/>Nos perducere digneris<br/>    Ad aeterna gaudia.</p> |
|--|--|

Horar. ms. Franciscan. saec. 15. Cod. Vatic. Regin. 165. — 1, 2 montem tota. — 4, 6 Virginalem. — 6, 2 Tu ducendo. — 6, 3 dilectis. — 6, 5 quae meritis. — In der Handschrift fälschlich als Sequenz bezeichnet.

244. De sancta Katharina.

Ad parvas horas.

- |  |  |
|--|--|
| <p>1. O sacra virgo nobilis<br/>Et martyr venerabilis,<br/>Katerina laudabilis,<br/>Sis nobis favorabilis.</p> | <p>2. Tuum [per patrocinium]<br/>Fac Christum, Dei filium,<br/>Nobis fore propitium,<br/>[Cum venerit iudicium].</p> |
|--|--|
3. Tibi, Christe, sit gloria,  
Cui benedicant omnia,  
Nos Katerinae gratia  
Duc ad caeli palatia.

Horar. ms. Franciscan. saec. 15. Cod. Vatic. Regin. 165. — Die übrigen Hymnen und rhythmischen Antiphonen dieses Stundengebetes sind Entlehnungen.

245. De sancta Katharina.

- |   |   |
|---|---|
| <p>Ave, virgo Katharina.<br/>Martyr sancta et regina,<br/>Patrona mea specialis,<br/>Defende me a cunctis malis.</p> <p>5. Memento, quod obtinuisti,<br/>Quidquid pro nobis petivisti,<br/>Ut divina vox spocondit,<br/>Quae tibi taliter respondit:<br/>Constans esto, mea formosa,</p> <p>10. A me tibi potestas datur,</p> | <p>Quod, quicumque te veneratur,<br/>In tribulatione securus<br/>Ac in bonis permansurus.<br/>Quapropter, virgo Katharina,</p> <p>15. Martyr beata et regina,<br/>Cum potestas sit tibi data,<br/>Tuos devotos sic defendi,<br/>Ut nunquam possint offendi,<br/>Me sume sub tuum iuvamen;<br/>20. Ut sissemper nobiscum [Amen].</p> |
|---|---|

Orat. ms. Lambacense saec. 15/16. Cod. Lambacen. 756. — 2 et felix regina. — 7 Et divina. — 12 In omni tribulatione erit securus. — 14 Quapropter o beata virgo. — 15 beata fehlt.

246. De sancta Katharina.

- |   |  |
|---|--|
| <p>Aurea vale virgula,<br/>Katherina, munuscula<br/>Cape, quae corde, cartula<br/>Solvo tibi, quem tremula</p> <p>5. Detinent hic ergastula.<br/>Haec es experta pravula<br/>Delicata puellula,<br/>Pasta Christi avicula.<br/>Salve, Christi discipula,</p> <p>10. Tua me stringe fibula<br/>Et contra carnis stimula<br/>Refrenet tua ferula.</p> | <p>Te deprecor, sis sedula<br/>Mea diligens specula</p> <p>15. Et scutum contra spicula<br/>Inimici; tu vincula<br/>Peccati solve singula,<br/>Sis post vitae curricula<br/>Fidelis dux ac regula</p> <p>20. Ad caeli tabernacula,<br/>Ubi parata pabula<br/>Aeterna sine crapula<br/>Sempiternaque pocula.<br/>Virgo, vale per saecula.</p> |
|---|--|

Cod. Oxonien. Laud. Miscell. 75. saec. 14. — 19 vigila wahrscheinlich Schreib- oder Lesefehler. — Abschrift von Rev. H. M. Bannister.

247. De sancta Katharina.

- |   |  |
|---|--|
| <p>1. O beata Katherina,<br/>Virgo clemens et benigna,<br/>Per te possim ad divina<br/>Pervenire gaudia.</p> <p>2. Katherina, virgo pia,<br/>Cuius fideli sophia<br/>Doctorum philosophia<br/>Vana fuit et confusa,<br/>Deum mihi pacifica.</p> | <p>3. Katherina, virgo casta,<br/>Virgo prudens et honesta,<br/>Virgo mitis et modesta,<br/>Roga Deum, ut lamenta<br/>Mea vertat in gaudia.</p> <p>4. Katherina, templum Dei,<br/>Per te sumpserunt fidei<br/>Veritatem philosophi,<br/>Per te salvi sunt effecti<br/>Et in caelis coronati.</p> |
|---|--|

5. Per te, virgo specialis,  
Sim a cunctis liber malis,  
A delictis liberatus  
Et in caelis collocatus  
Tuis patrociniis.

6. Katherina, lumen clarum  
Et lucerna puellarum,  
Virginale speculum,  
Praecellens carbunculum,  
Me salva, tuum famulum.

7. Katherina, Dei templum,  
Castitatis es exemplum,  
Da virtutis indumentum.  
Sanctitatis incrementum  
Verae lucis radium.

8. Katherina, virgo sancta,  
Quae pro tuo servitio,  
Caeli gaudes palatio,  
Roga Deum corde toto,  
Ut me sumat [suo] regno.

9. Katherina, vas decorum,  
Servitutem idolorum  
Quae sprevisi, domino[rum]  
Regem Deum et deorum  
Coluisti, sempiternum  
Da mihi solacium.

10. O beata Katherina,  
Quae mortis supplicia  
Pro Christo non minima  
Tolerasti, tolle mea  
Deo iuvante crimina.

11. Katherina, virgo pia,  
Quae caeli gaudes curia.  
Roga Deum, ut in sua  
Me captivum gloria  
Coronet in laetitia.

12. Quod praestare tu digneris,  
Invocantes quae tueris,  
Quae laudari promereris,  
Quae regentem intueris  
Per saeculorum saecula.

Klemming III, 54. — 5, 3 liberata. — 5, 4 collocata. — 6, 5 tuam famulam, was aber nicht mit carbunculum reimt. — 12, 1 tu digneris praestare. — 12, 2 In sanctos quae tueris. — Es blieb nicht übrig, als dies Gedicht nach Klemming mitzuteilen, da es in der von ihm angeführten Quelle sich nicht gefunden.

#### 248. De sancta Katharina.

##### Ad Matutinum.

1. Artes docta regis nata,  
Regi regum nubere  
Quaerens, eius desponsata  
Annulo, dispergere  
Paternas egenis opes  
Non cessat, arguere  
Maxentium de nefandis  
Nec tremet; colligere  
Curat coetus excaecatos,  
Ut possit dividere  
Virginem a norma recti,  
sed nequit sufficere.

##### Ad Primam.

2. Quinquaginta sapientum  
caterva colligitur,  
Ut disputent contra solam  
virginem, concluditur  
Horum error ratione  
vera, mox conspicitur  
Turba Christum confiteri,  
in medium mittitur  
Grandis ignis, sed nec vestis  
nec capillus uritur,  
Et tandem inviolata  
paradiso redditur.

Ad Tertiam.

3. Quam non potest ratione  
tyrannus convincere  
Nec promissis neque blando  
sermone seducere,  
Verberibus laceratam  
taetro clausit carcere,  
Caelesti cibo refectam  
venit sponsus iungere.  
Duodenis in diebus  
nocte curat spargere,  
Regis uxor cum ducentis  
baptisma recipere.

Ad Sextam.

4. Insanit rex, cum a cunctis  
incolumis cernitur,  
Quam aestimat fame tortam,  
nefanda conficitur  
In eam rotarum moles,  
quae fulmine solvitur,  
Paganorum quater mille  
numerus opprimitur.  
Regis uxor tortis mammis  
decollata redditur  
Christo, deos detestata,  
per quos rex decipitur.

Ad Nonam.

5. Exsecratum cor crudele  
dum milites comperit  
Cum Porphyrio baptisma  
recepisse praecipit  
Decollari et dimitti  
canibus; tunc perficit  
Eius iassa spiculator,  
necem turma despicit,  
Parvipendens peritura  
gressus illuc dirigit,  
Ubi mortem vita nescit  
ecclipsisque deficit.

Ad Vesperas.

6. Katherina condemnata  
rogat tunc praesidio  
Christum, precans imitatur,  
demulcet alloquio.  
Vox divina Fiat venit,  
caput offert gladio,  
Genu flectens, ne tardetur  
palmae retributio,  
Pro sanguinis unda lactis  
manavit effusio,  
Philosophi naturalis  
hebetat hic ratio.

Ad Completorium.

7. Ab angelis baiulatur  
completo certamine  
Infra lapidem humanda  
Sinai cacumine  
Longe triginta dietis,  
fluxitque de virgine  
Oleum languidos curans  
quocunque rubigine  
Morbi; precor, sic me lavet  
sordis a caligine,  
Merear ut secum frui  
summo rerum lumini.

Horae BMV. sec. usum Carnotensem saec. 14. Cod. Vatican. Reg. 180. —  
2, 11 Et tamen. — 3, 10 spergere. — 4, 3 fame tutam. — 5, 5 Decollati. —  
6, 3 Ipsam precans. — 6, 5 veni. — 6, 9 lacte.



249. De sancto Kentigerno.

Ad Matutinum.

1. Matutino tempore  
virtute divina  
Kentigernus suscitatur  
a mortis ruina  
Virum atque volucrum,  
gaudet tunc regina,  
Annulus cum trahitur  
de fauce piscina.

Ad Primam.

2. Hora prima coeperat  
corpus castigare,  
Quater in hebdomada  
solet ieiunare,  
Gelidos ramusculos  
in ignem sufflare,  
Sicco pede transiens  
vult flumen calcare.

Ad Tertiam.

3. Hora nempe tertia  
peregre laborat,  
Romam visit septies.  
papa quem honorat.  
Ut serviret praesuli,  
avi se decorat  
Et campanam sustinet,  
quae sonos dulcorat.

Ad Sextam.

4. Hora sexta pontifex  
in Glasgu moratur,  
Lupus cervo iungitur,  
ut terra colatur,  
Iubet, ut pro semine  
arena spargatur,  
De qua suo tempore  
messis grata datur.

Ad Nonam.

5. Hora nona Domino  
paret imperanti  
Terra, praebens cathedram  
sancto praedicanti,  
Sacramenta praebuit  
Merlino precanti.  
Post mortemque spiritum  
terra dat creanti.

Collect. ms. Scoticum saec. 16. in. Cod. Univ. Edinburgen. A.C. 2, 26; daraus in Registrum Episcopatus Glasguensis I (Edinburgi 1843, p. XCVII. sq.). — Es fehlen die Strophen für Vesper und Complet.

250. De sancto Landelino.

1. Salve, pater exsultantem  
Landoline, qui non tantum  
Peregre exstitisti,  
Sed ad palmam pervenisti  
Martyrum laudabilem.  
De Scotorum stirpe natus  
Adulescens tu beatus  
Adis freta navigatus,  
Flumen Rheni transfretatus,  
In terram amabilem.

2. Hospitatus a relictis,  
Altorf villa infit dicta,  
Cuius nata tunc afflicta  
Est et visu derelicta  
Dei iudicamine.  
Nemus intras et evellis,  
Struis, plantas, sed duellis  
Venatores pleni fellis  
Teque duris artant bellis  
Toto cum conamine.

3. Sed ut Samson cum leone  
Tu pugnabas in agone,  
Humi iactum cum mucrone  
[Te necarunt], sic coronae  
Es adiunctus martyrum.

Te tunc Deus honoravit,  
Hunc nam locum irrigavit,  
Terrae fontes ministravit,  
Per eosdem et sanavit  
Morbum multifarium.

4. Te cum nata tandem dicta  
Quaerit felix haec relicta,  
Sentit dona benedicta  
Luminis per reditum.  
O beate Landeline,  
Roga Deum sine fine,  
Perducamur in sublime  
Regnum eius caelicum.

Collect. ms. Argentinense saec. 15. Cod. Vindobonen. Suppl. 4029.  
saec. 15. — 1, 8 Adis leto.

#### 251. De sancto Laurentio.

1. Laurentius, in ordine  
Diaconus, te, Domine,  
Clarificat in gentibus,  
Constanter coram regibus  
Fatetur voce viva.

2. Amator hic iustitiae,  
Contemptor avaritiae  
Caeleste verbum seminat,  
De cordibus exterminat  
Fidelium nociva.

3. Vult mori cum antistite  
Nec ipsum se superstite,  
Vult vitae palmam capere,  
Qui iussit ipsum tradere  
Pecuniam egenis.

4. Recepto per episcopum  
Mandato turbas inopum  
Collegit, quibus tradidit  
Thesaurus, quos recondidit  
De publicis crumenis.

5. Expleto iussu capitur,  
Terroribus afficitur,  
Squalori datur carceris  
Vexatur et innumeris  
Pressuris et tormentis.

6. Non desinit in carcere  
Salutis verbum serere,  
Lucratur quidem plurimas  
Ad Christi fidem animas  
Praeclaris documentis.

7. Triumphat hic incendium,  
Eculei suspendium,  
Lictorum saeva verbera  
Et catenarum pondera  
In Deo mens robusta.

8. In ferrea craticula  
Accensa subtus flammula  
Ad instar piscis volvitur,  
Assatur nec deicitur  
Infirmitas ambusta.

9. Uim acrem vicit caumatis  
Ardore sancti pneumatis,  
Ferventi desiderio  
Flagrabat in martyrio  
Ad patriam supernam.

10. Salutem nobis animae  
Procura, martyr optime,  
Nos absolutos vitiis,  
Ereptos de suppliciis  
Ad vitam duc aeternam.

Orat. ms. Campense anni 1462. Cod. Darmstadien. 521. — 1, 2 Diaconatus.

252. De sancto Leonhardo.

Ave, confessor  
 Leonarde Iesu Christi,  
 Qui gaudia aeterna  
     a Deo meruisti,  
 Hic in terris fuisti gratus  
 Et in caelo sublimatus.  
 Tu es enim afflictorum  
     et maestorum consolator.  
 Captivorum  
     et infirmorum liberator.  
 Nunc pius sis adiutor  
 Ab omnique periculo tutor  
 Atque tuum per oramen  
 Cunctis prosis ad solamen,  
 Qui te quaerunt mente pura,  
 In quacunque manent cura.  
 Precor tuam pietatem  
 Et immensam caritatem,  
 Ut in nostris paupertatibus  
 Et corporis necessitatibus  
 Nobis velis subvenire  
 Et non sinas nos subire

Ullam causam laesionis  
 Atque perversae suasionis.  
 Diei noctisque hora  
 Pro nobis Deum exora,  
 Ut hic omne malum vincamus  
 Et Christo Iesu adpropinquamus,  
 Ut a delictis mundi tuti  
 Contriti atque devoti  
 Et a morte  
     secunda non pavescamus  
 Neque in conspectu  
     iudicis erubescamus,  
 Sed post hoc exsilium  
 Possimus Dei filium  
 Gaudenter  
     contemplare cum beatissimis  
 In conspectu  
     divinae maiestatis,  
 Quod nobis praestare dignetur  
 Sancta trinitas, quae laudetur,  
 Pater et filius  
 Et sanctus Spiritus.

Orat. ins. Pataviense saec. 15. Cod. Gottwicen. 444. — 9 Et quod tuum. — Der Text des Liedes ist an einigen Stellen so rhythmisch richtig, daß man ihn an andern für verderbt halten möchte.

253. De sancto Leopoldo.

O flos primatum, decus o Leopoldo beatum,  
 Perpetuo gratum, modo quod teneas dominatum,  
 Quod tibi stellatum solium sit perpetuatum,  
 Est declaratum per signaque digna probatum.  
 Virginis ad natum, pie marchio, funde precatum,  
 Hunc fac placatum. nostrum prece terge reatum.  
 Ast intentatum Stygis avertas cruciatum,  
 Da cor placatum, sit ut in Christo solidatum,  
 Te duce ditatum, simul angelicum comitatum  
 Felicemque statum, sine fine bonis cumulatam,  
 Nos praestolatum facias reperire pacatum.

Collect. ms. S. Mariae ad Scotos saec. 15. Cod. Vindobonen. 4257. — Das Gedicht stammt nach Angabe der Hs. aus den Jahren 1323—25.

254. De sancta Lucia.

- |   |   |
|---|---|
| <p>1. O viva Christi hostia,<br/>         Lucia fortissima,<br/>         Tua sit mihi passio<br/>         Peccatorum remissio,<br/>         Tua sit dilectio<br/>         Mis animae reformatio.<br/>         Tua commemoratio<br/>         Sit mentis reparatio.</p> <p>2. Salve, virgo, funde preces,<br/>         Cordis mei purga faeces,<br/>         Sensus terge vitiis;</p> | <p>Salve, confer quaecumque bona<br/>         Castitatis cingar zona<br/>         Et virtutum initiis.</p> <p>3. Audi, Christe Iesu pie,<br/>         Per preces sanctae Luciae<br/>         Me sanctis tuis insere,<br/>         Qui perire nullum sinis,<br/>         Ut me bonus tangat finis<br/>         In hoc praesenti saeculo,<br/>         Ut possim tecum gloriari<br/>         Et in aeternum contemplari<br/>         In deitatis speculo.</p> |
|---|---|

Orat. ms. Campense anni 1462. Cod. Darmstadien. 521. — Zu Str. 2 und 3 vgl. Nr. 541, Str. 14 und 17.

255. De sancta Lucia.

- |  |   |
|--|---|
| <p>O nobilis virgo Lucia,<br/>         Gloriosa, mitis et pia,<br/>         Quae castitatis flore<br/>         Succensa et amore</p> <p>5. Terrenum sponsum respuisti<br/>         Et caelestem elegisti,<br/>         Matri tuae supplicabas,<br/>         Ne alium, quam amabas,<br/>         Tibi sponsum nominaret</p> <p>10. Neque fructum exspectaret<br/>         Carnis tuae moriturae.<br/>         Praesentis vitae et futurae<br/>         Deum verum es confessa</p> | <p>Et pro ipso es perpessa<br/>         15. Capitale sententiam.<br/>         Quam exoro reverendam,<br/>         Ut in hac vita fragili,<br/>         Mortali atque labili,<br/>         Conferas auxilium</p> <p>20. Et sanum consilium,<br/>         Quo contemnam peritura<br/>         Bona gliscam et futura<br/>         Atque tua prece fretus<br/>         Ex hac vita pergam laetus</p> <p>25. Ad caeli palatia,<br/>         O gloriosa Lucia.</p> |
|--|---|

Collect. ms. S. Petri Salisburgen. saec. 15. Cod. Petrin. VI 3. — 26  
 O gloriosa virgo et martyr Lucia.

256. De sancta Lucia.

- |  |  |
|--|--|
| <p>1. O Lucia gratiosa,<br/>         Vultu, forma speciosa,<br/>         Carnis elegantia,<br/>         Fide pulchra velut rosa,<br/>         Amans mente viscerosa<br/>         Christum ab infantia.</p> | <p>2. Clara stirpe virgo nata,<br/>         Prae coevis cunctis grata<br/>         Excellenter nituit,<br/>         Adulescens hanc amavit<br/>         Et in sponsam postulavit,<br/>         Sed hunc ipsa renuit.</p> |
|--|--|



3. Gaude, virgo nunc Lucia,  
Nam vicisti mente pia  
Mundum et diabolum;  
Sponsum carnis contempsisti.  
Iesum Christum elegisti  
Eiusque consortium.
4. Fides tua impetravit,  
Matrem tuam quod sanavit  
Christus a languoribus;  
Paganismum detestatur  
Mater atque baptizatur  
Magnis cum honoribus.
5. Facultates expendisti  
Paternas amore Christi  
Egenis et pauperibus.  
Ob hoc virgo accusatur  
Et tyranno praesentatur  
Suisque tortoribus.
6. Inimicus omnis boni  
Quaerit, cui religioni  
Se subdere censuerat.  
Ad haec respondit Lucia  
Constanter menteque pia,  
Quod Christo se subdiderat.
7. Tunc tyrannus cum furore  
Fremens dixit et horrore  
Ad tenellam virginem:  
Nisi diis des honorem,  
Dabo cunctis te pavorem  
Et tuam progeniem.
8. Principum si spernis iura,  
Deorum perit cultura  
In meam perniciem.  
Sic cum virginem affatur,  
Ipsa deos detestatur  
Horumque effigiem.
9. Deorum qui blandimenta  
Credunt, incurrent tormenta  
Seipsosque damnificant,  
Daemonum hi sunt figmenta  
Et a malis adinventata,  
Errant, qui his sacrificant.
10. Iudex plenus tunc furore  
Stupet dicens: quonam more  
Magna haec audes eloqui?  
En, quae ego loquor ore,  
Spiritus sancti fit rore,  
Quem suis solet ingeri.
11. Tunc edictum promulgatur,  
Ad lupanar ut ducatur  
Virgo Christi turpiter;  
Spiritus sanctus tunc fugatur,  
Dum haec scortum patiatur;  
Haec cogitavit nequiter.
12. Respondit sancta puella  
Tyranno, qui dura bella  
Inferre proposuit:  
Si invitae violatur  
Corpus, corona duplicatur,  
Si consensus defuit.
13. Tunc orat Dei filium,  
Ut suum det auxilium  
Ab eoque servetur;  
Sic virgo Christi nobilis  
Stetit ut mons immobilis  
Nec inde removetur.
14. Ista iudex dum percepit,  
Spiculatori praecepit.  
Ut decollaret virginem;  
Cuius guttur perforavit,  
Sacer cruor hinc manavit  
Mox in terrae pulverem.
15. Dimisitque in vulnere  
Ensem et coepit fugere  
Magno cum timore.  
Mira patent in virgine,  
Quod haec de magno munere  
Christi fert et amore.
16. Orat pro vitae spatio,  
Ut corporis solacio  
Christi muniretur;  
Assunt ministri ocus,  
Communicant devotius,  
Antequam moreretur.

- |   |  |
|---|--|
| <p>17. Hinc exorat Dominum<br/>Pro salute hominum,<br/>Qui hanc invocaret<br/>In praesenti saeculo<br/>Vel in vitae termino,<br/>Ut eos bearet.</p>                                 | <p>20. Gaude, rosa transplantata<br/>De hac valle ad beata<br/>Paradisi gaudia;<br/>Gaude, sponsa Christi grata,<br/>Quae non ivit via lata,<br/>Ad Dominum sed regia.</p>   |
| <p>18. Da his, Christe, qui agonem<br/>Meum colunt, quod praedonem<br/>Salutis non videant,<br/>Sed per tuum dulce nomen<br/>Sanctam da communionem,<br/>Ut hinc securi exeant.</p> | <p>21. En, tu virtutis speculum<br/>In relinquendo saeculum,<br/>Virgo sancta, claruisti,<br/>Virginitatis titulum,<br/>Honoris adminiculum<br/>Constanter tenuisti.</p>     |
| <p>19. Tunc commendabat animam<br/>Christo, ut caeli ianuam<br/>Intret regnatura,<br/>Cui adhaesit fortiter<br/>Et adamavit dulciter<br/>Prae omni creatura.</p>                    | <p>22. Ergo regnas cum Domino<br/>In caelo sine termino,<br/>Quod Iesum dilexisti,<br/>Cum Christo sine nubilo<br/>Gaudes cum omni iubilo,<br/>Cum sancta matre Christi.</p> |

Orat. ms. Campense anni 1462. Cod. Darmstadien. 521. — 12, 6 Si  
mentis consensus.

#### 257. De sancta Lucia.

- |  |   |
|--|---|
| <p>1. Lux illucens illustravit<br/>Te, Lucia, quam paravit<br/>Viae luminarium;<br/>Morbum matris effugavit<br/>Tua fides et donavit<br/>Salutis auxilium.</p> | <p>2. Vis in bobus dormitavit,<br/>Virtus in te vigilavit<br/>Indurans Paschasium;<br/>Christus, qui te conservavit<br/>Et ad se qui te vocavit,<br/>Me vocet ad gaudium.</p> |
|--|---|

Orat. ms. Anglican. saec. 13. Cod. Londinen. Ar. 201.

#### 258. De s. Ludovico Alamando.

1. Agmine sidereo de cuius luminis haustu  
Astra iubar rapiunt, liquidum secas aera pennis,  
Sublimibus volans ab alis es Alamagnus,  
Ludovicus lucens regia celsa manu.
2. Sancte, qui tanti mensuram nominis imples,  
Qui gemmas gemmis, nobilitate genus,  
Dulcis, pacifice, mitis, pie, grate, pudice,  
Nunc videas populum altus ab arce tuum.

3. Corpore formoso, sed mente magis generoso  
Flores aetate, floride virgo, flores.  
In superum requie pulsa caligine nitens,  
Effice me meritis tempus in omne meum.
4. Vas redolens morum, malo scie ponere lorum,  
Nomen ab aeterno posteritate ferens,  
Ad tua me fluctus proiectum litora portent  
Occurramque oculis intumulatus tuis.

Collect. ms. Mellicense? saec. 15. Cod. Mellicen. 962. — 3, 2 aetate virgo floridus flores. — Außerdem noch zwei Gedichte in Hexametern, die den Hymnen noch weniger beizuzählen, endlich eine Epistula, Gebet in Briefform, unterzeichnet: „Vincentius de Ruppe“; ist er auch Verfasser der Gedichte?

#### 259. De s. Lupo Trecensi.

Ave, praesul honestatis,  
Pater magnae sanctitatis,  
Sancte Lupe, vir laudande,  
Orbi toti praedicande,  
Qui das lapsis relevamen,  
Tu pro nobis intercede,  
Ut caelesti nos mercede  
Ditet Deus cum beatis  
Regno suae claritatis.

Orat. ms. Trecense(?) saec. 15. Cod. Capit. Strigonien. Mss. III. 172.

#### 260. De sancto Luthardo.

- Sanctus Luthardus. regali stemmate natus,  
Christo servivit, cuius praecepta subivit.  
Pectore devoto prudenter cordeque toto  
Hic dives mundo proiecit dulcia mundi.
5. Parva quidem terrena putat, caelestia captans,  
Tanto feliciorem se probans ac nobiliorem,  
Dans constanter opem languentibus atque salutem.  
O venerande comes, conserva te venerantes.  
Caelica, Christe, tuis qui praestas praemia sanctis,
  10. Protege Luthardi venerantes festa beati.

Orat. ms. Campense anni 1462. Cod. Darmstadien. 521.

261. De sanctis Maccabaeis.

- |  |  |
|--|--|
| O vos sancti Maccabaei,<br>Martyres electi Dei,<br>Qui ob legis observamen<br>Inauditum cruciamen                          | 10. Ac per matrem confortati<br>Vitam mundi contempsistis<br>Et ad caelos conscendistis,<br>Ubi vestro pro tropaeo<br>Confruentes estis Deo. |
| 5. Tolerastis patienter<br>Et obistis innocenter<br>Saeva morte atque vili<br>Sub Antiocho gentili.<br>Dei donis inspirati | 15. Quem pro nobis exoretis,<br>Aeternalis ut quietis<br>Gaudia participemus<br>Et vobiscum habitemus.                                       |

Orat. ms. Campense anni 1462. Cod. Darmstadien. 521.

262. De s. Maria Magdalena.

- |   |  |
|---|--|
| 1. Omnis homo, qui premeris<br>Enormitate sceleris,<br>Sit in tua memoria<br>Sancta peccatrix Maria.      | 7. Et procumbens uberrimis<br>Abluit pedes lacrimis<br>Fusoque crine capitis<br>Tergit osculis additis.            |
| 2. Si formam paenitentiae<br>Et locum quaeris veniae,<br>Reducas ad memoriam<br>Mariae paenitentiam.      | 8. Ingeminantur oscula,<br>Instatur prece sedula.<br>Peccatricis devotio<br>Hoc monstratur obsequio.               |
| 3. Si iussa Dei spreveras<br>Et peccatis offenderas,<br>Prae oculis sit Maria.<br>Mundata Christi gratia. | 9. Fundit unguentum pedibus,<br>Linit devotis manibus,<br>Cuius odoribus bonis<br>Domus impletur Simonis.          |
| 4. Hanc imitandam censeo,<br>Quam paenitentem video,<br>Quae tam digne paenituit<br>Et veniam promeruit.  | 10. Haec gemit inter epulas<br>Precesque fundit sedulas,<br>Ut mundet Christi gratia,<br>Quod timet conscientia.   |
| 5. Haec abhorrendo crimina<br>Simonis intrat limina,<br>Ubi prandendi gratia<br>Erat Christi praesentia.  | 11. Sed Simon hanc conspiciens<br>Et intra se despiciens<br>Dicit: si propheta foret<br>Hic, ream iam cognosceret. |
| 6. Tristis, maerens et anxia<br>Christi petit vestigia,<br>Non desperans de venia<br>Vota fundit humilia. | 12. Sciret quidem innumera<br>Iam peccatricis scelera,<br>Nec ad se hanc accedere<br>Pateretur aut tangere.        |



- |  |   |
|--|---|
| 13. Sed Dei sapientiae,<br>Secretorum non insciae,<br>Patet haec cogitatio<br>Non emissa colloquio.          | 22. Non es largitus oscula,<br>Sed haec, in votis sedula,<br>Sedentis cum prandentibus<br>Dedit oscula pedibus. |
| 14. Tunc accersito Simone<br>Tali fruitur sermone:<br>Te cogitasse perperam<br>In hoc monstro, quod referam. | 23. Non oleo perfudisti<br>Caput meum vel unxisti,<br>Haec pretioso unguine<br>Non cessat pedes ungere.         |
| 15. Debitores erant duo<br>Cuidam diti conspicuo,<br>Alter quinquaginta nummos,<br>Alter debens duplicatos.  | 24. Propterea dico tibi:<br>Plurimas remitto sibi<br>Enormitates scelerum,<br>Quia dilexit nimium.              |
| 16. His vero non habentibus<br>Nec reddere valentibus<br>Motus misericordia<br>Dives dimisit omnia.          | 25. Qui vero minus cernitur<br>Debere, cum remittitur,<br>Ut rationis exigit<br>Lima, et minus diligit.         |
| 17. Cuius ergo dilectio<br>Et amplior devotio<br>Exhiberi debet ei,<br>Dimissori tantae rei?                 | 26. Et loquitur ad Mariam<br>Quaerentem flendo veniam:<br>Datur tibi remissio,<br>Vade cum pacis gaudio.        |
| 18. Simon inquit: iudicio<br>Meo postulat ratio,<br>Ut, cui plus dimiserat,<br>Plus ab hoc amandus erat.     | 27. O admiranda pietas,<br>O praedicanda bonitas,<br>Cuius superna gratia<br>Tanta fit indulgentia.             |
| 19. Iesus autem dixit ita:<br>Recte reddis inquisita,<br>Est enim procul dubio<br>Huic credendum iudicio.    | 28. O quam sancta mutatio,<br>Quam excellens provectio,<br>Quae purgatur criminibus,<br>Iam ornatur virtutibus. |
| 20. Et conversus ad Mariam:<br>Vides, inquit, constantiam<br>Huius et quae devotio<br>Sit in eius obsequio?  | 29. O Maria Magdalena,<br>Te quaesumus, ut obscaena<br>Mentis nostrae diluere<br>Festines precum munere,        |
| 21. Ad mensam me vocaveras,<br>Pedes aqua non laveras,<br>Haec autem meos lacrimis<br>Pedes lavit uberrimis. | 30. Ut propulsis criminibus<br>Tuis sedulis precibus<br>Nos divina clementia<br>Perducat ad caelestia.          |

Collect. ms. S. Mariae de Camberone saec. 13. Cod. Bruxellen. II, 954 (Phil. 349). — 4, 4 Ut. — 11, 3 sq. hic foret. — 20, 2 sq. huius constantiam. — 25, 3 sq. lima exigit. — 25, 4 et fehlt.

263. Salus de Maria Magdalena.

- |  |  |
|--|--|
| 1. Sceleribus homo plene,<br>In moribus Magdalенаe<br>Conformari studeas,<br>Cuius vestigia tene,<br>Gehennalis ignis poenae<br>Ne subici valeas.          | 3. Fletu lotos pedes Dei,<br>Crine tersos, pharisaei<br>Domo nardo pistico<br>Unxit, cuius causa rei<br>Septeni reatus ei<br>Remittuntur illico.         |
| 2. Quae daemonibus obsessa<br>Mortalium et oppressa<br>Mole septem criminum,<br>Ab infernis est regressa<br>Veniam sibi concessa,<br>Quod dilexit Dominum. | 4. Christus ob cuius amorem<br>Fluxu sanavit sororem,<br>Fratrī vitam tribuit;<br>Resurgentem redemptorem<br>Prima vidit meliorem<br>Partemque retinuit. |
5. Par nomine Christi matri,  
Sed honore minor, patri  
Nos Christo concilia;  
Caeli nobis per te clathri  
Pateant, claudantur atri  
Tartari palatia.

Cod. Bernen. 414. saec. 13 (add. saec. 13). — 1, 3 Conformare. — 5, 4 nobis preces clathri. — 5, 5 laudentur atri.

264. De s. Maria Magdalena.

- |   |   |
|---|---|
| 1. O Maria, quae stetisti<br>Retro secus pedes Christi,<br>Quos rigasti fletibus,<br>Fulvis comis extersisti,<br>Osculatos exunxisti<br>Coram discumbentibus. | 2. Paenitendo dum flevisti,<br>Christum pium invenisti<br>Remissis excessibus;<br>Quem placatum habuisti,<br>Pro peccatis mihi tristi<br>Placa tuis precibus. |
|---|---|

Orat. ms. Anglican. saec. 13. Cod. Londinen. Ar. 201.

265. De s. Maria Magdalena.

Quae vitae es vena mihi dux et mater amoena,  
Fac, Magdalena, tua donis munera plena,  
Dilue terrena contagia, saeva refrena,  
Perpete me poena liberet tua dextra serena,  
Da, fruar hic cena Christi, post pace suprema.

Collect. ms. Franciscan. saec. 15. Cod. Oxonien. Canon. Miscell. 523.

266. De s. Maria Magdalena.

*Ave, Maria* Magdalena,  
*Gratia* redemptoris plena,  
*Dominus*, dilector et dilectus tuus, *tecum*,  
Quae fecit in te, faciat mecum.  
*Benedicta tu in* peccatoribus,  
Forma paenitentiae viris et *mulieribus*,  
*Et benedictus* cum matre Dominus  
Noster, Iesus Christus, dulcissimus  
*Fructus ventris* virginis,  
Remunerator amoris *tui*.

Collect. ms. Libehardi prioris Reichenbacen. anni 1476. Clm. Monacen. 2990.

267. De s. Maria Magdalena.

- |  |   |
|--|---|
| 1. O Maria Magdalena,<br>Prius vas spurcitiae,<br>Facta virtutum lagena,<br>Norma paenitentiae,<br>Ad te clamat plebs egena<br>Mortalis militiae.  | 4. Bonam partem elegisti,<br>Iesum Christum Dominum<br>Super cuncta dilexisti<br>Veniamque criminum,<br>Hinc sanctarum meruisti<br>Consors esse virginum. |
| 2. Funde preces pro scelestis,<br>Ut optata venia<br>Ditentur regis caelestis<br>Salutari gratia,<br>Sitque angelorum testis<br>Pura conscientia.  | 5. Tu soror apostolorum,<br>Tu decus ecclesiae,<br>Tu honor praedicatorum,<br>Tu gemma Provinciae,<br>Tu purgatrix peccatorum,<br>Tu lex paenitentiae.    |
| 3. Caritatem fac amare,<br>Tollere invidiam,<br>Unitatem conservare,<br>Fugere discordiam,<br>Carnis, mundi superare<br>Et hostis malitiam.  | 6. Qui te traxit, gloriosus<br>Pater nunquam genitus,<br>Qui suscepit, gratosus<br>Eius unigenitus,<br>Qui perduxit, virtuosus<br>Virtutisque spiritus.   |
| 7. Maria, cuius lacrimae<br>Sordes purgant scelerum,<br>Electrix partis optimae,<br>Qua sine fine frueris,<br>Ad te suspirant animae<br>Reae delicti veteris,<br>In hora mortis ultimae<br>Pia succurre miseris. |   |

268. De sancta Margareta.

- |   |   |
|---|---|
| 1. Ave, caeli redimita<br>Margareta laurea,<br>Pretiosa margarita,<br>Caelibatu nivea,<br>Tusionibus polita,<br>Vita, signis splendida,<br>In corona Iesu sita,<br>Nos in Christo solida. | 2. O victrix eximia,<br>Virgo Margareta,<br>Tua desideria<br>Bonis sunt impleta,<br>Duplex sertum gloriae<br>Fers inter beatos,<br>Grata fonti gratiae,<br>Fac nos ipsi gratos. |
|---|---|

3. O rosa per saecula  
Vernans sempiterna,  
Tibi sine nebula  
Lucet lux superna,  
Summo bono frueris,  
Victrix coronata,  
Margareta, superis  
Iunge nos, beata.

Orat. ms. Campense anni 1462. Cod. Darmstadien. 521.

269. De sancta Margarita.

- |   |   |
|---|---|
| 1. Virgo prudens Margarita,<br>Contempsisti praemunita<br>Desuper Olybrium;<br>Signo crucis insignita,<br>Quo fuisti deglutita,<br>Crepuit daemonium. | 2. Salvatoris non oblita<br>Allegasti vi petita<br>Hostis primi socium;<br>Mihi prece da mellita<br>Vim virtutis in hac vita<br>Contra fraudes hostium. |
|---|---|

Orat. ms. Anglican. saec. 13. Cod. Londinen. Ar. 201.

270. De sancta Margareta.

- |  |  |
|--|--|
| 1. Gaude, martyr Margareta,<br>Quae caelorum regem laeta<br>Meruisti cernere;<br>Gaude, praefecti decreta<br>Nec non tormentorum freta<br>Voluisti spernere. | 2. Gaude, pia, quae certasti<br>Et draconem superasti<br>In umbroso carcere;<br>Gaude, lumen recepisti<br>Et truffonem oppressisti<br>Nolens ei parcere. |
|--|--|

3. Gaude, puer nuntiavit:  
Christus Iesus te ditavit  
Sua celsitudine;  
Ad quam nos de mundi faece  
Transfer, virgo, tua prece  
Et da tecum vivere.

Collect. ms. Venetum saec. 15. Cod. Cicogna 2408 (2389). — 1, 4 Gaude, quae. — 1, 6 Sponte voluisti. — 2, 4 Gaude quia lumen. — 3, 1 Gaude, quod tibi puer nuntiavit. — 3, 6 da semper tecum.



271. De sancta Margareta.

- |  |  |
|--|--|
| 1. Gaude, dulcis Margareta,<br>Virgo rebus locupleta,<br>Fulgens sub Olimbrio, | 3. Gaude, de caelo coronata<br>Et carcere visitata<br>Ab angeli nuntio.        |
| 2. Gaude, triumphans draconem,<br>Alium quoque daemonem<br>Christi adiutorio.  | 4. Gaude, tres mille diei<br>Personas sanctae fidei<br>Convertens eius gratia. |
| 5. Gaude, post preces decollata<br>Atque per angelos lata<br>Ad caeli palatia. |  |

Vita ms. S. Margaretae saec. 15. Cod. Rotomagen. 1434 (U 146). —  
1, 1 Marguareta. — 1, 2 Virgo vergis laprenta. — 4, 2 Personae. — 4, 3  
Convertans. — 5, 2 Animaque per angelos.

272. De sancto Martino.

- Pontificum Martine decus, Martine piorum  
Gloria, Martine, fons pietatis, ave.  
Praesul ave, iubar ecclesiae, flos ordinis, hortus  
Virtutum, sacrae religionis honor.
5. Vir meritis insignis, ave, qui dote prophetis  
Es par, cui Dominus scire futura dedit.  
Qui patriarcharum comes es, qui dogmate sacro  
Es pater et generas milia prolis, ave.  
Quem nec apostolico primatu laude minorem
10. Praedicat ecclesia, signifer orbis, ave.  
Martyribus conformis, ave, non sanguine fuso,  
Sed tamen assidua sub cruce martyr eras.  
Flos confessorum, meritis praedives et omnis  
Ordinis electi lux specialis, ave.
15. Virginitatis, ave, speculum, quem vita pudica  
Virginibus meritis aequisperare potest.  
Praesul, ave, miserere mei, memor esto precantis  
Te miseri, solita me pietate fove.  
Auxilium deponco tuum, scio namque, potens es,
20. Ante Deum facile quaeque petita capis.  
Pro me funde preces, ut te poscente salutem  
Corporis et mentis det mihi Christus. Amen.

Collect. ms. Gemblacense saec. 13. Cod. Bruxellen. 5387—96. — Cfr.  
Catal. Codd. Hagiographicorum Bibl. reg. Bruxellen. I, 491 sq.

273. Salus de beato Matthaeo.

- |  |   |
|--|---|
| <p>1. Parendi velocitas<br/>Prandique largitas<br/>Commendant Matthaeum,<br/>Et duplex humilitas<br/>Scriptorumque dignitas<br/>Magnificant eum.</p> | <p>3. Se praetendit humilem<br/>Se dicens culpabilem<br/>Ferensque malorum<br/>Risum detestabilem,<br/>Reddit hunc laudabilem<br/>Dignitas ciborum.</p> |
| <p>2. Cito Christo paruit,<br/>Ad cuius deseruit<br/>Vocem theloneum,<br/>Largitate nituit,<br/>Dum convivas habuit<br/>Cum sociis Deum.</p>         | <p>4. Mole nullus hominum<br/>Desperet peccaminum,<br/>Quin, si convertatur<br/>Paenitens ad Dominum,<br/>Mox veniam criminum<br/>Plenam mereatur.</p>  |

5. Cuius testimonium  
Paulus, doctor gentium,  
Davidque psalmista  
Probant, quibus socium  
Addidit se tertium  
Hic evangelista.

Cod. Bernen. 414. saec. 13. (add. saec. 13.). — 2, 3 theloneum; darüber als Glosse: (s)cambium. — 3, 3 Herens, korrigiert in: Ferens mit der Glosse: Sustinens. — 5, 6 Hus evangelista.

274. De sancto Matthaeo.

- |  |  |
|--|--|
| <p>1. Pretiose virtutum flos,<br/>Matthaeae, nunc respice nos,<br/>Qui mundana reliquisti;<br/>Rex caelestis te vocavit<br/>Et te sibi sociavit<br/>Mox ei adhaesisti.</p> | <p>3. O pie evangelista,<br/>Quanta fulsisti in ista<br/>Valle vitae sanctitate,<br/>Pellens ritum profanorum,<br/>Gentes ad regnum caelorum<br/>Convertens in veritate!</p>       |
| <p>2. Orbis taxas reliquisti,<br/>Quod a Christo didicisti<br/>Beatum evangelium;<br/>Cultu Aethiopes verae<br/>Fidei atque sincerae<br/>Trahis ornans ad Dominum.</p>     | <p>4. Infirmorum tu solamen,<br/>Pro fide Christi certamen<br/>Adisti dum sanctissimum,<br/>Victor effectus tyranni,<br/>Ad cenam vocatus agni,<br/>Regnum intrans altissimum.</p> |

5. Superno gaudens de throno,  
Fine conservatos bono  
Perduc nos ad caelestia.  
Fac, ut tibi collaetemur  
Pariterque iucundemur  
Per saeculorum saecula.

Orat. ms. incertae orig. saec. 15. Cod. Pragen. XIII H 3 a. — 1, 1 Pretiosum flos. — 3, 3 vita. — 5, 5 coniucundemur.

275. De sancto Mauritio.

- |   |   |
|---|---|
| <p>1. Ave, clarissima sanctorum<br/>         Turma Thebaeorum,<br/>         Quam morum<br/>         Honestas<br/>         Ac divina maiestas<br/>             Venustavit.<br/>         Normam vos militum servastis,<br/>         Rapinas vitastis,<br/>         Levastis<br/>         Egentes,<br/>         Quos pressura maerentes<br/>             Contristavit.<br/>         Ubi mos proelii poposcerat.<br/>         Fortes exstitistis,<br/>         Caesar vos milites accierat,<br/>         Statim paruistis,<br/>         . . . . .<br/>         Vicistis<br/>         Malignum,<br/>         Mortis poena quem dignum<br/>             Cito stravit.</p> | <p>2. Iter fidelibus trivistis,<br/>         Quo caelum petistis,<br/>         Tempsistis<br/>         Obscaena<br/>         Carnis, Dei amoena<br/>             Iam cernitis.<br/>         Mortem [diram] praelegistis<br/>         Ferre, quam in istis,<br/>         Deistis<br/>         Parere,<br/>         Caeli regnum hinc vere<br/>             Percepitis.<br/>         In coetu gregis iucundissimi<br/>         Palma coronati,<br/>         Assueri, regis praestantissimi,<br/>         Dextrae sociati,<br/>         Nobis deputati<br/>         Probat<br/>         Tutores<br/>         Contra canis timores<br/>             Tricipitis.</p> |
|---|---|
3. Vestris nos precibus iuvate,  
 Veniam rogate  
 Patratae  
 Donari  
 Pravitati, mundari  
     A vitiis.  
 Fac nos artissimae salutis  
 Vivere statutis  
 Acutis,  
 Decerni  
 Ne contingant Averni  
     Suppliciis.  
 Regibus caeli praeclarissimis  
 Nos fac copulari,  
 Gregibus cum praefulgidissimis  
 Semper recreari,  
 Deum contemplari,  
 Levari  
 Atque frui mansuris  
     Deliciis.

Miss. et Brev. Belisianum saec. 15. Cod. Bruxellen. 9786—90. — Aus derselben Quelle Anal. Bolland. VI, 368. — Die Cantio folgt der Melodie: Ave sanctissima regina, Anal. I, 52.

276. De sancto Nicolao.

- |  |   |
|--|---|
| Summe pater Nicolae,<br>Me ad summum bonum trahe;<br>Trahe me od summum bonum,<br>Quia feci te patronum.                                   | 20. Quibus ita subvenisti,<br>Ut ventorum vi sublata<br>Navis fieret salvata;<br>Sicut illas tres puellas,<br>Modis omnibus misellas, |
| 5. Nunc te rogo, nunc adesto,<br>Nunc succurre mihi maestro,<br>Dele omnia peccata,<br>Quae a me sunt perpetrata.<br>Simul sunt coadunata, | 25. Ab incestu revocasti<br>Auroque locupletasti,<br>Animae tu commendatae<br>Subvenito pietate<br>Et oppressis tuo telo              |
| 10. Armis asperis armata,<br>Ob illecebras carnales<br>Plagas inferunt mortales,<br>Animaeque peccatrici,<br>Miserae et infelici,          | 30. Vitiis me serva caelo<br>Et per undas huius maris<br>Esto ductor meae navis<br>Perque tuam largitatem<br>Pelle meam paupertatem,  |
| 15. Si recusas subvenire,<br>Nequit mortem praeterire.<br>Ne tardaveris adesse,<br>Quia multum est necesse.<br>Sicut nautis adfuisti,      | 35. Ut penuria deiecta<br>Vique turbinum defecta<br>Sim praecentor tuae laudis<br>Cum virginibus et nautis.                           |

Collect. ms. Ravennatense saec. 12. [—15]. Cod. Classen. 246 [139. 3. D.] — 26 collocupletasti. — 29 oppressi.

277. De sancto Nicolao.

- |  |  |
|--|--|
| 1. Copiosae caritatis<br>Nicolae pontifex,<br>Esto meae parvitatatis<br>Copiosus opifex,<br>Ne me damnet pro peccatis<br>Mundi summus artifex,<br>Et tormentet cum damnatis<br>Gehennalis carnifex.        | 3. Suscitator clericorum,<br>Signis admirabilis,<br>Fac, a morte peccatorum<br>Surgam reus flebilis;<br>Copiosa meritorum<br>Vita praedicabilis,<br>Fac, operum sim bonorum<br>Actu commendabilis. |
| 2. Qui in cunis ieiunasti<br>Quarta, sexta feria,<br>Da, ut ventris parce pasti<br>Firmer abstinentia;<br>Qui puellas liberasti<br>Carnis a spurcitia,<br>Da, ut fruar cordis casti<br>Carnisque munditia. | 4. Quem vox designavit Dei<br>Dignum pontificio,<br>Dissolvatur per te mei<br>Reatus ligatio,<br>Plagas atque morbos rei<br>Tua sanet unctio,<br>Et ad portum requiei<br>Ducat benedictio.         |

Collect. ms. S. Lupi Trecen. saec. [10. et] 11. Cod. Trecen. 1170. add. saec. 12. — 1, 3 parvitatati. — 3, 5 Copiose. — 4, 1 designavit Dei.



278. De sancto Oswino.

- |   |   |
|---|---|
| 1. Glorioso rex Oswine,<br>Qui virtutis vi divinae<br>Fulges super sidera.<br>Opem ferens medicinae<br>Salutaris a ruinae<br>Casibus me libera. | 2. Digne tibi deservire<br>Et me tuo fac finire<br>Vitam in servitio,<br>Ut de duce minas irae<br>Dei possim praeterire,<br>Tutes in iudicio. |
|---|---|

Orat. ms. Anglicanum saec. 13. Cod. Londinen. Ar. 201.

279. De sancto Ottone.

- |  |   |
|--|---|
| 1. O Ierusalem superna,<br>Pace fruens sempiterna,<br>Tu de lapidibus vivis<br>Deo vivo construeris.               | 8. In tua sede locata<br>Gaudeat felix anima<br>Pii praesulis Ottonis,<br>Omnibus ditata bonis.             |
| 2. Nec malleus nec securis<br>In tuis auditur muris.<br>Sed expoliti lapides<br>Sunt electi, quos contines.        | 9. O proceres angelici,<br>Ministri regis aeterni.<br>In vestro contubernio<br>Laetetur pontifex Otto.      |
| 3. Malleos percussionum<br>Perfert vita electorum,<br>Quamdiu sub carne gemit,<br>Dum virtutibus proficit.         | 10. O patriarchae praecelsi,<br>O prophetae Deo pleni,<br>Concivis et domesticus<br>Vester sit Otto beatus. |
| 4. Qui virtutum profectibus<br>Ascendunt quasi per gradus<br>Ad te, sancta Ierusalem,<br>Omnium credentium matrem. | 11. O cohors apostolorum,<br>Tenens orbis principatum,<br>Tecum tripudiet pius<br>Otto, vir apostolicus.    |
| 5. Illic manu artificis<br>In suis ponuntur locis<br>Pusilli cum maioribus,<br>Senes cum iunioribus.               | 12. Martyrio candidati,<br>Athletae invictissimi,<br>In regno Christi vobiscum<br>Exsultet Otto per aevum.  |
| 6. Civitas gaudiis plena,<br>Non eges sole nec luna,<br>Quam lumen illustrat verum<br>Per saecula saeculorum.      | 13. O beati pontifices,<br>O confessores illustres,<br>Sit vobis associatus<br>Pius Otto episcopus.         |
| 7. Corpore mortis exutas<br>Tute suscipis animas,<br>Quas sinu quietis foves,<br>Consolatione mulces.              | 14. Alma chorea virginum,<br>Candida sicut lilium,<br>Tecum floreat in aevum<br>Praesul Otto ante Deum.     |

- |  |  |
|--|--|
| 15. O civitas Dei summi,<br>Sedes regni perpetui,<br>Cives tui universi<br>Pio faveant Ottoni.                     | 25. Otto per Dei gratiam<br>Ornavit sedem propriam,<br>Addens ei abbatiam<br>In Madelhardestorf sitam.                   |
| 16. Ex filiis tuis multos<br>Habet hic praesul patronos,<br>Sub quorum patrocinio<br>Struxit ecclesias Christo.    | 26. Otto, satagens augere<br>Decus ecclesiae suae,<br>Addit illi ad honorem<br>Cellam Monasteriensem.                    |
| 17. Dat primitias votorum<br>Tibi, Laurenti, suorum<br>Otto praesul ecclesia<br>In Vrangia constructa.             | 27. Reginstorf Bambergensi<br>Otto acquisivit sedi,<br>Quem locum regularium<br>Constat esse clericorum.                 |
| 18. Et tibi, sancte Georgi,<br>Devote coepit obsequi<br>Otto condens ecclesiam<br>Prope urbem Ratisponam.          | 28. Halesprunnen monachorum<br>Construxit habitaculum<br>Tibi, o virgo virginum,<br>Parans ille obsequium.               |
| 19. Te, Petre, princeps pastorum,<br>Otto habeat patronum,<br>Per quem tibi est constructum<br>In Uraha coenobium. | 29. In honorem sancti Petri<br>Alterspach fecit construi,<br>Qui locus est delegatus<br>Clericis regularibus.            |
| 20. Ottonem Christo commenda,<br>Iohannes evangelista,<br>Cui est ab eo constructa<br>In Vicbiluelt ecclesia.      | 30. Aspach et Clûnich geminas<br>Suae sedi addit cellas,<br>Unam beati Matthaei,<br>Alteram Andreae sancti.              |
| 21. O Iacobe apostole,<br>Ottoni praesuli fave,<br>Qui apud Enstorf condidit<br>Cellam, quam tibi dicavit.         | 31. In Arnoldesteine structam<br>Sancto Georgio cellam<br>Praesul venerandus Otto<br>Suo dat episcopo.                   |
| 22. Ottoni faveto pia,<br>Dei genetrix Maria,<br>A quo tibi est constructum<br>In Lanheim monasterium.             | 32. In Vezera quasi stellam<br>Otto pius construxit cellam,<br>Quam dedicavit in honore<br>Dei genetricis Mariae.        |
| 23. Tibi, o regina caeli,<br>Devotione fideli<br>Otto dicavit optimum<br>Apud Biburc coenobium.                    | 33. In monte sancti Michaelis<br>Cellam construxit sanctae<br>Fidis,<br>Exceptis habitaculis<br>Longe vel prope positis. |
| 24. Is tibi Windebergensem<br>Donavit possessionem,<br>Qui adunavit ibidem<br>Cleri congregationem.                | 34. In his locis Otto pius,<br>Plenus bonis operibus,<br>Domino cottidianum<br>Praeparavit obsequium.                    |

Collect. ms. Ratisbonense saec. 12[—14]. Clm. Monacen. 13087. — 6, 2 neque luna. — 27, 1 fehlt eine Silbe. — 30, 4 Alteram sancti Andreae apostoli. — 32, 1 quasi matutinam stellam. — 33, 2 beatae Fidis. — 33, 3 Exceptis fidelium habitaculis. — Aufschrift: „Rithmus pro commendatione pii Ottonis episcopi et de gestis eius.“

## 280. De sancto Paulo.

- |   |   |
|---|---|
| <p>1. Paulus, aemulator legis,<br/>Persecutor Christi gregis,<br/>Lupus rapax mortem gerens<br/>Circuit, necare quaerens<br/>Cuneos fidelium.</p> | <p>4. Laetus Christum est secutus,<br/>Multa passus ipso iutus,<br/>Probris laesus, virgis caesus,<br/>Mortis poenam et catenam<br/>Pati non est veritus.</p> |
| <p>2. A divina luce tactus,<br/>Mente raptus, caecus factus,<br/>Ductus est ad Ananiam,<br/>Videns novae vitae viam,<br/>Iesum Dei filium.</p>    | <p>5. Vitam longam in virtute<br/>Duxit mundi pro salute,<br/>Martyr tandem cum corona<br/>Sumptus ad aeterna bona<br/>Laudat regem gloriae.</p>              |
| <p>3. Uetustate spoliatus,<br/>Fonte gratiae renatus<br/>Coepit usque fines terrae<br/>Salutare semen ferre<br/>In fervore spiritus.</p>          | <p>6. Sancte Paule, dux doctorum,<br/>Martyr, flos apostolorum,<br/>Nos emenda, Deum ora,<br/>Ut illustret nos decora<br/>Beatorum requie.</p>                |

Collect. ms. Campense anni 1462. Cod. Darmstadien. 521. — Dies Gedicht ist von demselben Verfasser wie oben Nr. 251 auf den hl. Laurentius.

## 281. De s. Paulo Eremita.

- |   |   |
|---|---|
| <p>1. Bina legione David<br/>Hostes Israel prostravit,<br/>Mundum, carnem, daemonium,<br/>Primum martyrum levitam,<br/>Monachorum eremitam<br/>Dans Paulum primicerium.</p>         | <p>3. Sentit tunc Valerianus<br/>Socer dirius vesanus,<br/>Huic moliens interitum;<br/>Solitudinem petivit.<br/>Qua salvaret, exquisivit<br/>Puer, pusillum spiritum.</p>             |
| <p>2. Ipse puer vix sedennis<br/>Columbae vestitur pennis<br/>Petens antrum maceriae.<br/>In desertum dat volatus<br/>Orans, templans, incolatus<br/>Praesentis flens miseriae.</p> | <p>4. Cohors prior iam cessare,<br/>Sequens debuit pugnare.<br/>Quapropter Christus noluit,<br/>Quod in illa militaret,<br/>Nostrae sed ducatum daret,<br/>Prout insignis voluit.</p> |

5. Mentem pascit spiritale  
Manna, Iesu, pluis quale  
In pauperi dulcedine;  
Octo carnem palma lustris  
Nutrit, corvus hinc industriis  
In semipanis fragmine.
6. Iesu dulcis, hunc duplasti,  
Tandem sibi sociasti  
Convivam dum Antonium;  
Pium oritur certamen,  
Quis confringat, pacis tamen,  
Amoris dulce iurgium.
7. O quam laete convivantur,  
Nam delibant, quae parantur  
Iam regis in triclinio!  
Si ministrat ibi Christus,  
Certe frangit panem istis  
Plus spiritus in scrinio.
8. Potat sanctum aqua rivus,  
Plus sed aptat te fons vivus,  
Hinc vena vitae scaturit;  
Libet tamen contemplari  
Vestem, magis qua ornari  
Tantus miles meruit.
9. Quis ignoret innocentem  
Cocco bissoque fulgentem,  
Auro, iacintho, purpura;  
Gloriam sed hanc decoris  
Intus vide, quaeso, foris  
Quae monachi cucullula.
10. Manibus victores gerunt  
Palmas, huius artus ferunt  
Contextam palmis tunicam;  
Armis victor loricatur  
Ferme centum, amplexatur  
Sic undique victoriam.
11. Sile, caro, cede, munde,  
Vade, Satanas, rotunde  
Deridet vos emeritus;  
Nil habetis, quod non sprebit,  
Qui nec suasus acquievit  
Nec mala vestra veritus.
12. Dic, Antoni, senex sancte,  
Dic, dic adhuc vitae tantae  
Quidquam pluris magnalium.  
Vere magnus, quem revelat  
Tibi Deus, grex nec celat  
Monstrosus animalium.
13. Hunc quaesisti cum labore,  
Repertum mirans stupore,  
Occulta nempe panderat;  
Affers pallium petitum,  
Plangens rediens sopitum,  
In Christo iam dormierat.
14. Cernis turmas angelorum  
Iungere apostolorum  
Prophetisque collegio;  
Quam devote moriatur,  
Flexus poples hoc testatur;  
O stupenda religio!
15. Cambis pater vestem tuam,  
Testamento capis suam,  
Qua in festis progredieris,  
Digne credens te ornari,  
Tanti patris decorari  
Amictu si merueris.
16. Dant leones sepultarum  
Corpus sacrum et hoc iure,  
Ut sanctis ferae pareant;  
Sic spe caro requiescit,  
Bonis gloriae fulgescit  
Spiritus, quem exhilarant.
17. Iam, praeclara caeli stella,  
Paule pater, seda bella,  
Quibus desertum quatitur;  
Urit ignis, mordet serpens,  
Gravat labor atque torpens  
Mens Amalech insequitur.
18. Duc nos montem visionis,  
Terram ad promissionis,  
Supernam Ierusalem,  
Ubi sanctis pater paret,  
Flamen ardet, verbum claret  
Per te, rex o Iesu Salem.



282. De sancto Pelino.

I.

- |   |  |
|---|--|
| 1. Regis regum plebs devota<br>Voce clara, mente tota<br>Celebret sollemnia;<br>Festa redeunt iucunda,<br>Et nos mente sitibunda<br>Solvamus praeconia. | 3. Sola possides primatum,<br>Sola tenes praesulatum<br>Et eius insignia,<br>Cuius corpus hic quiescit,<br>Per quem latius clarescit<br>Haec mater ecclesia. |
| 2. Solve vota digna laude,<br>Totis viribus congaude,<br>Valvensis ecclesia;<br>Sola digna tu fuisti,<br>Sola tu promeruisti<br>Pelini suffragia.       | 4. Haec lux mirae claritatis,<br>Gratia latinitatis,<br>Oritur in Graecia,<br>Quam inde praedestinarunt<br>Et huc gratis asportarunt<br>Dei providentia.     |

R<sup>o</sup> Eia, fratres, canite,  
Trino regi psallite,  
Grates dignas agite,  
Vetera deponite,  
Nova vos induite,  
Diem festum colite,  
Cantilenam facite,  
Martyri complaudite.

II.

- |   |   |
|---|---|
| 1. Hic nobili genere<br>Civitate Durachio<br>Matre quidem Saphira,<br>Patre natus Archadio,     | 3. Nisi quam conceperant<br>Praecinente Basilio,<br>Cuius post commissus est<br>Praeclaro magisterio. |
| 2. Deo famulantibus.<br>Constitutis in senio,<br>Nullam spem tenentibus<br>Super habendo filio, | 4. Et in templo Domini<br>Oblatus est cum gaudio,<br>Cuius hic continuo<br>Congaudemus martyrio.      |

R<sup>o</sup> Eia, fratres, canite.

III.

- |   |  |
|---|--|
| 1. Crevit sanctus de repente<br>Sancto spiritu replente<br>Desuper ingenium,<br>Et festinus aspiravit<br>Et ad sacrum convolvit<br>Doctrinae fastigium, | 2. Non ascribens sibi tanti<br>Sed donis spiritus sancti<br>Muneris officium,<br>Tunc relictis universis<br>Ac legitime dispersis<br>Iuxta evangelium. |
|---|--|

3. Contra sectas paganorum  
Et cultores idolorum  
Opponens se obvium,  
Navem protinus intravit,  
Statim sanctus invocavit  
Dei patris filium.

4. Dono cuius est egressus  
Et celeriter ingressus  
Nobile Brundisium.  
Quem Aprocus inspexit,  
Praesul terrae, nec despexit,  
Excepit in filium

5. Et archidiaconatus,  
Post coegit praesulatus  
Conscendere solium.

R<sup>o</sup> Eia, fratres, canite etc.

IV.

1. Romam vadit ordinandus,  
Papae manibus tractandus  
Et pie suscipitur,  
Deo intus inspirante,  
Papa foris operante  
Caput et mens ungitur,

3. Sed Aprocus cum eo  
Rediens vocante Deo  
Apud Ansam moritur;  
Postquam sanctus emigravit,  
Praesul sibi consecravit  
Domum, sicut cernitur.

2. Et sibi pontificatus,  
Animarum praesulatus  
Per Iulium traditur;  
Post acceptam missionem  
Necnon benedictionem  
In pace dimittitur.

4. Post ad Apulos reversus,  
Ubi populus inversus  
Habitasse dicitur,  
Evidenti ratione  
Omnes et oratione  
Convertisse legitur.

5. Omnis ritus paganorum,  
Omne fanum idolorum  
Per ipsum destruitur.

R<sup>o</sup> Eia, fratres, canite etc.

V.

1. Iam sanctus converterat  
Calabros et Apulos  
Et, quoscunque poterat,  
Edocebat populos  
Elargiri propria  
Nec servare loculos,  
Ut Christus praeceperat  
Per suos apostolos.

2. Plenus omni scelere  
Caesar Iulianus  
Audit, quod Simpronius  
et Aurelianus  
Sit uterque publice  
factus christianus,  
Frendens torquet oculos  
tamquam vir insanus.

R<sup>o</sup> Eia, fratres, canite etc.

VI.

- |   |  |
|---|--|
| 1. Hos ipse miserat<br>Martyrem ducere<br>Et eius socios<br>Omnes adducere.<br>Quosdam promissis<br>Et largo munere.<br>• Alios minis<br>Et diro vulnere. | 2. Quos sanctus innocens<br>Sic exhortatur:<br>Eamus Romam,<br>Nunc praeparatur<br>Corona nobis.<br>Nam tunc probatur<br>Verus athleta,<br>Cum proeliatur. |
|---|--|

R<sup>o</sup> Eia, fratres, canite etc.

VII.

- |  |   |
|--|---|
| 1. Ecce, Romam veniunt<br>voce laetabunda<br>Intraturi proelia.<br>quae non sunt iucunda,<br>Ea tamen sustinent<br>mente sitibunda<br>Exsecrantes penitus<br>idola immunda.            | 4. Caesar apostasiae<br>Tactus improperio<br>Cogitat multiplici<br>Perdere martyrio<br>Pelinum sanctissimum<br>Cum suo collegio<br>Et Pelinum tradidit<br>Tunc Corniculario.              |
| 2. Praesul ait Caesari:<br>„dic tu, Iuliane,<br>Nunc factus apostata,<br>quondam christiane,<br>Reliquisti Dominum<br>et servis Dianae.<br>Ut tibi conquirereres<br>solium inane?      | 5. Hic huius provinciae<br>praeses et praefectus.<br>Forma novi sceleris,<br>omni dolo tectus<br>Et nefanda daemonum<br>mixtura confectus,<br>Cui mens est horrida,<br>funestus aspectus. |
| 3. Miser, quid te decipit,<br>quid tibi blanditur?<br>Ecce, quod tu possides,<br>repente finitur,<br>Furia, qua praefuris,<br>cito sepelitur,<br>Ubi fures fodiunt,<br>tinea molitur.“ | 6. Rediens Corfinium<br>praeses hic inflatus,<br>Quod pravorum hominum<br>erat incolatus.<br>Daemonum congeries,<br>sedes et primatus,<br>Civitas praecipua<br>huius comitatus.           |

7. Praeses laetus incipit  
populo narrare,  
Quod Pelinum duxerat  
huc sacrificare  
Et ipsum suppliciiis  
duris macerare,  
Nisi cito satagat  
daemoni curvare.
8. Quod Pelinus audiens  
dixit ad profanum:  
„Ecce, mecum pergite,  
ibimus ad fanum.“  
Quod ut omnes audiunt,  
properant in vanum.  
Prosequentes omittunt  
praesidem insanum.
9. Ubi sanctus Domino  
genua curvavit,  
Totum templum corruit,  
idola constravit  
Et Cornicularium,  
qui hoc ordinavit,  
In ruinam suffocans  
totum conquassavit.
10. Postquam cernit populus  
praesidem migrasse,  
Animam daemonibus  
cito commendasse,  
Pelinum antistitem  
dicunt incantasse  
Et suis praestigiis  
talìa patrasse.
11. Nesciunt, quod daemonum  
furìa peremit  
Praesidem, quae neminem  
a poena redemit;  
Adcurrunt pontifices,  
populus contremittit,  
Et ad casum principis  
tota plebs infremitt.
12. Pessima pontificum  
turba conclamavit,  
Plagis et verberibus  
sanctum cruciavit,  
Donec martyr animam  
Deo commendavit  
Et caelorum ardua  
terra commutavit.
13. Multa sustinuerat  
pontifex martyria,  
Poenas importabiles  
et longa suspiria,  
Antequam exsolveret  
extrema supplicia,  
Corpus cuius possidet  
nunc nostra confinia.
- R<sup>o</sup> Eia, fratres, canite etc.

### VIII.

1. Miro modo plaudite  
Voce, corde, manibus,  
Sedem vobis facite  
In virtutum gradibus.
2. Praeferentes spiritum  
His lutosi carnibus,  
Luteam materiem  
Exornemus moribus.
3. Vocis modulatio  
Et cor purum sordibus  
Iungat se celeriter  
Caritatis sedibus,
4. Et Pelini precibus  
Nobis suffragantibus  
Iungamur perenniter  
Angelorum coetibus.

R<sup>o</sup> Eia, fratres, canite etc.



IX.

1. Infernali furia  
Caesar Iulianus  
Rapitur ad inferos  
tamquam tunc profanus,  
Post quem regnat, imperat  
Caesar Iovianus,  
In quo gaudet pariter  
orbis christianus.
2. Hic legatos destinat  
carpere Corfinium,  
Nicostratum praesidem  
et Pardum patricium;  
Qui non possunt viribus  
Neque per ingenium,  
Nisi, ex quo martyrem  
habuere praevium.
3. Hi redire coeperant  
tamquam desperati  
Ad id, pro quo venerant  
valde fatigati,  
Sed iacentes lectulo  
somno soporati,  
Martyr his apparuit  
dicens: „O legati,
4. Quis honor, quae gloria,  
sic repatriare,  
Leviter incipere,  
frustra laborare,  
Infecto negotio  
nihil consummare?  
Nam solet opificem  
opus declarare.
5. Ecce, retro cedite,  
nihil dubitetis,  
Nam auctore Domino  
terram capietis,  
Corpus meum utique,  
quod invenietis  
Ante portam positum,  
sub luto tolletis.“
6. Hi divino munere  
terram receperunt,  
Iuxta dictum martyris  
corpus invenerunt  
Et sibi basilicam  
ibi construxerunt,  
Cui totam patriam  
devote dederunt.
7. Hanc novam basilicam  
vetus procreavit,  
Cupressina capsea  
corpus conservavit,  
Quod praesul Gualterius  
publice locavit  
Et altare desuper  
maius ordinavit.

R<sup>o</sup> Eia, fratres, canite etc.

Pass. ms. Sulmonense saec. 11. Cod. Vatican. 1197. add. saec. 12. in. —  
7, 5 Gualterius ep. Sulmonen. 1104—40.

283. De s. Petro Caelestino.

1. Petrus de petra mittitur  
Deserti montem visere  
Sion, in papam tollitur  
Miti vestitus vellere;
- Fratrum fastus reprimitur  
Novo recisus vomere,  
Gratia clerus colitur  
*Iam lucis orto sidere.*

2. Caelesti rore praeditus,  
 Suo respondens nomini,  
 Caelestinus, vir inclitus,  
 Sacrosanctae regimini  
 Ecclesiae praepositus,  
 Velut in caelo gemini  
 Irradiat divinitus  
*Iste confessor Domini.*

3. Petrus dat laudum carmina,  
 Petrus pro grege vigilat,  
 Petrus absolvit crimina,  
 Serpens antiquus sibilat,  
 Petrus confert iuvamina,  
 Quibus omnis plebs iubilat,  
 Post Petrum canunt agmina:  
*Aurora lucis rutilat.*

Collect. ms. S. Iacobi Leodien. (olim Simonis de Leodio, Canonici Tungren.) saec. 13. Cod. Darmstadien. 2666. — 1, 3 monte. — 1, 8 et papam. — 1, 4 vestibus. — 1, 7 cleru. — 3, 7 canunt carmina. — „Anno Domini MCC nonagesimo quarto haec scripta sunt de papa Petro, qui et Caelestinus.“ — Aus derselben Hs. auch (nicht ohne einige Lesefehler) in Roman. Forsch. VI, 11. Das Lied ist ersichtlich unvollständig.

#### 284. Ad sanctos tres Reges oratio.

1. Te, rex Iaspar, imploramus,  
 Confer nobis, quod optamus,  
 Christum Iesum propitium;  
 O rex Iaspar, serve Dei,  
 Te rogamus servi rei,  
 A peccati carcere  
 Educ nos potenti prece,  
 Nobis detur victa nece  
 Tecum semper vivere.

2. Te, rex Melchior, rogamus,  
 Nobis dona, quod optamus,  
 Nec sic spernas peccatores,  
 Ut non cernas precatores,  
 Reos sibi diffidentes  
 Tuo siste Domino.

3. Balthasar, rex pietatis  
 Et totius sanctitatis  
 Flumen indeficiens,  
 In te salva confidentes,  
 Salutari sitientes  
 Potu nos reficiens.

4. Ad de fientes suspiramus,  
 Te gementes invocamus  
 Evae proles misera,  
 Statum nostrae paupertatis  
 Vultu tuae bonitatis  
 Clementer considera.  
 Deo, sancte, nos commenda,  
 Ut exutos omni menda  
 Nos locet in gloria.

5. Iesu Christe, fili Dei,  
 Tota salus nostrae spei,  
 Trium regum interventu  
 Angelorum nos concentu  
 Fac gaudere iugiter.

Orat. ms. Campense anni 1462. Cod. Darmstadien. 521. — 3, 1 O Balthasar. — 5, 3 Tuorum regum. — Starke Entlehnungen aus Adam von St. Viktor.

285. De s. Richardo Eboracensi.

- |  |  |
|--|--|
| <p>1. Dives virtutibus<br/> Dura sustinuit,<br/> Pollens candoribus<br/> Ut rosa rubuit,<br/> Pro sponsae iuribus<br/> Vincens occubuit,<br/> Quinque vulneribus<br/> Dum polum adiit.</p>     | <p>4. In domo propria<br/> Mitescens sistitur,<br/> Ubi iustitia<br/> Dire comprimitur,<br/> Iniusti iudicis<br/> sermo depromitur<br/> Sine responso,<br/> Sic nece plectitur.</p>    |
| <p>2. Scrobem purificat<br/> A sorde criminum<br/> Et scopam ordinat<br/> Sanguinem proprium,<br/> Sic ruens recipit<br/> Rigoris gladium<br/> Et procul propulit<br/> Quodque piaculum.</p>   | <p>5. Virgo, sponsus<br/> et pastor populi,<br/> Martyr vincens<br/> triumpho nobili,<br/> Novus Abel<br/> succedens veteri,<br/> Extra portam<br/> fit datus funeri.</p>              |
| <p>3. Post donum spiritus<br/> In luce Cynthiae<br/> Willelmi praesulis<br/> Fulgente iubare<br/> Est palam proditus,<br/> Sed nimis callide,<br/> Ligatus nexibus<br/> Mortis dirissimae.</p> | <p>6. Pelle piacula,<br/> Pastor piissime,<br/> Iam sine macula<br/> Regnans aequissime,<br/> Dissolve vincula<br/> Litis nequissimae,<br/> Astringe foedera<br/> Pacis piissimae.</p> |

Horae B.M.V. sec. usum Sarum saec. 15. in. Cod Oxonien. Lat. lit. f. 2. — 3, 2 luce zinzie. — 4, 6 sena [!] depromitur. — 4, 7 fehlt eine Silbe. — 5, 7 Sic extra; in der ganzen 5. Str. abweichendes Metrum. — Nach dem Gedichte folgt noch Versic. et Resp.:

V. Pro nobis ora, quaesumus,  
Richarde, martyr Christi,  
R. Qui petens quinque vulnera  
mortem pertulisti.

Abschrift von Rev. H. M. Bannister.

286. Salus de beato Stephano.

- |  |  |
|--|--|
| <p>1. Passionis Christi primus<br/> Testis, pro tuis opimus<br/> Intercessor hostibus,<br/> Stephane, votis accimus<br/> Te, quem caelestibus scimus<br/> Laureatum sedibus.</p> | <p>2. Cuius lipsanis inventis<br/> Sociorum adiumentis<br/> Terrae cessit siccitas;<br/> Tuis laudibus intentis<br/> Prosit diei praesentis<br/> Votiva sollemnitas.</p> |
|--|--|

3. Christo paupere ditaris,  
Paulo nudo lapidaris,  
Coronaris laurea;  
Rabbi Pauli revelaris,  
Servas loca, renitaris  
In aula siderea.

Cod. Bernen. 414. saec. 13. add. saec. 13. — 1, 2 pro cuius.

287. De s. Thoma Lancastriensi.

Gaude, Thoma, ducum decus,  
lucerna Lancastriae,  
Qui per necem imitaris  
Thomam Cantuariæ,  
Cuius caput conculcatur  
pacem ob ecclesiae,  
Atque tuum detruncatur  
causa pacis Angliæ,  
Esto nobis pius tutor  
in omni discrimine.

Cod. Londinen. Reg. 12 C XII. — Abschrift von Rev. H. M. Bannister.

288. De ss. Thyrsō, Palmatio et Sociis.

1. O athletæ Thebæorum,  
O vos cives Trevirorum,  
Corpora quiescunt quorum  
In hoc sacro solo,  
Vos saluto, vos collaudo,  
Mille miliesque plaudo,  
Cor et mentem iam non claudio,  
Audite me de polo.

2. Felix, Deus quem vocavit,  
Sua fide illustravit  
Robur mentis et donavit  
Acerbae mortis hora!  
Tyrsæ princeps, decollaris,  
Bonifati, sociaris,  
Pie Soter, applicaris  
Constanti sine mora.

3. O Palmati, o Maxenti,  
Nullus timor fuit menti,  
Firmo corde, non paventi  
Datis colla candida.  
Alexander, progredere,  
Mitis Leander, sequeris,  
Quos non, Iustine, deseris,  
Mens cum non sit languida.

4. Ach, Papyri cum Hormisda,  
Fortis, Faustus, agonista,  
Sancta a palaestra ista  
Haud metus te fugavit.  
Sacer miles Ioviane,  
Tu constantiae quam sanæ,  
Ducis bonum et suave,  
Quod mors te triumphavit.



5. O vos innumerabiles,  
Celsi fortesque martyres,  
Cunctis digne amabiles,  
    Saluto hilariter,  
Qui spreta mundi gloria  
Sprevistis transitoria  
Pro sanie et scoria  
    Ob Christum suaviter.
6. Exprobrati, spoliati,  
Trusi, caesi et truncati,  
Saevo ense decollati,  
    Tellus madet cruore;  
Urbis sacravit moenia.  
Dum sex per miliaria  
Mosellae rubent flumina,  
    Christi fusus amore.
7. Mundo ostro exornati,  
Margaritis coronati,  
Adamante decussati  
    In choris angelorum  
Exsultantes congaudetis,  
Carum Christum iam habetis,  
Cuius bona possidetis  
    Cum milibus sanctorum.
8. Trinitati sociati,  
Vera vita iam dotati,  
Omni bono et beati,  
    Nostra sumite vota.  
En, cum carne premit mundus,  
Hostis quoque furibundus  
Bella citat putabundus,  
    Heu, vobis non ignota.
9. Pro vestra sed victoria  
Triumpho assit gloria,  
Ne mala transitoria  
    Conducant ad infernum,  
Sed ovantes contemplemur  
Deum verum et laetemur,  
Vestrae sorti gratulemur  
    Ultra et in aeternum.

Schmitt Ph., Die Kirche des hl. Paulinus bei Trier, Trier 1853. S. 481 u. f., aus „Cod. Treviren. Gest. 33“. Da die Hs. mit dieser veralteten Signatur kaum aufzufinden, muß ich mich mit dem Abdrucke aus Schmitt begnügen.

## 289. De sancto Udalrico.

- Sancte praesul bone, miserorum fide patrone,  
Udalrice grate Christi pugilque beate  
Nobilis et miles, actus omnino viriles  
Qui perfecisti pugnans pro nomine Christi
5. Sub floridis armis, cum saevis nempe tyrannis,  
Quos tu vicisti, licet aspera multa tulisti.  
O praesul mitis, palmes verae quoque vitis,  
Nomine pro Christi passus qui multa fuisti,  
Ecce, triumphasti, cunctos hostes superasti
  10. Nuncque iucundaris aliqua nec mole gravaris,  
Conregnans laetus Christo sine fine quietus.  
Eia, praedigne, pie, clemens, large, benigne,  
Ob Christi nomen, per quod sortitus es omen  
Tanti dulcoris et veri culmen honoris,

15. Me miserum, qui te nunc pulso, respice mite  
Iugiter orando pro me semperque iuvando,  
Ut mea sit vita virtutum luce polita  
Deque malis tuta mundi curisque soluta.  
Omnem languorem mentis carnisque dolorem
20. In me tu cura removeque tua prece pura.  
Reprime nocturnos hostes pariterque diurnos,  
Ne spolient, tundant, alia mihi vel mala fundant.  
Ast obitus hora pietate tua mihi rora  
Gratum solamen, mihi sis et dux ad unamen
25. Regni caelorum, gaudens ubi turba piorum  
Concinit ante Dei vultum carmen iubilaei.  
O flos caelestis, pia dans solamina maestis,  
Ora pro cunctis vivis et corpore functis,  
Ut vivis detur venia, pax et cumuletur,
30. Detur et aeterna lux functis aede superna.  
O praesul invicte, si quisquam veneratur te  
Te prece pulsando vel digne te venerando,  
Hic si turbatus fuerit, languore gravatus  
Aut paupertate quacunque vel anxietate,
35. Per te sanetur, ditetur vel laetificetur.  
Praestet plasmator hominum pius et miserator,  
Omnipotens Dominus, qui regnat trinus et unus.

Orat. ms. Lunaelacense saec. 15. Cod. Vindobonen. 3650. — 19 Omnem-  
que. — 22 spoliant. — 25 Regna.

#### 290. De sancta Ursula.

1. O Ursula, nobilis genere,  
Nobilior morum sanctitate,  
Quae regales nuptias spernendo  
Regi regum adhaesisti Christo,
2. Aduxisti post te, dux inclita,  
Tot sanctarum virginum milia,  
Quae servantes vestro sponso fidem  
Meruistis lauream duplicem.
3. Ad caelestes nuptias ingressae,  
Casto agni amplexu beatae,  
Quocumque it, cum eo pergitis  
Et canticum laete concinitis.
4. Obsecro vos, ut vestris precibus  
Caste, pie et iuste vivamus,  
Ut translatae in vestrum numerum  
Christo sponso canamus canticum.

Devotae orationes (Fontrebaldenses) imp. Parisiis 1546.

291. Misa de s. Willelmo Comite.

Introitus.

1. Omnes confitemini  
Deo, quia bonus,  
Cuius iugum suaviter  
leve fertur onus,  
Ad laudum praeconia  
surgat quisque pronus,  
Cui servit terra  
caelicus atque thronus.

Officium.

2. Dona, Christe, comiti  
requiem aeternam,  
Consequatur gratia  
lucem sempiternam,  
Christus, pro quo spreverat  
gloriam modernam,  
Laudibus ac hymnis  
ferat ad Sion ille supernam.

Oratio.

3. Inclina, misericors  
Deus maiestatis,  
Lacrimosis precibus  
aures pietatis,  
Rogamus clementiam  
summae deitatis:  
Gaudia Willelmo  
da, Kyrie, fons bonitatis.

Epistula.

4. Libro sumpta lectio  
de Maccabaeorum;  
Iudas vir fortissimus,  
collectam bonorum  
Misit Ierosolymam  
pro factis reorum,  
Delicti veniam  
sperans per manus eorum.

Gradale.

5. Requiem spiritibus  
dona defunctorum  
Et eos a nexibus  
solve delictorum,

De profundis clamitant  
voces peccatorum,  
Quas audire velis,  
Deus, unica spes miserorum.

Evangelium.

6. Sequens evangelium  
hic per Lucam datur,  
Panis Dei filius  
vividus nuncupatur,  
Vivent, qui comederint,  
quibus mors negatur,  
Sanguinis in potu  
virus procul omne fugatur.
7. Praesumunt Iudaicae  
gentes admirari,  
Quaerunt, caro quomodo  
possit manducari,  
Modum quaerunt, sanguinis  
in quo potum dari  
Convenit his, quos vult  
Deus in sublime locari.
8. Ipsa demum veritas  
dicens attestatur:  
Carnem non vescentibus  
vita denegatur,  
Qui non gustat sanguinis  
potum, condemnatur  
Et per contemptum  
sibi mors iterata paratur.

Offertorium.

9. Gloriam rex, animas  
salva defunctorum  
Et depressas libera  
mole peccatorum,  
Signifer archangelus  
Michael istorum  
Ad lucem ducat,  
qui spes est certa laborum.

Secreta.

10. Hostias offerimus  
plebis pro peccatis,  
Pro vivis te petimus  
morti ferae datis

Et defunctis aperi  
fontem pietatis,  
Quos tu plasmasti,  
Iesu, miserere renatis,

Praefatio.

11. Imperans per saecula  
cuncta saeculorum.  
Amen dicit populus  
et plebs electorum,  
Sursum corda, domino  
subdant dominorum,  
Cui Cherubim serviunt  
ac agmina sancta polorum.

Sanctus.

12. Sanctus rec pacificus,  
mortis triumphator,  
Sanctus rex magnificus,  
omnium creator,  
Sanctus caeli patriae  
gloriae donator,  
Nomine sit Christi  
veniens benedictus amator.

Benedictus.

13. Illi, per quem libera  
tua fit Susanna,  
Coetus in excelsis  
sanctorum dicat Hosanna.

Canon.

14. Iuste iudex patiens  
et salvator Deus,  
Virgo mater, Simeon  
et Bartholomaeus,  
Adreasque Iacobus,  
Paulus et Taddaeus,  
Barnabas et Lucas,  
Clemens, Petrus atque Mat-  
thaeus,

15. Orate pro comite  
mundi redemptorem,  
Qui redemit miseros  
sanctum per cruorem,  
Ut Willelmus tartari  
poenas et horrorem  
Transeat illaesus,  
non sentiat inde dolorem.

Pater Noster.

16. Qui venturus saecula  
cuncta iudicare,  
Praeceptis salubribus  
monet nos orare.  
Dic pater, si moribus  
te vis informare,  
Digneris nomen  
in nobis sanctificare.
17. Tuum regnum veniat,  
tuum fiat velle,  
In terris ut solio,  
quo figuntur stellae,  
Panem dona iugiter  
dulciorem melle,  
Debita dimitte,  
temptamina cuncta repelle.

Sed libera.

18. Libera nos, Domine  
rex, a cunctis malis,  
Sub tuis continue  
protegamur alis,  
Dele, quod commiserat  
homo bestialis,  
Sit nobis scutum  
maiestas imperialis.

Pax et Agnus Dei.

19. Pax tua continua  
sit Willelmo, Christe,  
Illa, quam non poterat  
dare mundus iste.  
Agnus suo sanguine  
tollens omne triste,  
Ad verum pacis  
auctorem transeat iste.

Communio.

20. Pro cuius memoria  
corpus est oblatum,  
Sanguis sumptus redimens  
miserum reatum,  
Liberans a carcere  
servum captivatum,  
Christe, tuum pugilem  
tecum fac esse locatum.



Postcommunio.

- |  |  |
|--|--|
| <p>21. Sumpta sacrificia<br/>tergant, quod peccavit,<br/>Cuius virtus comiti<br/>donet, quae optavit,<br/>Summi dator praemii,<br/>pro quo dimicavit,<br/>Hoc sibi donet rex,<br/>quod fida mente paravit.</p> | <p>22. Per patrem, per filium<br/>et per sanctum flamen,<br/>Deus, cuius omnia<br/>tremunt ad examen,<br/>Omnes sancti comitis<br/>assint ad tutamen,<br/>In pacis requie<br/>Willelmus dormiat. Amen.</p> |
|--|--|

Cod. Coll. Corp. Christi Oxonien. 232. — 10, 4 mortis. — 6, 2 Das Evangelium steht aber Joh. 6. — 11, 6 divinorum. — 16, 3 salutaribus. — 21, 4 quam. — 21, 8 quam. — Diese Messe wird eingeleitet mit den Worten: „Incipit Missa pro Willelmo comite.“ Vorher geht noch in der Hs. eine Anzahl von Versen erzählenden Inhaltes, die um so mehr hier fortbleiben, als sie nur ein Bruchstück eines größeren Ganzen zu sein scheinen. — Abschrift von Rev. H. M. Bannister.

292. De sancto Wolbodone.

- |   |  |
|---|--|
| <p>1. Ave, pater egenorum,<br/>Wolbodo sanctissime,<br/>Relevamen afflictorum,<br/>Praesul devotissime,<br/>Ave, gemma confessorum,<br/>Signorum clarissime,<br/>Spes et salus languidorum,<br/>Virtutum ditissime.</p>             | <p>3. Et qui quondam distributor<br/>Facultatum fueras,<br/>Pupillorum quoque tutor<br/>His opem contuleras,<br/>Mihi, rogo, sis adiutor,<br/>Ut veras divitias,<br/>Quibus iam egere putor,<br/>Adquiram et caelicas.</p> |
| <p>2. Dudum prudens, pius, castus,<br/>Sobrius et humilis,<br/>Hostis evitabas astus<br/>Spretis eius iaculis,<br/>Tuis ergo, quaeso, pastus<br/>Exemplorum formulis,<br/>In me frena mundi fastus<br/>Pressis carnis stimulis.</p> | <p>4. Iuxta tumbam, qua locatae<br/>Sacrae sunt exuviae,<br/>Inauditae sunt patratae<br/>Virtutes eximiae;<br/>Illud ergo precor a te,<br/>Me mente et corpore<br/>Tua serves pietate<br/>Et mundum a crimine.</p>         |
5. Pie Iesu, pastor bone,  
Precor cordialiter,  
Sacro duce Wolbodone  
Orante suaviter  
Fac sanctorum me coronae  
Iungi aeternaliter,  
Tui vultus visione  
Potiri finaliter.

Collect. ms. S. Laurentii Leodien. saec. [13. 14. 16.] 15. Cod. Bruxellen. 9598-606. — Nach 4, 4 eingeschoben:

Sanitates restauratae,  
Propulsae molestiae.

# MORALIA.





293. Ad Animam.

1. O cara anima,  
Deo pretiosa,  
Tu es redempta  
Sanguine Christi  
Sub illo.
2. Intus amore  
Illius arde,  
Uti sis salva,  
Undique tuta  
Sub illo.
3. Rector et auctor  
Orbis ubique  
Te cupit esse  
Namque benignam  
Sub illo.
4. Mitis adesto,  
Corpore casta,  
Integra fide,  
Clarior actu  
Sub illo.
5. Ista, quae cernis,  
Saecula cuncta  
Sunt vana menti  
Pura cernenti  
Sub illo.
6. Nunc manet fides,  
Spes caritasque,  
His tribus maior  
Est caritas tunc  
Sub illo.
7. Genua fige,  
Corpora stringe,  
Christum adora  
Pectore toto  
Sub illo.
8. Illo holocausto  
Deum placabis,  
Corde contrito  
Si bene plangis  
Sub illo.
9. Laus tua sola,  
Gloria cuncta  
Sit Deus almus  
Semper ubique  
Sub illo.
10. Est tua merces  
Pii laboris,  
Si modo clamas  
Nocte dieque  
Sub illo.
11. Regi et aeterno  
Iuncta maneto  
Ac memor esto  
Patris et matris  
Sub illo.
12. Esto devota,  
Omnibus pia,  
O cara anima,  
Atque beata  
Sub illo.



13. His carminulis  
Laeta caneto,  
Cantica David  
Semper amato  
Sub illo.

14. Te benedicat  
Christus in aevo,  
O cara anima,  
Vale, iucunda  
Sub illo.

Collect. ms. Frisingense saec. 9/10. Clm. Monacen. 6411. — 4, 2 casta fehlt. — 8, 2 placaris. — 8, 4 Si be plangis. — Überschrift: „Rhythmus, carmen“.

294. Hortulus Animae.

1. O fratres devotissimi,  
Attendite prudenter  
Hortulum dulcissimi  
Iesu et decenter  
Herbas atque plantulas  
Colere studete,  
Ne hostis per regulas  
Descendat, praecavete.

2. O si bene colitis,  
Nitorem et odorem  
Dabunt, inde tollitis  
Fructum, non dolorem  
Et alios allicitis  
Ad Dei amorem,  
Fructum vitae facitis  
Nulli ad pudorem.

3. Horti huius ostium  
Timor sit divinus,  
Ad quod nullus hostium  
Venit, nocet minus,  
Omnis vel adversitas  
Sed neque intrabit  
Ad furandas herbulas,  
Sed foris semper stabit.

4. Delectabit plurimum  
Inde transeuntes  
Dulcedineque animum  
Erunt perfundentes  
Herbae late maxime  
Optime olentes,  
Pro utroque homine  
Erunt haec valentes.

5. Fundamentum hortuli  
Cum humilitate  
Stercora ut anguli  
Satis delicate  
Maneant, suaviter  
Intus incrementum  
Iesus det, perenniter  
Tandem complementum.

6. Et tu sollicitius  
Planta duas herbas,  
Invigila instantius  
Eisdem, ne has perdas,  
Si crescunt, simul habitant  
Simul vel marcescunt,  
Augmentantur, radicant  
Sive aut decrescunt.

7. Si bene custodieris,  
Totum hortum implent,  
Si colere desieris,  
Urticae tunc subintrent;  
Quapropter semen omnium  
Herbarum sunt revera  
Seu virtutum omnium  
Doctrina ex sincera.

8. Et haec sunt Dei caritas  
Et proximi non ficta,  
Quae si crescunt, deitas,  
Trinitas invicta,  
Spatiatum iugiter  
Intus, delectatur  
In hoc horto dulciter,  
His herbis oblectatur.

9. Cum herbam patientiam  
Portaveris in manu,  
Hostes in caecutiam  
Vertis tuos, sinu  
Requiescit grandium  
Cibus sapientum,  
Est haec herba fortium  
Perseveramentum.
10. Herba, quae iustitia  
Dicitur, locanda  
Non longe, sed spatia  
Sunt interponenda,  
Est misericordia  
Discretioque mater  
Virtutum, est optima  
Et servanda semper.
11. Haec namque discretio  
Valet plus quam aurum,  
Si eius plantatio  
Deest, nil aut parum  
Cetera sunt omnia,  
Nam temperamentum  
Est herbarum, semina  
Ducit in augmentum.
12. Cum hac liberalius  
Optime stat semper  
Mentis sive mititas,  
Cole has diligenter  
Cum benevolentia,  
Quae viret omni hora,  
Hanc cum diligentia  
Planta sine mora.
13. Est rara herba plurimum,  
Nobilis sed multum,  
Stupor quasi hominum,  
Si vis, crescit per cultum,  
Huius horti raritas  
Minime te gravet,  
Et est exemplaritas,  
Scandalum quae cavet.
14. Redolet peroptime,  
Sed non omni horto  
Crescit, o carissime,  
Quaere hanc in ortu  
Cuiuscumque operis  
Intentione bona,  
Si debite locaveris,  
Accrescunt tibi dona.
15. Adhuc herba rarior,  
Igni similata,  
Pretiosa, carior,  
Obtinens optata,  
Fervens est oratio,  
Caelum quae intrare  
Solet fumigatio,  
Ut aquila volare.
16. Sit humilis cum moribus  
Optimis et bonis,  
Actibus parilibus,  
Respondeant ut donis  
Dei, sed omittere  
Non debes causa huius  
Alia, quae facere  
Teneris et, quod maius.
17. Cum cantico et cithara  
Concordent vox et verba  
Et alia praeterea  
Virtus sive herba,  
Quae in bonum vertere  
Debet, quidquid currit,  
Eventum, te conectere  
Et sic se comburit.
18. Herbam quoque aliam  
Audiavi praecellentem,  
Quae non laedit aliam  
Nec dentem rodentem  
Habet, sed nec alias  
Admittit fraudulenter,  
Se inspicit et alias  
Curat evidenter.

19. Alias evellere  
Cura malas herbas,  
Stude sed inserere,  
Ut tempus non perdas,  
Bonas herbas iugiter,  
Ut pacem acquiras,  
Gaudium perenniter  
Spiritale bibas.

20. Tunc Iesus bene aderit  
Et hortum rigabit,  
Odorque diffunditur,  
Multum fructum dabit  
Atque bonum animum,  
Iucundum sine mora  
Praemiumque maximum,  
Cum transit mortis hora.

21. Ex quo viridescere  
Istae herbae debent,  
Florere sed et crescere,  
Malae, ne has laedant,  
Evellantur penitus  
Radicitus a fundo,  
Abiciantur longius  
Cordis de profundo.

22. Maledicta nimium  
Herba venenosa,  
Insidiatrix hominum,  
Tota maculosa,  
Cuius semen mittitur  
Inferni de profundo,  
Mentis tumor dicitur,  
Non peior est in mundo.

23. Hoc semen mittit Lucifer,  
Dives inde, pauper  
Sumit gratis, nequiter  
Malum hinc inde semper,  
Oritur saepissime  
Messis atque pastus  
Herbae amarissimae  
Ac elatus fastus.

24. Scindunt vestes turpiter  
Cum elata mente,  
Donis Dei nequiter  
Utuntur dura fronte,  
Quod portant oves iugiter  
Cum humilitate,  
Hoc gestant hi inaniter  
Pompose et elate.

25. Hinc venit praeda, rabies,  
Furtum et usura,  
Furor, dolus, sanies,  
Pauperum pressura,  
Occidunt, adulterium  
Committunt multi inde;  
O Deus, da remedium,  
Ne pereamus inde.

26. Vindicta iusta graviter  
Videtur imminere,  
Apparuit atrociter,  
In promptu est videre,  
Quid proelia, quid rabies,  
Quid fames, quid ruinae  
Quidve mortis sanies,  
Quid fecerint et minae.

27. Tempestates etiam  
Aliaque signa  
Hominum malitia  
Feriunt ut digna;  
Propterea, carissimi,  
Non segniter nec lente,  
Surgamus velocissimi  
Et vigilemus mente.

28. Si studiosissime  
Malas eradamus  
Herbas, tunc saepissime,  
Ut est et speramus,  
Iesum horto capimus,  
Hinc inde spatiatur,  
Eique sumus thalamus,  
Audimus, quid loquatur.

29. Maria cum sodalibus,  
Cum angelis, cum sanctis  
Veniet cum talibus,  
Permaximis cum tantis,  
Ad culturam singuli  
Venient cum decore,  
Iesus atque angeli  
Pascuntur ex odore.

30. Qui studiosus fuerit  
Horti in cultura  
Hac atque studuerit  
Servire mente pura  
Deo, et hunc hortulum  
Ipse praeeparabit,  
Non fructum aut parvulum,  
Sed se ipsum dabit.

31. Ibi „Sanctus Dominus“  
Clare omnes cantant,  
Laudant mihilominus,  
Non herbas ultra plantant,  
Sed omnia in omnibus  
Est eis Deus vivus,  
Prae cunctis qui gratissimus,  
Sufficiens et divus.

32. Qui suam det hic gratiam  
Ad hortuli culturam,  
Huius et propitiam  
Mariam ponas puram,  
Sanctorum adiutorium  
Det et sanctum flamen  
Et nunc et in perpetuum  
Saeculorum. Amen.

Collect. ms. Seitzense saec. 15. Cod. Roman. 602. (Varia 4). — 3, 7  
furendas. — 9, 7 haec fehlt. — 15, 4 Auro optinens. — 21, 4 laedent. —  
27, 6 sed leute. — 30, 2 Hortus. — 30, 3 Hac et. — 32, 5 Sanctos.

295. Iubilus gaudentis sed corde maerentis.

1. Intima laetitia,  
Cordis hilaritate,  
Absque omni maestitia,  
Mera iucunditate  
Dei lauda iudicia,  
Quae ni ex veritate  
Emergunt, ac supplicia  
Divina voluntate.

2. Homo videns exterius  
Perversa machinatur,  
Deus cor interius  
Atque renes scrutatur,  
Nil obest, si uberius  
Hicquisquam praegravatur,  
Si spiritus sincerius  
A Deo consolatur.

3. Eia, o pauperrime,  
Nequaquam verearis,  
Tametsi nunc miserrime  
Amare confundaris,  
A Christo sic uberrime  
Probaris, adamaris,  
Purgatusque celerrime  
Coronam assequaris.

4. Rex regum altissimus,  
Hanc viam est ingressus,  
Sicque innocentissimus  
Tam dira est perpressus  
Pro te, qui es turpissimus  
Peccatisque oppressus,  
Sic panditur laetissimus  
Aeternorum accessus.

5. Optabilis tristitia,  
Quae fert iucunditatem,  
Ast gaudii initia  
Praebens felicitatem,  
Perfecta haec laetitia  
Probabit caritatem,  
Nam Dei sic iustitia  
Nutrit humilitatem.

6. Nil reor sic utilius  
Pro Deo tribulari  
Patique virilius,  
Perversus reputari,  
Sic Christus, Dei filius,  
Hic maluit temptari  
Ac prae cunctis vilius  
Quam latro conculcari.



- |   |  |
|---|--|
| <p>7. Involutus vitiis<br/>         Hic non ab re probatur,<br/>         Variis maestitiis<br/>         Continue purgatur,<br/>         Mentis exercitiis<br/>         Exhinc illuminatur,<br/>         Caelestibus divitiis<br/>         Summe remuneratur.</p>            | <p>9. Velle placidissimo<br/>         Me offero, resigno<br/>         Tibi Deo altissimo<br/>         In crucis tuae signo,<br/>         Ab hoste pellacissimo<br/>         Et homine maligno<br/>         Oppresso, turbatissimo<br/>         Succurre, heu, indigno.</p> |
| <p>8. Mihi hinc absit, Domine,<br/>         Nunc usque gloriari,<br/>         Nisi in tuo nomine<br/>         Et cruce onerari.<br/>         Ob id a quovis homine<br/>         Hanc vereor turbari,<br/>         Ut aevo sancto lumine<br/>         Merear inflammari.</p> | <p>10. Suscipe, piissime,<br/>         Hoc cordis iubilamen,<br/>         Iesu benignissime,<br/>         Confer opitulamen<br/>         Creaturae vilissimae,<br/>         Ausculta agravamen,<br/>         Ne pereat, dulcissime,<br/>         Mors tua in me. Amen.</p> |

Collect. ms. Seitzense saec. 15. Cod. Roman. 602 (Varia 4). — 2, 5 si liberius. — 6, 6 Hinc maluit. — 8, 6 Hanc vereor. — Als Autor bezeichnet das Akrostichon einen Iheronimus, die Hs. als Singweise für das Lied: Patris sapientia.

## 296. Alphabetum Morale.

R<sup>o</sup> Aduva nos, Deus meus,  
 In te posui cor meum.

- |  |   |
|--|---|
| <p>1. Amat puer castitatem,<br/>         Mundus erit de peccato.<br/>         Tertium diem surrexisti,<br/>         Sedens ad dexteram, Christe.</p>   | <p>5. Ecce, flumen de Iordane<br/>         Quem traxit sanctus Iohannes,<br/>         Ipse fontes non siccavit,<br/>         Ubi Christum baptizavit.</p> |
| <p>2. Bonum virum et prudentem,<br/>         Quem Maria portavit<br/>         In ventrem, adoremus,<br/>         Regem magnum filium.</p>  | <p>6. Fecit caelum, fecit terram,<br/>         Fecit quatuor evangelia<br/>         Et in medio paradiso<br/>         Fecit Adam et fecit Eva.</p>        |
| <p>3. Caecos tu inluminasti,<br/>         Paralyticos curasti,<br/>         Lazarum quatrduanum<br/>         De monumento suscitasti.</p>  | <p>7. Galilaea quando venit,<br/>         Mirabilia multa fecit,<br/>         De quinque panes et duos pisces<br/>         Satiavit multas gentes.</p>    |
| <p>4. Deus, qui sedes sub septimum<br/>           thronum,<br/>         Et iudicas, quod est bonum,<br/>         Libera animas nostras<br/>         De manibus inimicorum.</p> | <p>8. Hait Deus, ait: terra<br/>         Iam resurgunt omnes herbas;<br/>         Et de germen, de frumento<br/>         Satiavit multas gentes.</p>      |

- |  |   |
|--|---|
| <p>9. Israel permeat mare,<br/>         Moyses percussit virga,<br/>         Et ante ipsum factum est dilu-<br/>               vium<br/>         Et post ipsum factum est bonum.</p> | <p>12. Noe fuit homo iustus,<br/>         Qui nutritiv filios pulchros,<br/>         Et ante ipsum factum est dilu-<br/>               vium,<br/>         Et post ipsum factum est bonum.</p> |
| <p>10. Lumen hominum fecisti,<br/>         Benedictus es tu, Christe,<br/>         Et dum in caelis habitasti,<br/>         Semper cum patre regnasti.</p>                           | <p>13. O infelices vos Iudaei,<br/>         Qui negastis nomen Dei!<br/>         Quando eritis ante eum,<br/>         Iudicare habet vos sicut reos.</p>                                      |
| <p>11. Mulier sanguinem fluxa<br/>         Ambulabat inter turbas,<br/>         Tetigit timbriam vestimentieius,<br/>         Salva facta est in hora.</p>                           | <p>14. Petrus super mare ambulabat,<br/>         Dominus ad litus stabat,<br/>         Exclamavit voce magna:<br/>         Ad me veni super aquas.</p>  |

Martyrol. ms. Modoiense[?] saec. 9 ex. Cod. Capit. Veronen. XC (85). — R<sup>0</sup>, 2 posuit; der Rundreim wiederholt sich nach allen Strophen. — 1, 4 Christi. — 2, 4; es folgt noch die überzählige Zeile: Deum omnipotentem. — 4, 1 septimo tronum. — 5, 2 Quem transivit sanctus. — 5, 3 Ipsam fontes. — 8, 4 Dittographie von 7, 4? — 9, 1 Israel per media mare. — 9, 3 sq. Dittographie von 12, 3 sq.? — 10, 4 cum patribus. — 14, 4 das Weitere fehlt, weil das folgende Blatt ausgeschnitten ist. — Dafs dies Gedicht in den Poetae sevi Carolini übergangen wurde, ist auffällig.

## 297. Adhortatio ad recte vivendum.

- |  |  |
|--|--|
| <p>1. Veris flos,<br/>         Herba, ros,<br/>         Nemus, glos,<br/>               Folia<br/>         Plurimos<br/>         Inter nos<br/>               Movent lascivia,<br/>               Inanes per inania.</p>           | <p>2 b. Laudo vos,<br/>         Quorum os<br/>         Ad caelos<br/>               Patria,<br/>         Sed non hos,<br/>         Ducit quos<br/>         Pravus mos,<br/>               In via<br/>               Vincens per transitoria.</p> |
| <p>2 a. Uxor, bos,<br/>         Mundi dos,<br/>         Mollit os<br/>               Varia,<br/>         Teneros<br/>         Animos<br/>         Fluidos<br/>               Pluvia<br/>               Facit mollitque mollia.</p> |  |

3 a. Mens corrui,  
Dum diffluit,  
Se vanam vanis inficit  
Et deficit,  
Quae respicit,  
Ad ima mortem reperit  
Et morsa morte deperit.

3 b. Se reficit  
Et erigit,  
Qui munda mundus eligit,  
Qui prospicit,  
Intellegit,  
Immunda mundi despicit  
Et vita vitam contigit.

3 c. Quid proficit,  
Qui polluit  
Se, vita vitam deserit  
Et esurit  
Nec saturit,  
Qui mundi cuncta colligit,  
Si non datorem diligit?

4 a. Ergo respice  
Te nec infice  
Pice,  
Despice  
Te teneri rustice.

4 b. Gratis inspicere,  
Quod mirifice  
Spicae  
Lyricae  
Stirpis est Davidicae.

5 a. Patre numine,  
Matre virgine  
Deus homo [fit repente],  
Sine semine  
Fit pro homine  
Noster et salus in gente.

5 b. Suo sanguine  
Nos a crimine  
Mundavit munda mente  
Christus, sequere  
Ipsam opere  
Cum verbo confitente.

6 a. Ne sis vanum  
Vas, in vanum,  
Fatue, laborans,  
Adde manum,  
Opus sanum  
Sedulo perorans.

6 b. O quam stultum  
Nec inultum,  
Si scis et non faris!  
Mentis vultum  
Das incultum.  
Si non operaris.

7 a. Spinae crescunt  
Nec decrescunt  
Mentibus avaris,  
Ni de micis  
Des amicis,  
Inimicis daris.

7 b. Da, da, ni des  
Nonne vides,  
Si iam moriaris,  
Perdes ea,  
Quibus rea  
Sorte dominaris.

8. Quid tumes, vas fragile,  
Quid tam impleris?  
Quo te fers, perlabile,  
Quid tanto quaeris?  
Signum hoc non stabile,  
Iam non hic eris.

9 a. Qui colis mundum,  
Scias immundum,  
Extollitur,  
Vergitur,  
Mergitur,  
Nescit, quod intendit  
Vel quod apprehendit.

9 b. Mel sed fellitum  
Nec impunitum  
Qui suxerit,  
Deserit,  
Deterit  
Mentem et suspendit  
Nec videt, quo tendit.

9 c. Quid te suspendas?  
Vide, quo tendas,  
Ad horrida  
Lurida  
Tartara  
Iam miser descendit,  
Qui Deum offendit.

10 a. O iam, misera,  
Iam considera,  
Quod ad infera  
Properas,  
Nisi vas  
Tuum abluas  
Potius te munda

10 b. Surge, propera  
Mente libera,  
Matris ubera  
Repetas  
Et vivas,  
Si paeniteas,  
Omnia sunt munda.

10 c. Iam fructifera  
Florent opera,  
Si cum opera  
Seminas  
Semina,  
Purgat sordida  
Spiritus et unda.

11 a. Terra flores  
Et odores  
Profert dono roris;  
Iustus plora,  
Cor irrorat  
Fonte salvatoris,

11 b. Ne seductum  
Perdat fructum  
Mens intenta foris;  
Insta, certa,  
Dum incerta  
Mors insultat poris.

12 a. Nec est hora,  
Quae sit mora,  
Quam tibi proponas?  
Si non modo,  
Cras quomodo  
Melius disponas  
Annonas?

12 b. Sursum te fer,  
Mentem praefer,  
Ad hoc cor apponas,  
Sic et ibi  
Caelo tibi  
Merito reponas  
Coronas.



13. Mundus iste  
Transit, Christe,  
Manes, cuncta donas,  
Miserere  
Tu, qui vere  
Iudicas personas  
Pravas, bonas;  
Tecum ponas

14. Nos in regno gloriae,  
Qua regnas regie  
In aeterna requie,  
Ubi nil miseriae.

15. Omnis expirat dolor  
Et onus malorum,  
Memorato, quis honor  
Sit regnum caelorum.

16. O Maria, virginum  
Virgo, flos et florum,  
Placa nobis Dominum  
Memor miserorum,  
Ut vivamus omnium  
Cum coetu sanctorum.

17. Hoc praesta,  
Deus da,  
Rex trinus et unus,  
Ut nostra  
Sic terra  
Ferat, ut sit tuus  
Noster fructus  
Et congruus  
Sit terminus.

Collect. ms. Vedastinum saec. 13. Cod. Cadomen. 14. (IV<sup>o</sup> 18). — 3b. 1 Si. — 4b, 1 Gratuite respice. — 5a, 3 Deus homo steht hinter 5a, 5. — 5b. 4 Christum. — 7b, 2 Non evides. — 10a. 5 Ni vas. — In Chevaliers Repertorium als Marienlied aufgeführt. Von demselben Verfasser weiter oben das Lied: Area rosea vinea. Vgl. das dort Bemerkte.

## 298. Oratio ad Cenam.

Mellifluus Iesus sit nobis potus et esus.  
Escas praesentes benedic, Deus, et comedentes.  
Potum servorum benedic, Deus alme, tuorum.  
Per Iesum Christum cibum benedicimus istum,  
Et reliquum munus benedicat trinus et unus.

Post cenam.

Gratias ex esu referamus Christo Iesu,  
Sit semper Dominus cum matre sua benedictus.  
Laus Deo, pax vivis requies aeterna defunctis.

Collect. ms. Romanum [?] saec. 15. Cod. Vatican. Ottobon. 254.

299. De Ecclesia.

- Alleluia iterum modulis tollatur in altum,  
Vociferando domum tangat concordia vocum,  
Impleat et tectum mirabilis ordo tonorum,  
Absida non taceat, nec porticus inde silescat,  
5. Tinniat et culmen, resonet calcabile limen,  
Introitum dantes recinant nova carmina postes  
Perque iter ad patriam doceant repedare priorem.  
Vox liniat tegulas, pavementum succinat odas,  
Tigna modos nectant, laquearia picta revolvant;  
10. Fundamenta, columnae, arcus, pariesque politus  
Tinnitu reboent, dum cleri carmina cantent.  
Aedibus his patulae iungantur in arce fenestrae,  
Quas decorat vitrum calamo cingente ligatum,  
Lumen et immittat, ventorum flamina pellat.  
15. Possit et incensus flammis dispendere lychnus,  
Candelae et rutilent, quae curvis arcubus instant,  
Gaudeat omnigenis domus haec ornata coronis.  
Gratus honor templi renovetur ab ordine cleri.  
Hanc intrando domum persolvat episcopus hymnum,  
20. Luminibus claram procedat praesul ad aram,  
Carminibus plenam festinet clerus in aulam,  
Dulcisono mirum repleatur carmine templum,  
Adpropiet populus cleri sermone docendus,  
Agmina concurrant crepitantia laude sonora,  
25. Desuper immissus sit in omnibus omnia Christus.

Collect. ms. Tegurinum saec. 10. Clm. Monacen. 18628.

300. De Sacerdotibus.

- |                       |                      |
|-----------------------|----------------------|
| 1. O quam sacerdotium | 2. Sacerdotes gloria |
| regale et perfectum,  | tanta venerantur,    |
| O quam venerabile     | Dignitatis gratia    |
| genus est electum!    | angelis aequantur,   |
| Stola legis gratiae   | Excellentes angelos  |
| decus reis rectum,    | Deo famulantur,      |
| Vivis e lapidibus     | Angelizant saepius,  |
| nobis est detectum.   | Caelo coronantur.    |

3. Corpus, sanguis Domini  
per hos consecratur,  
Regibus et ducibus  
istud denegatur,  
Sacra pistis ducibus  
non haec condonatur,  
Per signa, verba mystica  
forma figuratur.
4. O gens sancta, mira quanta  
Deus operatur,  
Iam per signa, verba digna  
Panis incarnatur,  
Et ex aqua fonte lata  
Sanguis procreatur.
5. Hic est Iesus, virgis caesus,  
Dulcis esus; cum sit esus,  
Non est laesus,  
Manet tamen integramen  
Pneuma flamen et spiramen.
6. Veri Dei, nostrae spei,  
In aeternum, in supernum,  
Qui infernum  
Regit, fregit et subegit  
Maiestate, potestate,  
Adorate, regum natae.
7. Qui formavit  
Et plasmavit.  
Animavit,  
Spiritus vitae  
Dum inflavit  
Et cibavit,  
Pavit et beavit.  
Quos sudore  
Et cruore  
Lavit, expiavit  
Nostram vitam  
Redimitam  
Nostrum omen,  
Vestrum nomen  
Hinc laudetur,

- Veneretur  
Benedicetur,  
Invocetur  
Ut salvare,  
Non damnare,  
Vos beare  
Condignetur.  
Vobis datur  
Sacrum flamen  
Et iuvamen  
In perenni gloria.
8. Ens, usia  
Et sophia,  
Voce tria  
Una persistentia  
Ecce fides,  
Non relides  
Neque strides,  
Quia fides,  
In usia  
Ista tria  
Unum permanentia.
9. Sacerdotes,  
Mundi cotes,  
Caeli dotes  
Et nepotes  
Estis vere  
Et sincere;  
Vos avete  
Et florete,  
Cum quiete  
Regnum vitae possidete,  
Hierarchiam obtinete,  
Una mecum congaudete  
Solum supernum  
Et aeternum  
Ovanter,  
Laetanter,  
Glorianter  
Vobis cedat cum omnibus  
Sanctis triumphanter.

Collect. ms. Stiriace saec. 15. Cod. Stiriace. L 26 [s. n.]. — 2, 1  
Sacerdotes inquam gloria. — 3, 1 Quia corpus, sanguis Domini. — 3, 2  
consecrantur. — 3, 4 ista denegantur. — 3, 6 hoc. — 3, 8 figurantur. —

Dann folgen vier Zeilen, die augenscheinlich nur eine andere Redaktion von Str. 3 sind:

Panis, vinum et aqua  
in corpus transmutantur,  
Sanguis, homo adicitur,  
haec c'ca Dei dantur.

5, 5 pneuman. — 7, 6 Et fehlt. — 7, 8 Suo sudore. — 8, 1 Ens Isaia. — 8, 9 In unia. — 9, 7 Vos fehlt. — 9, 15 ff. Ovantur, laetantur, gloriantur, triumphantur.

### 301. De Dignitate Sacerdotum.

- |                              |                                   |
|------------------------------|-----------------------------------|
| Sacerdotes, nunc audite      | Ad minus convertit                |
| Dignitatem vestrae vitae,    | unum peccatorem                   |
| Qualis sit vel quanta,       | Ad amorem                         |
| Non est data tanta           | 40. Sui salvatoris                |
| 5. Angelis in                | In his sacris horis.              |
| caelis et in terris.         | Sacerdotes, cur scitote           |
| Sacerdotum sacrae palmae     | Nihil maius sacerdote.            |
| Parant natum matris almae    | Vos sacravit sacra dote           |
| Incarnare velut mater,       | 45. Christus, illud mementote.    |
| 10. Quem ante tempus pater   | Sacra dote vos dotavit,           |
| Gigebat laudabiliter,        | Petro ter dum clamavit:           |
| Licet ineffabiliter.         | Pasce oves meas                   |
| Hoc sancta sanctorum         | Animasque solve reas.             |
| Et decus angelorum           | 50. Quidquid solvis, est solutum, |
| 15. Facere non potuit,       | Per te datur iter tutum.          |
| Quia Deus voluit             | Quidquid ligas est ligatum.       |
| Omne sacrum                  | O quam felix hoc mandatum!        |
| esse sacerdotum.             | Hic est filius ancillae,          |
| Dicitur sacerdos             | 55. Sarae reges proles,           |
| 20. quasi sacer dans,        | Surgunt ex hac prole              |
| Dans sacrum sacris palmis.   | Multum nitidiores sole,           |
| Dignitatis est indicium      | Pulchrioris stellis,              |
| Sacerdotum,                  | Quorum lingua favus mellis,       |
| si suum officium             | 60. Quorum verba sunt polita,     |
| 25. Peregerit digne,         | Sacris scripturis redimita.       |
| Tunc a poenarum igne         | Dicuntur ergo sacerdotes          |
| Ad minus ducit               | Sacri dantes sacras dotes.        |
| unam animam,                 | Digne ferunt hoc in mundo         |
| Quae post hoc lucet          | 65. Hi, qui vivunt corde mundo,   |
| 30. in honore                | Regnant super omnes reges,        |
| Cum suo creatore.            | Supra iura, supra leges,          |
| Dicitur ergo sacerdos        | Et hoc fit de vero iure,          |
| quasi sacer dux,             | Quia soli debent pure             |
| Ducens de poenis ad gaudium. | 70. Virginis natum tractare;      |
| 35. Quid plus operatur,      | Non quaeratur unde, quare.        |
| Missa dum celebratur?        | Sic sacerdos honoretur,           |



Cui maior laus debetur,  
Licet ipse sit indignus;  
75. Tamen clemens et benignus

Deus ita ordinavit,  
Qui nos sua carne pavit.

Collect. ms. S. Mariae Magdalenae in Maiori Frankental saec. 15. Cod. Vatican. Palat. 362. — 63 Sacros dantes sacra dote.

### 302. Contra Insidias Diaboli.

- |   |  |
|---|--|
| 1. Temptator pravus et dolosus<br>Mihi adfuit et clamorus,<br>In me irruit ut famosus,<br>Prout apparet tenebrosus.                     | 10. Defeci ego et cor meum,<br>Deus, pars mea in aeternum,<br>Quaesivi ego vultum tuum,<br>Tu ergo mihi offer manum.                 |
| 2. Venit iste serpens fortis<br>Suis quoque cum amicis<br>Robur meum tollens dolis,<br>Ut me torqueat in tormentis.                     | 11. Auxilium meum a te requiram,<br>Ut a me Satan repellam,<br>Tui tu mihi da memoriam,<br>Qua proeliari bene valeam.                |
| 3. Iste est draco ille magnus,<br>Serpens ruffus et antiquus,<br>Qui Satan et inimicus<br>Est vocatus et malignus.                      | 12. O virgo munda, venerabilis,<br>Maria, mater humani generis,<br>Te precor, o admirabilis,<br>Ne mei unquam obliviscaris.          |
| 4. Septem habet ergo capita,<br>Secum portans decem cornua,<br>Ut me perdat in versutia,<br>Minus potens quam favilla.                  | 13. Nam angustiis saepe premor<br>Multis malisque coartor,<br>Die ac noctu ego peccator<br>Tui filii sum offensor.                   |
| 5. Nimis cautus ille leo,<br>Ortus iam in paradiso,<br>Mortem induxit illo pomo<br>Cooperante suo veneno.                               | 14. Dulcis mater, placa filium,<br>Cuius uteri subiit claustrum,<br>Ne me abhorreat suum servum,<br>Sed suscipiat in aeternum.       |
| 6. Nihil aliud iste amat,<br>Nisi ut animam sibi tollat,<br>Se fecisse nihil putat,<br>Si quod corpus non occidat.                      | 15. O benedicta semper virgo,<br>Roga genitum, ut a saeclo<br>Me recipiat sitque cito<br>In aeterno ponens caelo.                    |
| 7. Tristatur et ipse, ut decipiat,<br>Gaudere se fingit, ut illudat,<br>Apparet agnus, ut me comprimant,<br>Lupum se facit, ut seducat. | 16. O clemens pastor, sancte Petre,<br>Caelorum regna claudens clave,<br>A daemone isto me defende,<br>Qui infert iacula menti meae. |
| 8. Tu ergo, Iesu Christe,<br>Mihi quoque miserere,<br>Sicut fecisti Magdalenae<br>Te rigando valde pie.                                 | 17. Tu etiam, Paule, pro me ora<br>Deum, qui semper sine mora<br>Preces capit sine ira,<br>Quia te rogat sua creatura.               |
| 9. Heu, heu mihi, Domine,<br>Vaeque animae meae,<br>Recessisti, consolator vitae meae,<br>Nec dixisti mihi vale.                        | 18. Etiam rogo te Iohannem,<br>Iesu Christi amatorem,<br>Ne me respuas peccatorem<br>Meis delictis semimortuum.                      |



19. Iesum vere baptizasti,  
Nondum natus prophetasti,  
In virtute praecessisti  
Eumque ore praedicasti.
20. Apostoli omnes salvatoris,  
Iesu Christi, vestri amoris,  
Dei iam preces peccatoris  
Conspectui offerte plasmatoris.
21. Omnes quoque anici Dei,  
Pro me rogare Deum dignamini,  
Gratia illa, qua salvamini  
In paradisoque locamini.

Serm. S. Bernhardi saec. 15. Cod. Rossian. X, 8 add. saec. 15.

### 303. De Septem Vitiis Capitalibus.

1. Multam labem peccatorum  
Ex contactu mundanorum  
Mundani contraximus,  
Blandiendo quos seduxit  
Et in culpam nos adduxit  
Mundus, hostis pessimus.
2. Cuius in se flos defloret,  
Sed in nobis adhuc floret,  
Cuius flos ariditas.  
Quae pax mundi nisi fluctus  
Vel quis risus nisi luctus,  
Cuius fructus vanitas?
3. Quid est mundi, quod sit tutum,  
Vel quae gemma nisi lutum  
Vel quid eius stabile?  
Si quid dulce, durat parum,  
Vel si durat, est amarum,  
Quia totum labile.
4. Cuius honor est in casu,  
Cuius bonum in occasu,  
Voluntas in taedio,  
Cuius amor est catena,  
Vita labor, quies poena,  
Ludus est illusio.
5. Hunc deludit, cum quo ludit,  
Et quem ungit, illum pungit  
Adulando verberans,  
Novercatur, cum arridet,  
Et blanditur, cum deridet,  
Blandiendo vulnerans.
6. Multi tamen hunc adorant,  
Quamvis istud, quod implorant,  
Raro possunt assequi,  
Nam labuntur cum labente  
Et cadentes cum cadente  
Nihil valent consequi.
7. Quorum quidam nummum colunt  
Et eidem dare volunt  
Cultum Deo proprium,  
Venerantur vanitatem  
Et divinam veritatem  
Vertunt in mendacium.
8. Iam qui nummum venerantur,  
Hunc adorant, hunc precantur,  
Illi cultus solvitur;  
Quorum Deus est in arca,  
Non in Marco, sed in marca  
Horum Deus legitur.
9. Non in libro per scripturam,  
Sed in libra per usuram  
Tormentari cupiunt,  
Dum plus habent, plus affectant,  
Dum plus tenent, plus ex-  
spectant,  
Dum potant, plus sitiunt.
10. Ventrem cogunt ieiunare  
Et crumenam separare  
Non valent pecunia,  
Contra bursam conqueruntur,  
Os et venter dum coguntur  
Servare ieiunia.

11. Inter nostros quidam tales,  
Quos nummorum speciales  
Cultores cognovimus,  
Quos, ut bursam satiarent  
Et crumenae cibum darent,  
Ieiunare vidimus.
12. Vinum servant, bibunt villum  
Et manducant panem illum,  
Qui damnatur furfure,  
Qui potantes servos notant,  
Nam si plus quam semel potant,  
Non est sine murmure.
13. Hi non cenant, vel si, rarum,  
Hi non bibunt, vel si, parum,  
Dicunt esse physicum;  
Hoc ignoro, utrum ventrem.  
Sed hoc scio, quod non mentem  
Curat istud modicum.
14. Vestes habent vetustate  
Iam consumptas, non aetate  
Iuniores Nestore,  
Aevum quorum homo nescit  
Nisi Noe, qui has gessit  
Et in illo tempore.
15. Immo pilis iam privantur  
Ut clamare videantur:  
Nolite me tangere;  
Quarum partes iam dissutae  
Pilis carent, immo cute,  
Carent omni foedere.
16. Quorum tamen usus rarus,  
Nisi quando dies clarus  
Vel festus institerit;  
Istas vestes, si tu notes,  
Diligenter scire potes,  
Utrum festum fuerit.
17. Sunt qui nummum non attendunt  
Sed cum Iuda Christum vendunt,  
Emunt spiritalia.  
Nummos quaerunt. nummos  
amant  
Et in missa nummos clamant,  
Non Christi magnalia.
18. Quorum missa quaestuosa,  
Nummum venans monstruosa,  
Trina gerens capita,  
Missam quaerunt, ut venentur,  
Non ut Christum venerentur  
Vel ut solvant debita.
19. Profitentur quidem leges,  
Legis tamen sunt exleges,  
Dum vendunt scientiam.  
Donum Dei spiritale,  
Quod exponunt ut venale  
Venando pecuniam.
20. Isti vendunt veritatem  
Et defendunt falsitatem  
Amore pecuniae,  
Apud istos nil perorat  
Nisi nummus, quem adorat  
Servus avaritiae.
21. Quidam morbos arte curant,  
Dum curare sese curant  
A morbo penuriae,  
Quos paupertas non excusat,  
Amor nummi quos accusat  
Et sitis pecuniae.
22. Saepe curant paupertatem,  
Sed infirmo sanitatem  
Raro valent reddere,  
Ventrem movent, os ut vomat,  
Et ut nummos bursa promat,  
Bursam cogunt promere.

23. Medicinam dum componunt  
Et aegrotis hanc proponunt,  
Gravis propositio,  
Sed cum morbus invalescit,  
Quem curare curans nescit,  
Gravior assumptio;  
Si mors nummo subinfertur,  
Vita cedit et infertur  
Pessima conclusio.
24. Quae sit fides medicorum,  
Immo quae fraus mendicorum,  
Ipsa clamant marmora,  
Quorum opus contemplari,  
Quod non decet, et scutari  
Urinas et stercora.
25. Quidam facto diffitentur  
Verbum Dei, quod fatentur  
Verbo, sed non opere;  
Quid de Christo loqui volunt,  
Sed praecepta ipsi nolunt  
Actibus exponere.
26. Actu negant, quod loquuntur,  
Non de facto prosequuntur,  
Quia mercenarii;  
His, quae dicunt, contradicunt,  
Qui vocales non reales  
Dicuntur theologi,  
Nec sic tamen nuncupari  
Recte possunt, sed vocari  
Potius multiloqui.
27. Laudatores sunt virtutum,  
Ab his tamen nihil tutum,  
Quia temptant omnia;  
Temptant tamen non temptanda  
Et, quae dictu sunt nefanda,  
Omnibus sunt omnia.
28. Sunt, qui student in figmentis  
Poetarum, statum mentis  
Exuentes perperam,  
In poetis, non prophetis  
Hi scelesti, non caelesti  
Doctrinae dant operam.
29. Imis mentis vim inclinant,  
Musa, Musae qui declinant  
Et scamnum cottidie,  
Magis credunt Iuvenali  
Quam doctrinae prophetali  
Vel Christi scientiae.
30. Deum dicunt esse Bacchum,  
Et pro Marco legunt Flaccum,  
Pro Paulo Virgilium  
Et Lucanum pro Matthaeo,  
Et pro Iuda Maccabaeo  
Commendant Ascanium.
31. Sunt, qui colunt nisi cantum  
Et in cantu student tantum  
Vocumque concordia,  
Sic observant vocis sonum,  
Quod nullarum dictionum  
Servant accidentia.
32. Sunt concordēs in concentu,  
Sed discordēs in accentu,  
Barbarismum faciunt;  
Curant voces, ut concordent,  
Ipsi tamen, ut discordent,  
Dictiones nesciunt.
33. Sunt, qui curam ventri dantes  
Nimis petunt naufragantes  
In potus diluvio,  
Qui plus legunt in salmone  
Quam in ipso Salomone,  
Lege vel psalterio.
34. Tantum venter honoratur,  
Quod frequenter conqueratur  
De ciborum copia,  
Multo magis esurire  
Ipse vellem, quam sentire  
Tot escarum proelia.
35. Intus tibi movent bella,  
Quibus motis fit procella  
Tonitrusque nascitur,  
Dumque certant, quis exhibet  
Horum prior vel praeibit,  
Spiritus egreditur.

36. Sunt qui iura castitati  
Sua negant, voluptati  
Subditi venereae,  
Sub Dione toti fluunt  
Et, quo caro ducit, ruunt,  
Pereunt spontanea.
37. Passim ruunt more ferae  
Nec in ullo statu fere  
Distant a pecoribus,  
Vivunt namque more suis  
Vel iumentis, qui in suis  
Putrescit stercoribus.
38. Toti fluunt sine mora,  
Tutent, putent in foetore,  
Toti sunt in macula,  
Qui, dum bene grammatizant,  
In natura barbarizant  
Errantes a regula.
39. Vidi quosdam, immo multos  
Nimis senes et sepultos,  
Sepultos desidiaie,  
Qui deiecta mente iacent,  
Quibus tantum somni placent  
Torporis, acidiaie.
40. Qui, dum vivunt, moriuntur,  
Vix, ut vivant, patiuntur  
Deiecti per otium;  
Quos torporis funus capit,  
Quorum vita noctem sapit,  
Quorum esse taedium.
41. Sunt, in quibus ira fremit,  
Mentem premit, vires demit  
Rationis usibus;  
Nam dum mentem premit ira,  
Mens per iram fit delira  
Suis carens visibus.
42. Haec est carens rationis  
Et internaie notionis  
Pessima proscriptio.
- Apud quosdam hospitatur  
Livor edax, quibus datur  
Prava retributio,  
Nam in illos prima furit,  
Illos damnat, illos urit  
Livoris iudicio.
43. Qui laetanter plaudunt, rident,  
Proximorum si quem vident  
Sub fortuna gemere,  
E converso tristes fiunt,  
Gement, lugent . . . . .
44. Sed quid dicam de superbis,  
Qui sub gestu, facto, verbis  
In arte desipiunt,  
Nec se credunt, qui sunt, esse  
Nec sunt secum nec penes se,  
Sed supra se sapiunt;
45. Inter multos partiales,  
In communi speciales,  
Communes in specie,  
Quorum verba sunt exceptae  
Rationis vel ineptae  
Actionis propriae.
46. His abundans, his iucundans  
Nos immundus facit mundus  
Et immundos vivere,  
Cuius flores, immo foenum,  
Cuius gemma, immo scaenum,  
Laboramus metere.
47. Sed notati culpae nota,  
Nos devote nostra vota  
Praesentemus virgini,  
Per quam mundo vita redit,  
Regnat virtus, culpa cedit,  
Salus datur homini,
48. Ut ab ista labe mundi,  
Qua tenemur, simus mundi  
Per eius suffragia,  
Ut post huius vitae cursum  
Nos ab imo ducat sursum  
Ad caeli palatia.



Collect. ms. Dr. Hartmanni Schedel Nurenbergen. saec. 15. Cln. Monacen. 416. — 7, 6 madacium. — 8, 1 iam quod. — 10, 3 Non fehlt. — 12, 3 damnat. — 15, 5 Pilis cogent. — 19, 6 Venandi. — 22, 4 monentos ut fomat. — 29, 1 vim clamant. — 30, 5 Et pro Iuda pro. — 31, 1 volunt. — 35, 4 Dum quem. — 36, 1 vera castitati. — 36, 3 venere. — 37, 1 Passum. — 37, 5 in fehlt. — 41, 4 Haecam dum. — 43, 1 plaudent. — 44, 3 despi-  
ciunt. — 48, 1 Verba ista labe.

304. Oratio devota ad sanctam trinitatem et beatam Mariam virginem  
pro peccatorum venia et gratia impetranda.

- |  |   |
|--|---|
| 1. Pater [sancte], a quo mundus<br>lege firma regitur,<br>A quo certa ratione<br>benigne disponitur,<br>Parce plebi, quae a Christo<br>christiana dicitur. | 6. Hoc eodem nostrae mentis<br>oculos illumina,<br>Hoc eodem sensus nostros<br>scabrosos examina,<br>Hoc eodem universa<br>nostra dele crimina.           |
| 2. Adonai, ab inferni<br>defende periculo,<br>Quos dilecti sacravisti<br>filii vocabulo,<br>Quos eiusdem redemisti<br>salubri patibulo.                    | 7. Trinus Deus in personis,<br>unus in substantia,<br>Culpas nostras et reatus<br>plena dele venia<br>Et sic mundos a peccatis<br>reduc ad caelestia.     |
| 3. Fili Dei, Iesu Christe,<br>dominator, Domine,<br>Qui pro mundi medicina<br>natus es ex virgine,<br>Placa patri nos, quos tuo<br>redemisti sanguine.     | 8. Ave, virgo, Dei mater,<br>vera spes fidelium,<br>Porta caeli, stella maris,<br>recti cursus bravium,<br>Summa legis, forma pacis,<br>salutis exordium. |
| 4. Athanatos mediator<br>Dei atque hominum,<br>Firma pactum pacis huius<br>inter nos et Dominum,<br>Ne privemur regno Dei<br>pro commisso criminum.        | 9. Ave, virgo, ave, feta,<br>ave, plena gratia,<br>Ave, sponsa, ave, mater,<br>ave, Dei filia!<br>Quam diversa facis unum,<br>[o] omnipotentia!           |
| 5. Qui procedis ab utroque,<br>paraclete spiritus,<br>Cuius ignis inflammavit<br>fideles divinitus,<br>Hoc eodem nostras sordes<br>igne crema penitus.     | 10. Fons signatus, sacramenti<br>summi receptaculum,<br>Scala Iacob, domus David,<br>Salomonis ferculum,<br>A leonis ore salva<br>christianum populum.    |

- |  |  |
|--|--|
| <p>11. Theotocos, virga Iesse,<br/>         oliva fructifera,<br/>         Templum Dei, arca Noe,<br/>         columba pacifera,<br/>         Ab inferni nos charybdi<br/>         in aeternum libera.</p> <p>12. Turris, a qua pendet omnis<br/>         armatura fortium,<br/>         Rosa florens, sacra vitis,<br/>         lilium convallium,<br/>         Medicina peccatorum,<br/>         virtutis donarium.</p> <p>13. Uva dulcis, flos suavis,<br/>         nardus odorifera,<br/>         Virgo semper gloriosa,<br/>         sublimis puerpera,<br/>         Praebe nobis abortivis<br/>         pietatis viscera.</p> <p>14. Orientis porta clausa,<br/>         quam vidit Ezechiel,<br/>         Mensa regis, ad quam dapes<br/>         tulit ipse Gabriel,<br/>         Quorum opem in leonum<br/>         lacu sensit [Daniel].</p> | <p>15. [Virgo, liber vitae, clausus<br/>         permanens in] saecula,<br/>         Cuius potest solus agnus<br/>         solvere signacula,<br/>         In hoc nostra precum stilo<br/>         conscribere vocabula.</p> <p>16. Tuae, virgo, sanctitatis<br/>         luce nos irradiat<br/>         Et sic tua pia prece<br/>         Deo reconcilia,<br/>         Ut post mortem gloriemur<br/>         in caelesti patria.</p> <p>17. Ad hoc, omnes potestates<br/>         virtutum caelestium,<br/>         . . . . .<br/>         . . . . .<br/>         Ad hoc, omnes sancti, vestrum<br/>         petimus auxilium.</p> <p>18. Miserere nostri, Deus,<br/>         in personis trinitas,<br/>         Miserere, miserere<br/>         nostri, simplex unitas,<br/>         Te spiritus omnis laudet,<br/>         sempiterna deitas.</p> |
|--|--|

Psalterium a seraphico sancto Bonaventura compositum in honorem virginis Mariae. Impressum Valentiae in aedibus Petri a Huete in platea Herbaria. Anno MDLXX, fol. lxxxī b. — 4, 2 Dei et. — 5, 4 fides. — 13, 1 suavium. — 13, 5 adoptionis.

### 305. Planctus Paenitentis.

- |  |   |
|--|---|
| <p>1. Pange, lyra cordis mei,<br/>         carmen lamentabile,<br/>         Regum regem rogitando<br/>         valde admirabilem,<br/>         Ut me liberet a malis,<br/>         quibus gravor graviter.</p> <p>2. Rerum omnium creator,<br/>         pater invisibilis,<br/>         Fili Dei, cosmi rector,<br/>         pulcher, ineffabilis,<br/>         Spiritus, qui astas cordi<br/>         hominis, almificus,</p> | <p>3. Deus trinus in personis,<br/>         unus in substantia,<br/>         Qui plasmasti cuncta verbo<br/>         orbis unus climata,<br/>         Me nunc, deprecor, exaudi<br/>         mea tollens crimina.</p> <p>4. Meque miserum errantem<br/>         suscipe, piissime,<br/>         Et ad patriam caelestem<br/>         facito pertingere,<br/>         Quem errantem redemisti<br/>         tuum dando sanguinem.</p> |
|--|---|

5. Meo sensui infunde  
    lumen almi spiritus,  
Cuius lumine accensus  
    propriis a nexibus  
Merear absolvi cito,  
    fusus, quaeso, precibus.
6. Meque doce, rex caelestis,  
    agere quid debeam  
Quidve loqui, quid tacere,  
    facere quid valeam,  
Ut ad arva paradisi  
    te iubente transferar.
7. Fortitudinem da mihi  
    praebe et prudentiam,  
Temperantiam concede  
    dando et iustitiam,  
Mihi dona caritatem  
    atque pudicitiam.
8. Tolle crimen voluptatis,  
    tolle et luxuriam,  
Pelle crimina nefanda  
    auferendo noxia,  
A me vana cuncta aufer  
    inserendo optima.
9. Heu, me miserum, quid agam  
    tabefactus scelere?  
Glisco Christum possidere,  
    glisco caelum scandere,  
Sed non possum oneratus  
    delictorum onere.
10. Vae, vaemihi, ad quem curram,  
    qui mecum condoleat?  
Me gravantur valde dira  
    peccatorum onera,  
Quibus licet circumsaepus  
    iuges fundo lacrimas
11. Rogitando te, salvator,  
    qui salvasti saeculum,  
Mihi quatenus concedas  
    spiritum paraclitum,  
Quo repletus te laudare  
    queam perspicacius.
12. Spiritales sensus quaero  
    castumque corpusculum,  
Meque vas electionis  
    facito purissimum,  
Quo digneris semper esse  
    veniens assiduus.
13. Portas poli paradisi  
    facito me ingredi,  
Ubi gaudeam translatus  
    iugiter cum angelis,  
Qui te laudant incessanter  
    laudibus hymnidicis.
14. Sonant ibi melodiae  
    laudes ineffabiles,  
Quae cantantur a pollenti  
    Angelorum agmine,  
Quo me Christus, suum plasma,  
    faciat pertingere.
15. Qui cum patre regnat semper  
    et cum sancto spiritu  
Venturusque est de caelo  
    iudicare saeculum,  
Ipsi honor et potestas,  
    decus et imperium.
16. Salva, salva, rex caelestis,  
    illum virum sedit,  
Qui composuit hoc carmen,  
    carmen amicabile,  
Atque sibi dona illud,  
    quod sonat in carmine.
17. Fiat, fiat, fiat sibi,  
    sicut carmen postulat,  
Atque sibi rex caelorum  
    tribuat haec omnia,  
In superna paradysum  
    possidere faciat.

Collectan. ms. S. Orrientii Auxitani saec. 12. Cod. Parisin. Nouv. acq. 456. add. saec. 12/13. — 2, 6 almificus gegen den Reim. — 3, 4 uus. — 9, 5 Sed fehlt. — 14, 4 Angelorum fehlt. — 16, 3 hunc carnem. — Aufschrift: „Incipit hymnus vel oratio conspicui patris Amandi.“ Cheval., Repert. hymnol. Nr. 14524. macht daraus einen Hymnus auf den hl. Amandus. Wer dieser conspicuus pater Amandus ist, bleibt ungewifs. Am ehesten könnte man an Amand du Chatel denken.

### 306. Planctus Paenitentis.

- |   |  |
|---|--|
| 1. Memorans novissima,<br>cogitans futura,<br>Quam horrida, quam aspera<br>sit mortis hora dura,<br>Quod secundum merita<br>post mortem redditura<br>Sit iustis letitia<br>et reprobis tortura. | 5. O quanta dementia<br>insaniaque videtur,<br>Deus cuncta conspicit<br>et non reveretur,<br>Immo plus respiciens<br>gartio timetur<br>Quam creator omnium,<br>cuncta qui intuetur.                      |
| 2. Haec in corde recolens<br>ponet mens impura<br>In se nil reperiens,<br>quo fiat secura,<br>Dum peccata meminit,<br>quae commisit plura,<br>Et se fedam conspicit<br>multiplici laesura.      | 6. Pro scurro, si respiceret,<br>desinerem peccare,<br>Pro Christo non desino,<br>qui cuncta videt clare,<br>Igitur quid faciam<br>aut quid possim operare,<br>Cum districte venerit<br>cuncta iudicare? |
| 3. Heu, miser quam misere<br>miserum me feci,<br>Dum praecepta Domini<br>post tergum proieci!<br>Prava pravis, scelera<br>sceleribus adieci,<br>Mersus in profundo sum<br>et addictus neci.     | 7. Miser, plenus vitiis,<br>indignus et reus,<br>Quid faciam, cum venerit<br>ad iudicandum Deus?<br>Cum interrogaverit,<br>quid illi respondebo,<br>Quem offendi totiens,<br>cum iudicem videbo?         |
| 4. O quanta perversitas<br>meae caecae mentis,<br>Laqueum suspendii<br>sibi connectentis,<br>Dum peccata sordidis<br>auget incrementis<br>In conspectu iudicis<br>omnia cernentis!              | 8. Horrendum est incidere<br>in manus viventis<br>Dei, iusti iudicis,<br>omnia cernentis,<br>Qui non parcet cuiquam<br>in die vindictae,<br>Quin secundum merita<br>iudicet districte.                   |



9. Pudeat me miserum,  
quod fui tam ingratus  
Eius beneficiis,  
a quo sum plasmatus,  
Qui solem et lunam est  
pro me fabricatus,  
Ad meum adiutorium  
omnia creatus.
10. Qui pro me descendere  
de caelis est dignatus,  
Paulo minus ab angelis  
pro me minoratus,  
Dum suscepit hominem  
meum incarnatus  
E virginali thalamo  
procedendo natus.
11. Natus, circumcisis est,  
in templo praesentatus,  
Simeonis brachiis  
senis amplexatus,  
In Iordanis flumine  
a servo baptizatus,  
At post longum ieiunium  
a Satana temptatus.
12. Multos pro me pertulit  
in carne cruciatus,  
Fame, siti, frigore,  
itinere lassatus,  
Cuncta, quae sunt hominis,  
infirmis toleratus  
Praeter ignorantiam  
contractumque reatus.
13. Iudae tandem osculo  
Iudaeis propalatus  
Traditur et trahitur,  
illuditur velatus,  
In facie conspuitur,  
pro me colaphizatus  
Et est a falsis testibus  
innocens accusatus.
14. Pium fudit sanguinem  
vinculis artatus,  
Dirissimis verberibus  
in cane flagellatus,  
In derisum factus est  
spinis coronatus  
Et morte turpissima  
tandem condemnatus.
15. Ductus est ad victimam,  
ut agnus immolatus,  
Affixus in patibulo  
crucis elevatus,  
Fossionem manuum  
ac pedum toleratus  
Et aceto sitiens  
felleque potatus.
16. Hos et multos alios  
passus cruciatus,  
Poenis et opprobriis  
immensis fatigatus,  
Tandem reddens spiritum  
est exanimatus,  
Sed et defuncti lancea  
aperitur latus.
17. Ecce, miser, perspice,  
perversus et ingratus,  
Quanta pro te pertulit  
Deus incarnatus!  
Nec pater pro filio  
nec pro patre natus  
Sustineret talia  
nec tot cruciatus.
18. Sepelitur mortuus  
sepulcro collocatus,  
Inferni claustra penetrans  
captivos liberatus,  
Resurgens die tertia  
mortem superatus,  
In argumentis plurimis  
discipulis monstratus.

19. Eisdem intuentibus  
in caelum elevatus,  
Polorum scandit culmina  
nube baiulatus,  
Ad patris sedet dexteram  
cunctorum iudex datus,  
Iudicaturus veniet,  
qui fuit iudicatus.

20. Igitur cum venerit  
rex iudicaturus  
Et talenti crediti  
lucra quaesiturus,  
Quanta pro te pertulit,  
patenter ostensurus,  
Miser, plenus vitiis,  
quid eris responsurus?

21. Si iustus apparueris,  
iustitia salvabit,  
Si impius extiteris,  
impietas damnabit,  
Malum opus puniet,  
bonum remunerabit,  
Ubi te invenerit,  
ibi te iudicabit.

22. Quid dormitas igitur?  
exsurge a morte,  
Qua patescit aditus  
infernalis portae,  
Excutere de pulvere,  
solve iugum forte,  
Et adnumerabit te  
in sua Christus sorte.

23. Ecce, stat ad ostium,  
ecce, pulsat foris;  
Ad te, si ei aperis,  
intrabit rex decoris,  
Ad ignoscendum promptus est  
cunctis clementer horis,  
Non enim vult interitum  
sed vitam peccatoris.

24. Hinc sunt exemplaria  
plura tibi data,  
Petrus, Paulus, Maria,  
peccatrix appellata,  
Mathaeus et adultera  
ac latro, cui peccata  
Cuncta paenitenti sunt  
in cruce condonata.

25. Quod si adhuc trepidas,  
modicus in fide,  
In Christi tui faciem  
crucifixi vide  
Et, quam offert, gratiam  
cunctis perpendens ride  
Ac omnem diffidenciam  
penitus abscede.

26. Caput habet pendulum  
ad te deosculandum  
Et extenta brachia  
te ad amplexandum,  
Manus perforatae sunt  
se totum ad praestandum,  
Et apertum latus est  
te totum ad amandum.

27. Pedes clavis fixi sunt  
ad tecum manendum,  
Totum corpus passum est  
ad te redimendum,  
Haud dubium, quin pronus sit  
ad te suscipiendum,  
Qui se tibi disposuit  
talem exhibendum.

28. Ecce, vitae ianua  
patens et aperta!  
En, seductos revocat  
veritas miserta,  
En, iure conqueritur,  
quare sit deserta,  
Cum sit mors in ianuis  
et hora sit incerta.

29. Revertenti praemia  
    offert infinita,  
Quae nec vidit oculus  
    rec aure sunt audita;  
Nec intellectus hominis  
    capit in hac vita  
Quae sint in caelis praemia  
    iustis acquisita.

30. Igitur convertere  
    ad tuum plasmatores,  
Ad amicum, dominum,  
    patrem, redemptorem,  
Timorem et debitum  
    repensans amorem,  
Qui a peccatis proprium  
    te lavit per cruorem.

31. Nil dubites, nil haesites,  
    nil velis trepidare,  
Curre velox audaciter  
    ad tuum salutare;  
Quacumque hora veneris,  
    promptus est salvare,  
Nam gravat eum perdere,  
    quod emit tam amare.

32. O mira clementia  
    tua, rex caelorum,  
O tua magna bonitas,  
    creator saeculorum,  
O larga tua pietas,  
    indultor peccatorum,  
O pia tua largitas,  
    dator regni caelorum!

33. O quam es amabilis,  
    lapsorum reparator,  
O quam es admirabilis,  
    reorum immutator!  
Quis non amabit te,  
    o clemens miserator?  
Quis non timebit te,  
    o vindex iudicator?

34. Ecce, miser clamito  
    ad te de profundis,  
Sorditatus vitiis  
    oppressus et immundis.  
Tu mihi manum porige,  
    qui gratiam infundis,  
Sicut scis et quando vis,  
    mentibus iucundis.

35. Intende piis auribus  
    ad vocem meae precis,  
Infunde lumen oculis  
    mentis meae caecis  
Et educ me miserum,  
    aeternae reum necis,  
De lacu miseriae,  
    foedae luto faecis.

36. Miserere mei, Deus,  
    miserere mei,  
Miserere miseri,  
    miserere rei,  
Summi dator praemii,  
    lucis ac requiei,  
In te confidit anima  
    mea, succurre ei.

37. Miserere misero,  
    parce confitenti  
Atque manum porrige  
    surgere volenti  
Et amorem imprime  
    tuum meae menti,  
Me mundans a vitiis  
    virtute potenti.

38. En, ad te confugio,  
    qui potens es salvare,  
Tuum adiutorium  
    imploro salutare,  
Mihi nihil oberit,  
    si me velis iuvare,  
Quia tu solus, si vis,  
    me potens es mundare.

39. Ecce, redit prodigus  
de longinquo natus,  
Sua cum meretricibus  
bona dissipatus.  
Indignus est, ne amodo  
sit filius vocatus,  
Sit inter mercenarios  
saltem numeratus.

40. Succurre, pater, filio,  
occurre revertenti,  
Restaura statum perditō,  
da lumen caecae menti,  
Vitam redde mortuo,  
vivere cupienti,  
Tuum est enim veniam  
praestare confitenti.

41. Agnosco mea scelera,  
confiteor peccatum,  
Cognosco miseriam  
meam et reatum,  
Contritum ne despicias  
cor et humiliatum,  
Sed per te munus veniae  
sit confitenti datum.

42. Vulnus meum detego  
tibi, summe bone,  
Tu medicamen adhibe  
curata laesione,  
Tuam namque faciem  
cum contritione  
Praevenire cupio  
in confessione.

43. Confiteor humiliter  
indignus et peccator  
Tibi sanctisque omnibus,  
sanctorum gubernator,  
Quia peccavi nimium  
carnis factus amator,  
Transgressor legis Domini  
et praevaricator.


44. Peccavi corde nimium  
prava meditando,  
Pravis desideriis  
nimis immorando,  
Iracendo leviter  
et iram reservando  
Et despectis ceteris  
magnum me reputando.

45. Ore vana, turpia,  
scurrilia loquendo,  
Mendacia, periuria,  
maledicta promendo,  
Adulans, convitiāns,  
deridens, detrahendo,  
Probra, contumelias  
ac minas inferendo.

46. Peccavi visu nimium  
illicita videndo,  
In carnis voluptatibus  
oculum figendo,  
Spectaculis ac lusibus  
me vanis immiscendo,  
Superbum, nequam, lividum  
oculum habendo.

47. Per auditum aurium  
peccavi delinquendo,  
Vana, stulta, noxia  
libenter audiendo,  
Aurem detractoribus  
ac frivolis praebendo,  
Auscultans illicita,  
utilia spernendo.

48. Per gustum assidue  
illicitum offendo,  
Superflua cibaria  
ac pocula sumendo,  
Delicatus, bibulus  
ac vorax existendo,  
Membrorum per superflua  
effectum omittendo.





49. Per narium illicitum  
peccavi odoratum,  
Libidinose attrahens  
et emittens flatum,  
Immundum et illicitum  
odorem habens gratum,  
Hunc sensum mihi praestitum  
convertens in peccatum.

50. Peccavi tactu sordido  
manus polluendo,  
Illicita, nefaria  
immundaque tangendo,  
Mala multiformia  
manibus agendo,  
Damna, violentiam,  
vim fratri inferendo.

51. Pedibus illicite  
peccavi incedendo,  
Viam pacis deserens,  
ad scelera currendo,  
Ad lusus et spectacula  
vana gradiendo,  
Inconstans et instabilis  
ac vagus existendo.

52. Capitis a vertice  
plantam usque pedis  
Plenus sum spurcitiis  
illecebrisque foedis,  
Totum corpus subdidi  
malignonum praedis,  
In foetore sordium  
assimilatus hoedis.

53. Peccavi per superbiam  
me ipsum extollendo  
Et ad inanem gloriam  
iactanter praeferendo,  
Pertinax et contumax  
in inoboediendo,  
His et multis aliis  
modis superbiendo.

54. Invidiosus exstiti  
detrahens susurrando,  
In adversis proximi  
frequenter exultando  
Et in eiusdem prosperis  
afflictum cor gestando,  
His modis per invidiam  
et aliis peccando.

55. Per iram et per odium  
peccavi tumescendo,  
Rixas, contumelias,  
clamorem proferendo,  
Indignans in animo  
malitiam ferendo,  
Sic et multipliciter  
per iram delinquendo.

56. Victus avaritia  
sum fraudem faciendo,  
Fallaciis, periuriis  
proximum fallendo,  
Pietatis opere  
affectuque carendo,  
Sic per avaritiam  
peccatum adaugendo.

57. Per vitium acidiae  
foedatum me perpendo,  
Torpens, pusillanimis,  
remissus existendo,  
Tristis boni taedium,  
pigritiam habendo,  
Multimodum acidiae  
lapsus incurrando.

58. Peccavi per ingluviem  
ventri serviendo,  
Delicata appetens,  
superflua sumendo,  
Vitam in desideriis  
carnis peragendo,  
Circumquaque vitiis  
per gulam succumbendo.

59. Peccavi per luxuriam  
carnem polluendo,  
Carnis voluptatibus  
pravis consentiendo,  
Mente caecus, corpore  
immundus existendo,  
Sic vitiis mortalibus  
me septem opprimendo.

60. Peccavi decalogum  
legis transgrediendo,  
Deum fecte diligens  
ac fictius colendo,  
Dilectionem debitam  
fratri subtrahendo  
Nomenque sanctum Domini  
in vanum assumendo.

61. In pravos usus sabbati  
requiem convertendo  
Parentibusque debitum  
honorem non solvendo,  
Mentis, licet non manibus,  
affectu occidendo,  
Per carnis immunditiam  
maechiam committendo.

62. Aliena rapiens  
furtumque faciendo,  
Falsum testimonium  
proferens mentiendo,  
Immobiles ac mobiles  
proximi res appetendo,  
Sic praecepta Domini  
ac legis contemnendo.

63. His vitiis et aliis  
innumeris sum foedatus,  
Plenus immunditiis,  
peccatis oneratus,  
Intus mente, corpore  
foris sordidatus,  
Circumquaque vitiis  
oppressus et artatus.

64. Haec tibi confiteor,  
summe miserator,  
Qui solus es misericors,  
lapsorum sublevator,  
Tu mihi, summe pontifex,  
sis veniae collator  
Ac commissorum scelerum  
clemens condonator.

65. A te depono veniam,  
qui fons es pietatis,  
Agens paenitentiam  
de malis perpetratis:  
Infunde mihi gratiam,  
ut liber a peccatis  
Ex hoc tibi deserviam  
in factis tibi gratis.

66. Causam meam etenim  
tibi revelavi,  
Contrito corde recolens,  
quae mala perpetravi,  
Succurre mihi, Domine,  
quoniam in te speravi,  
Licet enim peccavero,  
te tamen non negavi.

67. Peccavi quidem nimium  
per fragilitatem,  
Sed plus potes dimittere  
per tuam bonitatem,  
Ne, precor, contineas  
tam veram pietatem,  
Ubi iam notoriam  
agnoscis pravitatem.

68. Si maior est iniquitas  
quam oporteret reum,  
Eritne minor pietas  
tua quam decet Deum?  
Absit; Deus pius est  
refugiumque meum,  
Qui etsi me occiderit,  
sperabo in eum.

69. Tu meum es refugium,  
Iesu, singulare,  
Tu mihi adiutorium  
praebe salutare,  
Ut, quae commisi, scelera  
possim expiare  
Et a nefandis actibus  
de cetero cessare.

70. Singularis mihi spes  
est in te Deo vero,  
Qui illustrator cordis es,  
da veniam, quam quaero,  
Licet enim peccaverim,  
tamen non despero,  
Quia, si me converteris,  
peccator iam non ero.

71. Tua namque pietas  
in brevi curat hora  
Et, quos vult, tua gratia  
immutat sine mora,  
Tu tuae more gratiae  
cor meum irroras,  
Qui occulta cordium  
nosti interiora.

72. Converte servum impium,  
immuta delinquentem,  
Fer reo remedium,  
relaxa paenitentem,  
Contritum pie suscipe  
absolve confitentem,  
Ut sic in regno gloriae  
me facias gaudentem.

73. Tu enim ore proprio  
benedicto dixisti,  
Quod ad salvandos perditos  
missus exstitisti,  
Et quod reos ad veniam  
revocare venisti;  
Hoc dictis atque plurimis  
exemplis astruxisti.

74. Non est enim valentibus  
opus medicante,  
Sed male se habentibus  
medico sanante.  
Haec pia vox insonuit  
te pio predicante  
Et ad paenitentiam  
peccatores vocante.

75. Tu pie de theloneo  
publicanum vocasti,  
Tu in adulterio  
deprehensam salvasti,  
Tu negantis discipuli  
lapsum reparasti  
Et paradisi aditum  
latroni reserasti.

76. Tu vere paenitentium  
spes et reparator,  
Tu ad te convertentium  
susceptor et amator,  
Tu es in te credentium  
misericors salvator  
Et tibi servientium  
largus remunerator.

77. Te nullus fideliter  
unquam invocavit,  
Qui non misericorditer  
levamen impetravit;  
Nullus unquam confusus est,  
qui in te speravit,  
Nec est seductus aliquis,  
qui corde te rogavit.

78. Qui igitur in tantis es  
misericors probatus,  
Ut fons misericordiae  
sis merito vocatus,  
Preces rei servuli  
exaudi miseratus,  
Dimittens ei debita  
condonansque reatus.

79. Qui ad salvandum perditos  
dignatus es venire  
Et crucis supplicium  
pro miseris subire,  
Tu mihi miserrimo  
veniam largire,  
Et in mortis articulo  
dignare subvenire.
80. Qui peccatorum veniam  
solus potes dare,  
Quod tuae pietatis est,  
opus operare,  
Miserrimique miserans  
lapsum reparare  
Ac commissorum veniam  
tribuere dignare.
81. Succurre pie misero,  
conforta desolatum,  
Iuva pusillanimum  
et erige prostratum,  
Consolare flebilem,  
emunda sordidatum,  
Lapsum reconcilia,  
perversum muta statum.
82. Moveat te anxia  
contritio gementis,  
Moveant suspiria  
te cordis paenitentis,  
Ut gemitum exaudias  
te veniam petentis,  
Quatriduani reparans  
statum iam foetentis.
83. Foetens enim sordibus  
velut quatriduanus  
Deprimor sub lapide  
peccati veteranus;  
Sed si facturae dextera  
tua succurrat manus,  
Mox redivivus integre  
conresurgam sanus.
84. Ergo tolle lapidem  
peccati deprimentem,  
Oppressum exonera  
subleva iacentem,  
Ligati solve vincula,  
purifica foetentem  
Atque foras revoca  
peccatis inhaerentem.
85. Sic poteris de mortuo  
vivum reparare,  
Sic de servo impio  
filium reformare,  
Sic commissa scelera  
poteris expiare,  
Sic amissa praemia  
potes restaurare.
86. Sic delere poteris  
maculam commissam,  
Mentem sursum trahere  
hactenus demissam,  
Redonare gratiam  
funditus amissam,  
Producere ad gloriam  
fidelibus promissam.
87. Quod ipse tribuere  
dignare, rex caelorum,  
Per preces et suffragia  
sanctorum angelorum,  
Per prophetarum merita  
patrumque praelectorum,  
Qui tibi efficacia  
placuerunt morum,
88. Per preces precipue  
matris tuae piaae,  
Gloriosae virginis  
reginaeque Mariae,  
Quae levamen exhibet  
tam nocte quam die  
Oppressis miseriis  
aerumnosae viae.



89. Per cunctorum quoque  
preces apostolorum,  
Evangelistarum, martyrum  
atque confessorum,  
Virginum ac omnium  
sanctorum beatorum,  
Qui vivis et regnas,  
per saecula saeculorum.

90. Idipsum humiliter  
deposco pro praelatis,  
Pro amicis, fratribus,  
parentibus, cognatis  
Ac pro cunctis fidelibus,  
ut rorem pietatis  
Infundas eis iugiter  
coniungasque beatis.

91. Pro animabus et  
parentum, amicorum,  
Benefactorum, omnium  
fidelium defunctorum,  
Tibi preces offero,  
benigne rex caelorum,  
Ut dones eis requiem  
in saecula saeculorum.

Collect. ms. Anglicum saec. 13. Cod. Londinen. Arund. 248. — 12, 4  
itinereque. — 47, 8 utiliaque. — 55, 6 malitiaque. — 57, 6 pigritiamque. —  
Abschrift von Rev. H. M. Bannister.

### 307. Speculum Peccatorum.

1. O pos omnes, qui transitis  
Figuram hanc inspicite,  
Memores mei semper sitis  
Et mundum hunc despiciate.

5. Quidquid boni intellexi  
Vel ab aliis audiui,  
Plane totum hoc neglexi,  
Quia carni deservivi.

2. Quondam eram gloriosus  
Habens aurum et argentum,  
Nunc a vermibus corrosus;  
Quam horrendum testamentum!

6. Curam carnis semper egi  
Et vanam gloriam amavi,  
Pro his in poenam hanc impegi,  
Sero novi, quod erravi.

3. Heu, quam male sum deceptus  
Habens annos inenitiles,  
Nec sum penitus adeptus,  
Quod speraveram, seniles.

7. Luxuriose et gulose  
Vixi temporaliter,  
Pro his poenas copiose  
Recepi aeternaliter.

4. Heu, nunc me mors supplantavit,  
Quando minime credebam,  
Et mihi vitam amputavit,  
Qui securus incedebam.

8. Peccaverunt pedes, manus  
Contra legem Domini,  
Egi corde vagus, vanus,  
Quae non licent homini.

- |  |   |
|--|---|
| <p>9. Hoc considerate templum,<br/>Quod me mersit in profundum,<br/>Relictum vobis sum exemplum,<br/>Deceptus per falsum mundum.</p> | <p>15. Quidquid mihi dicebatur<br/>De aeterna gloria,<br/>Nihil mihi videbatur<br/>Nisi temporalia.</p>                         |
| <p>10. Qui non volunt paenitere,<br/>Sicut ego sunt futuri,<br/>Debent merito terreri,<br/>Quod sic semper sunt arsurī.</p>          | <p>16. Heu, sic miser sum delusus<br/>Per meam neglentiam,<br/>In infernum sum detrusus<br/>Iustam per sententiam,</p>          |
| <p>11. Oportunum nunc habetis<br/>Tempus, aptum paenitendi,<br/>Vigilate, ne tardetis,<br/>Ne occurrat tempus flendi.</p>            | <p>17. Quae damnandis est dicenda<br/>Magna cum severitate,<br/>Quae vox multum est timenda,<br/>Vos ad illam praeparate.</p>   |
| <p>12. Nemo unquam comprehendit,<br/>Quanta patiar tormenta,<br/>Nec in cor hominis ascendit,<br/>Quae mala malissunt retenta.</p>   | <p>18. Vitiorum fui cultor,<br/>De bonis nulla fuit cura,<br/>Reddidit mihi iustus ultor<br/>Multo plus quam cum usura.</p>     |
| <p>13. Mundus mihi repromisit<br/>Multis annis vivere,<br/>In his tormentis me collisit,<br/>Sic solet retribuere.</p>               | <p>19. Nigriores quam carbones<br/>Sunt isti pessimi tortores,<br/>Animarum sunt praedones,<br/>Qui nos ducunt in horrores.</p> |
| <p>14. Multos male sic fefellit<br/>Variis conatibus<br/>Et in mortem sic impellit<br/>Multis cum reatibus.</p>                      | <p>20. Nonne vides, quam deformis<br/>Sum per neglentiam?<br/>Miser homo, cur sic dormis?<br/>Age paenitentiam!</p>             |
21. Voraci flammae sic sum datus,  
Heu, quod unquam fui natus!  
Propter varios reatus  
Sine fine sum damnatus.

Collect. ms. Altovadense saec. 15. Cod. Altovaden. 97. A. — Collect. ms. Inderdorfense saec. 15. Clm. Monacen. 7660. B. — Collect. ms. S. Albani Treviren. saec 15. [et 16]. Cod. Treviren. 228. C. —

3, 3 Nunc sum AB. — 4, 1 Heu, me mors nunc. B: Heu, nunc mors me C. — 6, 2 gloriam semper amavi ABC. — 6, 4 Scio, novi, quod A. — 7, 2 Semper vixi AB. — 8, 3 vanus fehlt A; vagis A; fagus C; vanus vagus B. — 8, 4 licet AC. — 9, 2 Qui me AB. — 9, 4 Deceptum AB; per hunc falsum ABC. — 10, 3 Deberet B; terrere B; timeri C. — 10, 4 Quod et semper B. — 11, 1 Optimum nunc A. — 11, 4 Ut non occurrat AB. — 12, 2 patior AB. — 14, 2 Variis tenacibus A. — 14, 3 morte AB. — Nach Str. 16 schieben BC ein:

Talem poenam praevenite  
Cum paenitentia et laboribus (doloribus C),  
Ne vobis dicatur Ite  
Novissimis temporibus.

17, 1 damnatis AB. — 17, 3 Quae vobis multum AB. — 17, 4 Et ideo in  
vita bona perseverate B; Contra quam vos praeparate C. — 19, 4 in errores  
AB. — 21, 1 sum sic datus C. — 21, 2 Heu, nunquam fui natus B; Heu,  
nunquam fuissem natus A.

308. Vado mori.

- Vado mori, mori, naturae cedo, recedo,  
Ut pereunt, abeunt cetera, vado mori.  
Vado mori tortus, ortus sub littore portus,  
Qui vix, si vixi; discite, vado mori,  
5. Vado mori, pueri teneri sub sorte, teneri  
Me morbis orbis sentio, vado mori.  
Vado mori crescens, adulescens corpore grato,  
Fato compellor cedere, vado mori.  
Vado mori iuvenis et plenis sanguine venis,  
10. Areo nunc, pereo, marceo, vado mori.  
Vado mori miro me stante viro rutilante,  
Tempore nunc Christi corpore vado mori.  
Vado mori vetulus querulus fractusque subactus,  
Deficio vario vulnere, vado mori.  
15. Vado mori, metas mortis non effugit aetas,  
Cernens, discernens haec ego, vado mori.  
Vado mori modicus, mendicus, egens, male degens;  
Quid mihi sic misere vivere? vado mori.  
Vado mori plenus opibus, quibus, heu, male partis  
20. Usus et effusus exsulo, vado mori.  
Vado mori victus parci, mordentis amictus,  
Ne crucier, satier amodo, vado mori.  
Vado mori crapula, quae sedula fercla retorquet,  
Torquet adeps misera viscera, vado mori.  
25. Vado mori castus nullaue libidine pastus,  
Ut videam, teneam caelica, vado mori.  
Vado mori Veneris celeris teda cum lue foeda,  
Ut poenae plenae sint mihi, vado mori.  
Vado mori vilis, humilis non corde tumente,  
30. Ut mihi sit varia gloria, vado mori.  
Vado mori tumidus et acerbus, mente superbus,  
Ad limos imos transeo, vado mori.  
Vado mori late circumfusus pietate,  
Dia mihi reserans ostia, vado mori.  
35. Vado mori pavidus, miser, invidus, omnibus hostis,  
Postis avernus avet me sibi, vado mori.  
Vado mori comitis, ducis auctus honore, Quiritis,  
Praedia praeliaque transfero, vado mori.

- Vado mori regis clarus diademate, legis  
40. Custos et iustos transeo, vado mori.  
Vado mori; bacule, quid et annule, mitra, peristis?  
Tristis adest hora, nec mora, vado mori.  
Vado mori papa vel satrapa nomen et omen,  
Hoc leve sive breve desero, vado mori.

Collect. ms. S. Iacobi Leodien. saec. 11.—14. Cod. Darmstadien. 1988. add. saec. 24. — 12 und 14 umgetauscht. — „Hos versus composuit frater Lambertus dictus Boreis, prior ordinis praedicatorum Leodiensium in extremis.“ Vgl. den Doppelgänger dieses Gedichtes Anal. XXXIII, Nr. 255.

### 309. De Morte.

- Mors est ventura, cuius conclusio dura,  
Mors est ventura tibi pro meritisque data,  
Mors est ventura tibi grande malum paritura,  
Mors est ventura postesque tuos subitura.  
5. Mors est ventura prece nec pretio fugitura,  
Mors est ventura, ne plus vivas, vetitura,  
Mors est ventura, quantum debes, monitura,  
Mors est ventura, ut te trahat irreditura,  
Mors est ventura, nisi te rapiat, moritura,  
10. Mors est ventura tibi treugas non habitura.  
Mors est ventura finem mox exhibitura,  
Mors est ventura, per quam tua vox peritura,  
Mors est ventura sine te prorsus non itura,  
Mors est ventura, nec, credo, tui caritura.  
15. Mors est ventura, fac, ut sint pectora pura,  
Mors est ventura, quam non fugat ulla figura,  
Mors est ventura, quae confringit tua crura,  
Mors est ventura, nescis, quae vita futura.  
Mors est ventura, quid aget procera statura?  
20. Mors est ventura, quid erit de praepositura?  
Mors est ventura, doctrina parum valitura,  
Mors est ventura, quae nunc stans urbs ruitura.  
Mors est ventura, tua faux non plus bibitura,  
Mors est ventura, tua lingua procax tacitura.  
25. Mors est ventura, non fac, quae scis nocitura,  
Mors est ventura, fac quaeque Deo placitura.  
Mors est ventura, nec me neque te veritura,  
Mors est ventura, non fac, quae sunt nocitura.  
Mors est ventura, quod emanatur, fac, tibi tura.

Collect. ms. Ebersbacense saec. 15. Clm. Monacen. 6033. — 24 lingua fehlt. — 28 nocitura wohl verschrieben. — Zum Gedichte die Bemerkung: „Magister Henricus“, womit wohl Henricus de Hassia gemeint ist.



310. De Timore Iudicii.

- |   |  |
|---|--|
| 1. Qui signati estis Christo,<br>Mementote repromisso,<br>Quod daturum se in caelo<br>Vobis dixit in futuro.<br>Abicite vana loqui.       | 9. Nuptias Christus paravit,<br>Ad quas omnes invitavit;<br>Ergo vos tantae exsortes<br>Eritis felicitatis?<br>Abicite vana loqui.               |
| 2. Habetote in prospectu<br>Reddituros vos de actu<br>Rationem coram Deo,<br>Qui venturus est e caelo.<br>Abicite vana loqui.             | 10. Eritis utique, veste<br>Si caretis nuptiali,<br>Ligatique in tenebras<br>Proiecti exteriores.<br>Abicite vana loqui.                         |
| 3. Hoc de verbis otiosis<br>Idem clamat in scripturis,<br>Ideo, rogo, cavete<br>Leve carmen personare.<br>Abicite vana loqui.             | 11. Ubi est fletus ac stridor<br>Dentium et vastus horror,<br>Timor et tremor aeternus<br>Et perennis cruciatus.<br>Abicite vana loqui.          |
| 4. Actus vestros immutate<br>Et corrigere studete<br>Et dignum Deo parate<br>Habitaculum in corde.<br>Abicite vana loqui.                 | 12. Ibi sunt hydri mordaces<br>Et flammae nimis edaces,<br>Ibi horrida vorago<br>Et taeterrima caligo.<br>Abicite vana loqui.                    |
| 5. Ora vestra, quae factorem<br>Confitentur, ad devotam<br>Semper sint parata laudem,<br>Sicut decet conditorem.<br>Abicite vana loqui.   | 13. Haec sunt dona inimici<br>Et non sunt alia vestri,<br>Haec suis semper largitur<br>Crudelis et muneratur.<br>Abicite vana loqui.             |
| 6. Et quid prodest hic laetari,<br>Si contigerit tristari,<br>Ubi est perennis vita,<br>Gaudia quoque mansura?<br>Abicite vana loqui.     | 14. Auferat Deus a vobis<br>Et a vestris animabus,<br>Ut non his damnati poenis<br>In perpetuum ploretis.<br>Amen, sic faciat Deus.              |
| 7. Ne, quaeso, deludat praesens<br>Gaudium meos sodales,<br>Sed contendite adipisci,<br>Ad quod estis invitati.<br>Abicite vana loqui.    | 15. Sine fine sed cum Christo<br>Liberati ab hoc malo<br>Mereamini laetari<br>Et cum sanctis gloriari.<br>Amen, sic faciat Deus.                 |
| 8. Non est gaudium, quod finis<br>Angustat deceptionis,<br>Sed est laqueus, qui nectit<br>Ignaros atque subvertit.<br>Abicite vana loqui. | 16. Tibi laus, Christe redemptor,<br>Qui es omnium protector,<br>Nunc et semper et in aevum<br>Per saecula saeculorum.<br>Amen, sic faciat Deus. |

Collect. ms. Laudunense[?] saec. 12. Cod. Bernen. 455 add. saec. 10. — 5, 2 ac devotam. — 5, 3 parate. — 7, 1 delutat. — 7, 3 Sed condite adipisci; liest man contendite, so wird Elision nötig, die sonst im Rhythmus nirgends angewandt ist. Will man diese vermeiden, muß man sich notwendig weiter von der Überlieferung entfernen. — Vgl. auch Hagenus, Carmina medii aevi, p. 98 sqq.

### 311. De Vanitate Mundi.

- Mundus abit; res nota quidem, res usque notanda;  
 Nota tibi mundi sit nota; Mundus abit.  
 Mundus abit; non mundus idem, haec machina mundi  
 Dico, sed mundi gloria, mundus abit.
5. Mundus abit; cito nomen abit, cum nomino mundum,  
 Sed citius mundi nomine mundus abit.  
 Mundus abit; tria sunt: Erit, est, fuit; haec tria mundum  
 Mota movent, clamant haec tria: Mundus abit.
- Mundus abit fugiens, ut tempus, ut annus, ut aura,  
 10. Ut mundus; satis est dicere: Mundus abit.  
 Mundus abit; constans nihil est, quod constat abire;  
 In mundo constat nil nisi: Mundus abit.  
 Mundus abit, nihil in nihilum, tamen eius abire  
 Non abit; error abit, quo duce mundus abit.
15. Mundus abit; nil quod quaeras, satis unde queraris;  
 Mundus abit: quod abit, respue; mundus abit.  
 Mundus abit; fortis sum, non ero; sum speciosus,  
 Non ero; sum dives, non ero; mundus abit.
- Mundus abit; sequitur mors vitam, stricta solutam,  
 20. Longa brevem, laetam nubila; mundus abit.  
 Mundus abit, mundus, qui verbo fallit in omni,  
 Nescit in hoc uno fallere: Mundus abit.  
 Mundus abit, non Christus abit; cole non abeuntem;  
 Dicens: Non abeo; me sine mundus abit.
25. Mundus abit; quotiens iterabo? Cesset abire  
 Mundus, cessabo dicere: Mundus abit.

Collect. ms. Remense[?] saec. 12. Cod. Berolinen. Phillipp. 1996. add. saec. 12. — Dies Gedicht befindet sich auch in Cod. Treceen. 215. saec. 13.

### 312. De Vanitate Saeculi.

Fistula dulce sonat, ut aves in retia ponat,  
 Prospera delectant, ut nos in scandala nectant.  
 Piscis inescatur capiens, a quo capiatur,  
 Mens delectatur cupiens, in quo moriatur.

5. Me mundus laesit, mihi mundus ut hamus inhaesit,  
Mundum laesus amo, saliens quasi piscis in hamo.  
Me capit indago, me mundi caeca vorago,  
Me male iucundus rapit ad sua gaudia mundus.  
Ridens flenda gero, gaudendo tristia quaero,
10. Quaero spernenda, spero, quae sunt metuenda.  
Amans illud amo, quod amatum perdit amantem,  
Illud habens habeo, quod habentem reddit egentem.  
Hydropicus mire discit potando sitire,  
Vir cupidus misere consuescit habendo carere.
15. Improba mens nimium cupiens sequitur fugitiva,  
Sponte perit, sua damna gerit cupiendo nociva.  
Cum satis utrumque perpendo, bonumque malumque,  
Eligo peiora, licet aspiciam meliora.  
Fomes peccati nos alligat impietati,
20. Attrahit, astringit, captivat, crimine cingit.  
Quod quandoque volens, illud facio modo nolens,  
Arbitror, ut nolim, sed adhuc volo, sicut et olim.  
Versor in hoc mundo quasi vel navis vel arundo,  
Quam rapit infestus hac illac ventus et aestus.
25. Turbo quatit varius hic cymbam corporis huius,  
Per varios motus ego discordo mihi totus.  
Spiritus atque caro motu vexantur amaro,  
In me pugnatur, in me mihi pugna paratur.  
Nos gravat, ut nostis, caro nostra, domesticus hostis,
30. Pugnat et instigat quaerens, ut spicula figat.  
Si bene pugnatur, caro servit, mens dominatur,  
Si male certatur, caro vincit, mens superatur.  
Sed caro vel nunquam vel vix superabitur unquam,  
Nunquam sedatur, nisi caelitus hoc tribuatur.
35. Murmurat ancilla contra dominam vetus illa,  
Cauda caput frangit, caro mentem duriter angit.  
Pax mihi nulla datur, nisi pax, quam mors comitatur,  
Pax peccatorum, pax impugnanda malorum.  
Nos et nostra sumus quasi flos agri, quasi fumus,
40. Nobiscum nostra pereunt quasi ventus et umbra.  
Ecce, nivis more perit infans unius horae,  
Vivit et absque mora moritur, qua nascitur, hora.  
Nascitur et moritur, deponitur et sepelitur,  
Non homo sed vermis, non vir sed truncus inermis.
45. Dives pauperque pinguisque macerque peribunt,  
Quo fera mors, fera sors vocat hos, aequaliter ibunt.  
Sunt humus et limus vir, femina, summus et imus,  
Servus liberque, vetulus iuvenisque puerque.  
Hoc sumus, hoc erimus et eramus et hoc bene scimus,
50. Nam quod erat primitus, erit omnis homo quasi limus.  
Hoc sunt, illud erunt, illud quandoque fuerunt,

- Qui modo sunt vel erunt vel qui nunc usque fuerunt.  
 Fluxa, caduca, levis carnis substantia quaevis,  
 Crescens decrescit, quoniam crescendo senescit.
55. Nascimur, ut simus, sumus, ut pereamus, et imus  
 Illuc, unde sumus, quia terram terra subimus.  
 Terra sumus, terram colimus terrena propago,  
 Instabiles, fragiles, mortales, mortis imago.  
 Nudi nos omnes de terra venimus, omnes
60. Nudi venimus huc, nudi transibimus illuc,  
 Huc nihil attulimus, nihil hinc abducere quimus.  
 Nil abducemus nisi, si bene quid faciemus,  
 Res et opes tales, tantae, tamen perpetuales,  
 Nunquam perdentur, quae nos in morte sequentur.
65. Sanctorum merita non aufert mors neque vita,  
 Non rapiunt fures, non possunt rodere mures.  
 Ergo vacate, boni, non carni sed rationi,  
 Ut bona paretis, quae, qualia, quanta valetis.  
 Talem thesaurum super argentum, super aurum
70. Quaerite quaerendum, quaerentibus inveniendum.  
 Me scio non facere, quod vos praesumo docere,  
 Me scio tardare, qui vos facio properare.  
 Tardus crescentes, decrescens proficientes,  
 Sanctos pollutus, magnos impello minutus.
75. Mundos immundus, pudibundos impudibundus,  
 Cultos incultus, prudentes instruo stultus.  
 Aeger sanatos, tenebrosus clarificatos,  
 Claudus vadentes, caecus produco videntes.  
 Lapsus constantes, dormitans evigilantes,
80. Durus compunctos, solus considero cunctos.  
 Factor opus, famulum Dominus salvet pereuntem,  
 Pastor ovem, genitor subolem revocet fugientem.  
 O Deus, o Domine, sine principio, sine fine,  
 Fac miserans hominem peccatis ponere finem.

Collect. ms. Voraviense saec. <sup>12</sup>/<sub>13</sub>. Cod. Voravien. 33 (111). — 34 hic tribuatur. — Bei dem Gedichte der Name des Verfassers Rüdigerus.

### 313. De Vanitate Mundi.

- |                            |                        |
|----------------------------|------------------------|
| 1. Quid in hac miseria,    | 2. Opum adfluentia     |
| Miseri, moramini?          | Parum prodest homini;  |
| A mundana gloria           | Mundi sapientia,       |
| Quare delectamini          | Sicut bene memini,     |
| Vos, qui moriemini         | Iuxta verbum Domini    |
| Relinquentes omnia?        | Quaedam est stultitia. |
| Mors, qui parcit [nemini], | Illud intuemini,       |
| Vestra tollet gaudia;      | Relinquentes vitia     |
| Sic egrediemini.           | Virtutes sequimini.    |



- |  |   |
|--|---|
| <p>3. Vae vobis mortalibus,<br/>         Qui putatis vivere,<br/>         Cum mors sit in foribus,<br/>         Quae solet occidere<br/>         De cunctorum genere<br/>         Filios cum patribus.<br/>         Homo, reminiscere,<br/>         Cum abundas opibus,<br/>         Eas te dimittere.</p> | <p>4. Unum prosit omnibus<br/>         Dominum metuere,<br/>         Non ipsum timentibus<br/> <br/>         Verum est acquirere<br/>         Deum diligentibus,<br/>         Quidquid volunt petere,<br/>         Iustis tamen precibus,<br/>         Sic debemus credere.</p> |
|--|---|

5. Quae te vincit rabies?  
 Nam tua res agitur,  
 Dum vicini paries  
 Proximus comburitur.  
 Hic vivit, hic moritur;  
 Dic, homo, quid facies?  
 Quidquid orbe clauditur,  
 Et genus et species  
 In momento perditur.

Collectan. ms. Incert. Origin. saec. 15. Cod. Parisin. Nouv. acq. 1544.

#### 314. De Vanitate Mundi.

- |  |   |
|--|---|
| <p>1. Vanitatum vanitas<br/>         Est omnis mundi huius<br/>         Res aut saecularitas,<br/>         Finis malus cuius;<br/>         Hinc pensa, quod futurum est,<br/>         Quo venturus tandem,<br/>         Nam iudicaturus est<br/>         Deus veram in lancem.</p> | <p>2. Mundum velle sapere,<br/>         Dolum aut honorem,<br/>         Eius fraudem carpere,<br/>         Blandientum morem,<br/>         Ventum talis retinet,<br/>         Sed non nimis diu,<br/>         Hic Deum non attinet<br/>         In tali ambitu.</p> |
|--|---|

3. Ab his et carnis onere  
 Diabolique fraude,  
 A peccati pondere  
 Et ab omni clade,  
 Deus pius liberet  
 Nos trinus et unus,  
 Qui gaudium tribuet,  
 Qui est summe bonus.

Collect. ms. Seitzense saec. 15. Cod. Roman. 602 (Varia 4). — 3, 4  
 omni clade. — „De vanitate mundi carmen ut „Patris sapientia“.

315. De Vanitate Mundi.

1. O mortales, quid agitis  
Mundi quaerentes gaudia?  
O miseri, quid facitis,  
Qui vestra desideria  
Et maligni perfecitis,  
Quae vos ducunt ad vitia?  
Certe, nisi videritis,  
Trahet vos ad supplicia.
2. Cur ergo delectamini  
In mundi vanitatibus?  
Numquid hunc intuemini  
Plenum esse doloribus?  
Vos certe moriemini  
Cum vestris pravitatibus,  
Ad inferna trahimini  
Cum multis peccatoribus.
3. Dic, homo, mihi responde,  
Cur tanta mala pateris?  
Quid thesaurizas? attende,  
Cui ea dimiseris;  
Quid de te fiet, perpende,  
Cum vitam finieris,  
In bono semper intende,  
In hac vita dum vixeris.
4. Ubi sunt mundi divites,  
Qui terrena possidebant,  
Ubi sunt et sapientes,  
Qui scientia pollebant.  
Ubi fortes et potentes,  
Qui vi regna subiugabant?  
Certe ad finem tendentes  
Nunquam mori se putabant.
5. Felix homo, qui fugerit  
Mundi huius miseriam  
Et qui perfecte vicerit  
Diaboli malitiam;  
Certe, qui ita vixerit,  
Ut fugiat superbiam,  
In fine bene poterit  
Caeli videre gloriam.
6. Idcirco veri monachi  
Mundi fugiunt prospera,  
In bonis enim intenti  
Semper tendunt ad supera,  
Quamvis dicant maledicti:  
Horum vita est aspera,  
Omnes autem benedicti  
Illorum amant opera.
7. Sed sibi bene caveant,  
Ne talia sustinendo  
Eorum facta pereant  
Superbe se extollendo,  
Vanam gloriam fugiant  
Carnem suam macerando  
Humiliterque impleant,  
Quod voverunt, faciendo.
8. Ergo, creator omnium,  
Christe, qui regis omnia,  
Finis atque principium,  
Qui facis mirabilia,  
Da robur, fer auxilium,  
Ut fugiamus vitia,  
Ut in terra viventium  
Vivamus cum laetitia.

Collect. ms. Seitzense saec. 15. Cod. Roman. 602 (Varia 4). — Nach Str. 8 folgt eine Doxologie, die indes, wie der Reim zeigt, fremde Zutat ist:

Donet pater cum filio,  
Cum spiritu paraclito,  
Cui sit summa gloria  
Per infinita saecula.  
Christi matri et angelis  
Sit laus atque archangelis,  
Electis quoque omnibus,  
In quibus regnat Dominus.

316. De Vilipensione Mundanorum.

1. Mundi prosperitas  
Et vitae brevitās  
Multos decipiunt,  
Dum volunt vivere,  
Praeventi funere  
Cito deficiunt.
2. Nulla potentia,  
Nulla prudentia  
Prodesse poterit,  
Cum rerum omnium  
Praetereuntium  
Finis advenerit.
3. Quidquid est hodie  
Laudis et gloriae,  
Transit ut nebula,  
Non est durabile  
Quidquid mirabile  
Ferunt haec saecula.
4. Mundi divitias  
Atque delicias  
Quisquis amplectitur,  
Vel mortis gladio  
Vel infortunio  
Pauper efficitur.
5. Cur ergo quaeritur,  
Quod cito perditur?  
Non prodest quaerere,  
Quidquid interitu  
Vel quovis exitu  
Potest deficere.
6. Quod transitoria,  
Nihil sint omnia,  
Defectus indicat,  
Iacet in vitiis,  
Qui transitoriis  
Se nimis implicat.
7. Transeunt omnia  
Saeculi gaudia  
Miserabiliter,  
Et, quidquid praeterit,  
Diu non poterit  
Esse feliciter.
8. Quid prodest species,  
Quid pulchra facies,  
Quid color roseus,  
Et multiplicium  
Quid prodest vestium  
Ornatus aureus?
9. Invidens homini  
Mors pulchritudini  
Non novit parcere,  
Mors nescit ordinem  
Vel celsitudinem  
Rerum agnoscere.
10. Ad finem omnia  
Mors trahit impia,  
Quae sunt in saeculo,  
Facit deformia  
Cuncta decentia,  
Digna spectaculo.
11. Mortis saevitia  
Plenos lascivia  
Oculos operit,  
Fit caro candida  
Pallens et livida,  
Quam vita deserit.
12. Venusta facies,  
Blanda mollities,  
Quae placent nimium,  
Postquam subtrahitur  
Vita, qua fungitur,  
Fit cibus vermium.
13. Et quid amantibus  
Fuerat omnibus  
Vana laetitia?  
Abhorrent oculi  
Clausum sub tumuli  
Brevis angustia.
14. Forma laudabilis  
Iam marcessibilis  
Sepulcro tegitur,  
Pulvis in pulverem,  
Cinis in cinerem  
Cito revertitur.

15. Opes Tiberii,  
Gloria Iulii,  
Marci facunditas  
Sunt audientibus  
Atque videntibus  
Veluti somnia.

16. Olim Virgilius,  
Vates egregius,  
Laudem promeruit.  
Quamvis laus hominum  
Post vitae terminum  
Nil sibi profuit.

17. Nec Plato plurima  
Scribens de anima  
Mortem detinuit  
Per sapientiam,  
Cuius notitiam  
Veram non habuit.

18. Sed nec grammatica  
Nec dialectica  
Nec flores Tullii,  
Quos erudierant,  
A morte liberant  
Huius exsilii.

19. Oportet igitur,  
Quamdiu vivitur,  
Opus perficere,  
Ut Deo placeat,  
Et hic non valeat  
Mundus inficere.

20. Et cum de omnibus  
Saeculi actibus  
Nihil supererit,  
Nostra sint gaudia  
In illa gloria,  
Quae nunquam praeterit.

Collect. ms. Seitzense saec. 15. Cod. Roman. 602 (Varia 4). A. — Collect. ms. Incert. Orig. saec. 15. Cod. Vatic. 4257. B. — 2, 4 Sed rerum A. — 3, 5 mutabile A. — 4, 4 mortis taedio A. — 5, 1 Dum ergo A. — 9, 5 Aut celsitudinem B. — 10, 1 impia B. — 10, 2 omnia B. — 10, 6 speculatio B. — 12, 3 placet B. — 14, 6 redigitur B. — 15, 5 Et non videntibus. — Str. 16 ff. fehlen B. — Aufschrift: „Sequentia de contemptu mundi“ A; Expliciunt vera verba de contemptu mundi. Bernardus.“ B.

### 317. De superna Ierusalem.

1. Sume plectrum, lingua, metri,  
Tange chordas trochaei,  
Aureum deprome carmen  
Aurea de patria,  
Est ubi beata vita  
Et perennis gloria.

2. Fige stilum dicque primum:  
Rumpe, Christe, vinculum  
Cordis et fibras resolve,  
Ut tuo de numine  
Metrice vel pauca possim  
Te iuvante dicere.

3. Tu potestas gloriosa,  
Tu maiestas unica,  
Tu tuorum fortitudo,  
Virtus et potentia,  
Tu decus creaturam  
Salus es et omnium.

4. Lucis auctor et perennis  
Es origo luminis,  
Veritas de veritate,  
Lumen es de lumine,  
Quo beatis sempiterna  
Manat ipsa caritas.

5. Manat inde vita, salus,  
Manat immortalitas,  
Vestis apta nuptialis  
Manat ipsa caritas,  
Qua beatus perfruendo  
Vivit omnis spiritus.

6. Es et ipse fons aquarum  
Cunctarum viventium,  
Ultro te bibenti prodis,  
Ultro tendis brachia.  
Qui sitit, sitire desit,  
Sat bibat, sat hauriat.



- |   |  |
|---|--|
| <p>7. Quos pias tu fonte sacro,<br/>         Quos perungis chrismate<br/>         Imbuisque christiano<br/>         Sacrosancto dogmate,<br/>         Hos paterno more nutris,<br/>         Hos adoptas, hos beas.</p> <p>8. Sint ut ipsi sponsa Christi,<br/>         Sint amici, sint dii,<br/>         Cum iucunditate cordis<br/>         Possint et perpetuum<br/>         Nuptiarum semper aptum<br/>         Possidere gaudium.</p> <p>9. Gaudium, quod nemo plenum<br/>         Tollat a fidelibus,<br/>         Sed perenne cum beatis<br/>         Possidebunt angelis,<br/>         Ut sit ex utroque semper<br/>         Una Hierosolyma.</p> | <p>10. Illa scilicet superna<br/>         Hierusalem, omnium<br/>         Mater electorum, sacro<br/>         Plena prolis agmine<br/>         Et beatorum caterva<br/>         Saepa semper virginum.</p> <p>11. Cuius in platea semper<br/>         Dulciter melodians<br/>         Hymnum dicit angelorum<br/>         Pacifer concordia,<br/>         Hymnum semper et beata<br/>         Turba fratrum personat.</p> <p>12. Coetus omnis angelorum<br/>         Et thronorum milia<br/>         Magno [cum] triumpho patri<br/>         Alleluia concinit,<br/>         Dicit Alleluia nato,<br/>         Dicit et paraclito.</p> |
|---|--|
13. Omnibus diebus, horis  
 Et momentis singulis,  
 Mensibus cunctis et annis  
 Omnibusque saeculis  
 Turba fratrum dicit hymnum  
 Mysticis in vocibus.

Collect. ms. Laudunense? saec. 10. Cod. Bernen. 455. — Mit der Überschrift: *Versus Zmaracdi*. — Vgl. Hagenus, *Carmina medii aevi* p. 93 sqq.

### 318. De Malitia Temporum.

- |   |  |
|---|--|
| <p>1. Totus mundus est subversus<br/>         Et in mari gravi mersus<br/>         In profundo vitii;<br/>         Nunc virtutes relaxantur,<br/>         Super omnes honorantur<br/>         Deceptores impii.</p> | <p>2. Pertrahuntur ut raptores<br/>         Veritatis amatores,<br/>         Qui a malis abstinere;<br/>         Adulaces et loquaces,<br/>         Detractores et mendaces<br/>         Principatum obtinent.</p> |
|---|--|
3. Adorantur maculati,  
 Adhaerentes falsitati,  
 Et praesunt in curiis,  
 Maior locus illis datur,  
 Et sic mundus desolatur  
 Eorum consiliis.

Collectan. ms. Incert. Originis saec. 15. Cod. Oxonien. Canon. misc. 523. — Wohl nur ein Bruchstück eines längeren Gedichtes. Abschrift von Rev. H. M. Bannister.

319. Metra contra haereticos et schismaticos.

1. Mirentur mundi climata  
Haereticorum schismata,  
Zizania dotata,  
Evulsa iacent lilia,  
Rosa simulque viola,  
Lolia radicata.
2. Insurgit matri filia,  
Pereunt dotalitia  
Summae caritatis,  
Propalatur horridorum  
Forma nunc haereticorum  
Saeculo toto satis.
3. Est eorundem bonitas  
Vultus, sed mentis acritas,  
Hypocritarum nota;  
Eloquia blandifera  
Venena sunt viperea,  
Nubila puritatis.
4. Statuta sanctis tradita  
Emendatione addita  
Rumpunt viri fallaces,  
Fantur inventa frivole.  
Ach, infausti agricolae  
Profani, mendaces!
5. Eia, sanctorum agmina,  
Tangentia caeli culmina,  
Comprimate peccatores,  
Fertur iam inaudibile  
Omnibusque odibile,  
Sancti non venerantur.
6. Horae iam nunc denegantur,  
Orationes depravantur,  
Undique lacerantur,  
Signum crucis iam rumpitur  
Imagoque deicitur,  
Omnia frustrantur.
7. Omnino benedictio  
Spernitur et aspersio  
Semoto rubore,  
Infantes iam apportantur,  
Fluminibus coaptantur  
Spreto fontis more.
8. Infirmus non perungitur,  
Oleumque despicitur  
Sacrum et vilescit,  
Defunctus iam deducitur  
Et tumulo recluditur  
Campana non pulsanti.
9. Diffidunt purgatorio,  
Ob quod non datur promotio  
Animae migranti,  
Descendunt antra barathri,  
Ianuam atri Cerberi,  
Sunt comites Plutonis.
10. Pauperes non sunt spiritu,  
Comprobatur bono ritu,  
Nam gliscunt aes habere;  
Refutant enim obolum  
Poni in offertorium,  
Sunt deceptores vere.
11. Obulo nec pellinum,  
Cinturae nec capucium,  
Non aptantur phalera;  
Delicati sunt martyres,  
Cibos non nisi nobiles  
Volunt deglutire.
12. Assunt et potabilia  
Nisi bene nobilia,  
Quod possint mensampolire;  
Domentur ergo baculo,  
Molares iungantur et collo,  
Profundo madentur.
13. Non nisi nunc garrulizant,  
Ubique infatuizant  
Oves alienas,  
Oboedientiam non sequuntur,  
Omnes simul inducuntur  
Ad aeternales poenas.
14. Infelices latrunculi,  
Omnis virtutis aemuli,  
Ubique divagantur,  
Caritas periclitatur,  
Dum per eos praedicatur,  
Ut omnes expellantur.

- |  |   |
|--|---|
| <p>15. Pastores ecclesiarum,<br/>Quod non admiretur parum,<br/>Et ipsi involvuntur<br/>In ipsorum divitias,<br/>Sectantes contumelias<br/>Laicorum comitatu.</p>   | <p>17. O quanta ignominia,<br/>Dum iam cruenta bestia<br/>Supplet vicem praelati!<br/>Laicorum nunc collegium<br/>Inurget clero taedium<br/>Clamore bestiali.</p> |
| <p>16. Latinitas paenuriam<br/>Patitur et iniuriam,<br/>Omnia vulgantur,<br/>Brunus possidet cathedram<br/>Ad scripturam reserandam,<br/>Rustici magistrantur.</p> | <p>18. Argumentum latratorum<br/>Pugno, gladio, framea<br/>Solvitur hostili,<br/>Consonum benedicatur,<br/>Ut laicus aratro iungatur<br/>Spreto argumento.</p>    |
19. Ideo iam non retaxet,  
Condita cervix non laxet,  
Fibria non somnizet,  
O stupendorum genera  
Illicitorumque foedera,  
Aer ne agonizet.

Collect. ms. Ioh. de Praga, Cisterc. Aulæ Regiæ anni 1501. Cod. S. Crucis 334. — 1, 2 Horridorum amata(?). — 2, 6 satis fehlt: caeculo. — 3, 1 Et eorum debuitas. — 4, 2 non addita. — 7, 1 Omnium benedictio. — 8, 6 pulsanti gefordert durch 9, 3, mit dem es reimt. — 9, 5 Cerberi atri. — 11, 1 Obulo wahrscheinlich verschrieben. — 11, 3 aptantur falerna. — 15, 3 Ut ipsi involvantur. — 15, 4 divitiis. — Das Lied handelt augenscheinlich von den Husiten. Latinität und Verskunst (cfr. 16, 1) stimmen völlig zu dieser „Heroenzeit“ der tschechischen Nation.

### 320. De malis Sacerdotibus.

- |   |  |
|---|--|
| <p>1. Sapiens hoc carmen audit<br/>Libens, stultus aures claudit,<br/>.<br/>.<br/>.<br/>.<br/>.<br/>.<br/>Omnis stultus vitiosus,<br/>Sapiens sed virtuosus,<br/>Ut patet ex physica.</p> | <p>3. Iussa quod paterna sprevit,<br/>Sol in eius alas sevit<br/>Caumata, et cecidit:<br/>Heu, sic multi sunt praelati<br/>Saeculares, cucullati,<br/>Clerici, quos edidit</p> |
| <p>2. Ut habetur in ethicis<br/>Per verba Aristotelis<br/>Virtus unaquæque<br/>Medium existit intra,<br/>Icarus sed venit extra,<br/>Ergo peremit sese.</p>                               | <p>4. Simonia, qui paterna<br/>Iussa deserentes lerna<br/>Inquinati corruunt.<br/>Sacramenta et praeendas<br/>Vendunt, emunt et emendas<br/>Inde raro peragunt,</p>            |

5. Illud iussum recusantes:  
Gratis accepistis, dantes  
Sitis gratis omnibus.  
O quam multi clericorum  
More negotiatorum  
Viles sectantur quaestus!
6. Cauponizant et mercantur,  
Mutuant, ut nanciscantur  
Opes malas, deinde  
Iussi parum recordantes.  
Mutuum ut simus dantes  
Sperantes nihil inde.
7. Ecce, quale sunt exemplum  
Laicorum, quale templum  
Christi eucharistiae!  
Reor, quod a noxa horum  
Rivet origo malorum,  
Quae fiunt cotidie.
8. Quidam etiam praelati,  
Postquam fiunt confirmati,  
Plura, quam spoponderant,  
Omnibus infringunt, quasi  
Fidei de libro rasi  
Se laute refocillant.
9. Subditos multum inanes  
Quapropter tendunt ad manes,  
Ponunt impotrabile  
Dorsis aliorum, vere  
Digito nolunt movere,  
Non est hoc amabile.
10. Quidam clerici elati,  
Vestibus non arte grati,  
Literatos respuunt,  
Plus amant ioculatores  
Fistularum et clangores,  
Hi virtutem deserunt.
11. Iussaue paterna pati  
Medium tenent beati,  
Cui virtus inerit,  
Qui autem virtute caret,  
Ut Boetio apparet,  
Esse homo deserit.

Collect. ms. Aspacense saec. 13. et. 14. Clm. Monacen. 3215. add.  
saec. 13/14. — 9, 3 imperabile.

### 321. Incipiunt Decreta Simonis.

1. Sua Simon dat decreta,  
Quod si bursa sit repleta,  
Fiet praesul vel propheta  
Davus, Birria vel Geta.
2. Non attendit probitatem  
Neque mores nec aetatem,  
Simon facit hunc primatem,  
Hunc priorem, hunc abbatem.
3. Ad hoc pauper non accedit,  
Accepturum nil se credit,  
Nil habebat, nihil dedit,  
Nec in sacra sede sedit.
4. Simon facit hos maiores,  
Hos abbates, hos priores,  
Nummos quaerit et non mores  
Et nummatis dat honores.
5. Venter nimis incrassatus  
Qualiscunque sed nummatus,  
Apud omnes infamatus,  
Quem plus inquinat reatus,  
Si offerre sit paratus,  
Fiet praesul et praelatus.
6. Et in sede collocatur,  
Miser. a quo magis datur,  
Tunc superbit, tunc inflatur,  
Nil de Deo meditatur.



- |  |  |
|--|--|
| <p>7. Sunt praelati, sed quid erunt?<br/>Poenam tantum meruerunt,<br/>Qui non crucem Christi ferunt<br/>Nec salutem suam quaerunt.</p> | <p>14. Hi mendaces, hi periuri,<br/>Grex porcorum Epicuri,<br/>Sancto domate securi<br/>Volunt nubere, non uri.</p>  |
| <p>8. Qui non portant crucem Christi,<br/>Punientur poena tristi;<br/>Si vis scire, qui sunt isti:<br/>Praecursores Antichristi.</p>   | <p>15. Sunt tenaces, sunt avari,<br/>Dare nolunt, immo dari,<br/>Nummos quaerunt contemplari,<br/>De favore populari<br/>Volunt omnes gloriari.</p>        |
| <p>9. Non sunt Christi, sed dicuntur,<br/>Quia Christum non sequuntur,<br/>Qui mundanis abutuntur<br/>Et in caudam relabuntur.</p>     | <p>16. Iudae perfidi sequaces,<br/>Quos Veneris urunt faces,<br/>Immo lupi sunt rapaces<br/>Et hypocritae fallaces.</p>                                    |
| <p>10. Inter hoedos numerati,<br/>Sunt a Christo condemnati,<br/>Non electi, sed vocati,<br/>Sunt gehennae cibus dati.</p>             | <p>17. Omnes ad inferna tendunt,<br/>Qui pro posse Christum vendunt,<br/>Solis opibus intendunt<br/>Et nos male reprehendunt.</p>                          |
| <p>11. Nihil eis est virtuti,<br/>Carne caro quaerit uti,<br/>Praesul procurandae cuti<br/>Plus intendit quam saluti.</p>              | <p>18. Omnes tamen in occulto<br/>Perpetrant maiora multo<br/>Deo semper inconsulto,<br/>Sed reatu non indulto.</p>  |
| <p>12. Non fit sermo de virtute,<br/>Non est cura de salute,<br/>Sed in procuranda cute<br/>Student omnes praeacute.</p>               | <p>19. Ventres male macilenti<br/>Nihil exhibent egenti<br/>Nec responsum dant quaerenti,<br/>Nam in tantum sunt intenti<br/>Fruttis auri vel argenti.</p> |
| <p>13. Et dum venter satiatur,<br/>Vis ardoris excitatur,<br/>Ut a Paulo praedicatur,<br/>Nubit praeses, ne uratur.</p>                | <p>20. Quid de sexu non est cura<br/>Et, si quaeris nosse plura,<br/>Per hos sustinet natura<br/>Turpi tantum in mistura<br/>Violari sua iura.</p>         |
21. Tales mores sunt eorum,  
Talis vita praelatorum,  
Et fiunt beati, quorum  
Moles latent peccatorum  
Per saecula saeculorum.

322. De Avaritia Praesulum.

- |   |   |
|---|---|
| 1. Satis verba varia<br>possem invenire<br>Et ea coloribus<br>variis vestire,<br>Sed quia prolixitas<br>solet fastidire,<br>Brevis esse cupio,<br>nolo lascivire.                         | 4. Non formidant Domini<br>templa subhastare,<br>Care volunt vendere,<br>nihil gratis dare,<br>Nunquam vultus hilares<br>solent demonstrare,<br>Nisi prius locus<br>incipit sonare. |
| 2. Nolunt nostri praesules<br>liberos nos fore,<br>Immo volunt vivere,<br>nos servili more,<br>Qui non laudat omnia,<br>quae fatentur ore,<br>Si quem forte possidet,<br>pellitur honore. | 5. Caritatem nominant<br>hoc, quod eis datur,<br>Simonia nomine<br>novo baptizatur,<br>Ad quid plura referam,<br>nemo sublimatur,<br>Nisi prius praesulis<br>bursa repleatur.       |
| 3. In subiectos saeviunt<br>tyrannorum more<br>Et eos afficiunt<br>nimio dolore,<br>Quisquis dare poterit,<br>erit in amore,<br>Qui nil dare poterit,<br>erit in maerore.                 | 6. Quod sunt vera talia,<br>omnibus est notum,<br>Morbus iste volitat<br>per hunc orbem totum,<br>Quare vix invenies<br>unum sacerdotum,<br>A tam gravi crimine<br>penitus remotum. |

Collect. ms. S. Albini (et S. Maglorii) saec. 10—13. Cod. Vatic. Regin.  
711. add. saec. <sup>12</sup>/<sub>13</sub>.

323. De Simonia.

- |  |  |
|--|--|
| 1. Est pretium in pretio,<br>Et vitiata praemio<br>Virtus est victa vitio,<br>Damnum plango commune,<br>Communi trahunt fune<br>Nos lucrum et ambitio. | 3. Te videns infra speculum<br>Vultus Dei signaculum<br>Et ad lucri spectaculum<br>Sic currere spectaris,<br>Sacri dum oscularis<br>Secretum oris osculum. |
| 2. Qui habet aures audiat:<br>Helisaeus giezat,<br>Et Moyses adpropiat<br>Ad rubum calceatus,<br>Et pauper fit ingratus,<br>Cum gratis se discalciat.  | 4. Cruci servis nec in cruce,<br>Cum fers crucem lucro duce,<br>Inde casu crucis truce<br>Cruciamur merito<br>Ligni sacri subito<br>Eclipsata luce.        |

- |  |   |
|--|---|
| <p>5. Poena patens est peccati:<br/>Premunt nos praeputiati,<br/>Vultum vituli conflati<br/>Levat circumcisio,<br/>Et regalis unctio<br/>Servit falsitati.</p> | <p>6. Si vis regno, rex, regnare,<br/>Spreto lucro te lucrare,<br/>Pretio plus pretiare<br/>Temet Christi pretium,<br/>Qui dat suis praemium<br/>Summum salutare.</p> |
|--|---|

Collect. ms. Veronense saec. 14. Cod. Oxonien. Canon. miscell. 95. —  
Abschrift von Rev. H. M. Bannister.

### 324. De Iniustitia.

- |   |   |
|---|---|
| <p>1. Vaeh vobis, hypocritae,<br/>filii maeroris,<br/>Qualis quisque lateat,<br/>iam apparet foris,<br/>Qui lux esse debuit<br/>vitae melioris,<br/>Per exemplum factus est<br/>laqueus tortoris.</p> | <p>5. Vaeh, qui pro muneribus<br/>mutas statum mentis,<br/>Super causas positus<br/>universae gentis,<br/>Cum ad dona curritur<br/>manibus extentis,<br/>Causa quidem premitur<br/>rei vel agentis.</p>   |
| <p>2. Vaeh, qui super cathedram<br/>Moysi sedetis,<br/>Lex a vobis legitur,<br/>quam non confitetis,<br/>Eius in ecclesia<br/>speciem tenetis,<br/>Cuius procul dubio<br/>vitam non habetis.</p>      | <p>6. Vaeh, qui pro sceleribus<br/>impium non feris<br/>Et cum pereuntibus<br/>per consensum peris,<br/>Cum offensam principum<br/>tangere vereris,<br/>Turpis lucri gratiam<br/>pro mercede quaeris.</p> |
| <p>3. Vaeh, qui mundum iudicas<br/>sub humano die,<br/>Sub te pugna graviter<br/>David et Goliae,<br/>Post vitae periculum,<br/>post labores viae<br/>Nosti dare miseris<br/>litteras Uriae.</p>      | <p>7. Vaeh, qui male spoliis<br/>Graecum et Latinum,<br/>Ut in auro studeas<br/>coronare vinum,<br/>Non sic Christus habuit<br/>Pondus netasinum<br/>Panem cum discipulis<br/>mittens in catinum.</p>     |
| <p>4. Vaeh, qui bonis hominum<br/>faves et personis<br/>Et ad voces pauperum<br/>aurem non adponis,<br/>Hic eclipsim patitur<br/>lumen rationis,<br/>Ubi causa geritur<br/>precibus et donis.</p>     | <p>8. Veniamus igitur<br/>ad agones Christi,<br/>Qui pro nobis voluit<br/>ab tribunal sisti,<br/>Quodsi bene novimus<br/>opus Antichristi,<br/>Non ad Christum pertinent<br/>seductores isti.</p>         |

9. Christus semel obtulit  
hostiam pro mundo  
Et, qui cedrus fuerat,  
factus est arundo,  
Sub Herode passus est  
mundus ab immundo,  
Ut suos educeret  
lacu de profundo.
10. Christus morti datus est  
ex patris decreto,  
Eius Ionas meminit  
positus in ceto;  
Christus fellis poculum  
bibens cum aceto  
Dixit: Consummatam est  
ordine completo.
11. Christus mori voluit  
nova ratione,  
Praeda factus eripit  
praedam a praedone,  
Sub Pilato mutus est  
potens in sermone  
Et qui salomonior  
erat Salomone.
12. Christus pro Bersabee  
caelos inclinavit,  
Quam de patris solio  
solam adamavit,  
Liber inter mortuos  
mortem non expavit,  
Propter quod et Dominus  
illum exaltavit.
13. Christus patientiae  
praebuit doctrinam,  
Nostrae carnis induit  
vestem cilicinam,  
Hoc illis in tempore  
factus in ruinam,  
Qui tenere renuunt  
eius disciplinam.
14. Christus inter scandala  
melius profecit,  
Peccatori similis  
peccatum non fecit,  
Cum humanam corporis  
speciem obiecit,  
Non in fortitudine  
fortem interfecit.
15. Christus dedit animam  
mundi pro salute  
Et pro mundo moritur  
mundus absolute,  
Sed iam pro vocalibus  
accesserunt mutae,  
Omnes quidem novimus  
intus et in cute.
16. Ecce, dicet aliquis,  
factus in ruina,  
Qui relictis propriis  
tractus peregrina,  
Iam cortinas arguunt  
saxa cilicina,  
Voce dignioribus  
detrahit sentina.
17. Super greges igitur  
vigilent pastores  
Et paulatim transeant  
ad honestos mores,  
Ut honestis moribus  
congruant honores  
Nec maiorum meritis  
pereant minores.
18. Petrus petram convenit  
versibus et metro,  
Ut per metrum Petrus sit  
generosus Petro,  
Sicut quondam Moyses  
acquievit Iethro,  
Si quid iustum petimus,  
non refellas retro.



19. Fraus est in notariis,  
 sed non fraus immota,  
 Hac in parte curiae  
 fides est remota,  
 Carta carens pretio  
 non carebit nota,  
 Sed scriptum reperies  
 apicem pro iota.

Collect. ms. Veronense? saec. 14. Cod. Oxonien. Canon. Miscell. 95. —  
 Abschrift von Rev. H. M. Bannister.

325. In Curiam Romanam.

- |   |   |
|---|---|
| <p>1. Tuum, Sion, exsilium<br/>             Mirantur sol et sidera,<br/>             Ob cuius exterminium<br/>             Roma ruit adultera,<br/>             Huius obumbrat vitium<br/>             Legis ruentis litera,<br/>             Producitur in medium,<br/>             Cedat et Babel altera,<br/>             Regnante Romae vitio<br/>             Regnat omnis abusio.</p>       | <p>3. Vicem suam ius alterat,<br/>             Ordo naturae vertitur,<br/>             Mater suos eviscerat<br/>             Natos, quibus abutitur,<br/>             Aequum scelus exsuperat,<br/>             Fas in nefas convertitur,<br/>             Nummus per orbem imperat,<br/>             Qui pauper est, despicitur.<br/>             Regnante Romae vitio<br/>             Regnat omnis abusio.</p> |
| <p>2. Petrus iacet in vinculis,<br/>             Vetus iacet clementia,<br/>             Exaltatur in singulis<br/>             Simon et avaritia,<br/>             Neronizat in oculis<br/>             Suae prolis ecclesia,<br/>             Et, qui lux est in populis,<br/>             Recessit a iustitia.<br/>             Regnante Romae vitio<br/>             Regnat omnis abusio.</p> | <p>4. Albinus servat ianuam,<br/>             Rufinus causas recipit,<br/>             Qui pupillum et viduam<br/>             Nihil ferentes despicit;<br/>             Uterque manum vacuam<br/>             Minando procul abicit<br/>             Dicens: nil dantes eruam,<br/>             Sic adulando decipit.<br/>             Regnante Romae vitio<br/>             Regnat omnis abusio.</p>            |
| <p>5. Praebenti patet aditus<br/>             Eique fit petitio,<br/>             Nil dantibus introitus<br/>             Refutatur pro vitio;<br/>             In Romanis interitus<br/>             Crescit atque perditio,<br/>             Nam Roma rodens funditus<br/>             Non servit vili pretio.<br/>             Regnante Romae vitio<br/>             Regnat omnis abusio.</p>  |   |

Collect. ms. S. Iacobi Leodien. saec. 13. Cod Darmstadien. 2777. —  
 Nach dem Rundreime zu schliessen, vielleicht auch Cantio.

326. Incipit planctus ecclesiae secundum statum modernorum filiorum  
et non praevignorum a quodam sacerdote editus.

I.

- |   |  |
|---|--|
| 1. Rogo corde pertractari<br>Hoc breve compendium,<br>Quale mihi comitetur<br>Maxime dispendium.      | 4. Sic sum modo denigrata<br>Istis in squaloribus,<br>Quae quondam eram subornata<br>Aureis coloribus.             |
| 2. Qui solebant gregem meum<br>Olim digne regere,<br>Modo non verentur Deum,<br>Nituntur me detegere, | 5. Olim qui me defendebant<br>Et morti se tradiderant,<br>Qui nec sua tunc quaerebant,<br>Sed propria perdiderant, |
| 3. Denudare, spoliare<br>Pannis istis vilibus,<br>Quae solebam quondam stare<br>Induta subtilibus.    | 6. Nunc, quae sua sunt, quaerentes,<br>Non quae Iesu Christi,<br>Sic ad ima descendentes<br>Omnes hi et isti.      |

II.

- |   |   |
|---|---|
| 1. Praesul cum canonicis<br>Sed et clerus totus,<br>Praelatus cum monachis<br>Super me est motus. | 4. Imperator, duces, reges<br>Viam Dei respuunt,<br>Quondam qui solebant leges<br>Condere, nunc respuunt. |
| 2. Abatissa non deest<br>Cum suis velatis,<br>Multitudo superest<br>Sexus et aetatis,             | 5. Miles, civis et mercator,<br>Omnes per ambaginem,<br>Vini cultor et arator,<br>Ruunt in voraginem      |
| 3. Quorum actus omnium<br>Non possum notare,<br>His videtur somnium,<br>Non volunt curare.        | 6. Omnes cum fallaciis<br>Et supplantatione,<br>Litibus, mendaciis<br>Et detractatione.                   |
7. Quilibet subtiliter  
Suum lucrum quaerit,  
Nequiter, hostiliter,  
Sic totus mundus perit.

III.

- |  |  |
|--|--|
| 1. Haec a vobis clericis,<br>Qui estis Dei templum,<br>Fit ruina laicis<br>Vestrum per exemplum. | 2. Vos legem offenditis<br>Et evangelistas,<br>Sanctos vos ostenditis,<br>Sic impletis cistas. |
|--|--|

- |  |  |
|--|--|
| <p>3. Monachorum quilibet<br/>Non quaerit nisi suum,<br/>Serit, regnat ubilibet<br/>Meum atque tuum;</p> <p>4. Duo haec pronomina<br/>Scindunt unitatem.<br/>Per tria tua nomina<br/>Tolle vanitatem</p> <p>5. Hanc, Deus piissime,<br/>Per tuam maiestatem<br/>Parce, clementissime,<br/>Et redde caritatem.</p> <p>6. Nam status claustralium<br/>Nimium declinat,<br/>Tuorum animalium<br/>Nemo gregem minat.</p> | <p>7. Currunt nunc in biviis<br/>Ut oves errantes,<br/>Deviis et triviis,<br/>Neminem curantes.</p> <p>8. Terrae villas visitant<br/>Nec non civitates,<br/>Parum Deo militant<br/>Propter vanitates,</p> <p>9. Mores saecularium,<br/>Quibus implicantur,<br/>Rerum temporalium.<br/>Quas illi imitantur.</p> <p>10. Quem credebam monachum,<br/>Deum ventrem habet<br/>Et plus curat stomachum<br/>Quam spiritum, quo tabet.</p> |
|--|--|

IV.

- |  |   |
|--|---|
| <p>1. O si cum licentia<br/>Possem enarrare,<br/>Salva reverentia<br/>Vellem revelare.</p> <p>2. Quaedam currunt feminae,<br/>Personae claustrales,<br/>Venenosae semine<br/>Seminant se tales.</p> <p>3. Quondam erant sponsae Christi,<br/>Nunc daemonis uxores,<br/>In abditis deberent sisti,<br/>Sed vanos gerunt mores.</p> <p>4. Revelata facie<br/>Vela deponentes,<br/>In turbarum acie<br/>Ementes et vendentes,</p> <p>5. Serpunt veneficio<br/>Habitum mutantes<br/>Et saepe suo vitio<br/>Frena sunt laxantes.</p> <p>6. Non sunt istae monachae<br/>Neque moniales,<br/>Sed nec sunt canonicae,<br/>Sed sunt curiales.</p> | <p>7. Virgines yconicae<br/>Sic dicuntur tales,<br/>Sed sunt daemoniacae<br/>Vel daemoniales.</p> <p>8. Comprimunt pectuscula<br/>.<br/>.<br/>.<br/>.<br/>.<br/>.<br/>.<br/>.<br/>Lascivis et tenellis,</p> <p>9. Quos trahunt subtiliter<br/>Suum in amorem,<br/>Quibus captis nequiter<br/>Infligunt dolorem.</p> <p>10. Suis amatoribus<br/>Venenum dant pro melle,<br/>Rhethoricis coloribus<br/>Acetum dant cum felle.</p> <p>11. Discurrunt prae foribus,<br/>Sic implent suum velle,<br/>Falsis cum odoribus<br/>Teguntur agni pelle.</p> <p>12. Hae student Ovidium,<br/>Plane platearum<br/>Felle stilicidium<br/>Et faex feminarum.</p> |
|--|---|

13. Parant homicidium  
Multarum animarum,  
Utinam dimidium  
Reservarent harum.

V.

- |   |   |
|---|---|
| 1. Omnis iam religio<br>Iacet in ecclipsi,<br>A cuius vestigio<br>Non recedunt ipsi.                | 10. Quondam erat gravitas<br>Et honestas morum,<br>Vanitatum vanitas<br>Modo tenet horum.                   |
| 2. Qui per saecularia<br>Summis cedunt bonis,<br>Calcant spiritalia<br>Pro caducis donis.           | 11. Consuetudo flebilis<br>His in detrimentum,<br>Quae nimis est fallibilis<br>Et ducet in tormentum.       |
| 3. Quae sit differentia<br>Militis et cleri,<br>Dei sapientia<br>Potest intueri.                    | 12. Pro corona gloriae<br>Nunc nutritur coma,<br>O flebilis memoriae,<br>Cur pateris haec, Roma?            |
| 4. Multi modo laici<br>Honestos gerunt mores,<br>Sic e converso clerici<br>Fiunt deteriores.        | 13. Pompam huius saeculi<br>Student ampliare,<br>Nec timent periculi<br>Poenam evitare.                     |
| 5. Nunc utuntur cingulis,<br>Gladiolis et peris,<br>Puto, quod in singulis<br>Non sit multum aeris. | 14. Non pugnant cum militibus<br>Rem publicam tenendo,<br>Sed manent cum divitibus<br>Thesaurum componendo. |
| 6. Ubi est religio,<br>Ubi est tonsura?<br>Manet in fastidio<br>Animarum cura.                      | 15. Ebriosis litibus<br>Immergunt se bibendo<br>Nec cum sacerdotibus<br>Precantur in psallendo.             |
| 7. Quis potest has eripere<br>A morsibus luporum,<br>Iam incipit desipere<br>Sollertia pastorum.    | 16. Asser, tesser, alea<br>Praesentantur ibi,<br>O Iesu Christe, qualia<br>Vota reddunt tibi!               |
| 8. Nam student has decipere<br>Quilibet raptorum,<br>Serpentes sunt et viperae<br>Desidia rectorum. | 17. Raro brevius<br>Illic adportatur,<br>Sed timeo, quod rarius<br>Boni quid agatur.                        |
| 9. Plus a mercenariis<br>Laeduntur quam a lupis<br>Et falsis vicariis,<br>Si audire cupis.          | 18. Ubi vinum carius<br>Sit, interrogatur,<br>Ibi tabernarius<br>Quam Christus plus lucratur.               |



- |  |  |
|--|--|
| <p>19. Adest cellerarius,<br/>Et vinum ministratur,<br/>Locus et notarius<br/>Quivis sollicitatur.</p> <p>20. Nunc venit camerarius,<br/>Et mensa praeparatur,<br/>Post adest stabularius<br/>Et equus exornatur.</p> <p>21. Aperit portarius,<br/>Ad campum equitatur;<br/>Cursitat avarius,<br/>Ut aer capiat.</p> | <p>22. Mos iste necessarius,<br/>Sic tempus breviatur,<br/>Occurrit pauper varius,<br/>Sed illi nihil datur.</p> <p>23. Vigilant in lusibus<br/>Ad horam matutinam,<br/>Pro divinis usibus<br/>Ordinant coquinam.</p> <p>24. Verba volant Veneris,<br/>Pudoris inimica,<br/>Huius mundi sceleris<br/>Nimis impudica.</p> |
|--|--|
25. Vivunt in deliciis  
Et sequuntur castra  
In mundi divitiis,  
Nec itur sic ad astra.

VI.

- |   |  |
|---|--|
| <p>1. Schisma, sacrilegium<br/>Modo venerantur,<br/>Quorum privilegium<br/>Multi imitantur.</p> <p>2. Simonis officium<br/>Multi prosequuntur,<br/>Cuius maleficium<br/>Amplecti nituntur.</p> <p>3. Quod quondam erat dedecus,<br/>Nunc honor reputatur,<br/>Iustitiae famelicus<br/>A multis detestatur.</p> <p>4. Nefas nunc qui prohibet,<br/>Ab omnibus oditur,<br/>Sed qui se vanum exhibet,<br/>Libentius auditur.</p> <p>5. Omnis iam devotio<br/>Dormit, tepet, nutat,<br/>Sed veri subtractio<br/>Viam Dei mutat</p> <p>6. In concupiscentiam<br/>Et in vanos mores;<br/>Non curant continentiam,<br/>Sed gulam et honores.</p> | <p>7. Quaeritur nunc otium<br/>Omnium bonorum,<br/>Lucrum et negotium<br/>Mundanorum horum.</p> <p>8. Quaeritur nunc corporis<br/>Amor, honor, favor<br/>Huius nostri temporis,<br/>Regnat livor, pavor.</p> <p>9. Crevit turba Simonis,<br/>Proficiunt Giezitae,<br/>Voce clamant daemonis:<br/>Ite et venite.</p> <p>10. Aurum si ostenditur,<br/>Metalla, numisma,<br/>Donum Dei venditur,<br/>Nec timetur chrisma.</p> <p>11. Legem, evangelium<br/>Multi perverterunt,<br/>Numismatum auxilium<br/>Pro divino quaerunt.</p> <p>12. Crescunt temporalia,<br/>Spiritus decrescit,<br/>Ad haec et ad aequalia<br/>Quivis inardescit.</p> |
|---|--|

- |   |   |
|---|---|
| 13. O pastores animarum,<br>Oviculas defendite,<br>Auscultate ergo parum<br>Et verbum attendite.          | 16. Vos reddetis rationem<br>In die iudicii,<br>Recepturi talionem<br>Regni vel supplicii.                |
| 14. Quorum curam recepistis,<br>Honorem cum onere,<br>Pro quibus certe debuistis<br>Vitam vestram ponere, | 17. O quot lupi nunc a grege<br>Vorant lac et lanam,<br>Et qui vivunt sine lege,<br>Sectantes viam vanam. |
| 15. Ut a lupis eruantur<br>Et pseudoprophetis,<br>Per quos multum infestantur,<br>Et tantum siletis.      | 18. Equitantes, cursitantes<br>Per omnes mundi plagas,<br>Vanitatem imitantes,<br>Linquentes oves vagas.  |
| 19. Quarum Deus curam gerat<br>Et protegat illas,<br>Cum salute sua ferat<br>Ad sedes tranquillas.        |   |

VII.

- |  |   |
|--|---|
| 1. Vae vobis, hypocritae,<br>Sic dicetur clero,<br>Rationem reddite<br>Coram Deo vero.               | 6. Pauper hic despicitur<br>Nummo cum albino,<br>Sed dives respicitur,<br>Praefertur cum rufino.          |
| 2. Qui peccata hominum<br>Iugiter sumpsistis,<br>Pro quibus caelo Dominum<br>Orare debuistis.        | 7. Non ingreditur ad eos<br>Causa vidualis,<br>Sine nummo facit reos<br>Quorundam decretalis.             |
| 3. Pro vestris sceleribus<br>Non paenituistis,<br>Sed nova veteribus<br>Semper addidistis.           | 8. Pro tam vili pretio<br>Iura vendunt tales,<br>Aequalis discretio,<br>Quantum habes, vales.             |
| 4. Tumet, iubet et inflatur<br>Doctor decretorum,<br>Scriba legis exaltatur<br>Librorum sacrorum.    | 9. Post hos assunt advocati,<br>Et tabelliones,<br>Qui cum multis sunt vocati,<br>Reddunt rationes.       |
| 5. Si sic Deus honoratur,<br>Turba felix horum,<br>Sed, heu, plus dehonestatur<br>Perversorum morum. | 10. Si cum paucis sint electi,<br>Quam felices illi,<br>Ubi multi et perfecti,<br>Semper sunt tranquilli. |
| 11. Inter istos sunt devoti<br>Viri non errantes,<br>Summo Deo bene noti<br>Iustitiam sectantes.     |   |

VIII.

1. Prosequor compendiose  
Voce lacrimosa,  
Conquerendo dolorose  
Tota ruinosā.
2. Sal terrae dicimini,  
Subditi praelati,  
Lux mundi scribimini,  
Omnes literati.
3. Si sal infatuabitur,  
In quo salietur?  
Reprobū probabitur,  
Ut pedibus calcetur.
4. Nova semper euditis,  
Vetera mutatis,  
Pauperes retunditis,  
Falsa fabricatis.
5. In vobis et in subditis  
Graviter peccatis,  
Latetis in abditis,  
Minime latratis.
6. Deo quod absconditis,  
Quod carum boni datis,  
Gratis nihil facitis,  
Hoc est mirandum satis.
7. Qui favorem venditis  
In his terrae pratis,  
Mortem non attenditis;  
Vae vobis praelatis!
8. Cervicem extenditis,  
Frena relaxatis,  
Iustos vilipenditis,  
Iniustos exaltatis.
9. Multos reprehenditis,  
Vos semper excusatis,  
Errores defenditis,  
Sic barathrum intratis.
10. Quondam me persequēbantur  
Iudaei et pagani,  
Quorum actus imitantur  
Falsi christiani.
11. Meis quoque uberibus  
Dulci lacte pavi,  
Affligunt me sceleribus,  
Pro quibus preces stravi
12. Sponso meo iugiter,  
Qui fuderat cruorem  
Pro eis mirabiliter  
Victus per amorem,
13. Sacratis vulneribus  
A morte quos exemit,  
Ditissimis muneribus  
Ab inferis redemit.
14. O caecorum caeci duces,  
Qui vos excusabunt,  
Cum accusatores truces  
Constanter accusabunt?
15. Vos estis peremptorie  
Breviter citandi,  
Quid erit tunc memoriae  
Negatis mora fandi.
16. Ninivitae, Sodomitae  
Levius habebunt,  
Cum vobis dicetur *Ite*,  
Tunc corda pavebunt.
17. Stabitis attoniti  
Sine ratione,  
Prius tamen moniti  
Cum dilatione.
18. Nil datur ianuario  
Vel prolocutori,  
Nil protonotario  
Nec defensori,
19. Neque cellerario  
Nec adulatori,  
Neque camerario  
Nec procuratori.
20. Sedebit pro tribunali  
Leo de tribu Iuda,  
Cuncta boni sive mali  
Tunc patebunt nuda.

21. Omnia in veritate  
Iuste iudicabit,  
Iustis vitam indilate,  
Iniustis mortem dabit.
22. Quondam eram paupercula  
Ex corde patris nata,  
Simplex muliercula,  
Humilis et grata.
23. Nunc sum in regalibus  
Nimis exaltata  
Et in tribunalibus  
Gloria ornata.
24. Castris et palatiis,  
Pulchris ornamentis,  
Pluribus solaciis,  
Stipor fulcimentis.
25. In gazophylaciis,  
Auri blandimentis,  
Sophisticis fallaciis  
Et in argumentis,

26. Variis coloribus  
Pulchris et ornatis,  
Ornor a victoribus  
Plus quam a praelatis.
27. Ducor nunc in curribus  
Elatis et falcatis  
Et in altis turribus,  
Muratis et quadratis.
28. Specioso conqueror  
Summi regis nato,  
Quod sic modo desolor  
In hoc terrae prato.
29. Quondam enim habui  
Amatores plures,  
Omnes tabent, tabui  
Quia, quasi fures.
30. Carnis quaerunt gloriam  
Vanam et honores,  
Sic aurum fit in scoriam,  
Et pervertuntur mores.

IX.

1. Viri venerabiles,  
Sacerdotes Dei,  
In fide sitis stabiles  
Et serviatis ei.
2. Vos, qui eius filium,  
Manibus tractatis,  
Angeli consilium  
Cum hoc habeatis.
3. Consecratis, ministratis  
Christi sacramentum,  
Manducatis, adprobatis  
Novum testamentum.
4. Caritatem, fidem, spem  
Invicem sectantes,  
Caelestem in Ierusalem  
Intrabitis laetantes,
5. Si tamen spreveritis  
Mundi vanitatem  
Et sobrie vixeritis  
Amantes castitatem.

6. Non frangant vos contraria,  
Si mala sustinetis,  
Nam per haec angaria  
Vitam invenietis.
7. Servus Christi in timore  
Debet semper vigilare,  
In labore et fervore  
Temptamentis repugnare.
8. Contra diabolicas  
Artes resistendo,  
Tandem apostolicas  
Virtutes obtinendo.
9. Finito certamine  
Erimus uniti,  
Finali in examine  
Optime muniti.
10. Tunc pro nobis Dominus  
Christus, sponsus meus,  
Stabit nihilominus  
Verus Homo-Deus.



- |  |  |
|--|--|
| <p>11. Nos amplectens dulciter<br/>Ardenti caritate,<br/>O quam mirabiliter<br/>Cum summa largitate!</p> <p>12. Ducet nos intrinsecus<br/>Mirae suavitatis,<br/>Quondam qui forinsecus,<br/>Eramus, cum beatis.</p> <p>13. Nobiscum aeternaliter<br/>Gaudebunt sine fine<br/>Sic toti totaliter<br/>Gloriae divinae.</p> | <p>14. Illi unanimiter<br/>Erimus haerentes,<br/>Sed et aequanimiter<br/>Semper congaudentes.</p> <p>15. Nunc oremus Dominum,<br/>Qui nobis est fidelis,<br/>Qui pro salute hominum<br/>Ad nos misit de caelis</p> <p>16. Dilectum suum filium<br/>Pro nobis exsulare,<br/>Ut nobis det auxilium,<br/>Pugnando triumphare,</p> <p>17. Ut post hoc exsilium<br/>Mereamur conregnare,<br/>Iniquum ne consilium<br/>Nos possit arrestare.</p> |
|--|--|

Collect. ms. S. Albani Treviren. saec. 15. [et 16.]. Cod. Treviren. 228. — III. 5, 3 piissime. — 8, 1 Fere villas. — IV. 1, 2 narrare. — 2, 1 Quidam. 5, 4 sunt fehlt. — VI. 15, 3 Per quod. — VII. 8, 4 habes, tantum vales. — VIII. 11, 1 verberibus. — 20, 3 Cuncta bona sive mala. — 26, 3 Lies: a rhethoribus? — 28, 1 Sponso specioso. — IX. 10, 1 Dominus fehlt.

### 327. De Peccato Adami.

- |  |   |
|--|---|
| <p>1. Adam, Adam, primus homo,<br/>Cur damnatus es pro pomo,<br/>Quod sumpsisti contra Deum?<br/>Hoc te fecit esse reum.</p> | <p>2. Adam, Adam, quid fecisti,<br/>Quare stolam amisisti,<br/>Qua indutus immortalis,<br/>Angelis eras aequalis?</p> |
| <p>3. Serpens nequam me decepit,<br/>Meum genus sic reiecit;<br/>Miserere mei, Deus,<br/>Ad te clamat Adam reus.</p>         |   |

Collect. ms. Benedictoburan. saec. 12/13. Clm. Monacen. 4612. add. saec. 13.

### 328. Conflictus Iustitiae et Misericordiae.

- |   |   |
|---|---|
| <p>1. Post peccatum hominis<br/>iam facta ruina,<br/>Dum vitam deceperat<br/>mors adulterina,<br/>Peccati cotidie<br/>crescente sentina,<br/>Audita est clementia<br/>sic loqui divina:</p> | <p>2. O creator optime,<br/>bonitas nativa,<br/>Boni naturaliter<br/>virtus efectiva,<br/>Homo tibi similis<br/>et imago diva<br/>Iam prostratus pariter<br/>fraude temptativa.</p> |
|---|---|

3. Vera veri bonitas,  
sine quo nil bonum,  
A quo [manat unice  
omnis] vitae donum,  
Paradisi feceras  
hominem colonum,  
Nunc tuum in tenebris  
plasma iacet pronum.
4. Tu illi construxeras  
ornamentum poli,  
Quid mirum, quod adeo  
valuere doli;  
Serpens atque femina  
nocuere soli,  
Non intres iudicium,  
condemnare noli.
5. Respondens iustitia  
dixit pietati:  
Nescis reverentiam  
ferre maiestati,  
Retractas iudicium  
hominis damnati,  
Fixum est chirographum  
iuris consummati.
6. De throno iudicia  
prodeunt immota,  
Omnis mutabilitas  
prodit hinc remota,  
Veri iuris ratio  
non est tibi nota,  
Quid retractas iurgia,  
quae probavit rota?
7. Nec respondit pietas  
nec vult disputare,  
Sed profusis lacrimis  
non cessat orare,  
Deo carmen intimat,  
sibi rogat dare,  
Quod rogandum praevenit  
et facit rogare.
8. Iudex, inquit, optime,  
ne reus damnetur,  
Nec eius infirmitas  
culpae deputetur,  
Serpentis astutia,  
si bene notetur,  
Peccantis simplicitas  
veniam meretur.
9. Super eum viscera  
mea sunt commota,  
Hominis infirmitas  
tibi bene nota,  
Et quia post culpam mens  
est tibi devota,  
Causa rei simplicis  
non est rea tota.
10. Tu, qui cuncta diligis  
affectu paterno,  
Hoc non ordinaveras,  
pater, ab aeterno,  
Homo quod de patria  
et regno superno  
Esset periturus sic  
peccato veterno.
11. Ecce, malum hominis  
sic iacet inflictum,  
Ut nolenti misero  
subrepat delictum,  
Peccatum cum homine  
sic habet conflictum,  
Quod infirmum vulnerat  
et non sentit ictum.
12. Peccatores miseros  
sic nectit catena,  
Ut peccati causa sit  
et peccati poena,  
Ex usuris criminum  
succrescit catena,  
Et, cum ex origine  
sit corrupta vena,

13. Peccatum inhabitat  
putre carnis folle,  
Quod in vase nascitur  
mors istius ollae,  
Caro cogit hominem  
illud velle, nolle;  
Ergo parce gladio  
et vindictam tolle.

14. Ecce, sub tot hostibus  
et sub tot ruinis,  
Quem creasti, Domine,  
tuus iacet cinis,  
Tuum plasma, Domine,  
cur perire sinis?  
Nunc festina, tempus est,  
et memento finis.

15. Vix bene finiverat  
pietas sermonem,  
Et secretam consulens  
Deus rationem,  
Ut captivum liberet  
et vincat praedonem,  
Hanc profudit gratiae  
fons orationem:

16. Pie mones, filia,  
ceteris plus grata,  
Quod te movet hominis  
forma deformata,  
Sed sola iustitia  
tenet immutata  
Mala, quae per hominis  
culpam sunt librata.

17. Restat ut consilium  
pandatur secretum,  
Et suum iustitia  
temperet decretum,  
Et, cum profundissime  
fuerit impletum,  
Hominis redemptio  
finem ferat laetum.

18. Serpens conculcabitur  
iusta talione,  
Ut sit meus unicus  
victor in agone,  
Et pax et iustitia  
praedato praedone  
Osculo se copulant  
pia iunctione.

19. De serpente capia  
prudenter tropaeum,  
Placet, quod humilitas  
carne tegat Deum,  
Ut temptator hominum  
invadendo meum  
Innocenter opprimens,  
iure perdat eum.

20. Fiant ergo nuptiae  
nato Deo Dei,  
Ut destructa penitus  
parte Iebusaei  
Vetus mortis spoliū  
restauretur ei,  
Dividantur spolia  
domus speciei.

21. His assistant nuptiis  
caeli hierarchiae,  
Sonent hymni, cantica,  
sonent symphoniae,  
Verbum patris unicum,  
eiusdem usiae,  
Ut in vellus pluvia,  
sic descendat pie.

22. In Aegypto virginem  
despondi servire,  
Quam antiquus Pharaō  
vetabat exire,  
Sub luto, sub latere  
cogit oboedire,  
Ut tandem ad patriam  
vix speret redire.

23. Inter colli vincula  
    suspirat in malis,  
Maior formae decor est  
    quam squalor poenalis,  
Fuscam sol exusserat,  
    sed vultus regalis,  
Inter Sion filias  
    nulla fuit talis.

24. Igitur rex nobilis  
    et veri decoris  
Sponsam quaerit nobilem,  
    tantis dignam thoris,  
Et quae tanti gaudii  
    digna sit, honoris  
Ut intret palatium,  
    divini amoris.

25. Ille patris unicus  
    in hanc aestuabat,  
Paranymphum virgini  
    statimque legabat,  
Patris formam virgini  
    plurimum laudabat,  
Quis, qualis et unde sit,  
    quid velit, mandabat.

26. David cum psalterio  
    sponsam salutavit  
Et epithalamicum  
    carmen exsultavit,  
Isaias gloriam  
    sponsi proclamavit,  
Prophetarum quilibet  
    idem nuntiavit.

27. Virgo decus audiens  
    regis et decorem,  
Regnum et divitias,  
    thesauri nitorem,  
Ut Aegypti exeat  
    squalidum foetorem,  
Servus regis sequitur  
    promittens amorem.

28. Procedant de thalamis  
    chori puellarum,  
Laeta replent spatia  
    coetus reginarum,  
Fides, spes, humilitas  
    et mater earum  
Ordinavit caritas  
    cibos nuptiarum.

39. Stant adolescentulae  
    vultu decoratae,  
Astant regum filiae  
    sponsae praeparatae,  
Indumentis variis  
    decenter ornatae,  
Ut regina splendeat  
    in varietate.

30. Sponsa petit osculum  
    copulantum more,  
Sponsus sponsae virginis  
    gaudet in amore,  
Zelat regis purpuram  
    et novo splendore  
Sumit vestem de Bosra  
    tinctam in rubore.

31. Supernorum acies  
    et chori psallentum  
Quaerunt, unde rubeat  
    regis indumentum;  
Latet hic mysterium  
    et hoc tegumentum,  
Quia sumptum ex Edom  
    fuit et inventum.

32. Inde sponsi thalamo  
    praeparatur lectus,  
In quo sibi copulat  
    dilectam dilectus,  
Et ut sponsus pectori  
    sponsae iungat pectus,  
Sic in sponsam defluit  
    caelestis affectus.



33. Lectus ille floridus  
ex lignis olivarum  
Cetimque mox sternitur  
et lignis palmarum,  
Paradisi species  
mitis resinarum,  
De quibus conditum est  
opus illud clarum.

34. Cherubim et Seraphim  
assistunt cum thronis  
Et epithalamicum  
suis cantant donis,  
Stant viginti quattuor  
senes cum coronis,  
Et servant fortissimi  
lectum Salomonis.

35. Advocantur virgines  
et circumdant thorum,  
Ut cantent suavissime  
carmen angelorum,  
Inter quas et decima  
fuit, haereticorum  
Falsis scriptis intonat,  
vult turbare chorum.

Arrianus.

36. Quas laudatis nuptias,  
quaenam sunt et quare?  
Contra naturalia  
vultis delirare,  
Praesumentes virginis  
partum praedicare  
Vel in tribus unicum  
Deum adorare.

Nestor.

37. Protopanton, thogaton,  
summus illocalis  
Semper fuit et erit,  
semper est aequalis,  
A se nunquam discrepans,  
nunquam inaequalis;  
Fecit hoc anomalum,  
ut esset mortalis?

Plato.

38. Ista non est logica  
nec theologia,  
Sed adultis mentibus  
quaedam phantasia,  
Cum super tot spatia  
fert allegoria,  
Non est ista veritas,  
sed falsigraphia.

Sabellius.

39. Nunquam talis potuit  
fieri descensus,  
Quod mortalis fieret  
creator immensus,  
Intellectus deficit  
et delirat sensus,  
Ut mortem susciperet  
in cruce suspensus.

Nicolaus.

40. Ista monstro similis  
videtur doctrina,  
De gigantum fabula,  
non de re divina,  
Quod res trina una sit  
et res una trina,  
Fingunt hoc haeretici  
vel, qui potant vina.

Manichaeus.

41. Qui creare potuit  
cuncta nec creari,  
Suo, quo vult, ordine  
iubet ordinari,  
A naturae tramite  
nil prorsus maechari,  
Numquid ipse potuit  
homo transformari?

42. Sic opponens ratio  
magis insistebat,  
Ad diversas haereses  
species movebat,  
Nestoris et Arrii  
partes inducebat,  
Sed fides haec dogmata  
ultra non ferebat.

43. Fides ergo retulit  
paulisper commota:  
Dogmata, quae praedicas,  
non sunt tibi nota;  
Procul a sacrario  
nostro sis remota,  
Non nosti caelestia,  
non rotam in rota.

44. Singularis trinitas  
totum unum esse,  
Pater et paraclitus,  
flos de virga Iesse,  
Per trinas hypostases  
creduntur expresse,  
Ut sit una deitas  
et totum unum esse.

45. Isdem tribus esse est  
consubstantiale,  
Nihil ibi dispar est,  
nihil inaequale,  
Sicut una deitas,  
sic unum aequale,  
Tres sunt, sed tribus abest  
omne numerale.

46. Deo Dei filius  
nescius abesse,  
Sic assumit hominem,  
quod non mutat esse,  
Nostrum voluntarie  
Suscepit necesse,  
Sponte carnis legibus  
dignatur subesse.

47. Et dum fit assumptio  
carnis unione,  
Non mutat substantiam,  
habitum personae,  
Nulla fit transsumptio  
de coniunctione;  
Cessent nunc arguere  
de hac assumptione.

48. Hoc non potest ratio  
disputando scire,  
Nec intrare poteris,  
cum velis exire,  
Si desistes quaerere,  
potes invenire  
Et cognosces optime,  
si velis nescire.

49. Fides haec catholica,  
per hanc salvus eris,  
Via non est alia,  
qua iustificeris,  
Firmiter, fideliter  
credere iuberis,  
Et, si non credideris,  
in aeternum peris.

50. Veritas interea  
non vult argumenta,  
Sed languenti Iericho  
praeparat unguenta,  
Duos dat denarios,  
duo testamenta,  
Vinum stabularius  
praeparat, fomenta.

51. Parte levat altera  
filium mendicum,  
Omnes opes abstulit  
amor meretricum,  
Stolam fert et annulum  
post opus iniquum,  
Fratrem licet habeat  
aemulum antiquum.

52. Ad regales nuptias  
multi confluxerunt,  
Reges Tharsis et insulae  
munera tulerunt,  
Tyri et Aethiopes  
ibidem fuerunt,  
Ex Aegypto pariter  
legati venerunt.

53. Tunc ponuntur fercula  
 mirando nitore,  
 Nardus, crocus, cassia  
 concertant odore,  
 Panis vitae ponitur  
 ferculo priore,  
 Sapit omnifaria  
 manna suo more.

54. Tunc caelestis curia  
 tota movet cantus,  
 Summique caelestium  
 chori cantant sanctus,  
 Cherubim et Seraphim  
 cantant sanctus sanctus,  
 Omnes sancti clamitant:  
 sanctus, sanctus, sanctus.

55. Sine fine clamitant  
 milia centena,  
 Sine fine talis est  
 nuptialis cena,  
 Eius ad sollemnia  
 nos ducat de poena,  
 Cuius mensa gaudia  
 semper habet plena.

Collect. ms. Voraviense saec. 14. Cod. Voravien. 374 (306). — 4, 5 et femina. — 9, 4 est tibi bene. — 9, 5 per culpam. — 9, 8 est tibi rea tota. — 14, 2 tot fehlt. — 17, 8 feret. — 22, 8 sperat. — 23, 3 forma. — 28, 3 spatio. — 33, 2 et lignis. — 42, 3 diversos. — 45, 1 est fehlt. — 54, 3 que fehlt. — 54, 4 chorus.

### 329. De Divite et Lazaro.

- O tu, qui miseros spernis nec nutris egenos,  
 Cum legis haec, pensa pia Christi brachia tensa.  
 Maxima qui gratis recipis, cur parva negabis?  
 Marmora rite colis, non Christum, sat modo perdis.
5. Divitis, en, recale flagrantia, mente revolve,  
 Qui renuit Lazari mendici vel misereri.  
 Affluit hic dapibus, Lazarus ieiunat egenus,  
 Hic epulis gaudet, nec micas obtinet ille.  
 Mors subit et propere vita privatur uterque,
10. Iure datur barathro locuples, pauper paradiso,  
 Extremo Lazari digiti petit inde liquari.  
 Divitis hinc epulae pensantur deliciaeque,  
 Atque fames inopis pensantur et ulcera tristic,  
 Uritur ille malis, congauget iste beatis.
15. Haec, miser, haec cogita, subeas ne tartara, vita.  
 Da tua; quae tua sunt, post mortem nil tibi prosunt.  
 Tunc bene servatur substantia, si tribuatur.  
 Quid tibi, si mundum totum complecteris istum,  
 Post hac perpetua crucient te saeva flagella?
20. Hunc imitare, rogo, qui se et sua donat egeno,  
 Sic poteris vere Christum sine fine tenere,  
 Non aliter, crede, poteris super astra sedere.

Collect. ms. incert. orig. saec. 15. Cod. Oxonien. Canon. Miscell. 523. — Abschrift von Rev. H. M. Bannister.

330. De Bello Sacro.

- |   |  |
|---|--|
| <p>1. Tolle sarcinulas,<br/>         Qui crucem baiulas,<br/>         Ad crucis proelium<br/>         Pes currat fortium;<br/>         Nunc sponsi filii<br/>         Palmam martyrii<br/>         Tollunt per gladium.</p> | <p>2. Transit pericula<br/>         Petri navicula<br/>         Nec tota mergitur,<br/>         Sed ventis quatitur,<br/>         Ut mundum deserat<br/>         Et fructum referat,<br/>         Quisquis compatitur.</p> |
|---|--|
3. Haecne consideras,  
 Quisquis desideras  
 Honorum onera,  
 Lucra vel munera?  
 Exi iam propere,  
 Exuto vetere  
 Prima fac opera.

Collect. ms. Veronense? saec. 14. Cod. Oxonien. Canon. Miscel. 95. —  
 Abschrift von Rev. H. M. Bannister.

331. De Vino et Venere vitandis.

- |   |   |
|---|---|
| <p>1. Qui poetarum dogmata<br/>         Vult sequi, spernat vitia,<br/>         Discat honeste vivere,<br/>         Nullum se prorsus laedere,<br/>         Adiungat se maioribus,<br/>         Subiectus sit virtutibus.</p> | <p>2. Sed Bachum qui cum Venere<br/>         Vult indiscrete colere,<br/>         Virtutum est apostata,<br/>         Unde sonant proverbia,<br/>         Quod vini sint commercia<br/>         Honorum mors et femina.</p> |
|---|---|
3. Qui colit haec intrepide,  
 Deum perdit praecipue,  
 Parentes, sensus, dominos  
 Mores, mentem et socios,  
 Tempus . . . . .  
 . . . . .

Collect. ms. S. Floriani saec. 13. et 14. Cod. Florian. XI 587. add.  
 saec. 14. — 3, 5 fini sint.

332. Versus de accipitre et pavone.

- |  |   |
|--|---|
| <p>1. Avis haec magna<br/>         Ad astra tendit<br/>         Alta, sublimes<br/>         Aspergens voces<br/>         Agnum conlaudat,<br/>         Auctorem cunctis.</p> | <p>2. Bonus plasmator<br/>         Bene laudetur,<br/>         Bona per orbem<br/>         Bene formavit,<br/>         Bona percomplens<br/>         Benigne tegit.</p> |
|--|---|



3. Contectis plumis  
Concussit pennas,  
Cauda coruscat  
Colore fulgens,  
Cantum emittit,  
Cunctis praecellit.

4. Dilatat pavo  
Dignis triumphis  
Diversis modis  
Duo in rotis  
De parvis membris  
Decior cunctis.

5. Extrema die  
Extinctus sole.  
Excelsa subens  
Evadat mala,  
Extendens plumis  
Evolat summis.

6. Fortis acceptor,  
Firmior pavo,  
Ferozem sive  
Fidus despexit,  
Felix, invictus,  
Firmus permansit.

7. Gloria ipsi  
Gaudens vicisse,  
Girans in circo,  
Gestans in plumis,  
Gavisus canit  
Gloria pompis.

8. Huic volatu  
Hangeli vultus  
Honesto modo,  
Hilari vultu,  
Hoc est mirandus  
Huius aspectu.

9. In tempus veri,  
Ignis et floris  
Iungunt pennata,  
Invitant pascha,  
Invicem sonant  
Ipse et pavo.

10. Largum [hi] plaudent  
Linguis vibrantes,  
Liquescunt melle,  
Longe sonantur,  
Laudantque patrem,  
Laeti canemus.

11. Mirum probatur  
Mortua, carnis  
Multum post tempus  
Marcida linquens,  
Malaeque muscae  
Minime tangunt.

12. Nullusque tempus  
Nunquam excedit,  
Nullusque vermis  
Nunquam voratur,  
Nec ullus quidem  
Non invenitur.

13. Ovum exitus,  
Oblitus nidum,  
Ornetur plumis  
Oportet cauda,  
Obvia cunctis  
Offerens bella.

14. Pulchra est iuncta  
Pavone pugna,  
Pergunt simul[que]  
Pedes vibrantes,  
Plagis cruentis  
Pectus attendunt.

15. Quam pulcher totus  
Quasi platanus,  
Qui hoc viatur  
Quem quod gemmatus,  
Quod videns pectus  
Quasi zmaragdus.

16. Regali ritu  
Rutulet pavo,  
Recte cum digno  
Rege locabo,  
Regali . .  
Reguli esto.

17. Satisque pinguis,  
Satiat nimis  
Sapor vel gustus,  
Satiat pectus,  
Solusque bonus,  
Similis nullus.

19. Unumque trinum,  
Unus triumphis,  
Uerus occisus,  
Uerus aeternus,  
Uolans ad caelum,  
Uivens aeternus.

18. Trinitas summa,  
Tibi sit gloria,  
Tu factor bone,  
Tu cunctis vita,  
Tanta quae magna  
Tegit sub astra.

20. Xristus est natus,  
Xristus est passus,  
Xristus in cruce,  
Xristus se iussit,  
Xristus (in) sepulcro,  
Xristus (re)surrexit.

Collect. ms. Laudunense saec. 10. Cod. Bernen. 455. — 2, 6 Benigna. — 4, 6 Decior wohl so viel als Decentior. — 5, 3 Excelsas. — 5, 4 male. — 6, 1 acceptor für accipiter. — 7, 1 Gloriam. — 8, 1 Hic in. — 8, 2 vultu. — 9, 1 viri. — 9, 2 cum floris. — 10, 2 vibrantis. — 10, 3 Liquescet. — 11, 5 Malique. — 11, 6 tangit. — 13, 2 oblitum nidu. — 13, 3 Ornatur. — 15, 1 pulcher. — 15, 4 unverständlich. — 16, 6 esso. — 18, 1 sumat.

### 333. Dialogus Avari.

1. Quicunque vult salvus esse,  
Ut contemnat est necesse  
Crimen avaritiae,  
Nulla gratis dat avarus,  
Largitatis est ignarus,  
Virtutis et gratiae.

4. Sperne factum huius modi,  
Dixit Cato, rem custodi,  
Dilige denarium;  
Nam qui sua sic consumit,  
Aliena quando sumit,  
Vertitur in odium.

2. Responsio haec avari:  
Nos oportet gloriari  
In cruce nummi Domini,  
Paupertas non habet leges,  
Dum tu tantis rebus eges,  
Quae sunt tibi laus homini.

5. Vilis opum est acervus,  
Quas tu servas quasi servus;  
Largitate fungere!  
Ut mihi sit laus et honor,  
Non meis me rebus conor  
Quasi servus subdere.

3. Dona gratis, ut sis gratus,  
Felix eris et beatus  
Et te Deus diligit,  
Nam hilarem donatorem,  
Largientem more morem,  
Deus sibi eligit.

6. O quam felix, quam amoena  
Opulenta fit crumena  
Et nummorum copia!  
Ubi nummi, ibi census,  
Ubi amor, ibi sensus,  
Ibi pax et gloria.

- |  |   |
|--|---|
| <p>7. Cum sis plenus aeris tanti<br/>Tibi prava abundanti<br/>Quid prosunt divitiae?<br/>Ego satur, tu ieiunus,<br/>Fames una, dolor unus<br/>Angit te cottidie.</p> <p>8. Opes donant quodvis donum,<br/>Nummus solus summum bonum<br/>Et perfecta caritas,<br/>Nam quantitas quantitatum<br/>Et potestas potestatum<br/>Sola nummi quantitas.</p> <p>9. Quid in nummo nisi forma,<br/>Per quem perit legis norma,<br/>Sepelitur ratio?<br/>Augmentum est falsitatis<br/>Et sepulcrum veritatis,<br/>Mentis est confusio.</p> | <p>10. Opes omne bonum docent,<br/>Et quid mihi verba nocent,<br/>Sit salva pecunia?<br/>Non res meae moriuntur,<br/>Stultitiam patiuntur<br/>Fecunda marsubia.</p> <p>11. Opes tuae te derident,<br/>Quia dicunt, qui te vident,<br/>Quod opes te capiunt;<br/>Congregando te enervas,<br/>Possidebunt res, quas servas,<br/>Qui te mori cupiunt.</p> <p>12. Ergo vere, cum mundana<br/>Tam lubrica sint et vana<br/>Sine boni pondere,<br/>Amnis more si defluant,<br/>Divitiae si affluant,<br/>Nolite cor apponere.</p> |
|--|---|

Collect. ms. Henrici Schedel Nurenbergen. saec. 15. Clm. Monacen. 416. —  
3, 6 eligit. — 4, 2 Dixit cather. — 5, 5 me fehlt.

### 334. De Hospitalitate.

- |   |  |
|---|--|
| <p>1. Cum Deus in principio<br/>Cuncta creaverat,<br/>De caeli tandem solio<br/>Verbum et miserat<br/>Naturae praeiudicium<br/>Fit natus de virgine<br/>nascendo.</p> <p>De causis saluberrimis<br/>Deus incarnatur,<br/>Omissis sed plurimis<br/>Sola nunc dicatur,<br/>Ut expiaret vitium<br/>Factus est virtutes<br/>docendo.</p> <p>Quas sua sapientia<br/>Singulariter<br/>Factis decoravit,<br/>Sed unam per insignia,<br/>Dum Thetidem in Lyaeum<br/>Nuptiis commutavit,</p> | <p>Et quando quinque milia<br/>Monte praedicando<br/>Cibavit quinque panibus<br/>Plenam his copiam<br/>ministrando.</p> <p>2. Haec virtus hospitalitas<br/>Dici promeretur,<br/>Nil valet, si non caritas<br/>Illi maritetur,<br/>Ne fiat cum tristitia,<br/>Ipsam vultus hilaritas<br/>decoret.</p> <p>Creator enim hilarem<br/>Amat largiterem,<br/>Servemus morem comparem<br/>Hunc sequendo doctorem,<br/>Donantes cum laetitia<br/>Nec fraus vel subsannatio<br/>laboret.</p> |
|---|--|

Hospitem decet hospites  
Curialibus  
Verbis pertractare,  
Quolibet actu permites  
Eosdem familiam  
Condecet honorare ;

Nam probi augent famuli  
Decus hospitii,  
Sed servi nequam denigrant,  
Pleni sint iugiter hi  
supplicii.

3. Nonnulli sunt in propriis  
Per te manducantes,  
Extraneis hospitiiis  
Laute convivantes,  
Illorum hospes fieri  
Non delectatur *Henricus*  
*Moralis*.

Talium vita sepulcrum  
Iuste iudicetur,  
Quod foris est nimis pulchrum,  
Sed intus videtur  
Vermibus variis repleti,  
Foetore multimodis-  
que malis.

Sophistice forinsecus  
Pavonina sunt  
Cauda decorati,  
Atque domus intrinsecus  
Ardealibus anis  
Sopitur depravati,

Quorum crebro familia  
Nolens ieiunaret,  
Si clavis eos saepius  
Seris adulterina  
non cibaret.

4. Medii Christus loculum  
Semper diligebat,  
Per illud nos signaculum  
Omnes instruebat,  
Virtutum vectus circulis  
In medio quod staret  
vitiorum.

Hospes, in te discretio  
Decet motitari,  
Ne dicta virtus vitio  
[Possit] depravari,  
Servetur dandi modulus ;  
Eligendo medium  
extremorum.

Largitorum tene stateram,  
Prodigalitas  
A te propulsetur,  
Avari nec ama peram,  
Qui nunquam ut hydropicus  
Vel barathrum repletur.  
Sic nostras res hospitibus  
Rite largiamur,  
Post mortem nos caelestibus  
Ut epulis cum Christo  
perfruamur.

Collect. ms. Stiriace saec. 15. Cod. Stiriacen. L 26 [s. n.]. — 1, 24 Plena. — 2, 18 permitti. — 3, 16 sq. cauda sunt. — 4, 24 Ut fehlt. — Inhaltlich Lehrgedicht, der Form nach den Cantiones und den deutschen Meistersängen verwandt. Den Verfasser nennt 3, 6 sq. *Henricus Moralis*.

### 335. De VII Artibus Liberalibus.

1. Praevia grammatica  
sedet in senatu,  
Ipsa nutrix artium,  
quodam principatu  
Praeminens sororibus  
atque maior natu,  
Fido tamen obsequens  
illis famulatu.

2. Artis haec textoriae  
gerit instrumenta,  
Texere sororibus  
solet indumenta,  
Nam librorum series,  
quos haec est commenta,  
Artibus dat vestium  
quasi velamenta.



3. Post hanc dialectica  
Vultu celsiore,  
Gressu statim rapitur  
expeditiore,  
Vernat eius facies  
vivido colore,  
Perspicaci radiat  
oculus vigore.

4. Quodam privilegio  
vultus praesignita,  
Nunc sorores instruit  
omnium perita  
Haecque pro sororibus  
pugnat expedita,  
Armis sibi commodis  
commode munita.

5. Tertio rhetorica  
residens sedili,  
Sexu licet femina,  
robore virili,  
Apparatu vestium  
radians non vili,  
Quas colorum texuit  
serie subtili.

6. Fulgurat prae ceteris  
cultu laborata,  
Variis coloribus  
florum purpurata,  
Quasi pugnans pectore  
tota loricata,  
Cuius caput laurea  
surgit galeata.

7. Quattuor ex ordine  
subeunt sorores,  
Honoris frequentiae  
non dedigniores,  
Prior arithmetica  
certo numero res  
Claudens ad matheseos  
introducitur fores.

8. Haec quibusdam clausulis  
ludere perita,  
Calculando digitos  
volvitur expedita,  
Novitate vestium  
fulget inaudita,  
Circumvolitantibus  
numeris vestita.

9. Ordine subsequitur  
ars geometrarum,  
Colligit haec legibus  
certis mensurarum,  
Longos trahens aeris  
circulos stellarum,  
Maris altitudinem,  
spatia terrarum.

10. Multa privilegia  
profert sui iuris,  
Vestem multiplicibus  
pinxerat figuris,  
Cuncta certis spatia  
colligens mensuris,  
Circulis, triangulis  
sive quadraturis.

11. Post has vultum musica  
profert luculentum,  
Cantus quidem praevious  
nuntiat adventum,  
Nam cantandi multiplex  
gerit instrumentum,  
Dat, quas plectro temperat,  
fidibus concentum.

12. Hilarat concilium  
dulci sono lyrae,  
Docta chordas habili  
pollice ferire,  
Cogit altas gravibus  
voces convenire,  
Quod ex multis una vox  
creditur exire.

13. Ultima scientia  
sequitur astrorum,  
Illa liberalium  
maxima sororum,  
Caelum docta permeat  
atque superiorum  
Motum notans colligit  
causas futurorum.

14. Haec a lini nomine  
pallio vestitur,  
Tota quoque siderum  
signis insignitur,  
Suum diademate  
caput operitur,  
Sic ornatu fulgido  
fulgens redimitur.

Collect. ms. Campoliliense saec. 14. in. Cod. Campolilien. 137.

---

## Nachträge und Berichtigungen.

- S. 162, Zeile 17 v. o. lies Virga statt Virgo.  
S. 113, „ 4 v. o. „ Quocum statt Quae cum.  
S. 241, „ 4 v. u. „ Iuventutem statt Inventutem.  
S. 271, „ 10 v. n. „ Laudet coetus statt Gaudet.  
S. 284, „ 9 v. u. „ Landeline statt Landoline.  
S. 298, Nr. 275 ist durch Irrtum in diesen, statt in Band XLVb  
geraten.
-

# Inhaltsverzeichnis.

	Seite		Seite
<b>Adam</b> Adam primus homo . . . . .	377	Ave Iesu nomen mirabile . . . . .	73
Adam nos per vetiti . . . . .	98	Ave Iesu te colimus . . . . .	44
Adest tempus matutinum . . . . .	12	Ave lumen angelorum . . . . .	47
Adiuva nos Deus meus . . . . .	324	Ave Maria Magdalena . . . . .	294
Ad sermonem nostrae laudis . . . . .	188	Ave Maria tua mihi memoria . . . . .	209
Aeterne rerum conditor . . . . .	237	Ave martyr Christophore . . . . .	249
Agmine sidereo . . . . .	289	Ave martyr triumphalis . . . . .	250
Alleluia iterum modulis . . . . .	329	Ave mater salutaris . . . . .	201
Alma poli stella . . . . .	166	Ave mea specialis . . . . .	199
Alma redemptoris . . . . .	200	Ave pater egenorum . . . . .	316
Alma serena pia . . . . .	153	Ave plena gratia Angelorum . . . . .	207
Alme Dei digite . . . . .	28	Ave plena gratia Virgo vas . . . . .	124
Amat puer castitatem . . . . .	324	Ave praesul honestatis . . . . .	290
Amor verus omnia . . . . .	64	Ave regina caelorum . . . . .	136
Angelorum gloria . . . . .	238	Ave rex lumen cordium . . . . .	47
Anna stellam matutinam . . . . .	240	Ave sancta Barbara . . . . .	244
Ante tuam faciem . . . . .	235	Ave sancta Dei genetrix . . . . .	167
A patre prodit genitus . . . . .	19	Ave sub panis specie . . . . .	111
Arce siderea Phoebe refulserat . . . . .	62	Ave virgo concipiens . . . . .	132
Area rosea vinea . . . . .	194	Ave virgo Deo grata . . . . .	253
Artes docta regis nata . . . . .	282	Ave virgo Dorothea . . . . .	254
Audi laudes horae primae . . . . .	13	Ave virgo gloriosa Mater . . . . .	212
Augustinus ex honestis . . . . .	241	Ave virgo gloriosa Sponsa . . . . .	182
Aurea vale virgula . . . . .	231	Ave virgo Katherina . . . . .	281
Ave Barbara beata . . . . .	243	Ave virgo mater pia . . . . .	182
Ave caeli redimita . . . . .	295	Ave virgo singularis . . . . .	136
Ave Christi mater digna . . . . .	215	Ave virgo tu Christina . . . . .	248
Ave clara lux solaris . . . . .	212	Ave virgo verecunda . . . . .	131
Ave clarissima sanctorum . . . . .	298	Avis haec magna . . . . .	384
Ave clarum miraculum . . . . .	147		
Ave confessor Leonarde . . . . .	286	<b>Barbara</b> virgo Dei spes . . . . .	243
Ave custos dulcis meus . . . . .	236	Beataram mulierum . . . . .	245
Ave decus ecclesiae . . . . .	213	Beati sunt qui habitant . . . . .	228
Ave gemma o praeclara . . . . .	244	Benedicta omnibus . . . . .	117
Ave gemma pudicitiae . . . . .	117	Bina legione David . . . . .	302
Ave gloriosa Dulcis et . . . . .	192	Bridlingtonis prior pie . . . . .	269

	Seite		Seite
Caelestis regis principes . . .	238	Fluxit ille labor magnus . . .	10
Caelestium rex agminum . . .	18	Fons Deus pater omnium . . .	22
Caeli porta nobis orta . . .	145	Forma crucis sanctae tibi . . .	104
Caeli reginam te iure . . .	169	Fortis ut mors dilectio . . .	123
Candor aeterni luminis . . .	71	Funde preces in caelis . . .	219
Cardo caeli Punctum meridiei .	146		
Catechizans et baptizans . . .	271	Galli cantu mediante . . .	11
Christe nostra redemptio . . .	72	Gaude cuius uterum . . .	133
Christi virgo Katharina . . .	277	Gaude Deo plena gaude . . .	169
Clara pudicitia pulcherrima .	154	Gaude dulcis Margareta . . .	296
Cleri universitas . . .	269	Gaude felix Anna mater . . .	239
Collaudo te matrem Dei . . .	214	Gaude martyr Christophore . .	248
Consolator miserorum . . .	26	Gaude martyr Margareta . . .	295
Contemplemur crucifixum . . .	131	Gaude perpetuo praedulcis . .	266
Copiosae caritatis Nicolae . .	299	Gaude regina nobilis . . .	119
Crucis in ara Iesu cruentato .	93	Gaude sola pia sine crimine .	166
Cum Deus in principio . . .	387	Gaudet coetus noster laetus .	271
Cunctipotens Dominus . . .	46	Gaude Thoma ducum decus . .	311
Cursum mundi sol vergentis .	9	Gaude virgo Christo grata . .	253
		Gaude virgo concipiens . . .	132
De crystallo scintillula . . .	125	Gaude virgo iure matris . . .	147
De patre prodit genitus . . .	19	Gaude virgo laudabilis . . .	185
Deus admirabilis . . .	204	Gaude virgo mater Christi . .	134
Deus de nullo veniens . . .	19	Gaude virgo sponsa Christi . .	279
Deus qui ad imaginem . . .	237	Genitor ineffabilis . . .	18
Dignus laude martyr gaude . .	272	Genovefa flos virginum . . .	261
Diva parens maerore carens .	153	Gloriose rex Oswine . . .	300
Dives virtutibus Dira . . .	310	Gratia caelestis reparatrix . .	169
Dulce melos tangat caelos . .	271	Gratias ex esu referamus . .	329
Dulcis amice vides . . .	102		
Dum sub mundi vespere . . .	64	Heu heu Christe Deus . . .	130
		Hic sacerdos fuit ordine . . .	265
Eia veracis Hierusalem . . .	234	Hieronymus scholastica . . .	264
En ego heu vilissimus . . .	129	Hora nona qui potenter . . .	16
En Iohannes humi promus . . .	274	Hora sexta crucifixus . . .	15
Eremita tua vita . . .	272	Hora tertia qui missus . . .	15
Est Hugo de Burgundia . . .	267	Huius mundi de profundi . .	38
Est pretium in pretio . . .	366		
Evangelista fulgidus . . .	274	Ianua solis filia prolis . . .	165
Excitare o cor meum . . .	245	Ieronymus scholastica . . .	264
Expurgator scelerum . . .	101	Iesse florem produxit . . .	146
Extollamus virum sanctum . .	272	Iesu Christe sempiterni . . .	40
		Iesu decus angelicum . . .	71
Firma Frideswitha . . .	261	Iesu Mariae filius . . .	252
Fistula dulce sonat ut . . .	354	Iesu superni radius candoris .	86
Florens virgo caeli rore . . .	247	Illustrator cordium . . .	202



	Seite		Seite
Imperatrix egregia . . . . .	218	Michael cum Gabriele . . . . .	225
Incipe lingua senum . . . . .	16	Mirentur mundi climata . . . . .	362
Inclita martyr Avia . . . . .	242	Miserere mater Dei . . . . .	144
Inclite Christi confessor . . . . .	276	Miserere mei Deus . . . . .	223
In matutinis Domine . . . . .	20	Mitis Agnes quae nupsisti . . . . .	235
In psalmis hymnis canticis . . . . .	21	Mole gravati criminum . . . . .	173
Insontes Domini nobis . . . . .	267	Mors est ventura cuius . . . . .	352
Intacta viscera Pudicae . . . . .	67	Mortis ad montem te Iesu . . . . .	92
Intima laetitia . . . . .	323	Mulciber exsulta mons . . . . .	268
Iohannes amantissime . . . . .	274	Multam labem peccatorum . . . . .	333
Iohannes apostole . . . . .	274	Mundi prosperitas Et vitae . . . . .	359
Iuste Iudoe precum . . . . .	268	Mundi salus o Maria . . . . .	208
Iuvans prece nos a nece . . . . .	272	Mundi sator et plasmator . . . . .	271
		Mundus abit res nota quidem . . . . .	354
<b>K</b> atherina gemma clara . . . . .	277		
<b>L</b> audet coetus noster laetus . . . . .	271	Nata natum adora . . . . .	146
Laurentius in ordine . . . . .	285	Naturam nostram Christus . . . . .	161
Laus tibi caelorum dux . . . . .	167	Nondum rerum serie . . . . .	61
Luctu amaro noti lamentantes . . . . .	95	Nunc amoris indicia . . . . .	112
Ludimus heroico versu . . . . .	152	Nunc Christum olim patribus . . . . .	71
Lux illucens illustravit . . . . .	289	Nunc omnes gentes populi . . . . .	21
Lux nova sublimis de . . . . .	73		
Lux veneranda bonis . . . . .	151	<b>O</b> Adonai Domine . . . . .	21
		O angelorum gloria . . . . .	238
<b>M</b> agnificare piam decet . . . . .	152	O Antoni sancte pater . . . . .	240
Mane concurrat coetus . . . . .	89	O athletae Thebaeorum . . . . .	311
Margarita pretiosa . . . . .	256	O aurora rutila . . . . .	146
Maria Christifera . . . . .	129	O beata Katherina . . . . .	281
Maria per ingenitum . . . . .	217	O Birgitta stella clara . . . . .	246
Maria summa orta . . . . .	169	O caelestis regni rosa . . . . .	279
Maria virgo regia . . . . .	179	O cara anima Deo . . . . .	319
Maria virgo virginum Ora . . . . .	216	O crux ave sanctissima . . . . .	107
Maria virgo virginum Quae . . . . .	217	O crux ave spes unica . . . . .	106
Mater ave Christi sanctissima . . . . .	168	O decus Anglorum titulis . . . . .	250
Mater casta pia clarissima . . . . .	155	O Deus exercituum . . . . .	238
Mater Christi noli flere . . . . .	131	O felix regnum patriae . . . . .	230
Mater dulcis nos dignere . . . . .	214	O filii ecclesiae Deum . . . . .	21
Mater misericordiae . . . . .	217	O flos egregia nascens . . . . .	156
Mater patris et filia . . . . .	202	O flos primatum decus . . . . .	286
Mater virgo Dei decus . . . . .	159	O fons misericordiae . . . . .	210
Matutino tempore . . . . .	284	O Francisce Concupisce . . . . .	260
Maximum solacium . . . . .	108	O Francisce pater sancte . . . . .	259
Mellifluus Iesus sit nobis . . . . .	328	O fratres devotissimi . . . . .	320
Memorans novissima . . . . .	340	O gloriose domine . . . . .	24
Mente gaudens praedicabo . . . . .	197	O Ierusalem superna . . . . .	300
		O Iesu lumen mentium . . . . .	47

	Seite
O Iohannes amabilis . . . .	273
O Lucia gratiosa . . . .	287
O lumen verum genitum . .	50
O lux sanctorum speculum . .	229
O lux sempiterna . . . .	51
O Maria gloriosa angelorum .	172
O Maria lux divina . . . .	135
O Maria Magdalena . . . .	294
O Maria mater Christi . . .	132
O Maria mater Dei . . . .	208
O Maria mater Dei Miserere .	172
O Maria quae stetit . . . .	293
O Maria recordare . . . .	126
O mater matrum materno . .	164
O milites angelici . . . .	24
Omnes confitemini Deo quia .	314
Omnes sancti dirigite . . . .	24
Omnipotens miserere . . . .	25
Omnipotens solus qui regnas .	52
Omnipotens vis trina Deus . .	61
Omnis homo qui premeris . .	291
O mortales quid agit . . . .	358
O nobilis virgo Lucia . . . .	287
O pater nate spiritus . . . .	22
O praeclara Caecilia . . . .	248
O praedulcis parvule . . . .	72
O principes angelici . . . .	238
O princeps pacis . . . .	26
O qualem quantum . . . .	22
O quam sacerdotium . . . .	329
O quanta perfectionis . . . .	111
O regina angelorum . . . .	175
O regina caelorum . . . .	219
O regina paradisi . . . .	213
O regina sanctitatis . . . .	184
O regum rex altissime . . . .	25
O sacra virgo nobilis . . . .	280
O sancta Deus trinitas . . . .	18
O sancte Christophore . . . .	249
O sancte Dominice . . . .	252
O triclinium nobile . . . .	23
O trinitas sempiterna . . . .	23
O tu qui miseros spernis . . .	383
O Ursula nobilis . . . .	313
O viridis palma . . . .	256
O viva Christi hostia . . . .	287

	Seite
O vos omnes qui transitis . .	349
O vos sancti Maccabaei . . .	291
<b>P</b> ange lira cordis mei . . . .	338
Paradisi amoena regio . . . .	229
Parce pater piissime . . . .	17
Parendi velocitas . . . .	297
Pascha novum celebrate . . .	110
Passionis Christi primus . . .	310
Pater alme vere Deus . . . .	36
Pater creator omnium . . . .	18
Pater fili paraclite . . . .	17
Pater qui de nihilo . . . .	33
Pater qui es ingenuus . . . .	31
Pater rerum omnium . . . .	30
Pater sancte a quo mundus . .	337
Patris unigenitus . . . .	68
Paulus aemulator legis . . .	302
Per pretiosam omnium . . . .	228
Per sanctos tuos Domine . . .	227
Petrus de petra mittitur . . .	308
Pie Iesu recordare . . . .	53
Plebs fidelis et devota . . . .	280
Pontificum Martine decus . . .	296
Post peccatum hominis . . . .	377
Praecipit praeses Iesum . . . .	91
Praesidium vitae . . . .	257
Praevia grammatica . . . .	388
Precamur sancta trinitas . . .	20
Pretiose virtutum flos . . . .	297
Promissa Deus praemia . . . .	228
Pulchra Maria serena Maria .	154
<b>Q</b> uae vitae es vena mihi . . . .	293
Quem veneratur civium . . . .	237
Quicumque vult salvus esse . .	386
Qui descendisti Domine . . . .	71
Quid in hac miseria . . . .	356
Qui gremio matris resides . . .	72
Qui poetarum dogmata . . . .	384
Quique laboratis si vultis . . .	257
Qui signati estis Christo . . . .	253
Quisquis ades plange crucis . .	96
Qui te orant o Maria . . . .	202
<b>R</b> egis regum plebs devota . . .	304
Remove cito peccata . . . .	219

	Seite
Res nova mirabilis . . . .	193
Rex civium caelestium . . .	227
Rite diem festum colimus . .	150
Rogo corde pertractari . . .	370
<b>Sacerdotes nunc audite . . .</b>	<b>331</b>
Salve Christi crux praeclara .	103
Salve Christi parens et nata .	163
Salve decus feminarum . . .	211
Salve flos florum lux vita . .	143
Salve Iesu Nazarene . . . .	96
Salve Iohannes sancte . . . .	270
Salve martyr et regina . . . .	278
Salve mater miserorum . . . .	139
Salve mater salvatoris . . . .	211
Salve parens adornata . . . .	191
Salve pater exsulantum . . . .	284
Salve regina omnium . . . .	176
Salve salvator mundi . . . .	52
Salve sancta Caecilia . . . .	246
Salve sancte Michael . . . .	235
Salve sancte prior . . . .	269
Salve splendor paradisi . . . .	239
Salve virgo pia caeli . . . .	158
Sancte pater summa caeli . . .	29
Sancte praesul bone . . . .	312
Sancte tuum nomen . . . .	30
Sanctus Luthardus regali . . .	290
Sapiens hoc carmen audit . . .	363
Satis verba varia . . . .	366
Sceleribus homo plene . . . .	293
Semper ave dia genetrix . . .	136
Splendida stella maris . . . .	168
Splendor paternae gloriae . . .	70
Stella Maria maris quae . . . .	163
Stella maris candoris ebur . . .	166
Stella maris o Maria . . . .	174
Stelligeri splendor salve . . . .	168
Stillat in stellam radius . . . .	190
Sua Simon dat decreta . . . .	364
Sume plectrum lingua metri . .	360
Summae Deus potentiae . . . .	238
Summe pater Nicolae . . . .	299

	Seite
<b>Tactum pudoris nesciens . . .</b>	<b>70</b>
Talis es et tanta crucifixi . .	104
Te cupio salutare . . . .	55
Te Deum canit iugiter . . . .	227
Te lucis sinceritas . . . .	147
Te mihi pacifica vitae . . . .	162
Temptator pravus et . . . .	332
Te ob sanctorum merita . . . .	228
Te rex Iaspar imploramus . . .	309
Terna iam dena moriens . . . .	257
Te vere summa trinitas . . . .	21
Tolle sarcinulus Qui crucem . .	384
Totus mundus est subversus . .	361
Trinitas lumen luminum . . . .	19
Triumphale lignum crucis . . .	106
Tu sacerdos altissime . . . .	112
Tu signifer tu lucifer . . . .	272
Tuum Sion exsilium . . . .	369
<b>Unius numinis sed trium . . .</b>	<b>137</b>
Ut de Iesu nomine . . . .	75
Uti sponsus de regio . . . .	71
<b>Vado mori mori naturae . . .</b>	<b>351</b>
Vae vobis hypocritae . . . .	367
Vale virgo regia . . . .	183
Vanitatum vanitas . . . .	357
Veneranda trinitas . . . .	18
Veni persona tertia . . . .	27
Veris flos Herba ros . . . .	325
Virga parit florem . . . .	162
Virgo clemens virgo pia . . . .	213
Virgo Dei genetrix . . . .	157
Virgo Dei mater clarissima . .	151
Virgo laudanda Impetra . . . .	241
Virgo maris stella Iesse . . . .	159
Virgo mater melliflua . . . .	174
Virgo prudens margarita . . . .	295
Virgo puerpera sis mihi . . . .	155
Virgo serena mater amoena . .	164
Virgo restauratrix mundi . . . .	158
Virtus angelorum deluditur . .	102
Vox invalescit subsannationum	88
<b>Wesselprunnenses fratres . . .</b>	<b>211</b>


Pierersche Hofbuchdruckerei Stephan Geibel & Co. in Altenburg.



263







46 // 10826

THE INSTITUTE OF MEDIAEVAL STUDIES  
59 QUEEN'S PARK CRESCENT  
TORONTO - 5, CANADA

10826.

